

ANNVS SACER  
POETICVS,  
SIVE

Selecta de Diuis Cælitibus

EPIGRAMMATA

IN SINGVLOS ANNI DIES TRIBVTA,  
duobúsque Tomis partita.

A R. P. PETRO IVSTO SAVTEL, è S.  
IESV *lucubraia.*

IANVARIVS.

FEBRVARIVS.

MARTIVS.

APRILIS.

MAIVS.

IVNIVS.



PARISIIS,

Apud IOANNEM HENAVLT, Bibliopolam Iuratum,  
viâ Iacobæâ, sub signo Angeli Custodis.

M. DC. LXV.

*Cum Priuilegio Regis Christianissimi.*







STECA N° 2  
ROMA

ILLVSTRISSIMO, NOBILISSIMO,  
DOCTISSIMOQUE VIRO, D.  
LVDOVICO DE MACHAVT,  
IN MAIORI REGIS CONSILIO  
Præsidi Antiquiori.

PETRVS IVSTVS SAVTEL, è Societate IESV  
Salutem plurimam D. D. D.



**P**ERCEPI, Præses Amplissime, &  
non Themidis solum, sed & Musarū  
Mysses dignissime, percepi contra  
nostrum morem, ac vulgarem Poë-  
tarum consuetudinem, quorum Laurus steri-  
les & infrugifera ut plurimum damnatur,  
cumulatissimum laborum meorum fructum,  
& maximam, quam ex ijs optare poteram,  
mercedem, si tibi tante, ac tam eximio Viro,  
ac in tanta dignitate constituto placere potui.  
Doctus aliàs cum essem à nostris hominibus,  
hoc est Poëtis, & alijs quibuscumque veneran-  
da Antiquitatis Proceribus, iudicium Vulgi  
contemnere, nec in turbam Carmina scribere,  
tua unius, qui mihi instar omnium es, com-  
mendatio, amplissimum theatrum est. Et quòd







STECA N° 2  
ROMA

ILLVSTRISSIMO, NOBILISSIMO,  
DOCTISSIMOQUE VIRO, D.  
LVDOVICO DE MACHAVT,  
IN MAIORI REGIS CONSILIO  
Præsidi Antiquiori.

PETRVS IVSTVS SAVTEL, è Societate IESV  
Salutem plurimam D. D. D.



**P**ERCEPI, Praeses Amplissime, &  
non Themidis solum, sed & Musarū  
Mysles dignissime, percepi contra  
nostrum morem, ac vulgarem Poë-  
tarum consuetudinem, quorum Laurus steri-  
les & infrugifera ut plurimum damnantur,  
cumulatissimum laborum meorum fructum,  
& maximam, quam ex ijs optare poteram,  
mercedem, si tibi tante, ac tam eximio Viro,  
ac in tanta dignitate constituto placere potui.  
Doctus aliàs cum essem à nostris hominibus,  
hoc est Poëtis, & alijs quibuscumque veneran-  
da Antiquitatis Proceribus, iudicium Vulgi  
contemnere, nec in turbam Carmina scribere,  
tua unius, qui mihi instar omnium es, com-  
mendatio, amplissimum theatrum est. Et quòd

## EPISTOLA.

*idipsum honorificentissimè testari volueris  
tuis illis omni sale ac lepore conditis literis,  
augmentum profecto est honoris maximum, &  
cumulus dignitatis amplissimus. Suaviatus  
sum non semel suauem illam & amantissi-  
mam Epistolam, & demiratus sum in Sene  
veneres, lusûs, delicias, elegantiam, quam vel  
feruida ac iuuenilis ætas vix ferre possit: Hen-  
decasyllabos ita amœnos, ita suaves, ut non  
alios ipsa Catulliana Euterpe dictare valeat.*

*Quid vero de tua Tulippa dicam, qua nullas  
unquam hyemes passura est; quam ego dum  
contemplor, dumque lego, iterumq; relego, mea  
simul rosa, ac viola non condolere non possum,  
qua se à tuo flore longissimè relinqui ac supe-  
rari vident? Majestatem, ut hoc genus Car-  
minis postulat, demiratus sum, & cum Te alibi  
suavissimum in Hendecasyllabis repererim;  
intelligo quâ ipse sis ingenij dexteritate, &  
quàm ad omnes Poëtici numeri partes ido-  
neus. Demum exigua tua opella, lenis quidem  
mole, sed arte grauis in se vna complectitur*

*Quidquid habent Veneres venerum, Charitesque  
leporum,*

*Quicquid Musa ioci, quicquid Apollo falis;  
Quodcumq; est artis, quodcumq; nitoris vbiq;  
Ingenij, ac genij quicquid vbiq; viger.*

*Gratulantur sibi nostræ Musæ quòd suas lau-  
ros & sua studia non aspernetur Illustrissimus*

## EPISTOLA.

*Præses ac Dignissimus, cui Forum & Parnassus seruiat, & Poetas simul & Litigantes habeat clientes. Neque enim tantum es Poëtarum lumen ac columen, sed & afflictorum portus, qui tuam opem quotidie implorant ac sentiunt, & ad Te tanquam ad sacram anchoram confugiunt; cumque te doctrina reddat spectabilem, tua Te virtus mirabilem toti Gallia exhibet.*

Qui scribenda facit, scribĭve legenda, beatus  
 Ille, magis fœlix es, quod utrũque facis.  
 Digna legi scribis, facis & dignissima scribi,  
 Scripta probant doctum te tua, facta probum.

*Sed incorruptum Themidis Sacerdotem laudent alij, mearum esse partium videtur, Senectutem laudare literatam, ingeniosam ac totam Apollineam, & quandoquidem inter Poetas locum ac nomen habere non dedignaris, habe quantum fieri potest etiam dignissimum inter Augustos ac Mæcenates Poëtarum fautores ac Patronos. Et certè mihi non incommode accidit, ut hoc ipso tempore librum habeam præ manibus typis cudendum, quem si me hoc quoque honore dignari volueris, tuo Nomini consecrare velim, & lucem sub tuis auspicijs aspicere. Huic ego titulum feci,*  
 ANNVS SACER, quod hîc Epigrammata scripserim de Diuis Calitibus, qui per annum

## EPISTOLA.

*uno quoque die celebrantur, idque minimum  
erit mea in Tuam Dominationem observantia  
monumentum; Vale ac in multos annos so-  
spes ac felix vine.*

Turnone primâ Aprilis 1661.





Illustrissimo, Nobilissimoque viro,  
D. LVDOVICO DE MACHAVT  
in Maiori Regis Consilio Præsidi  
Antiquiori.



CCE tibi (Vir Illustrissime) An-  
num Sacrum R. P. Iusti Sautel  
non alio auspiciatius quàm tuo no-  
mine dedicandum. Quem quidem  
quàm æquum sit offerri Tibi, dubitare non  
potest qui aut eius erga te dum viueret ob-  
seruantiam, aut supremam morientis vo-  
luntatem agnouit. Ego certè cui ante alios  
contigit multos annos cum eo familiariter  
viuere, hanc possum rei minimè dubiæ fi-  
dem facere, quàm magna ille atque egre-  
gia de te sentiret, déque illo quo ipsum ho-  
nestabas fauore; quo fieri diceret vt vix ali-  
cuius in eo genere laudis auidus, iudicio ta-  
men & commendatione excitatus tuâ, quasi  
quodam gloriæ igniculo, ad scribendum ac-  
cenderetur. Quoties audiuiimus illum di-  
centem, hanc sibi mentem esse, hoc propo-  
situm, laudes tuas non vnus Epistolæ an-  
guistiis concludere, sed integro grauioris  
Mineræ opere celebrare, nomenque tuum,  
si minùs ad omnem pro suâ tenuitate spe-  
â iiij

## EPISTOLA.

rare liceret, ad longam saltè postnitatis  
 memoriâ commendare. Quem sibi ani-  
 mum ubi morte præripit sensit, hoc me ro-  
 gare cœpit intensius, ut hæc quæ præ mani-  
 bus erant Diuorum Elogia operis succisuis  
 elaborata, Tibi quem ille Anni sui Sacri ve-  
 rum solem interdum vocare solebat, in ali-  
 quod grati animi monumentum offerrem.  
 Meam verò ne ille fidem in promissis vn-  
 quàm desideret, eò libentiùs facio (Vir Illu-  
 strissime) quòd per Te huic operi non me-  
 diocrem commendationis accessionem fu-  
 turam existimem. Neque enim, etsi illa  
 abessent priuatæ obseruantia officia, po-  
 terat ille feliciùs Annum suum Sacrum  
 quàm à Te ritè inuocato auspiciari; quo-  
 niam nec omni ex parte Sacer dicendus erat,  
 nisi Tibi dicatus, à Te in primo limine  
 constituto euolueretur. Audeo dicere, nec  
 ipse Author Poëtæ nomine dignus esset,  
 nisi eius ambiret patrociniũ, quem tota  
 Gallia non solum ut Poëtarum Mæcenatem  
 agnoscit, sed ut propriis etiam operibus de  
 totâ re Poëtica bene meritum, & suâ quo-  
 que lauro conspicuum. Vidimus præclara  
 illa ingenij tui monumenta quæ nostro  
 Poëtæ, pro eâ quâ eum beneuolentiâ com-  
 plectebare, misisti paucis ante eius obitum  
 mensibus; atque in iis mirati sumus Flos-

# EPISTOLA.

culos illos ex hortis tuis decerptos, & tantâ venustate insignes, vt vel ipsa florum parens Natura posset inuidere. Ita scilicet vtrâque fulges Themidis & Apollinis Infulâ conspiciendus, vt quantum illa in iudiciis eminet sapientiâ tuâ incredibili cum singulari integritate coniunctâ, tantum ista priuato in otio emicet; cum relicto, iucundo illo quidem, at non satis Musarum amico fori strepitu, mansuetiores amas reuifere literas & ad amœniora studia animum referre. Atque hîc, scio enim, quoniam à Poëtis vis adiri, cum te conuenit ANNVS SACER, defuncti parentis posthumus filius, eandem se sperat gratiam initurum, quam, vt ex eo hominum genere nemini, præcipue tamen R. P. Iusto Sautel non denegabas. Tum verò quâ ille apud Te authoritate, quâ commendatione valebit, eâdem alios, qui quamplurimi sunt extra urbem, eius amicissimos deuincies. Quorum omnium tibi bene cupientium vota vnus hâc Epistolâ repræsentat, etsi non alio notus nomine quam quo optat esse.

*Tibi, Vir Illustrissime*

*Deditissimus F. P.*



ELOGIVM FVNEBRE  
R. PATRIS  
PETRI IVSTI SAVTEL  
E SOCIETATE IESV,  
*Ætatis huius nostra Poëta Clarissimi.*

I.

**P**ETRVS IVSTVS SAVTEL è Societate Iesù, Delphinus Patriâ, domo Valentinas, maturâ si virtutem, immaturâ, si ætatem spectaueris, morte præreptus est. Turnoni octauâ die Iulij anni 1662. quadragesimum nonum vitæ annum, ingenti omnium luctu, nec sine opinione sanctitatis, sacris omnibus ritè procuratus, placidissimâ morte conclusit. Indeque vt piè credere fas est, *Iustum deduxit Dominus per vias rectas, vt ostenderet illi Regnum Dei.*

II.

Vir fuit Ingenij politissimi, literisque humanioribus apprimè exculti. Poëticam ac Rhetoricam per annos plures magnâ cum laude professus est. Natus in primis Apolline non irato, facilem Heliconis aditum nullisque vepribus impeditum inuenit, & viam, si quis alius, nouit quâ sit eundem ad carmen.



### III.

Tam scitè scripsit ac copiosè de Diuæ Magdale-  
næ sacris ignibus piisque lachrymis, vt, si quid vi-  
deri possit hac in re nimium, videri nimius pos-  
sit. Lusus insuper Allegoricos Attico sale plenif-  
simos, Hominumque moribus suauiter informan-  
dis aptissimos in lucem edidit. Annum sacrum, hoc  
est, Diuorum in singulos anni dies conscripta me-  
tricè, necdum Typis vulgata reliquit Elogia. Li-  
bros itidem de rebus à Christo Nascente, Agente,  
Patiente, ac Triumphante gestis parabat quatuor,  
quos immortalì Deo velut Appendicè amoris vlti-  
mam, si vixisset diutiùs, ex animo consecrasset.

### IV.

Magno sanè virorum eruditorum plausu excepti  
partùs ingenij fecundissimi. Literas officij plenas  
atque gratulationis à præstantibus doctrinà viris  
accepit quamplurimas. Pressit omnes obstinatissi-  
mè, satiusque semper duxit sui vnus æstimator  
iniquus ac iudex, à Lectoribus, vt aiebat, suis ve-  
niam impetrare quàm laudem.

### V.

Non dubitabat Illustrissimus vir D. *de Machaut*  
Amplioris Consilij meritissimus Princeps, Patron-  
us idem Poëtarum ac Iudex æquissimus, ætate iam  
grandior, & in supremo dignitatis fastigio collo-  
catus, de Poëtica re, quâ valet ac delectatur plu-  
rimùm, cum *Iusto* per literas amicissimè commu-  
nicare.

### VI.

Eam certè non ita pridem de illius carmine sen-  
tentiam tulit vir plane Doctus suaque famâ notif-  
simus D. *de Montmor*, Libellorum supplicum Ma-  
gister, Academiæque politioris è Proceribus vnus,  
vt candido pectore pronuntiauerit, nihil sibi oc-  
currisse hætenùs apud veteres Elegorum Condi-

tores, aut versûs concinnitudine numerosius, aut ingeniosius, aut elegantius. Visus nimirum est oculatissimo viro *Iustus* & Ouidio limatior, & Tibullo suavior, utroque haud dubiè religiosior, quod ubique Musas pudicè tractarit Virgines; quas alij fecerant Meretrices.

#### VI.

Stylus illi certè Latinus & castus, elegantem quamdam præ se indolem ferens, sine strepitu efficax, sine pompâ conspicuus; ita latenter ac dissimulanter elaboratus, ut in eo se forma, non cultus ostentet. Sententia non supra modum elata; sed naturali quâdam pulchritudine exurgens. Dictio plena sanguinis atque coloris; suavis ex concursu vocum æquabili carminis modulatio; jucunda ex fabularum complexione doctrina; ubique ingenij curiosa felicitas. Atque hæc omnia sentiri legendò, quàm exprimi dicendo multò sanè commodiùs possunt.

#### VIII.

Quid plura? vitæ puritatem in scripta sua transmisit vir religiosissimus. Singularis quippe in eo semper enituit animi candor & mores sine fuce fieri, quibus summam erga se fiduciam omnibus faciebat. Fraudis ac doli nescius & incapax, auersabatur animi frontisque diffidium. Sermonis illi gratia comitasque amabilis cum suavi argutoque verborum lepore conjuncta; ad Præsidum nutûs promptissimus animus, in Deum Religio summa; Pietas in Deiparam ac Cœlites singularis.

#### IX.

Incredibile dictû est, quàm liberalis ei fuerit in socios charitas vel cum incommodo suo, quàm alienæ semper, nunquam vero suæ commoditati obuius animus, quàm solers studium gratificandi singulis, quàm honorifica ratio agendi cum om-

nibus : tam rogari nescius , quam negare ; quos  
charitate suâ prosequeretur , illos ipsos charita-  
tem latere suam volebat. Quare nullo beneficen-  
tiæ strepitu, nullo paratu beneficij, vnâ contentus  
voluptate benefaciendi , clanculû occupabat  
omnium vota, preces anteuertebat .

X.

Religiôsæ paupertatis amor tantus, vt in amictu  
stratoque sectaretur obsoletiora , nec adduci vn-  
quam potuerit, vt nouam togam indueret. In ege-  
nos autem afflictiæque fortunæ viros tam profusa  
benignitas, vt ipsemet stipem in manus , in sinum,  
intra vestem, vbi tutò latere beneficium posset, vl-  
trò ingereret Mendicabilis.

XI.

Plebeios fortunæque tenuioris Homines eximio  
quodam studio complectebatur. Eorum domos  
multò quàm ædes locupletiorum adibat libentius;  
benè de singulis merendi captabat omnes articu-  
los ; componebat eorum lites; sedabat iurgia do-  
mestica; bonis moribus in Sodalitio Deiparæ Virgi-  
nis, cui per multos jam annos præerat, informabat.  
Eosdem ægros cum visitasset de die, nocte postme-  
dum reuifurus indefessâ charitate surgebat. Illos  
deniq; in omnibus iuuandi ardor indefessus & spiritus  
inquiet tamdiu vigit, quâdiu gessit illorû curam.

XII.

Mirum planè est, quàm inter hæc nullus ei de se,  
quàm de cæteris eximius sensus vbique fuerit.  
Tranquillæ mentis cum esset, eundem semper ce-  
norem præferbat ac vultum ; nisi cum propriæ  
existimationis fastidio captus faciem aliquando  
contraheret, vt coniectas in se laudes amoliretur.  
Aliena semper commendare, sua despicere, nemini  
obloqui , omnia probare , tam laudis impatiens  
suâ, quàm studiosus alienæ. In ore cum esset om-

nium, vnus ignorabat seipsum, adeoque gloriam non adamabat, vt non immeritò dixerit aliquis, *Iusto* suas laudes etiam post mortem displicituras, quas adeò refugisset in vita. Miratus est agrèque tulit D. de Montmor, postquam Poëtæ clarissimi scripta perlegit, tamdiu latuisse, nec foras erupisse illius famam. Nesciebat scilicet vir Illustrissimus, quàm maluerit semper bene *Iustus* facere, quàm videri; & scire multa, quam sciri vicissim à multis.

### XIII.

Nec in morte quidem sui dissimilis, nisi quòd seipso tunc maior. Supremum enim Actum priori haud absimilem esse voluit, non jam Apollinari, sed immortalì laureâ coronandus Poëta: & qui Deo magis, quam sibi vixerat, vni etiam Christo cruci affixo immori voluit. Dederat ille quidem in vita Poësi operam, sed maiorem æternitati dedisse vel ex morte compertum est. Diuturno morbo grauitè affectus hâc vna re angebatur, quòd nimia sociorum esset erga se charitas. In tantam molem illius hepar excreuit, vt vniuersa fermè præcordia jam occuparet, immanique, vt post eius mortem apparuit, sedecim librarum pondere reliquum corpusculum opprimeret. Vix hærebat ossibus, vix poterat sine alterius ope se in latus conuertere, siti encabatur, ferebat omnia dissimulato dolore, clarissimo patientiæ religiosæ ac tranquillitatis triumpho.

### XIV.

Mortis nuntium tam intrepido excepit animo ac si de vita alterius ageretur. Quin-imò suam ipse mortem præuenit, rebus caducis ac sibi, vt vni Deo viueret, mortuus. Totos quindecim ante obitum dies in Christi crucifixi imagine, quam semper habebat ad manum, vt in mortem prodiret armator, contemplandâ, in eâdem exosculandâ piisque col-

loquiis demulcendâ , magna cum animi sui volup-  
tate , rationis suæ , vt cum maxime , compos tra-  
duxit. Ac demum in osculo Domini , quo se non  
multò ante refecerat ; in gremio Deiparæ , quam  
semper enixè coluerat ; in sinu Cœlitum, quos sibi  
studio peculiari obsequiòque deuinxerat, nondum  
quidem dierum, sed bonorum operum plenus pla-  
cidissimâ morte conquieuit. Beneficus esse non de-  
fuit etiam mortuus optimus Pater. Quâ enim die  
excessit è viuis ; Tertianâ , quâ per duos omninò  
menses Valentiaë fuerat afflictus grauissimè planè  
carere cœpit ac bellè habere *Iusti* Frater charissi-  
mus. Viri siquidè jàm cœlo recepti Fratrem non  
est ausa febris attingere : Dùm interim Oppidani  
certatim , Patris defuncti corpus globulis preca-  
toriiis, ad venerationem contigisse, summi loco be-  
neficij ducerent.

#### XV.

Quàm porrò fuerit omnibus vnice charus , pro-  
didit luculenter commune studium leuandi dolo-  
ris in morbo; vota passim à Ciuibus pro recuperan-  
dâ eius valetudine nuncupata ; sacrum per dies  
continuos omninò nouem, magno concursu popu-  
li, ad eandem impetrandam gratiam , celebratum  
in Sacello Deiparæ Virginis Aspricollensis ; com-  
munis denique omnium mœror in eius obitu pro-  
didit. Magnificè Demortuo parentatum à Ciuibus  
Partheniis est , quorum plerique iniussu quodam  
impetu lachrymarum, orbitatem suam luxerunt &  
Parentis optimi optatissimique jacturam. Maesti  
tamen estote, *Ciues Turnonij*. Spirat adhuc bene de  
vobis meritus Pater in vestris omnium animis &  
immortalis quodammodo cœpit esse , dum mori-  
tur. *In memoria enim aterna erit Iustus* in terris,  
qui jam præmium labori par & æqualem virtuti ac  
meritis lauream in Cœlis est consecutus.

F I N I S.

*Extrait du Priuilege du Roy.*

**P**AR Grace & Priuilege du Roy, donné à Fontainebleau, le 28. Aoust 1664. Signé par le Roy en son Conseil, G V I T O N N E A V. Il est permis au R. P. I V S T E S A V T E L de la Compagnie de I E S V S, de faire imprimer vn Liure qu'il a composé, Intitulé: *Annus Sacer. sive Selecta, de Diuis Calitibus Epigrammata, in singulos Anni dies tributa*; durant dix années; & défenses à tous Libraires & Imprimeurs, de l'imprimer, vendre & debiter pendant ledit temps, sans le consentement dudit R. P. S A V T E L ou de ceux qui auront droit de luy, à peine aux contreuenans de trois mille liures d'amande, & de tous despens, dommages, & interests; ainsi qu'il est plus amplement porté par ledit Priuilege.

Et ledit R. P. S A V T E L, a cédé le droit de fondit Priuilege à I E A N H E N A V L T, Libraire-Juré à Paris, pour en jouir selon l'accord fait entr'eux.

*Acheué d'imprimer pour la premiere fois, le 12. Feurier 1665.*

Les Exemplaires ont esté fournis.

*Registré sur le Liure de la Communauté des Libraires le 7. Feurier 1665. Signé, M A R T I N. Syndic.*

**ANNVS**



A N N V S  
SACER POETICVS,  
SIVE

Selecta de Diuis Cælitibus  
EPIGRAMMATA  
In singulos Anni dies tributa.

---

PRIMA DIE IANVARII.

*Circumcisio Domini nostri IESV Christi.*

*Ad CHRISTVM.*

I.

VIX bene purpureum potuit traxisse colorem  
Quod tibi lac dederat sugere Virgo parens:  
Tu riuos, lactis-ne vocem, riuos-ne cruoris?  
Fundis inhumano stigmate, læse Puer!  
Parce, precor, tuus ex illo ne vulnere sanguis,  
Ne lac ex illo vulnere Marris eat.  
Sustinuit dare cruda tibi qui vulnera mucro,  
Saxeus, aut saxo durior ille fuit.  
Erubuit tamen ille nefas, vertitque colorem,  
Siue cruor potuit vertere, siue pudor.  
Heu Puer! heu quātos dabis olim sanguinis imbres,  
Vitæ aurora tuæ si modò prima rubet!

A

*Vocatum est nomen eius IESVS. Luc. 2.*

## II.

Sanguine quærendi tituli, tibi, Pupule, nullum  
Nomen erit, nullum si tibi vulnus erit.  
Ne vel bina, Puer, grâti tibi syllaba constet,  
Venale impenso sanguine nomen emis.

*Sponsus sanguinum tu mihi es. Exodi 4.*

## III.

Expectata dies aderat, rituque parentum  
Fixerat indignum vulnus acuta filex.  
Vidit ubi roseum Pueri stillare cruorem  
Mater, inexhaustas fletibus vda genas:  
Pape, meus qui Natus eras, nunc fœdere bino,  
Tu mihi tu sponsus sanguinis, inquit, eris.

*Anni sacri primordium.*

## IV.

Dum tener exoritur Christus, sacer inchoat annus,  
Sic paribus numeris Agnus & annus eunt.

## I. IANVARII.

S. FVLGENTIVS *Ruspensis in Africâ Episcopus.*

## I.

An fulgore trahat, dubites an fulgure nomen?  
Fulgeat, an multò fulguret ille magis?  
Fulgurat, & fulget, mixtus cum fulgure fulgor,  
Et fulgoris habet fulguris ille iubar.  
Hunc fulgur reddit metuendum, fulgor amandum:  
Illud nempe malis reddit, at iste bonis.

*In Sardiniam relegatur.*

## II.

Fulgidior rutilo fulget Fulgentius astro,  
An nouus in Libycis Sol micat ortus agris?



POETICVS.

Sardoas lux illa abiit tamen exul in oras,  
Vna nequit Soles Africa ferre duos.

*Fulgentius nouum in terris prodigium.*

III.

Supra homines, supràque feras Fulgentius extat,  
Nil habet humanum, nil habet ille ferum.  
Isto nobilius nunquam tulit Africa monstrum,  
Monstrorum regio sit licèt illa ferax.

*Donatum, Eutychen, Nestorium, & alios Hære-  
siarchas profligat.*

IV.

Hæreticæ subigis portenta immania sectæ,  
Ingenij doctâ dexteritate tui.  
Patria terrificis scateat licèt Afria monstris,  
Tu tamen his longè deteriora domas.

I. IANVARII.

*S. ODILLO Cluniacensis Abbas calendis Ianuariis  
moritur.*

I.

Quâ sol luce suum renolubilis inchoat orbem,  
Hâc Odilo, vitæ jam satur, astra subit.  
Iuit ad Emphyreum, Xeniis donandus, olympum,  
Nam nouus in cæli sedibus hospes erat.

II. IANVARII.

*S. MACHARIUS Abbas Alexandrinus cibi som-  
nique abstinentissimus, deliciis celesti-  
bus reficitur.*

I.

**V**IX reficit sua membra cibo, sua lumina somno,  
Quem Graia imposito nomine lingua bear.

A ij

Delitiis tamen vsque satur melioribus, haurit  
 Quæ sibi de pluuio sidere mella fluunt.  
 Terra! epulas, ait ille, tuas, tua fercula nolo,  
 Dum mihi sit Christus promus, & astra penus.

*Culicum, apumque aculeis expositus titillantem  
 amorem fugat.*

## II.

Bella Cupido puer, sed non pueriliter infert,  
 Et vibrat in vetulum flammea tela jecur.  
 Heu quid agat? fugiat-ne senex, contra-ne resistat?  
 An vocet ille homines, an vocet ille deos?  
 Forte per aërios tractus pennata iuuentus  
 Prædatura breues ibat in arua rosas.  
 Ferte, piæ volucres, clamat vetus hospes eremi,  
 Deficio, vestram nî mihi fertis opem.  
 Aduolat auxilio muscarum exercitus ales,  
 Et querulum à puero protegit hoste senem.  
 I nunc, Herculeos extolle, Cupido! triumphos,  
 Cum tua tam tenuis vicerit arma culex.

*Musca victrix Cupidinis.*

## III.

Quæ prius indomitum domitrix Pharaona subegit,  
 Indomitum Puerum nunc quoque Musca domat.  
 Ne tamen impariles certasse quis imputet hostes,  
 Aliger aligero victus ab hoste cadit.  
 Nam Puer Idalius cecidit, stat Muscula victrix,  
 Muscula pennata est, penniger ille Puer.

*Amoris & Apicula vulnus impar.*

## IV.

Quam bene belligerant jaculis armatus vterque,  
 Hinc Culicum cæterus, Cypridis inde Puer!

# POETICVS.

Non tamen hæc vno sunt illita spicula succo ,  
 Quæ jaculatur apis, quæ jaculatur amor.  
 Quæ jaculatur apis, mellis dulcedine manant ,  
 Quæ jaculatur amor, spicula felle madent.

## II. IANVARII.

S. ADELARDVS Abbas, ex Aulico Ascetes.

### I.

Diuitijs, vitijsque volens, Adelarde! relictis,  
 Nuda pius Christi miles ad arma fugis.  
 Hic tecum noua bella geris; noua prælia misces;  
 Nam dux, & pariter miles, & hostis eras. (stē,  
 Quod genus hoc pugnae est; vbi nō qui vicerit ho-  
 Sed se qui poterit vincere, victor erit?

*Post exhaustam in egenos penum, currus cibariis  
 onusti ei diuinitus mittuntur.*

### II.

Turba frequens inopum dextrā tibi tendit inanem,  
 Tu vacuas imple ære, ciboque manus. (stret,  
 Iamque super nihil est, Adelarde! quod arca mini-  
 Et renuit solitas jam dare mensa dapes.  
 Aduexere graues tibi plena cibaria currus,  
 Scilicet astrorum dulcis alumnus eras.  
 Nam quæ missa tibi, cæli famulantibus astris,  
 Fercula, de supero missa fuere polo.  
 Perge, manusque inopum largis sementibus imple,  
 Has tibi cum messes sidera, Diue! ferant.

## II. IANVARII.

S. CLARVS Abbas adstantem sibi noctu precanti  
 cacodamon em efficto crucis ligno fugat.

### I.

Nocte sub obscurā Clarus dum Numen adorât,  
 Pronaque suppliciter dum rogat astra vigil;

A iij

Adfuit horrendi furuus dominator Auerni,  
 Sed refugit vifæ figna verenda crucis.  
 Inque fuam remeat, velût ante, tenebrio noctem,  
 Et procul à Clari Noctua luce fugit :  
 Dumque bonam metuit tenebrofus furcifer, vltro  
 Abfilit, inque malam maluit ire crucem.

## III. IANVARII.

S. GENOVEFA V. *quòd templa frequenter  
 celebraret, à Gerontia matre alapa  
 percutitur.*

## I.

AD notam Genouefa frequens it Numinis ædē,  
 Vt liter æthereo vota, precesque Deo :  
 Sæpius abfentem queritur, reducemque puellam  
 Increpat impactâ mater iniqua manu.  
 Vt minimâ fine labe nites ! fi templa fubire,  
 Quod reliquis pietas, eft tibi, Diua, fcelus.

*Gerontia Mater in pœnam alapa inflicta oculis  
 orbatur.*

## II.

Quod celebres diuinam ædem, Gerontia mater  
 Perculit iratâ te, pia Virgo, manu.  
 Non tulit hoc impune nefas, nam vindice cælo,  
 Plectitur erepti luminis orba parens.  
 Ergo fuum cernens meliori lumine crimen,  
 Poſcit ab offensâ virgine mater opem.  
 Nec deluſa fuit, nam, concedente puellâ,  
 Vt prius æthereo vidit in axe jubar.  
 Matribus à reliquis reliquæ de more puellæ  
 Uſuram accipiunt lucis, at iſta dedit.

*Genouefa dura Mater.*

III.

Si medicis adhibenda fides, præmolle cerebrum  
 Protecti durâ matre, piâque sumus :  
 At cum te, Genouefa, sacris procul ædibus arcet,  
 Dura tibi tantum, non pia Mater erat.

*Inter oues paternas, quas pauiſſe Genouefa dicitur,  
 ſponſum Chriſtum eligit.*

IV.

Pro ſponſo æthereum ſibi ſponſa pacificitur agnū,  
 Dum patrias virgo ruſtica paſcit oues.  
 Quæ ſibi conciliat tanti ſponſalia ſponſi,  
 Non eſt iudicio, ruſtica virgo, meo.  
 Nec temere hunc ſponſum virgo ſibi nubilis optat:  
 Agno, ſi debet nubere, nubat ouis.

*Arreptitios duodecim fugatis malis geniis  
 liberat.*

V.

Amphitrioniadæ duodenos fama labores  
 Garrit, & innumeris ſpargit vbique ſonis.  
 Nodofæ fuit illud opus mirabile clauæ,  
 Arma triumphatas hæc domuère feras.  
 Iam rumor premat ora loquax, cum mollis inermi  
 Perculerit totidem monſtra puella manu.

III. IANVARII.

S. GORDIVS M. *minutatim à carniſce  
 conciditur.*

I.

Gordius innumerâ voluiſſet viuere vitâ,  
 Poſſet vt innumerâ ſic quoque morte mori.

A iiij

S. ALDRICVS *Cenomanensis Episc. severè  
mansuetus in carpendis Aulicorum  
moribus.*

## I.

Mellificas imitatus apes Aldricus, in aulam  
Et stimulos & mel prouidus ore tulit.

At sine melle suum nunquam qui fixit acumen,  
Hic ipsas melior vincere visus apes.

*In urbem Cenomanum suis sumptibus Fon-  
tem induxit.*

## II.

Grex sitit, at Pastor miserans deriuat in vrbis  
Compita, gratuita ductile murmur aquæ:  
Atque ita Iacobi veteris nouus æmulus, agnos  
Et pastas adauat nunc quoque Pastor oues.

*Agnum cœlestem suo Ouili antetulit.*

## III.

Purus in Elysijs qui lilia pascitur hortis,  
Vnicus Aldrici est Præsulis Agnus, amor.  
Quamquam Pastor oues pleni numeraret ouilis,  
Agnum illum gregibus prætulit ipse suis.

## IV. IANVARII.

S. MAVILLVS *M. impune feris obijcitur.*

## I.

AMPHITHEATRALES interritus inter arenas  
Diue! voraturis traderis esca feris.  
Ne tamen aut pardos metuas, toruos-ve leones,  
Namque feris homines plus feritatis habent.

# POETICVS.

Si nescis, tibi tortor erit pardusque, leoque,  
Vel rabiosa magis bellua si qua furit.  
Indoleque in melius versâ pardusque, leoque  
Esse tibi pardus desinet, esse leo.

## V. IANVARII.

S. EDVARDVS C. *Rex Anglia, agrum mendiculum ad aram D. Petri desert, ubi conualuit.*

### I.

PONDVS iners jacet ante sacri sacra limina tēpli  
Irus, vtraque manu captus, vtroque pede.  
Votivas gerulo si Principe fertur ad aras,  
Certam exorato Numine sperat opem.  
Spemque ratam sensit, nam quas cupit æger ad aras  
Succollante nouum Principe fertur onus.  
Vixque salutiferæ Princeps accesserat aræ,  
Cum vetus ex ægro corpore torpor abit.  
Bajulus hoc melior, multoque valentior alter:  
Qui sit nobilior non tamen vllus erit.

## V. IANVARII.

S. SIMEON *Stylita Columna incola.*

### I.

Hospes hic est superis dudum conterminus astris,  
Cui sua cognomen rite columna dedit.  
Exiguam pertæsus humum pede fixus in vno,  
Proximus at noctu cernit, & astra diu:  
Nam celsū numerosa premens per lustra cylindrū,  
Penè humeris cælum sustinet alter Atlas.  
At tu fusus humi, cænoque volutus in imo,  
Sidera te digito tangere posse putas?  
Quin potius terrarum humiles procul abijce curas  
Nam sola, cur cælo natus, ad ima ruis?

A V.

Astra super, patriosque vagi super ætheris axes,  
 Cum nondum possis corpore, mente vola.  
 Tunc procul in nihilum tellus vanescet inane  
 Infima, vix oculis inspicienda tuis.  
 Compositum cum sole solum si tantula pars est,  
 Quantula tantilli pars eris ipse soli?

*Plutonis currum efficto Crucis signo in ventum redigit.*

## II.

Mentitis Auriga Erebi Simeona quadrigis  
 Allicit, vt facili scandat in astra viâ.  
 Thesbites, ait, alter eris, quem turbinis instar,  
 Sustulit igniuomis flammea thensa rotis.  
 Ille doli metuens, victricia currit ad arma,  
 Quadrifidam dextrâ conficiente Crucem.  
 Vixque salutiferum descripsit in aëre signum,  
 Protinus in nebulas currus & orcus eunt.  
 Non eadem fraus vsque fauet, bene cessetat olim,  
 Persephone stygiis dum raperetur equis.  
 At modo nulla tibi, cum virgine bella geruntur,  
 Iste vir est, vanis quem petis. Orce, dolis.  
 Imo Acheronteos virguncula vicerit hostes,  
 Obijciat parilem si modo prompta Crucem.

## VI. IANVARII.

*Epiphania Domini Nostri Iesu Christi. Ad  
 CHRISTVM de mureribus à Magis  
 oblati.*

## I.

**P**ARTIRI si terna licet, Rex maxime Regum,  
 Quæ tibi, tergemini dona dēdere Duces;  
 Thura, Puer, pateramque auro radiante gementem  
 Solus habe, Myrrhæ pars mea munus erit.



*Stella Christo nascente oriuntur, moriente  
occidunt.*

## II,

Se probat artificem rerum, dum sidera Christus  
Vt moriendo fugat, sic oriendo creat.

*De auro oblato ad CHRISTVM.*

## III.

Diues ab Eois qui Regibus accipis aurum ;  
Nos paupertatem siccine, Christe, doces ?

S. IOSEPHVS regionum numerum di-  
stributor.

## IV.

Quæ dederant Reges, postquam Iosephus amoris  
Admisit facili iusta tributa manu :

Diuisit tria dona tribus, sibi myrrhea sumit,  
Sumit dona parens aurea, thura Deus.

*Regibus in patriam redeuntibus fax nulla  
præuia.*

## V.

Ad Pueri cunas, turbæ præluce eunti,  
Dum redeunt, nullo sidus in axe micat.

Ne nolet Herodes reducum vestigia Regum ;  
Extinxere suas sidera cauta faces.

## VI. IANVARII.

S. ANDREAS Corsinus, Episc. Fesulanus,  
*quem cum in utero ferret Mater, visa sibi  
est lupum parere.*

## I.

Fœtus adhuc utero matris retinente latebat,  
Fessaque maturum membra grauabat onus:

A vj

Illa sibi falsi visa est sub imagine somni

Degenerem pleno reddere ventre lupum.

Cynthia jam decies vacuum reparauerat orbem ;

Iamque suo liber pondere venter erat :

Creuit vbi pueri virtus, vbi grandior ætas ,

Cinxit honoratas infula digna comas.

Illusère piam nocturna insomnia matrem ,

Ille fuit Pastor, quem putat esse lupum.

## VII. IANVARII.

S. LVCIANVS *M. dum sacrificat, pectore , pro  
arâ deficiente, utitur.*

### I.

**M**Ysta ciet superis vescum dum numen ab astris,  
Triticeoque ipsum condit in orbe Deum ;

Sacrificus Martyr, cor ara ; sacraria pectus,

Discipuli templum, victima Christus erat : .

Si sit varicino fas coniectare Poëtæ,

Nulla fuit summo gratior ara Deo.

*Ad D. LVCIANVM.*

### II.

Defit, at absentem pectus tibi sufficit aram ,

Dum faceres summo mystica Sacra Deo.

Nulla vnquam , melius quæ fragret odoribus ara ,

Nulla vnquam, melius quæ flagret, ara fuit.

*Ad Maximianum Imperatorem qui velatis oculis .*

*D. LVCIANVM alloquebatur.*

### III.

Non nisi protenso voluisti ad lumina velo ,

Martyris alloquio, Maximiane, frui.

Scilicet id peragis, iuuenis ne forte modesto

Pectoris indomitas frangeret ore minas.

Capitum oculis vates solum cur finxit amorem ?

Tu quoq; cæcum odium, sæue Tyranne, probas.

## VII. IANVARII.

S. REMVNDVS C. è Familia D. DOMINICI

*à nautis nauigio exclusus.*

## I.

Remundo cum terra neget, neget vnda carinam,

Typhi, tuam cælo deiçce, quæso, ratem.

Illa quidem Myniasque tulit, proceresq; Pelasgos;

Grandius hoc, sed erit sanctius istud onus.

Hanc simul ac vector tactu felice beârit,

Dignior æthereæ, quam prius, arcis erit.

*Strato super aquor pallio nauigat.*

## II.

Stabat arenosâ Remundus in æquoris actâ,

Ire per vndosas lentre paratus aquas.

It, redit, & vigili procul omnia lumine lustrat

An foret in liquidas puppis itura vias.

Nulla fuit, vel si qua fuit, prohibente tyranno,

Vectorem recipi noluit illa ratis.

Arte nouâ molitur iter, quis crederet vnquam?

Lanea suppositis pallia strauit aquis.

Victor inoffenso calcata per æquora tractu

Currit, & attonitas penula ridet aquas. (xus

Quis nouus hic Athamante satus? per cæcula Phry-

Fertur oue, hic solo vellere fertur ouis.

*Ad D. REMVNDVM ex aulâ transfugam.*

## III.

Crede togam pelago, te crede ferentibus vndis,

Et fuge, quæ pugnat moribus aula tuis.

Vnda quidem refluxo sine fine reciprocatur æstu,

Sed magis æquoreis fluctuat aula fretis.

Sic est, & tumidas quæ concitat æquoris vndas,  
Tutior aura tibi, quam foret aula, fuit.

## VIII. IANVARII.

S. LAURENTIVS IUSTINIANVS, *Patriarcha Venetus sodalem suum ad meliorem vitam traducit.*

## I.

**D**VM thalamo Diris nuptam deducere tentat,  
Pirithous Thesei fertur ijsse comes.  
Laurenti, Venetæ decus aspectabile gentis,  
Cultor amicitiae nobilioris eras.  
Ille Acherontheas socium deduxit ad vndas,  
Tu socium melior ducis ad astra tuum.

*Plumeam culcitram moriturus sibi subtrahi iussit.*

## II.

Extremam jam pene animam moribundus agebas,  
Antistes Venetæ Gentis, & orbis amor:  
Tollite, ais, tepidis mollita toralia plumis,  
Ne sit in Attalico mors mea nixa toro.  
Dixisti, placidâque oculos sub morte natantes  
Oculis in durâ tu quoque nudus humo.  
Itanien, & merito longum fruiturus olympo,  
Pluma tibi quamquam desit, in astra vola.

## VIII. IANVARII.


S. SEVERINVS Noricorum Apostolus, *solutâ suis precibus Danubij glacie, vi naues oneraria frumentum trajcere possent, Vienna Austria fame laboranti succurrit. Idem Danubium, intra templi ambitum excurrentem, compefcuit.*

## I.

Frigore constiterat rigido gelidissimus Ister,  
Nec poterat vetitâ currere cymba viâ;

Tu tamen in lacrymas, & in humida vota solutus  
 Diue, catenatas frigore soluis aquas;  
 Lymphaque jejunam dudum transmisit ad urbem  
 Oppletas multo farre, ciboque rates.  
 Mox sacram effrænis dum labitur Ister in Ædem  
 Frænata imperio substitit vnda tuo.  
 Illicet in partem lymphis moderaris vtramque,  
 Seu nolis fluuios currere, siue velis.

## IX. IANVARII.

SS. IULIANVS & BASILISSA. MM.   
*casti Coniuges, à quorum toro mirus  
 odor efflabatur.*

## I.

Votiuam, Sponsi, thalamum vertistis in aram,  
 Quæ suffitu halans diuite thuris olet.  
 Aut torus Elysiū vester mutatur in hortum,  
 Quem dulcis varijs floribus afflat odor.  
 Cur tamen ambrosio thalamus suffimine fragrat?  
 Causa subest, nullo Cypridis igne flagrat.

S. IULIANVS in ipso funere Celsū Marty-  
*rem Christo parit.*

## II.

Quâ Syrus indigenis gratissimus amnis, Orontes  
 Voluit in exhaustas irrequietus aquas,  
 Degebat Basilissa suo cum conjugē conjux,  
 Virgo cum sponsâ virgine sponsus erat.  
 Iamque diu castum seruarat vterque cubile,  
 Cum Basilissa suo funere functa cadit.  
 Interea ruit ex erebo furialis Enyo,  
 Et petitur quæ pars vna superstes erat.  
 Dum rapitur miseranda volens ad funera sponsus,  
 Ad parilem raperis tu quoque Celse, necem:

Nam teneram Martyr parit ipso in funere prolem ;  
 Cumque suo proles visa parente mori est,  
 Nemo pudicitiam posthac sterilefcere dicat,  
 Hujus enim soboles Celsus, at illa parens.

---

## X. IANVARII.

S. MARTIANVS C. *Templi incendium lacry-  
 mis extinguit.*

## I.

**F**lamma vorax sine more furit, tēpliq; supellex  
 Deperit, & pleno pendula dona tholo.  
 Dumque alij fontesq; ferunt, fluuiosque liquentes,  
 Quidquid & in tantis mens solet ægra malis ;  
 In lacrymas it Mystra dolens, spargitque furentem,  
 Quem prius ex oculis fuderat, imbre rogam.  
 Protinus attonitas cohibet reuerentia flammæ,  
 Nec fuit vltcrius serpere visa lues.  
 Vos qui sacrilegos lymphis fluuiialibus ignes  
 Spargitis, ancipiti turba citata gradu ,  
 Dicite, cur sterilis dudum vos cura fatigat ?  
 En propè, quam longè quæritis, vnda fluit.

*Datâ egeno vili togâ, auream è calo recipit.*

## II.

Te lacernæ largitum inopi mala scruta lacernæ  
 Protinus auratâ sidera veste tegunt.  
 Callidus es, tunicâque catus repauperè nudas  
 Dum meliora datis sæpe repensâ yides.  
 Scilicet illectum melioris amore lacernæ,  
 Te reor attritam, Diue! dedisse togam.

## XI. IANVARII.

S. HYGIVS *summus Pontifex & M. ab  
Antonino Pio, tanquam Magia reus, morti  
addicitur.*

I.

CARMINE Thessalico Stygios accersere manes  
Creditus, immeritum funus Hyginus obit.  
Et famam pietatis habet, qui criminis autor  
Pontificem crudâ mandat obire nece.  
Cæsar & Antistes nomen commutet vterque ,  
Nam Pius hic dici debet, & ille Magus.

## XI. IANVARII.

S. THEODOSIVS *Abbas veste cilicinâ  
induitur.*

I.

Corpora setoso Theodosius angit amictu ,  
Et Stygis insidias hâc procul arte fugat. (ros,  
His quoque, quicunq; es, similes tibi spondeo lau-  
Par lorica tuum si modò pectus habet.

## XII. IANVARII.

S. ARCHADIVS *M. & manibus & pedibus  
Tyranni imperio orbatur.*

I.

PROPOSITI Archadiû cernens, fideique tenacem ,  
Has rigido Iudex intonat ore minas :  
Ite, viri, rapite arma manu, strictoque satelles  
Ense, pedes geminos amputet, ense manus.  
Vix ea, cum rabidâ tortor male percitus irâ,  
Iudicis imperium dira iubentis agit.  
Falleris, impietas! nam curret in æthera Martyr  
Absque pede; & palmas colliget absque manu.

## XII. IANVARII.

S. SATYRVS M. *falsi Numinis statuam  
flatu deiecit.*

## I.

Dum per Acheiadas Satyrus peruaderet vrbes,  
Fusilis insanâ stabat in æde Deus :  
Hic populi lymphata cohors altaria circum  
Sistit, & incesto Numen honore colit.  
Vidit, & ingemuit Satyrus, turpemque colossum  
Sternere, Ludicrâ, quâ valet, arte parat.  
Sufflat in aduersum tenui spiramine numen,  
Mixtaque numinibus corrui ara suis ;  
Inque suas abeunt aræque, & numina partes ,  
Tacta velut subito fulminis igne forent.  
Exululate, Papæ, vacuas cum difflet in auras  
Ridiculos Satyrus, numina vestra, Deos.  
At tu quem subiri rapuit facer impetus æstri ;  
Quique ruis toto signa caduca solo ;  
Diue, nihil peragis; nam numina fracta resurgent,  
Cum struat hæc fuso quilibet ære faber.

## XIII. IANVARII.

S. HILARIVS *Pictauorum Episc. Abram filiam  
suam unicam hortatur, ut humano spreto  
connubio, diuinum præoptet.*

## I.

**G**ALLORVM præsignis honos, cui nobilis altum  
Infula sacro cinxit honore caput :  
Egerat impubes jam filia nubilis annos,  
Vna tibi casto quæ fuit orta toro.  
Hanc multi petière proci; certantque vicissim  
Et Patris & Natæ sollicitare fidem.



Tu tamen hanc summò despondes rite Tonanti ;  
Iure socer Generum quæris habere Deum.

---

## XIV. IANVARII.

S. FELIX Nolanus C. inter Aranearum telas  
ab hostibus defenditur.

## I.

Hic vbi læta suos latè Campania campos  
Explicat, intonsis fertilis ora jugis :  
Semiruti penetras, Felix; diuortia muri ,  
Hostiles fugiens, quâ licet arte, globos.  
Protinus egestos suspendit Aranea casses ,  
Et versuta suum deproperauit opus.  
Accessit, latæque videns propetasmata telæ  
Turba redux, nullos credidit esse dolos.  
Ingenium, moresque suos mutauit Arachne ,  
Nec velut ante, suâ calliditate nocet.  
Quæ prius in prædam sublimis ab arce ruebat ,  
Te prædam hostilis nunc vetat esse manûs.

*Araneus è textore faber.*

## II.

Callidus insolitam meditatur Araneus artem  
Texere, dum veteri stamina more puras.  
Nempe tibi tutum, Felix, fabricauit asylum ,  
Sic fuit ille faber, qui modo textor erat.

*Ad D. FELICEM aranearum ope tutum.*

## III.

Effugis insolito, Felix, turamine sospes ,  
Et venit, vnde neges posse venire, salus.  
Ecce plagæ prohibent, plagis ne saucius esses ,  
Telaque ne telis impeterere, vetat.

## XV. IANVARII.

S. PAVLVS *Eremitarum primus, ad Eremum tendit, ubi Cornuorum obsequio pascitur.*

## I.

FORTE puer patrias, sua tecta, reliquerat ædes,  
 Concaua fortuiti dum subit antra jugi,  
 Captus amore loci, riuique strepentibus vndis,  
 Constitit, &, requies hæc mea, dixit, erit.  
 Dixit, & hoc crebros numerans sub fornice menses,  
 Cœpit, qui iuuenis venerat, esse senex.  
 Hic facilem leuat vnda sitim, sed in hospitis escam  
 • Nulla recusato jugera farre virent. (bores,  
 At quam non tulerant hominumque, boumque la-  
 Hanc tulit obsequio prouidus Ales opem.  
 Nam Cererem alatus, rostro famulante, minister,  
 Gestat ad annosum, vesca diurna, Senem.  
 Et quamquam stimulante fame, conuiuia fido,  
 Ingustata tamen sobrius ore tulit.  
 Appositâ cur, Corue opifer, non pasceris escâ?  
 Vnde nouus reprimit rostra modesta pudor?  
 Ah video cur nulla fames irritat edacem,  
 Integer in patulo cur manet ore cibus:  
 Ne probet immemorem Senior se muneris huius,  
 Participem cœnæ te facit esse suæ,  
 Multaque quæ mensâ superant analecta remotâ,  
 Vecturæ pretium prouidus esse finit.

Cornus D. PAVLI *Nutricius.*

## II.

Incoluit pius antra Senex, longâque verendus  
 Canitie, crebros viderat ire dies:  
 Quamque puer syluam conspexerat antè puellam,  
 Post longo annosam tempore vidit anum.

Ales ei molitor, pistorque diaria portat,  
 Qui coquus, & condus-promus & altor erat.  
 Nutritam à Coruo quis crederet esse columbam,  
 • Nì faceret certam res prius acta fidem.  
 Nam cum, Paule, fores morum candore columba,  
 Oblonator erat Coruus, Alumnus eras.

*Coruus Morigerus.*

## III.

Dum superimmenfas impune Noëmica lymphas  
 Cymba, triumphatis sospita fertur aquis;  
 Coruus ad omniferam iussus reuolare phaselum,  
 Non tulit oblixtos ad sua septa pedes.  
 At modò morigerus iussi non immemor ales,  
 Pabula Thebæo fertque refertque seni.  
 Cum docili niger ales eat, redeatque volatū,  
 Hunc ego jam facti pœnituisse reor.  
 Quidquid & antiquis olim peccauerat annis,  
 Id totum obsequio velle piare suo.

*Ad D. PAVLVM.*

## IV.

Cum te. Paule! sciam puri candoris amantem;  
 Dic age, cur volucris fert tibi nigra dapes?

*Ad lautos Epulones.*

## V.

Sæpius ad sterilem Coruus reuolauit Eremum  
 Laturus vetulo farrea liba Seni.  
 Cur nullus jam vestra petat cornacula Coruus,  
 Lurcones, sultis discere, causa subest.  
 Cum vos alicibus videat prope parcere nullis,  
 Callidus à vestris dentibus ille timet.



*Ad Eosdem.*

## VI.

Scire lubet vestras cur non volet ales ad elcas,  
 Qui tulit ad notum prandia sæpe Senem.  
 Quæ nunquam redeant, vestræ data præda saginæ,  
 Huc alias Coruus tendere cernit aues.

*Coruus cibi abstinens.*

## VII.

Nil nisi dimidium defert in prandia panem  
 Forte aliam partem surpuit ales edax:  
 Non reor id causæ, nam, Paule, famelicus Ales  
 Exemplo didicit sobrius esse tuo.

*Accedente D. ANTONIO integrum panem de-*  
*fert Coruus.*

## VIII.

Quamuis parca tenax obsonia diuidat ales,  
 Dimidioque statam pane ministrat opem:  
 Si tamen inuitet conuiuiam ad prandia Paulus,  
 Integra quæ portet fercula Coruus habet.

*Tunicâ ex palmis contextâ induitur.*

## IX.

Sutilibus noua jure tegit te penula palmis,  
 Non satis est, ornet si tibi palma manus.  
 Vndique magnificis te debet adorea palmis  
 Cingere, qui toto corpore victor eras.  
*Vitâ sanctus, genibus tamen suffultus nititur.*

## X.

Obitus annorum numero, jam Paulus eodem  
 Fuderat ore animam, quo prius ore preces.

Spiranti jures similem, similemque precanti,  
 Tam bene viuentis munia corpus agit.  
 Nam genibus subnixus erat, manibusque supinis  
 Supplicat, & solo poplite pressat humum.  
 Cur tamen erecto stetit ad sublimia vultu?  
 Vult fugientem animam corpus inane sequi.

D. PAULO *tumulando sepulchrum Leones  
 effodiunt.*

## XI.

Accelerant gemini, Paulo moriente, Leones,  
 Et caua lamentis tristibus antra replent.  
 At simul ac membris captiua senilibus hospes  
 Contempto excessit mens super astra solo:  
 Effodiunt modicum, fabulo cedente, sepulchrum,  
 Molliter annosi quo Senis ossa cubent.  
 Viuenti obsequium qui non renuere Leones,  
 Nunc etiam extincto post pia fata ferunt.  
 Ni Leo jam siluas regnum tepuisset in omnes,  
 (Nam nemorum late regia sceptrum tenet)  
 Ne tale officium iusta mercede careret,  
 Debuerat famulis imperitare feris.

*Ad D. PAVLVM.*

## XII.

Curribus indomitos mirum subiisse Leones,  
 Mirius est feretto, Diue, subisse tuo.  
*Corui & Leonis in D. PAVLVM obsequium.*

## XIII.

Obsequium famulare tibi praestantibus, ipsis  
 Vidimus ingenium mirius esse feris.  
 Desinit esse rapax, te, Paule, superstiti, Coruus,  
 Desinit esse ferox, te moriente, Leo.

## XV. IANVARII.

S. MAVRVS *Abbas super aquas tutus incedit.*

I.

Maure! per attonitas sicco pede laberis vndas,  
Te probat hæc leuitas moribus esse grauem.

## XV. IANVARII.

S. IOANNES *Calybita C. quem mater post  
mortem agnitum, dum aureis vestibus  
innoluit, manu obriguit.*

I.

Viderat in patriis Calybita penatibus hospes  
Ter niue conspicuum, ter quoque messe solum:  
Mors larvam eripuit natum post funera nouit,  
Quem male mendicum credidit antè parens,  
Arte laboratas adhibet pro sindone vestes,  
Quas oculis fuso reddidit imbre graues.  
Cur Natum, inconsulta parens, (heu munus inane!)  
Obnubis Tyriâ post sua fata togâ?  
Vestem aufer procul hinc gemmis, auroq; rigentē,  
Nî tibi vis rigeat tarda stupore manus.  
Qui tritâ induitur, dum viueret ante lacernâ,  
Hæne modo phaleras funere functus amet?

Ad MATREM D. CALYBITAE.

II.

Ne Nati incuses, Mater! pia furta latentis,  
Profuerit laribus delituisse tuis.  
Nunquam adeo latè toto celebretur in orbe;  
Ignotus patriâ nî foret ille domo.

Ad

## Ad E A N D E M.

## III.

Cum tibi, quam cernis, non detur cernere prolem,  
 Nonne tuus, Mater ! lumine captus amor ?  
 At Phrygiæ modò texta paras suprema lacernæ,  
 Postquam nullius tegmine vestis eger.  
 Antè dedisse tui documenta decebat amoris:  
 Qui venit, ut curet funera, serò venit.

## XV. I A N V A R I I.

S. BONITVS *Claromontanus Episc. dùm nocte  
 precibus in templo vacat, sacram vestem  
 mirè candidam à Deiparâ accipit.*

## I.

Dùm Bonitus tacitæ per amica silentia noctis,  
 Imploratam almæ Virginis orat opem :  
 Ecce suo, Aligerùm turbâ comitante, Clienti  
 Attulit albentem Virgo Patrona togam.  
 Hanc superæ neuêre manus, nec Dædala Pallas  
 Tantæ aliàs vnquam texuit artis opus.  
 Quantus eras ! ô quantus eras, dignissime Præsul !  
 Cui video superas suppara nere manus.  
 Suppara sed nullo longè nitidissimâ næuo,  
 Supparâ læticolâ candidiora viâ.  
 Nimirùm niuibus, puræque simillima lanæ,  
 Carbasus est animo concolor illa tuo.  
 Imò licèt candore niues & lilia vincat,  
 Tu tamen ipse animi candidioris eras.

*Ad E V N D E M de eâdem sacrâ veste.*

## II.

Vnde trahit tantum vestis sincera nitorem ;  
 Quam tibi cælestes, Diuc ! tulêre manus ?

Conspicuum minùs albet ebur, minùs alba ligustra,  
 Et minùs ad ripam fluminis albet olor.  
 Hanc nec Amyclæis tinxit manus vlla yenenis;  
 Hanc nec in Hesperia lauit Iberus aqua:  
 Hanc Babylon non pinxit acu, nec nobile vellus  
 Graminibus creuit, Terra Phalisca! tuis.  
 Nonne aries superis rutilat qui pulcher in astris,  
 Vellera texendæ contulit alba togæ?

## XVI. IANVARII.

S. MARCELLVS *summus Pontifex & M. bel-*  
*luis alendis à Maxentio præficitur.*

## I.

Pontificem pecori dum Rex præfecit alendo,  
 Pastoris functum munere ritè probat.

## XVI. IANVARII.

S. FURSEVS C. *semel atque iterùm è mortali*  
*corpore excedens, ab Angelis in ca-*  
*lum tollitur.*

## I.

Deducente choro Superùm, rutilantia Furseus  
 Corpore deposito læpiùs astra subit.  
 Inque suum remeat rursus mens hospita corpus,  
 Lætior, hospitio si foret orba suo.  
 At supremùm abiens excessit ab ædibus hospes,  
 Nec reditura iterùm mens super astra volat.  
 Ah! ne quære redux, veteres ne quære penates,  
 Præstat enim vacuos hospitis esse lares.  
 Corpus humo mortale trahis, trahis æthere mentē,  
 Pars habitet patrium reddita quæque locum.



## XVII. IANVARII.

S. ANTONIVS *Abbas eremum in urbem vertit.*

## I.

**N**E coleret celebrem populis Antonius urbem,  
Fugit, at in mediâ se videt urbe coli.  
Nam plebs accurrit studio conferta videndi,  
Inque urbem subito vertit agreste nemus:  
Nec latet ignauâ virtus ymbratilis ymbrâ,  
Sed segetem pulchræ laudis vbique metit.  
Clarius obscurâ pugnat bellator arenâ,  
Quàm si confereret prælia, sole palâm.

*Speñtris infernis frustra illuditur.*

## II.

Induat ora licet variarum Pluto ferarum,  
Tartareisque nemus perstrepat omne sonis:  
Nâ modò frêdet Aper, modò sibilat horrida serpês,  
Et modò venantum latrat ab ore canum.  
Inque lupis vlulat, falsâque in tigride rancat:  
Sus grunnit, taurus mugit, & hñunit equus.  
Mox elephas barrit, rugit leo, rudic asellus,  
Innumerosque yno diuidit ore sonos.  
Non tamen his spectris Senior, pompâ-ve mouetur,  
Forfan ad hæc trepidet ludicra tyro rudis.  
Hic pugil innumeras visus decerpere lauros,  
De Styge perdomitâ sæpe trophæa tulit.  
Necquicquam hæc solidis miscentur inania rebus,  
Non fimet intrepidus talia visa Senex.  
Cui rabiem posuere lupi, verique leones,  
An metuet fatuas, panica monstra, feras ?

*Obiecto Crucis signo à Styge tutus.*

## III.

Imbellis, senioque tremens Ægyptius heros  
 Ridet Auernales, quos struis, orce! dolos.  
 Si sapias, inualidas, quibus vteris, exue fraudes,  
 Non facili prudens luditur arte Senex.  
 Ille decussatâ si pinxerit aëra dextrâ,  
 In subitam cernet te procul ire fugam.  
 Cur tamen ad solam visæ Crucis effugis umbram?  
 Illa, quibus toties vinceris, arma times.

*Toto terrarum orbe pro libro vititur.*

## IV.

Diue! tibi vasti liber est si machina mundi,  
 Dic, ubi erit tanti Bibliotheca libri?  
 Cur tamen vnus mihi Bibliotheca petatur?  
 Vnus enim non est Bibliotheca liber.

## XVIII. IANVARI.

S. LEOBARDVS C. *adibus à fratre pulsus, rectâ  
 ad Asceterium, ex hoc in calum tendit.*

## I.

TE, Leobarde! suis germanus ab ædibus arcet,  
 Nudaque dat nudum sub Ioue terra torum.  
 Suspiciis astriferi laqueata palatia cæli,  
 Et tibi, dum fulgent sidera, sordet humus.  
 Este procul patrij, clamas, laquearia tecti;  
 Quod negat hospitium frater, id astra dabunt.  
 Et citius dicto, generosus Transfuga sacrae  
 Nomina militiæ sponte daturus abis.  
 Postque triumphatos orci superabilis hostes,  
 Victor in æthereâ sede receptus ouas.

Quis modò fraterno sapiens confidat amori?  
Sæpe nocendo iuuat frater, amando nocet.

## XVIII. IANVARII.

S. PRISCA V. & M. in flammâ impunè coniecta.

## I.

Prisca, verecundæ pars non inhonora cohortis,  
Quæ medios inter stas inadusta rogos.  
Non caler, at splendet, tibi qui succenditur ignis,  
Splendôr inest, illo nullus in igne calor.

*Ad eandem in supplicijs illâsam.*

## II.

Et sexu, & teneris esses cùm mollis in annis,  
Vnde tibi tantum, parua puella ! decus?  
Aspernata priùs fueras quæ tigridis vngues,  
Vngula carnificum nil tibi, Prisca, nocet.  
*Leonibus frustra obijcitur.*

## III.

Bissenis vnum addideras natalibus annum,  
Prisca, inter latias glôria rara nurus;  
Cum te implacati rabies furiosa Tyranni  
Armeniis prædam iusserat esse feris :  
Abstenuit tamen ora Leo, pauidusque refugit,  
Et sæuo intactam tangere dente timet.  
Tu nullo stas firma metu, Leo namque pauorem  
Virginis, ast animos virgo Leonis habes.

## XIX. IANVARII.

S. MARIUS M. quòd ignem nollet adorare,  
*in ignem conijcitur, sed sine noxa.*

## I,

MORE ignem patrio Marius dùm Persa litanti  
Se veneraturum pernegat esse manu :

B iij

Protinus hunc Lictor ( sic iusserat ira Tyranni )

Pertrahit in medios, busta parata, rogos.

Diuisit se flamma patens, ritumque coronæ

Cinxit honoratas ambitiosa comas.

Dumque pias reprimat miranda modestia flammæ,

Et caput innocuus lambit & ambit apex ;

Non colere est ipsum visus Pugil inclytus ignem,

Sed Pugil est ipso visus ab igne coli.

SS. MARIUS & MARTHA Coniuges, AVDI-  
TAX & ABACHYS eorum liberi manibus orbantur.

## II.

Necquicquam gladio turbæ nil tale merentis

Victrices refecas, dire Lanista ! manûs ;

Nam quod Christiadis Heroibus instat agendum,

Bellum animo geritur, non feriente manu.

*Ad CHRISTVM.*

## III.

Christe, ubi dederat manibus donaria plenis,

Dat modò turba suas post sua dona manus.

*De SS. MARIO & MARTHA, eorumque liberis.*

## IV.

En pater, en genitrix, en pignora bina parentum,  
Pro Christi tolerant nomine mille neces.

Tàm bene cum proles imitetur vtrumque parentem,

Tàm bene cum prolem formet vterque parens :

Vtraque digna fuit proles utroque parente,

Prole vtrâque fuit dignus vterque parens.

## XIX. IANVARII.

S. PONTIVS M. sine noxâ ignem pedibus calcat.

## I.

Per medias graderis, Salamandræ more, fauillas,

Nec tibi, qui reliquos exedit, ignis obest.

POETICVS.

31

Dis similem, similem-ve Petro te dixero, Martyr!  
Alter enim flammæ calcet, & alter aquas.

*Ad Eundem.*

II.

Ludenti medios nudâ tibi calce per ignes,  
Non pyra, sed potius flamma pyropus erat.

*Geminum Leonem in circo superat.*

III.

Anteit Alciden sacer Heros, namque Leonem  
Alcides vnum vicit, at iste duos.

XIX. IANVARII.

S. LAUNOMARVS Abbas adhuc puer oves pa-  
ternas pascit.

I,

Launomarus puris puer olim purior Agnis,  
Innocuus patrij Pastor ouilis erat.  
Conueniens hæc vita fuit, nam iure morari  
Inter lanigeras debuit Agnus Oves.

*Eradicatam suâ oratione Arborem migrare  
aliò suadet.*

II.

Launomare! auritam radicitus extrahis Alnum,  
Et natalitiâ cedere cogis humo.

Quanta tuæ, proh! quanta fuit facundia linguæ,  
Cesserit eloquio cum vaga sylua tuo?

Monychus ingentes iaculatus dicitur Ornos,  
Quas prius è proprio traxerat ille loco.

At tu maior eras, nam quod, fera monstra, Gigantes  
Vix poterant manuum nisibus; ore potes.

B iiij

## ANNVS SACER

*De eadem Arbore.*

## III.

Quis nouus hic Orpheus, cuius modulamine vocis  
 Cogitur è patrio sylua migrare solo?  
 Et fidis, & fidei sunt hæc miracula rerum:  
 Nunc fidei Quercus cessit, vt ante fidi.

*Fera à Lupis agitata ad eius antrum, sinum-  
 que confugit.*

## IV.

Te Lupus insequitur, rostroque fatigat hianti,  
 Et nullum, quod te saluet, asylon habes.  
 Launomari petis, antra tremens, gremioque fideli  
 Abditus, cluso callidus hoste lates.  
 Si vitare Lupos iterum, leuis Hinnule! quæris;  
 Rursus in hoc poteris delituisse sinu.

## XX. IANVARII.

S. SEBASTIANVS M.

## I.

**D**Iue! tibi celebres meditabar pangere lauros,  
 Nomen at in versus noluit ire tuum.  
 Non tamen Aoniis idcò reticebere plectris,  
 Nec sine te nostrum perficietur opus.  
 Nam mihi præcipuo cùm sis venerandus honore,  
 Tu meliore mihi voce Sebastus eris.

*Ad APOLLINEM.*

## II.

Proijce plectra manu, pharetrâq; instructus & arcu,  
 Stridula depositâ cõstripe tela lyrâ.

POETICVS.

33

Qui lacerum pungunt numerosâ morte Sebastum,  
Te decet hos jaculis pungere, Phœbe! tuis.

D. SEBASTIANVS *palo alligatus sagittis  
configitur.*

III.

Proh facinus! duro religatus brachia trunco  
Innumeras patitur Martyr ab hoste neces.  
Ille quidem nullis protectus membra lacernis,  
Nudus erat, si non vestiât illa cruor.  
Virginitatis amans, nullâ ne veste tegatur,  
Maluit effuso sanguinis imbre tegi.

D. SEBASTIANVS *Tortoris & Amoris  
scopus.*

IV.

Iuncta simul feriunt vnum duo tela Sebastum,  
Tortor enim jaculis instat, Amorque suis.  
Missilibus telis figit præcordia Tortor,  
Missilibus telis pectora figit Amor.  
Sauciat inflicto truculentus vulnere Tortor,  
At pius inflicto vulnere sanat Amor.

D. SEBASTIANVS *sacri Amoris pharetra.*

V.

Cœlestes diuinus Amor captabat amantes,  
Captabat rari victor amantis Amor.  
Vna manus neruum, gestat manus altera telum,  
Et puerile grauat pendula theca latus:  
Aëra percurrit velox, per & æthera currit,  
Telaque marmoreâ spargit vbique manu.  
Iamque superstitis pharetram viduauerat armis,  
Cum tua, quæ pateris spicula, Diue! videt.  
Ergo fatigatas sistens Amor aureus alas,  
Exuit ex humeris pondus inane suis.

B v

Teque simul miserans, simul vdo lumine cernens,  
 Compellat roseq; lacteus ore Puer. (arcus  
 Quamquã absint pharetræ, modò suppetat integer  
 Pro pharetrâ posthac tu mihi, dixit, eris.

*Nova venatio.*

VI.

More licet volucrum patiatur vulnera Martyr,  
 Dissimiles ineunt Martyr, auisque vias.  
 Cuspide dum petitur, cælo delabitur ales;  
 Ad cælum, fixus cuspide Martyr abit.

*Ad D. SEBASTIANYM.*

VII.

Telorum inuectus pennis, super æthera victor  
 Scandis, & ingratam deferis ales humum:  
 Nos brutæ telluris onus torpemus inertes,  
 Nijaculis pungas nos quoque, Diue, tuis.  
 Telorum da parte frui, tibi cedimus alas;  
 Pro stimulo nobis, quod superabit, erit.

*Ad Tortores.*

VIII.

Pone sagittiferas, gens efferat! pone pharetras,  
 Non habet illæsum jam noua plaga locum.  
 Concisum repetita perit per vulnera corpus,  
 Nec modo pars odiis est super vlla tuis.  
 Exanimis censendus erat, sed vulnera sentit,  
 Vnicus exanimem non finit esse dolor.  
 Quot spicæ in campis, tot in hærent spicula mēbris,  
 Vix vaga tot pennas, dum volat, ales habet;  
 Vix tot acuminibus pungens Erinaceus horret,  
 Vix Rosa rot veprium moribus hirta riget.  
 Exisset jam vita diu, sed fluctuat anceps,  
 An dabit illa sibi plaga, vel illa viam.



POETICVS.

35

Dúmque ignorat adhuc, quâ tandem parte recedat;  
 Mens trahit ambiguas irresoluta moras.  
 Sed quid ego vestros remoror, fera turba! furores?  
 Proderit innumerâ cuspide membra tegi:  
 Nimirum alatis ut erunt velata sagittis,  
 His poterunt pennis ocyus astra peti.

*Ad Eosdem.*

IX.

Sat furiis ferroque datum, sat sanguinis haustum;  
 Ut saties auidam, putris hirudo! sitim.  
 Cernis, ut veribus sanguis fluat undique riuis;  
 Vestiat ut riguis corpora nuda cruor?  
 Nec miror laceris hunc artubus esse cruorem,  
 Sed nullum fronti miror inesse tuæ,  
 Scilicet erubuit Martyr, quando, impie Tortor!  
 Debit esse tuo totus in ore rubor.

*Ad Spectatorem.*

X.

Tu quisquis spectator ades, si lumine sicco  
 Ista potes, sicco cernere cuncta potes.  
 Cernis ut illæsum non tangant spicula truncum?  
 Hæc nisi te tangant spicula, truncus eris.

---

XXI. IANVARII.

S. MENRADVS M. post Sacrum peractum, à sica-  
 riis occiditur, qui iidem occisi in Cornorum  
 quos Diuus alebat, pradam cedunt.

I.

VIX sacris operatus eras, Menrade! satelles  
 Molle tibi jugulum ter, quater ense ferit;  
 Interea gemini redeunt ad pabula Corui,  
 Pascere quos solitus munere farris eras.

B vj

Vt vacuas vidère manus, & corpora toto ;

Quantus eras, latè sanguinolenta solo :

Latronem incurſat geminum, roſtroque redunco

Vindicat illatam Coruus vterque necem.

Exiguâ ſta, Corue! morâ, tibi furcifer eſcam

Quam rapuit viuus, poſt ſua fata dabit.

## XXI. IANVARII.

S. AGNES V. & M. è lupanari illibata  
egreditur.

### I.

Duceris, ah! traheris potiùs, miſerabilis Agnes !

Ad loca, quæ caſto non licet ore loquì :

Ne tamen inſcriptæ metuas mala nomina cellæ,

Nam tuus hinc expers labis abibit honos.

Dum cœnum obſcœnum clarat, tamen aureus extat

Phœbus, & obſcœnum deſinit eſſe lutum.

Sic tua virginitas labem non contrahet vllam,

Hic tamen impurus deſinet eſſe locus.

*A Tyranno nudata, crinibus ſubitò enatis  
veſtitur.*

### II.

Raptaris ſpoliata togâ, ſpolianda pudore,

In medios, Agnes, vt ſolet Agna Lupos.

Parce tamen, pia virgo! metu, ſpontanea veſtis,

Vnde minùs reris, jam tibi tegmen erit.

Ecce nouus creſcente comâ, te velat amiſtus,

Illam neſcieras tam propè, Diua! togam.

*Aliud.*

### III.

Veſte puellari nudatur amabilis Agnes,

Delibata oculis non tamen illa fuit.

Sponte suâ natis regitur pro veste capillis :  
Vellere vestiri debuit Agna suo.

D. AGNETIS *coma seruando pudori op-  
portuna.*

## I V.

Quæ coma captandis porgebat amantibus olim  
Spicula, dum prædas illaqueârat Amor:  
Hæc modò virgineum tutatur honesta pudorem,  
Atque ita fit clypeus, quæ prius ensis erat.

*Agnus in sinu D. AGNETIS depictus.*

## V.

Fert Ovis innocuû (quid enim ferat aptius?) Agnû,  
Agnum Agnes gremio dum fouet ipsa suo.

D. AGNES *in flammis illæsa.*

## V I.

Is pede per domitas, Agnes! victore fauillas,  
Regnat ut in mediis tuta Pyrausta pyris.  
Sobrius appositâ procul abstinet ignis ab escâ,  
Nempe tuas refugit lambere, virgo! niues.

*Aliud.*

## V I I.

Alget in egelidis flammarum ardoribus Agnes,  
Quodque putabatur pruna, pruina fuit.

*Aliud.*

## V I I I.

Cur mediis alget, non ardet in ignibus Agnes?  
Non erat in flammis ardor, at algor erat.

D. AGNES *flammi erepta gladio obtruncatur.*

I X.

Quam nec flamma vorax, nec proximus ignis ade-  
Hostia carnifici concidit icta manu : (dit,  
Clarius occideret flammis rutilantibus Agnes,  
Saucia sed cultro debuit Agna mori.

D. AGNETIS *vincula sponte defluunt.*

X.

Sponte suâ manibus manicæ cecidère solutis,  
Libera mactari victima, virgo! cupis.

D. AGNES *piacularis victima.*

- I X.

Non alia est quærenda tibi, quâ Numina places  
Victima, placando nam cadis Agna Deo.

## XXII. IANVARI.

S. VINCENTIUS *M. cuius corpus exanimum  
à feris & à volucribus Coruus defendit.*

I.

VIncenti factis nomen qui fortibus imple,  
Nec vacuum meritis laudibus esse finis!  
Iam per mille neces, per mille pericula rerum,  
Passus eras vnam pro pietate necem.  
Alitibus data præda jaces, nisi Coruus abactor  
Arceat obsecras, ne lacereris, aues.  
Nam crocitat, rostroque ferit connixus, & vngue,  
Si qua fera, aut vultur si quis odor adest.  
Corporis exanimi si sit custodia Coruus,  
Certe ouium custos nunc erit ipse lupus.

*Coruus diuersis ministeriis obsequens.*

## II.

Et rostro & rigidis connititur vnguibus ales,  
 Ne lacerâ reliquis, Martyr! edare feris:  
 Quàm varios, mandante Deo, famulatur in vsus!  
 Quàm diuersa vnus munia Coruus agit!  
 Thesbitæ adfuerat quondam ne deforet esca,  
 Nunc prohibet, ne tu flebilis esca forës.

*Ad D. VINCENTIUM.*

## III.

Corporis extincti custos dum Coruus edaces  
 Et rostro, & curuis vnguibus arcet aues;  
 Diue! animum melior, multoque beator ales  
 Abstulit, & sacrum pignus ad astra tulit.

## XXII. IANVARII.

S. ANASTASIUS *Monachus dum flagris caditur, Toriores rogat sacras ne vestes attingant.*

## I.

Nudat Anastasius dum prompta, iubente Tyranno,  
 Membra catenatis dilanianda flagris:  
 Parce sacris, ait ille, togis, me percutite, Lictor!  
 Inque humeros tantum sæuiat ira meos.  
 Quæ causa insolitum produxit idonea votum?  
 Innocuas vestes, se putat esse reum.

*Ei vitam laqueo Tortor eripit.*

## II.

Non laqueo torquet, donat te torque Satelles,  
 Quod laqueus reliquis, id tibi torquis erat.

*Ad Tortorem.*

## III.

Quem lethum subiisse putas, super astra refurgit  
 Victor Anastasij, nî male nomen habet.

ANNVS SACER  
XXII. IANVARII.

S. CAROLVS Magnus, Rex & Imperator.

I.

Ibo tuas præter, ter Maxime Carole! faudes,  
Charta brevis tantum non capit ista virum.

*Captiuos in Syriâ Christianos soluto pretio  
redimit.*

II.

Christiadum Assyrijs captiua gemebat in oris  
Turba, sub imperio, trux Othomanne! tuo.  
Huc dextram extendit Magnus, manicasq; resoluit,  
Quis Regum longas iam neget esse manus?

*Multarum gentium victor.*

III.

Terrarum, dominoque maris, rerumque potenti,  
Sunt tibi, quæ vincas, sidera, Carle! super.  
Hoc artis non Martis opus, nam nudus ab armis  
Qui se cunque domat victor, is astræ domat.

*Caroli Magni medio corpore depicti imago.*

IV.

Magnâ implem tabulâ, quanquâ te corpore tantum  
Dimidio pinxit ingeniosa manus.  
Da veniam artifice, Princeps! te namque tabella,  
Vt totum caperet, quæ foret ampla satis?

XXIII. IANVARII.

S. CLEMENS M. & Episc. Ancyranus, Sophiam  
sanctissimam sceminam, matrem habuit.

I.

ET Clementis erat Sophiæ de nomine mater,  
Et Clemens Sophiæ nobile pignus erat.

Huius debuerat soboles ille esse parentis,  
 Illa huius sobolis debuit esse parens.

*Durissima ipse sibi infert supplicia.*

## II.

Et pius, & pariter facto crudelis eodem,  
 Immeritus pœnas, Diue! volensque luis.  
 Te nullo maculosa notat labecula næuo,  
 Et recta est vitæ norma, tenorque tuæ.  
 Cur tamen ipse tui vindex acerrimus, vltro,  
 Quæ tibi vix Diocles inferat, ipse feras?  
 Martyrij quid amore flagras? longè antè Tyrannus  
 Quam te reddiderit Martyra, Martyr eras.

*Toto corpore crudeliter laceratur.*

## III.

Exarat impressis rabies tibi corpora sulcis,  
 Quique prius fuerat tortor, arator erat.  
 Non tamen in sterili labor hic absimitur aruo,  
 Proueniet claræ laudis opima seges.

*De D. CLEMENTIS nomine.*

## IV.

Qui sibi, non alijs bellum tam duriter infert,  
 Hic alijs Clemens, sed sibi durus erat.

*Inter sacrificandum occiditur.*

## V.

Occidis ad sacras, dum fers libamen ad aras,  
 Aut nusquam, aut illo dignus obire loco.  
 Victima tu Christi, fuit altera victima Christus,  
 Sic datur æterno victima bina Deo.

## XXIII. IANVARII.

S. EMERENTIANA V. & M. ad tumulum  
S. Agnetis collactanea sua caditur.

## I.

Ad sacrum Agnetis cadit hostia cæsa sepulchrum,  
O quàm virgo volens hoc prope marmor obit!  
Vt cui facta prius sociæ collactea mamma,  
Huic comes effuso iuncta cruore foret.  
Communes quibus vna dedit nutricula cunas,  
His quoque communis debuit vna dari.  
Ergo dispariles illis ne dentur honores,  
Ostus, & interitus quas facit esse pares.

*A concitata plebe lapidibus obruitur.*

## II.

Quæ fuerat gemmis, fuerat decoranda lapillis,  
Hæc lapidum moles virgo, molasque tulit.  
Cuius erat facies minio pingenda nitenti,  
Illa sui solo sanguinis imbre rubet.  
Nec fucio meliore coli pulcherrima virgo,  
Nec poterat gemmâ nobiliore regi.

## XXIII. IANVARII.

S. IOANNES Eleemosynarius Episc. Alexandri-  
nus opes omnes in egenos effundit.

## I.

Fulserat exhaustâ nummi tibi quidquid in arcâ,  
Effusum in miseras id fuit omne manus.  
Quin etiam si quis præsens licitator adesset,  
Ipsum te pretio vendere, Diue! velis:  
At cum sis pretio longè pretiosior omni,  
Nullus, par pretium qui dare posset, erat.



*Salubre oleum è suo tumulto dedit.*

## II.

Ne tibi dissimilis, Præsul ! moriaris, amicam  
 Pôrgere non cessas quæ medeatur, opem :  
 Namque salntiferum stillas tumulatus amomum,  
 Sic omni in miseros tempore mitis eras.

## XXIII. IANVARII.

*S. ILDEPHONSVS Episc. Toletanus vestem mirè  
 candidam à Virgine Matre accipit.*

## I.

Ildephonse ! decus patriæ prænobile terræ,  
 Quam casto eduxit turba nouena sinu :  
 Quam tibi dant Superi, Mariani pignus amoris,  
 Est toga Bistonias vincere iusta niues.  
 Scilicet absterfi candor sine crimine næui,  
 Tessera virgineos hæc decet alba choros.  
 O quem tangit amor Superum, quem cura pudoris,  
 Qui cupis æthereæ Virginis esse cliens !  
 Si minus induti tibi penula corporis albet,  
 Certe animi, monco, sit color ille tui.

## XXIV. IANVARII.

*S. BABYLAS M. & Episcopus Antiochenus cum  
 suis vinculis voluit tumulari.*

## I.

**E**Xanimes Babylas tumulto dum conditur artus,  
 Compeditibus liber noluit esse suis.  
 Id ratus est quod erat, nullos ad sydera victo  
 Martyre, liberiùs currere posse pedes.

*Cum eodem tres lætissimi adolescentes, ipsius discipuli, Martyrio donantur, qui tot plagis affecti sunt, quot annos nati erant.*

## II.

Nobilis appendix Babylam comitata iuuentus,  
 Cum quo visa fuit viuere, iussa mori est.  
 Nulla ætas non apta Deo; Deus æthera pandit,  
 Siue velis iuuenis scandere, siue senex.  
 En modò tergemini (flos illibatus) Ephebi,  
 Quam tulerat Babylas antè, tulère necem.  
 Nec temerè infligit cæcus tormenta satelles,  
 Cui plùs contigerat viuere, plura tulit.  
 Pro numero annorum plagas dùm quisque subiret,  
 Nestoris ætatem vellet habere senis.

## XXV. IANVARII.

*Conuersio S. PAULI Apostoli.*

## I.

**P**AVLVS inexpertæ stupefactus fulmine vocis,  
 Ire pedes cœpit, qui priùs ibat eques.  
 Quod mirere magis, velociùs astra subiuit,  
 Quàm cùm præcipiti curreret actus equo.

*Ad D. PAVLVM.*

## II.

Paule! fugam cõhibe, tenebrisque excussus obortis,  
 Plange grauem totâ molé caducus humum.  
 Nox lucem dabit ipsa tibi, lux ipsa salutem,  
 Teque tuus sursùm casus in astra vehet.

## XXV. IANVARII.

S. PROIECTVS M. & Episc. Claromontanus  
à quibusdam sua Diœceseos occiditur.

## I.

Te mala vulneribus, Pastor bone! turba trucidat,  
Hos, Proiecte! tuum fouit ouile lupos.  
Antè manus furum timuit, rictusque leonum;  
At proprias timeat nunc quoque Pastor oues.

*Lethale vulnus accipit in pectore.*

## II.

Infertur, Proiecte! tibi sub pectore vulnus,  
Fixerat hunc melior jam tibi plaga locum.  
Aptius hâc poterat nusquam pars vlla feriri,  
Quam quæ formosæ mortis amore flagrat.

D. PROIECTO occiso, stella noua emicat.

## III.

Vix lethum intulerat geminus tibi, Diue! satelles,  
Sideris insolitum fulget in axe iubar.  
Cum Deus in terris oritur, fax altera fulsit,  
At tu dum cælo nasceris; ista micat.

## XXVI. IANVARII.

S. POLYCARPVS M. & Smyrnensium Episc.  
ad flammâs Romæ damnatur.

## I.

I Am numero annorū fessus, crebroque Decembri,  
Succensæ Antistes stat prope ligna pyræ:  
Ille nihil remoratus iit, quâ densior ignis  
Euomit vndosos in latus omne globos.

Canitiem venerata Senis se flamma recuruat,  
 Sponte coronatum lambere visa caput.  
 Et refugit ne fortè sacras propiore perurat,  
 Tempora dum cingit Præfulis, igne comas.  
 Diue! tuos lambit dum circum impunè capillos,  
 Esse videbatur flamma, corona fuit.

*Flammis, quæ suauem odorem afflant, ereptus  
 gladio confoditur.*

## I I.

Roma! quid insimulas sceleris nil tale merentem?  
 Cur noua pœnarum monstra, necesque paras?  
 Non illos Mystes senior raptandus in ignes,  
 Non erat ille rogis dignus, at ille rosas.  
 Imo rosas calcasse reor, fuit ille rosarum,  
 Qui circumstantes leniter afflat, odor.  
 Eripitur tamen inde Senex, cæsusque machærà,  
 Tinxit odoriferum sanguinis imbre rogam.  
 Diue! suis radiis quanquàm tibi vita refulget,  
 Hæc tamen in medio clarior igne micat.

## XXVI. IANVARII.

S. PAULA Romana in specu Bethleemitico diem  
*extremum claudit.*

## I.

Dic age, Bethlemium quid, Paula! recedis in antrū,  
 Corporis exuias depositura tui?  
 Miror ego, dùm fata tuæ cerno vltima vitæ,  
 Hic vbi vita oritur, te potuisse mori.

## XXVII. IANVARII.

S. IOANNES CHRYSOSTOMVS, nondum Episc. By-  
*santinus à D. PETRO librum accipit.*

## I.

**N**ondū tantus eras superâ cum Petrus ab arce,  
 Diue! tibi sacrum donat habere librum.

Reijce jam reliquas numerosa volumina, chartas,  
Te tuus hic poterit plura docere liber.

*Aurea CHRYSOSTOMI virtus & facundia.*

## II.

Dicendo facundus eras, sæcundus agendo,  
Concordique potens ore, manuque potens.  
Aurea lingua tibi est, sed dextera ditior auro,  
Et quamuis doceas plurima, plura facis.  
Non rarò in reliquis, & lingua & dextera pugnant,  
Aurea nam lingua, & ferrea sæpe manus.

*Ad D. CHRYSOSTOMVM.*

## III.

Diue! tibi fluerent cum flumina fusilis auri,  
Nunquid erat pectus Auri-fodina tuum?

*De D. CHRYSOSTOMI statuâ.*

## IV.

O meritum cui jure dedit Pitho aurea nomen,  
Gemmeus aurifero dum fluit ore Tagus!  
Expressere tuos docto simulamine vultûs  
Molliter artificem signa secuta manum.  
Sed muto tamen ore silet facundia diues,  
Nec liquidas largo flumine fundit opes.  
Scilicet hic tua, Pictor iners! ars deficit omnis,  
Nec potes inualidâ labra mouere manu.  
Cesset ab elingui prorsus tua dextra labore,  
Aut nihil, aut doctos tu mihi pingere sonos.

*CHRYSOSTOMVS exilia subinde mutat.*

## V.

Ex aliis alias ingens migrat Exul in vrbes,  
Scilicet vrbs tantum non capit vna Virum.

*Variis pœnis afficitur.*

## VI.

Incude attritum variâ, licet aureus esset,  
Ferrea tam magnum sæcla tulere Virum.

*Exilium patriâ celesti mutat.*

## VII.

Mille per exilia, & rerum per mille labores,  
In patriam tandem nobilis exul abit.  
Sed veram in patriam, nam terris pulsus & vndis,  
Astra nihil præter, quò properaret, erat.

## XXVIII. IANVARII.

S. IACOBVS *Anachoreta, post geminum  
scelus pœnitens.*

Hic est ille Senex, toties Acheronte subactò  
Fertur Auernales qui domuisse minas.  
Exitiale nefas reus execrabilis audet,  
Tartareis visus succubuisse dolis.  
Namque puella mali tristissima Dæmonis hospes,  
Venit ad annosum sospes itura Senem.  
Ille orci genium longe discedere iussit,  
Iussus ab hospitio virginis orcus abit.  
At vix conualuit pulso procul hospite virgo,  
Cum Medicus cœpit peius habere Senex:  
Namque pudicitia priuat, vitæque Puellam,  
Et prius accumulât noxa secunda scelus.  
Inde sui vindex cæcum subit abditus antrum,  
Vt fleat assiduus, crimen vtrumque dies.  
Hic lacrymans lamenta dedit, merfusque tenebris  
Eluit vsque suos imbre cadente sinus.  
E loquar, an fiteam? penè est optabile damnum:  
Penè iuuat gemini criminis esse reum:  
Nam postquàm cecidit, virtutis ad ardua nitens,  
Ditior efficitur per sua damna Senex.

S. IACOBVS *ut crimen fleat, in Sepulchro conditur.*

## II.

Quis nouus hic ordo rerum? non ante Sepulchrum  
Cætera gens hominum, quàm moriatur, adit.

At

At tu, Diue senex! vitâ remanente superstes,  
 Conderis effossâ sponte sepultus humo.  
 Ilicet hanc pateris gemino pro crimine pœnam,  
 Et tumulus thalami corrigit ille nefas:  
 Atque ità (præteritum res ante ignota per æuum)  
 Sola vbi mors aliis, hîc tibi vita datur.

*Ad D. IACOBVM in Sepulchro delitescentem.*

## III.

Sole palàm, radiisque poli, malè perdita quondam  
 Quæris in obscuro conscius astra loco.  
 Et meritò; nam sola oculis nox sidera pandit:  
 Hinc tenebras, quisquis sidera quærit, amet.

*D. IACOBVS speculum Pœnitentiæ.*

## IV.

O qui præteritis addens noua crimina culpis,  
 Nullo animi sordes flebilis imbre lauas!  
 Peccantis, pariterque viri peccata luentis  
 Ecce tibi speculum, quod tuearis, habes.  
 Altera formosâ sumant sibi vitra puellæ,  
 Hoc animi speculum sit, licet, vsque tui.

## XXIX. IANVARII.

SS. PAPIAS & MAVRVS MM. & Milites  
*fustibus caduntur.*

## I.

O Socij, quos vna fides, quos vnus vnus  
 Tessera militiæ junxit, & vnus amor!  
 Vos ego, dum rudibus cædit, virgisque satelles,  
 Donandos aliâ credo fuisse rude.

ANNVS SACER  
XXIX. IANVARII.

S. ARNVLPHVS Miles, ab hostibus Domini sui  
captus, ex infelici arbore suspenditur.

I.

Arnulphus medios Domini delapsus in hostes,  
Traditur arboreæ pendulus esse cruci.  
Te tua spes fallit, Lictor! dùm pensile corpus  
Tollis in aëriæ robora longa trabis:  
Nam vicina oculo propiore tuebitur astra,  
Quò mala, quâ pendet, celsior arbor erit.

XXX. IANVARII.

S. MARTINA Romana, V. & M. ex eodem vul-  
nere Lac simul & Sanguinem fundit.

I.

R Omuleæ, Virgo! gemma illibata coronæ,  
Luce pudicitiaæ quæ radiofa micas:  
Dùm roseos tibi tortor atrox diuerberat artus,  
Sanguinis, & Lactis fluxit vterque liquor.  
Quàm bene Lactis ebur sociatur Sanguinis ostro!  
Cerulea est minio quàm bene iuncta suo!  
Martyrium Sanguis, Lac virginitatis honorem  
Denotat irruptâ nexa fuisse fide.  
Currite pacifici per hiantia vulnera fratres!  
Et Lac & sociâ Sanguis abite viâ.  
Nympha simul Virgo, Martyr simul esse probatur,  
Virginis est candor, Martyris ille rubor.

*Lac ex vulnere D. Martina manans.*

II.

Virgo verecundi laticem dat faucia Lactis,  
Dic mihi, Lac præter quid dare possit ouis?



POETICVS.

51

D. MARTINA Tortores in ipsis supplicijs ad  
Christum fidemque conuertit.

III.

Vnde liquor sine labe nitens in virgine plagâ?  
Vnde repentino Lacte, Puella! mades?  
Dum pareres castam, moritura Puerpera, prolem,  
Lac ego crediderim te voluisse dare.  
Vberibus tenerum nutritula lactat alumnus:  
Vulneribus sobolem tu noua mater alis.

*Ad Eandem,*

IV.

Progeniem moriendo paris, vitâque potiri,  
His tibi qui vitam præripuere, dabas.  
Ne noua deficeret Lactis sine munere proles,  
Quod mamma est aliis, hoc tibi vulnus erat.

XXX. IANVARII.

S. ALDEGVNDIS V. cui agrotanti D. Petrus  
cum alijs Cœlitibus adstitit.

I.

Nobilis Heroum soboles, Regumque propago,  
Versabat modico morbida membra toro:  
Adfuit ætherci turba officiosa Senatûs,  
Inque illo princeps agmine Petrus erat.  
Dulcia morosi Virgo solatia morbi  
Prælibat, superas te, Petre! dante dapes.  
Talibus illecebris, tali dulcedine captam  
Demulcet memoris prouida cura poli.  
Longiùs humanis, quid Nympha, moraris in oris?  
Te dudum inuitant sidera, terra fugat:  
En qui fiderei limen tibi pandat Olympi;  
Ætheræ Petrus Ianitor arcis adest.

C ij

## XXXI. IANVARII.

S. MARCELLA *Vidua*, mirè in *pauperes*  
*munifica.*

## I.

**H**Æc est Patriciae stirpis Marcella propago,  
Quæ claro generis stemmate fulta niter.  
Illa vbi mortales sponfus prior exuit artûs,  
Alterius conjux noluit esse viri.  
Non tamen orba fuit sobolis, licet orba mariti;  
Nam meruit turbæ pauperis esse parens.





# MENSIS FEBRVARIVS.

---

## PRIMA FEBRVARII.

S. I G N A T I V S M. & Episc. Antiochenus, No-  
men I E S V corde impressum gerit.

### I.

I BAT Amor faculis, pharetrâque insignis, & arcu,  
Scriba salutiferi nominis ibat Amor :  
Dùm dubitat rubris-ne rosas, niueis-ne ligustris  
Inscribat IESV nobile nomen Amor :  
Nomen in obryzo dignum quod inhæreât auro,  
Quodque reclinatis æquor adoret aquis.  
Nomen Apelleâ dignum quod viuat in arte,  
Pingat & in calathis quod dea Flora suis :  
Dùm dubitat, videt ecce tuû Cor, Martyr, & inquit :  
Scribendi hæc sedes Nominis apta venit.  
Et citiùs dicto, teli depromit acumen,  
Insignitque suis flammea Corda notis.  
Ex illo penitus Ignatius ignibus ardens,  
Impressum in sacro pectore Nomen habet.

S. I G N A T I V S depictus Cor flammeum manu  
gerit.

### II.

Ignati qui iure trahis tibi nomen ab igne !  
Cum cæli arcano totus ab igne flagres :  
C iiij

Cor radiis flammæ ardens tua dextera præfert,  
Nempe nihil flammâ iunctius ignis habet.

*Feras inter moriens Nomen IESV inclamitat.*

## III.

Pænorum moleris, Martyr, dum dente leonum,  
Et quæreris rabidas non satis esse feras :

IESVM, iterum IESVM, vitâ fugiente, vocabas,  
Ultima vox, IESV, dum morereris, erat.

E linguâ in pectus transiit amabile Nomen,  
Nam moriens loqueris corde, quod ore nequis.

*Frumentum Christi sum, dentibus bestiarum  
molar.*

## IV.

Sum Christi Frumentum, inquis, me sæua molari  
Conterat, & pressio bellua dente molar :

Par merito reddis, sacras nam Christus ad aras,  
Se tibi triticeum, Diue! dat esse cibum.

*Ex abundantia cordis, os loquitur. Matth. 12.*

*Ad D. IGNATIUM.*

## V.

Seu vigilas, seu fortè premit tua lumina sômnus,

Nil præter IESVM, quod loquereris, erat.

Diue! quod infixum pleno sub pectore gestat,

Id solet assiduo quilibet ore loqui.

*Nomen IESV in corde D. IGNATII.*

## VI.

Interclusa tibi lacerârunt ora leones,

Tu IESVM extremo, quâ licet, ore vocas.

Cor loquitur quod lingua tacet; sic, Diue! videris,

Esse cum mutus gutture, corde loquax.

*Cordis & oris concordia. Ad D. IGNATIVM.*

## VII.

Tam bene concordēs cum Cor, & Lingua loquātur,  
Corque gerat scriptum, quod pia Lingua sonat:  
Iure tuum Linguae frater Cor esse gemellus  
Dicitur, & Cordis Lingua gemella soror.

## I. FEBRVARII.

*S. BRIGITTA V. Cuius contactu ara viruit,  
certum seruata pudicitia, qua in suspicionem  
adducebatur, argumentum.*

## I.

Sis licet, & niuibus puris, & lacte coacto  
Purior, & nitidæ flore, Brigitta, rosæ:  
Te tamen extincti damnat mala lingua pudoris;  
Proiectæque ream virginitatis agit.  
Luminibus factura fidem, tu protinus aras  
Intrepidâ tangis nil remorata manu.  
Ecce repentinæ cœpère virescere frondes,  
Hic vbi iam longo verminat ara situ.  
Et penitus fœtis succo meliore medullis,  
Induitur vernas tacta tabella comas.  
Vos, fora, cum vestris clamosa filete Patronis;  
Muta pudicitiam Virginis ara probat.

*D. BRIGITTA amorem Procorum auersata, im-  
petrat, ut oculus sibi fœdum in modum  
affluat.*

## II.

Orat & exorat speciosa Brigitta, pudico  
Alterutrum extingui, quod micat ore, iubar.  
Cum vastum illustret radiis sol vnicus orbem,  
Fronte suâ soles noluit esse duos.

C iij .

*Infantis linguam Cruce signatam, disertam reddidit.*

## III.

Ecquid ego dudum, grauiore sonanda Corhurno,  
 Virgo, pudicitiae defero facta tua?  
 Cui linguae acceleras, cui vocis praecocis vsum,  
 Doctius infanti te canet ore puer.

## II. FEBRVARII.

PURIFICATIO BEATAE MARIAE VIRGINIS.

*Tulerunt eum in Ierusalem ut sisterent eum  
 Domino. Luc. 2. Ad D. IOSEPHVM.*

## I.

**D**VM templū approperas gressu, Iosephe! senili,  
 Dona fecens summo rite litanda Deo:  
 Et pia te Soboles, & te comitatur euntem,  
 Quae gerit in gremio pignora chara, Parens:  
 Tu foetum enixae pecudis, geminasque volucres,  
 Vile lytium Pueri templa petentis habes.  
 Cur Agnum tibi cura fuit, cur ferre Columbas?  
 Virgo columba, Puer Virginis Agnus erat.

*Tuam ipsius animam gladius doloris pertransibit.  
 Nunc dimittis seruum tuum Domine, &c.*

Luc. 2.

## II.

Qui gladios Matri intentat, saeuosque dolores,  
 Pace quid in placida vult tamen ille mori?

## III. FEBRVARII.

S. BLASIUS M. & Episc. Sebastenus, à Venato-  
 ribus in syluis capitur.

## I.

**M**ONTIS in Argæi Blasius secesserat antrum,  
 Dulcia compositae dum loca pacis amat.

Solus erat, sed turba comes venêre ferarum,  
 Quælibet officii fida ministra sui.  
 Nec solæ venêre feræ, sed venit & ipsas  
 Venator captans per Senis antra feras.  
 Ille sub arboribus residens, mediûsque ferarum  
 Concilio, hinc pardis imperat, inde lupis.  
 Hunc ubi conspexit Miles, noua præda, Sodales,  
 Hæc operæ pretium non leue, dixit, erit.  
 Nec mora; constrictus vinclis quas ante reliquit,  
 Per medias vrbs cogitur ire vias.  
 Improbe Venator! capturâ diuite felix!  
 Si tamen est felix, quem sua culpa beat.  
 Nunquam ex quo lepores cursu, ceruôsque; fatigas,  
 Venerat in casses tam bona præda tuos.

D. BLASIVS *in sylua captus.*

## II.

Quæ noua venandi ratio? Nemoralibus antris  
 Abdita captatur dùm fera, captus homo est.

## IV. FEBRVARII.

S. REMBERTVS EPISC. BREMENSIS *miro  
 in Cacodæmonas imperio.*

## I.

Pellitur obsessis infernus ab ædibus hospes;  
 Et reperit nullos, quos colat Erro, Lares.  
 Hæc est illa tuæ, Remberte! potentia vocis:  
 Hæc sunt, Orce, tui tristia signa metûs.  
 I nunc, & solum summi conscende Tonantis,  
 Cùm tibi sit nostro nullus in orbe locus.  
*Iussit se humari in Templi aditu.*

## II.

Vestibulum ante ipsum, tritique in limine Templi,  
 Vis, Remberte, animâ corpus inane regi.

C V.

Sperabas, dùm sæpe iret rursusque rediret,  
 A populo pedibus prætereunte premi.  
 At spes vana fuit: nam mox miracula tectus  
 Patrat in hoc tumulto prodigiosa Cinis.  
 Famofam ex templo propylæum cessit in Ædem,  
 Vrnaque quod fuerat funebris, ara fuit.

Ad D. REMBERTVM.

### III.

Non aditū, sed templi adytum, Remberte! mereris,  
 Vrnaque non Cineres, sed decet ara tuos.

### IV. FEBRVARII.

S. THEOPHILVS C. *post euocatum Orcum &  
 eiuratum coram eo Fidei Christiana sacra-  
 mentum, ad Virginis sinum, nec  
 frustra confugit.*

### I.

Tergeminæ portenta Hecates exciuit ab orco,  
 Qui malè diuinæ Numinis audit amans;  
 Ingratusque Cliens iuratum eiurat amorem,  
 Infidamque, Deo quam dedit antè, fidem.  
 Quid quodd' Auernali mandat perjuria scripto,  
 Et sacrum obsignat perfida gemma nefas?  
 At scelus horrificum menti sine fine recurfat;  
 Intentatque audas torua Megæra faces.  
 Heu! quid agat pauitans, vel quas reus occupet aras?  
 Anchora quæ laceram firmet amica ratem?  
 Virgo! tuam exorat, quæ nunquam defuit ulli,  
 Hanc modò suppliciis tristibus orat opem.  
 Dum perstat lacrymans Marianæ limen ad ædis,  
 Rite quaterdèni præteriêre dies.  
 Tu luctus miserata tui, Patrona, Clientis,  
 Excutis irato tela vibranda Deo.



Et frendente Erebo, sceleris ne signa supersint,  
 Vritur infidâ scripta tabella manu.  
 O quemcunque graui torquent delicta reatu,  
 Ad similem magnæ confuge Matris opem.  
 Ire tuas non illa preces permittet inanes,  
 Illa dabit votis pondus inesse tuis.  
 Nullo vnquam gemitu reseratur ianua Ditis;  
 Septa fuit surdæ cum semel ære seræ:  
 At Cœli (nam, Mater! amas hâc voce vocari)  
 Panditur ad minimas janua pulsa preces.

## IV. FEBRVARI.

S. IOANNA FRANCICA, *tribus Gallia Regi-*  
*bus, quos proximâ affinitate attingebat, ob cor-*  
*poris deformitatem inuisa, clauos quinque*  
*argenteos pectori insigit.*

## I.

Et soror, & coniux, generosaque filia Regum;  
 Pertulit indignis multa, diuque modis:  
 Huius enim qui frater erat, sponsusque, parensque;  
 Nec frater, nec vir, nec velit esse parens.  
 Gestat in infirmi quem princeps Fœmina dorso,  
 Tergeminus gibbum ferre recusat Atlas.  
 Sponte nouos primis addit Regina dolores,  
 Dùm sibi conspidibus pectora quinque ferit.  
 Nimirùm longo dudùm quam pertulit vsu,  
 Affigi his clauis debuit illa Cruci.

## V. FEBRVARI.

S. AGATHA V. & M. *iacturam Mammarum*  
*patitur.*

## I.

Nympha Syracusiis olim prælata puellis,  
 Conueniens Agathæ quæ tibi nomen habet:

Ne graue sit geminæ dispendia ferre Mamillæ ,  
 Non minus ablato lacte futura parens.  
 Nam fidei accrescens foboles, non lacte Parentis ,  
 Sanguine sed fuso Martyris optat ali.

*Amor diuinus de Mamillis D. Agatha  
 sanguinolentis.*

## II.

Abstulerat geminas Agathæ laniena Mamillas,  
 Cùm fuit è plagis qui solet ire cruor.  
 Ales Amor nitidam properat supponere lancem ,  
 Sectile in immundam ne cadat Vber humum.  
 Dúmque volat, superos munus laturus ad axes,  
 Hæc leuis arguto protulit ore puer :  
 Mutauit Natura fidem, prius alma liquorem (brũ.  
 Mamma dabat niueum, dat modò mamma ru-  
*Ad Tortorem D. Agatha mammas secantem.*

## III.

Virgineo cur bina sinu rapis Vbera, tortor ?  
 Sanguine purpureas cur facis esse niues ?  
 Materno quæ lacte parens te fouit alumnum ,  
 Digna hoc supplicium, quæ pateretur, erat.  
 Ah fallor ! tibi nulla dedit prius Vbera mater ,  
 Vel tibi si qua dedit, sola læna dedit.

*D. AGATHA, noua Amazon.*

## IV.

Abscissis Agatham dum tortor Amazona Mammis  
 Reddidit, ad pugnam promptior illa fuit.  
 Imò mihi veteri censetur Amazone maior ,  
 Hæc vnam è Mammis perdidit, ista duas.

QVINTIANVS SICILIAE PRAETOR, *post  
martyrium D. Agatha, dùm Panormum ad  
eius fortunas rapiendas properat, flumine  
obrutus miserè perit.*

## V.

Ibat ouans auri cupidus, plenusque cruoris,  
Rapturus miseras Prator avarus opes :  
At calce alipedum, cursuque obtritum equorum,  
Decidit in rapidas, flebile pondus, aquas.  
Pœna quidem grauior poterat punire nocentem ;  
Aptior hâc poterat non tamen vlla dari :  
Nam quamquàm fortassè famē non merferit auri,  
Hoc tamen est auri flumine mersa sitis.

## V. FEBRVARII.

BEATVS PAVLVS MIKI E SOCIETATE IESV, *vnà cum geminis Sociis in Iaponiâ Cruci  
pro Christo affixus.*

## I.

Vincla procul remouete, Viri ! quæ causa seneris  
Morigeras manicis impediisse manus ?  
Quas cupidis tam sæpe Cruces prensauimus vlnis,  
Nil modò, præsentem cur fugiamus, erit.  
Hoc ego, quem patior, caruisse dolore dolerem ;  
Magna foret nullam Crux mihi ferre Crucem.  
Vos Ignatiadum soboles, germana propago,  
Quos alio longè terra sub axe tulit !  
Huc celeri properate gradu, Crux altera vestri,  
Altera Crux pretium grande laboris erit.  
Ista Cruces tellus, Crucibus sæcunda creandis,  
Ad numerum vobis, si properatis, habet.

*E Cruce, tanquàm è Pulpito, Christi fidem  
prædicat.*

## II.

Regali Crucis è folio moriturus, adeptam  
Prædicat, & factis Martyr, & ore fidem.  
Nemo vnquam Cathedrâ meliori dicere, nemo  
Dicere suggestu nobiliore potest.

*Ad B. PAVLVM.*

## III.

Cùm simul hanc factis, simul hanc sis ore professus,  
Paule! tuæ Fidei major habenda fides.

*B. PAVLVS suo sanguine Christi fidem  
obsignat.*

## IV.

Dat Paulus Præcoque sonos, Martyrque cruorem,  
Quàmque Fidem docuit voce, cruore probat.  
Non satis est vno Christum si nuntiat ore,  
Saucia quot cernis membra, tot ora vides.

## V. FEBRVARI.

*B. LVDOVICVS IAPOM. undecim annorum  
Adolescens, par cum Paulo, & aliis M M.  
Cruci affigitur.*

## I.

Primæ inerat Lodoicus adhuc in limine vitæ,  
Addita nam decimæ vix noua messis erat.  
Exhibet ille animos iuuenili ætate viriles,  
Dùm rogat ostendi, quæ sibi fixa, Crucem.  
Hanc vbi (nam minima est) certo puer indice nouit,  
Solut ad optatam brachia laxa trabem:  
Vtque suos Volucris Phœbea superstat odores,  
Sic gremio applicitam stat super ille Crucem.

At mox vincla manûs geminas, similisque coerces  
 Indigno geminos more catena pedes.  
 E Cruce finitimis prope jam conterminus astris,  
 Quò vibrare nequit corpora, vota vibrat;  
 Penè volaturus sumptis nouus Icarus alis  
 Ad Superos, manicæ nò remorentur, erat.

---

VI. FEBRVARII.

S. VEDASTVS EPISC. ATREBATENSIS, cu-  
*ius obitum insistens tecto columna ignea*  
*præstantiauit.*

I.

**D**Vm premit affectos morbus tibi lethifer artûs,  
 Infedit Laribus pendula flamma tuis.  
 Solemnes succende faces in funera, Præsul!  
 Ignis enim cineres nuntiat iste tuos.

VI. FEBRVARII.

S. AMANDVS EPISC. TRAIECTENSIS,  
*clàm submissis qui se occiderent, Grassatoribus,*  
*lucem subito amissam restituit.*

I.

Impia turba pium (quis crederet) odit Amandum;  
 Et petit armatâ pectus inermis manu.  
 At qui mente prius tantum, nunc lumine captus,  
 Grassator dubio cespitat Erro gra lu.  
 Redde iterum cuius rapuisti luminis usum,  
 Nam rapere, & rursum reddere, Diue! potes.  
 Redde oculos, ô Amande! suum sic cernere crimen,  
 Sic poterit mores cernere, Prædo, tuos.  
 Annuit optatis Mystes, nam luce receptâ,  
 Rursum oculis gaudet turba potita suis.

Diue! tuos quibus officiis cumulabis amicos;  
Si tuus id cæcus muneris hostis habet?

*Tempestate iactatus D. PETRVM in puppe  
conspicit.*

## II.

Quâ veheris, rapidâ jactatur, Amande! procellâ  
Naufragaque æquoreas jam bibit alnus aquas:  
At tibi syderea Petrus demissus ab arce,  
Nautica dat facili vela, legitque manu:  
Parce metu, quæcunque Petro sub præside currit,  
Fluctuat, at nunquam mergitur illa ratis.

*Augiam insulam signo Crucis munitus ab imma-  
ni Dracone liberat.*

## III.

Serpentem Alcidae suppar deuincis, Amande!  
Vt picta est facili Crux per inane manu;  
Postmodò majorem quis te neget Hercule? clauâ  
Majorem Herculeâ quis neget esse Crucem?

## VI. FEBRVRII.

S. DOROTHEA V. & M. Theophilo, Patrono  
*poma & flores è calo mittit.*

## I.

Tenderet Elysios cùm strenua Martyr in hortos,  
Lacteolum crudâ morte metenda caput;  
Dorothea ex illis nuper promiserat hortis,  
Rustica Theophilo se dare dona suo.  
At sibi mittendos hyemali tempore flores,  
Causidicus lepidis riserat esse iocis.  
Nec mora; messuerat quæ virgine pollice Virgo;  
Aliger in calarho fert duo dona puer.  
Autumni fert dona puer, fert munera Veris;  
Nam poma Autumni, lilia Veris erant.

Et dixit: Tibi Virgo Rosas, tibi Coctona mittit,  
 Liberet vt pactam, quam dedit antè, fidem.  
 Hic melimala rubent, vernat rosa; lilia cadent,  
 Vnde tuis tulimus munera risa iocis.  
 Vulnificis si fortè rosæ mucronibus horrent,  
 Non ea sæuities, dùm legerentur, erat:  
 At simul ac vestrum flores venère sub orbem,  
 Protinùs est illis additus ille rigor:  
 Nam qui sydereis flores nascuntur in hortis,  
 Noxia nullius cuspidis arma gerunt:  
 Quantò ipsum spectate foret tibi gratius hortum,  
 Cùm rapiant oculos hæc quoque dona tuos?  
 Dixerat hæc, calathoque puer, donisque relictis,  
 Corripuit volucrem rursùs in astra fugam.  
 Et subitò qui Poma prius, qui riserat Hortos,  
 Et pueri, & voluit Martyris ire comes;  
 Sic fato cecidère pari virgoque procusque;  
 Se necis hic comitem præbuit, illa ducem.

## VII. FEBRVARI.

S. THEODORVS CENTVRIO, & M. Draconem  
*inermis conficit.*

## I.

**T** Errorè nemorū subigis, Theodore, Draconē,  
 Et laceras facili grandia monstra manu.  
 Nemo mihi Herculeæ jactet miracula dextræ,  
 Et domitas toto, quā patet, orbe feras.  
 Quæ ferro Alcides peragit, clauāque trinodi,  
 Militis hæc nudā vidimus acta manu.

*Deorum Simulacra atque insignia diruit.*

## II.

Cæsaris imperio, Liçtor quæ pronus adores,  
 Ante oculos statuit numina vana tuos:

Tu scelus exofus, iuftamque accenfus in iram,  
 Signa fuperpofito proteris ic̃ta pede;  
 Et Martis frameam, atque armatæ Palladis haftâ,  
 Cùmque fuo fulmen frangis, & arma Ioue.  
 Et Veneris cefton, Puerique volatilis arcûs,  
 Ipfaque Phœbææ fpicula iuñcta lyræ.  
 Dextra Giganteo longè tibi robore maior,  
 Cùm fuperes fuperos tot, Theodore, deos.

## VII. FEBRVARI.

S. PARTHENIVS EPISC. LAMPSACENVVS,  
*adhuc puer pifcatum in pauperum commo-  
 dum exercet.*

## I.

Parthenius tremulâ captabat arundine pifces,  
 Mendicifque dabat dulcia lucra Puer.  
 At neque defiftit veteri modò Præful ab arte,  
 Sed prædæ aucupium nobilioris amat:  
 Nam prius incautos qui cepit in æquore pifces,  
 Nunc prouentu homines vtiliore capit.

*Segetem in agro ftérili metit.*

## II.

Quæ noua frugiferæ Cereris miracula cerno;  
 Nil fementis vbi eft, hîc fit vt ampla feges?

*Suis lacrymis Pluiam elicit.*

## III.

Vix lacrymam dederas, toto ruit æthere nimbus;  
 Illicet exemplo flet Polus ipfe tuo.



*Sacro Oleo & Sale adhibitis mira patrat.*

## IV.

O vtinam illius quo tot miracula præstas,  
Sit mihi gutta Olei, sit mihi mica Salis!

## VII. FEBRVARII.

S. ROMVALDVVS C. *autor Ordinis Camaldulensis, vidit scalam ab imo Solo ad Calum pertingentem.*

## I.

Scalarum, Romualde! gradûs per inania spectas,  
Parte Solum credas tangere, parte Polum.  
Nimirum his gradibus, quæ te Duce, militat astris,  
Scandet ad æthereas fulta caterua, plagas.  
At tibi Scalarum gradibus, quibus æthera scandas,  
Nil opus est, aliâ tendis in astra viâ.  
Ipse volas, tua turba sequax dum repit ad astra,  
Nec tibi, Diue, ingens Scala, sed ala fuit.

## VIII. FEBRVARII.

S. PAVLVS *Viridunensis Episc. cuius cum sacras reliquias pij fures auferrent, à sua Diœceseos populo receptæ sunt.*

## I.

P Ræfulis exuias & pignora funebris urnæ,  
Tollebat furto diuite læta cohors:  
Plebs numero glomerata ruit, furesque coëgit  
Ponere sacrilegâ lipsana rapta manu.  
Tuta vigil quondam seruabat ouilia Pastor,  
At sua Pastorem nunc quoque seruat Ovis.

ANNVS SACER  
VIII. FEBRVARI.

S. MARINA *V. cum veste viri nomen  
induit.*

I.

Te-ne, Marina! virum dicam, te-ne esse puellam?  
Nec vir nec virgo es, sis licet ambo simul.  
Te tua formosam vestis negat esse puellam;  
Debiliior sexus te negat esse virum.  
Neuter eras, at vterque tamen, nec fœmina, nec vir,  
Et simul insolitâ fœmina, virque viâ.  
Nam Natura parens te fecerat esse puellam,  
Mascula te virtus fecerat esse virum.

---

IX. FEBRVARI.

S. APOLLONIA *V. & M.  
Ad Apollinem.*

I.

Cvm sit Apolloniæ consors tibi nomen, Apollo!  
Debet Apollineo carmine Virgo cani.  
S. APOLLONIA *dentium potius quam Fidei  
iacturam passa.*

II.

Virgo, Paretonias inter celeberrima Nymphas,  
Primaque Niliacæ gemma, nitorque plagæ!  
Dum ferit excussos valido tibi verbere dentes  
Quæ per & ora furit dextera, perque genas;  
Cernuus è supero pugnam miratus Olympo,  
Te tali affatur murmure, castus Amor.  
Prælia, Virgo! tuis certant Samsonia, Samson  
Maxillâ, sed tu prælia dente geris.

D. APOLLONIAE dentes Lilieti semen.

## III.

Nympha Theatrales inter dùm staret arenas,  
 Verberibus dentes perdere iussa suos:  
 Nescio quæ medio vox tunc emissâ Theatro  
 Aut hos, aut pariles est dare visa sonos:  
 Quid iuuat immeritam, Licetor, torquere puellam?  
 Materies iræ non venit apta tuæ.  
 Perge tamen, neq; parce genis, neq; parce labellis,  
 Firma sub hoc statuit Martyr agone mori.  
 Nec metue armatam Cadmæo à semine messem,  
 Lilia de tali semine fundet humus.

*In ignem sponte pro Religione insiluit.*

## IV.

Spectabat Virgo illustris sibi busta parari,  
 Phœnicis claro more parata mori:  
 Sensit vbi flammis crepitare sonantibus ignem,  
 Carnificum lentas increpat illa moras:  
 Seque iacit saltu audaci, quâ plurimus vndam  
 Flammarum mixtis ignibus æstus agit.  
 Cùmque foret lapsu volitante leuissimus ignis,  
 Igne tamen leuior Virgo morante fuit.

D. APOLLONIA Mutio Scauola anteferenda.

## V.

Magnanimæ suprema parans tormenta puellæ,  
 Tortor in ardentem fert alimenta pyram:  
 Et flammâs minitatur atrox, Procul abijce Christû,  
 Sin minùs, in medios abijciere focos.  
 Virgo quid hîc faciat? paulùm de more resistit,  
 Nec quid agat longâ consulit illa morâ.  
 Insiluit medias imperturbata fauillas,  
 Et terit attonitos calce, domatque rogos.

Ne mihi regnatas memoret jam Scæuola flammæ,  
 Hæc corpus, partem corporis ille cremat.  
 Nimirum tantò minor est tua gloria, Muti!  
 Est quantò reliquo corpore dextra minor.

D. APOLLONIA *de suis ignibus.*

VI.

Non ego Vulcani timeo, sed Cypridis ignes,  
 Nam noceat sponso plus mihi sponsa suo.  
 Hæc ubi magnanimis dixisset Apollina verbis,  
 Nil Decij illecebras, nilque morata minas;  
 Ecce tibi! in flammæ generoso fortiter ausu  
 Euolat, & flammis rursus in astra volat.

X. FEBRVARII.

S. GVILLIELMVS C. *Dux Aquitania Cata-*  
*phraëtus, sua scelera deflet.*

I.

POETA.

P Arce pios fodicante artus incessere ferro,  
 In mediâ timidus pace quid arma geris?

GVILLIELMVS.

Ah toties hoste armato deprensus inermis,  
 Nusquam ego, ne rursus vincar, inermis ero.

POETA.

Cur validum lorica tegit durissima pectus?  
 Cur onerosa tuum cassida tempus obit?

GVILLIELMVS.

Ferrea debuerant cingi præcordia ferro,  
 Tàm leue tàm grauido debuit ære caput.

## POETA.

Cur agis excubias? Acies procul hostica, vel quæ  
Iam superet, vel quæ jam superetur, abest.

## GVILLIELMVS.

Vnicus Hostis ego, Dux, Miles & omnia solus,  
Ipse mihi infligam vulnus, & ipse feram.

## POETA.

Quæ noua pugnandi ratio? cum deforet hostis,  
Hoste tibi duro durior hostis eras.

D. GVILLIELMVS *obiectâ sibi à D. Bernardo  
sacrâ Eucharistiâ, humi prouoluitur.*

## II.

Et titulis præsignis erat Guillelmus, & armis,  
Mole ferox, vultu torridus, ore vorax.  
Turpior incestu, quàm sanguine clarus Auorum,  
Quos maculis turpes fecerat esse suis.  
Bernardus placidæ blandâ dulcedine vocis,  
Et mollire truccem quâlibet arte parat.  
Melle vngit, stimulis pungit, nihil ille moratur;  
Et stimulos, & nil felleus ille fauos.  
Ergo, velut clypeo, munitus Numine dextram  
Mystra, sacras Templi restitit ante fores.  
Hoc, ait, hoc iterùm repetès, hoc improbe temnes?  
Abrupit medios vox inopina sonos.  
Dux cadit attonitus, supplexq; humilisq; precator,  
In sua iam tandem crimina fassus iit.  
Dextra reum tundit repetito verbere pectus,  
Vnde prius tanti fluxit origo mali.  
Sic Christo præsentē, ingens dum concidit Heros,  
Cernitur ante agnum procubuisse leo,

D. BERNARDVS *aculeum mellis inserit.*

III.

Numine munitus, validam velut Ægide dextram,  
 Terribili Mystes intonat ore minas:  
 Quique prius mellitus erat, modò fulmine vocis  
 Heroem validâ voce supinat humi.  
 Scilicèt instar apìs, dulci quæ nectare mellis  
 Tota madet, cùm res poscit, acumen habet.

D. GVILLIELMVS à D. BERNARDO  
*perculsus.*

IV.

Stratus humi, Guillelmi iaces in terga supinus,  
 Et premis ingenti corpore molle solum.  
 Te tonitru, te fulmen atrox, te fulgura terrent;  
 Hæc siquidem Mystes vnicus arma mouet;  
 Namque manu gestans ipsum dominante Tonantē,  
 Vultu ardet, dextrâ fulminat, ore tonat

D. GVILLIELMVS *suo casu sublimior.*

V.

Qui prius obiectâ præsentis imagine Christi,  
 Pressisti vastâ mole caducus humum;  
 Sub pedibus nunc astra vides sublimior astris,  
 Et latè immenso quidquid in orbe patet.  
 Qui te casus humi sternens in terga supinat,  
 Ardua sublimem saltus in astra tulit.

*In stabulo piè sanctéque moritur.*

VI.

Visus erat prius in stabulo, Dux inclyte! nasci  
 Christus, at in stabulo visus es ipse mori.

X. FE-

## X. FEBRVARII.

S. SOTERIS V. & M. nunquam sine velo nisi in  
suppliciis visa, faciem alapis caditur.

## I.

Diu, tuos retegis posito velamine vultus,  
Quasque oculus nunquam viderat ante genas.  
Dumque tibi duro quatitur bona Mala flagello,  
Plurimus in nares sanguis, & ora flux:  
Scilicet vt nullo non tempore flamma gestes,  
Nuda verecundus vestiit ore cruor.  
Hæc Venerem pigmenta decent, formosior esset,  
Si foret hoc minio sæpius vsa Venus.

## X. FEBRVARII.

S. SCHOLASTICA V. pluuiâ à Deo impetratâ S. Be-  
neditum fratrem suum abeuntem retinet.

## I.

Te voluit paucas, danti leue munus, in horas  
Mæsta recusantem detinuisse soror.  
At tu nec precibus, nec mœtus amore, negabas  
Vsuram modicæ, Frater, auare moræ.  
Illa suis oculis fletum imperat, audit æther,  
Et pluuias querulis fletibus addit aquas.  
Ergo serenato detergens nubila vultu,  
Innocuo fratrem risit acuta joco.  
Non ego te remoror, poteris discedere, Frater,  
Sit modò, naufragium ne patiare ratis.

Ad D. BENEDICTVM de discessu à Sorore  
impedito.

## II.

Germanum retinere Soror dum nititur, imbrem,  
Non expectatâ currere iussit aquâ.

D

Ergo repentino labente per aëra nimbo ;

Non potuit veritâ Frater abire viâ

Nè dein inuiram fugias, Benedicte, Sororem ;

Illicet hæc artem, quâ tenearis, habet.

D. BENEDICTVS *Sororis animam, in speciem Columba ad cœlum volantem conspicit.*

### III.

Aurea dùm niueis petit astra Scholastica pennis,

Vt volat ad puros pura columba lares :

Quò sine me, Benedictus ait, Germana, recedis ?

An comitem Fratri non licet ire tuo ?

Iámque oculis erepta, leues transcenderat auras,

Nilque, quod ulterius conspiceretur, erat.

Si qua fides vero, nunquam magis ambiit alas

Dædaleas humeris Frater inesse suis.

### X. FEBRUARII.

S. AVSTREBERTA V. *Parthenonis Præses, cùm*

*sacras Virgines, nocte concubiâ è cubiculo*

*ad Templum ire iussisset, cubiculum*

*repente corruit.*

#### I.

Austreberta piæ felix Antistita turbæ

Præsidet, vt castis casta Diana choris :

Illa suas iussit, cælo monitore, puellas

Surgere de thalamis, nocte silente, suis.

Vixque sacram, subiere fores, quibus itur ad ædem,

Inclinata suo pondere tecta ruunt.

Felices nimium tali sub Præside Nymphæ !

Quis modò vos curam Numinis esse neget ?

Nam dùm securo refouetis membra sopore,

Ecce vigil vobis excubat ipse polus.



---

 XI. FEBRVARII.

S. SEVERINVS *Abbas Agaunensis Clodouanum*  
*Regem vili palliolo suo ipsi imposito*  
*à morbo liberat.*

## I.

SÆua tuos, Clodouæ, lues grassatur in artûs;  
 Et medicam victrix ridet & odit opem.  
 At simul attritâ Senior te texit abollâ,  
 Pulsus ab ægroto corpore languor abit.  
 Regalis quam sponda fouet, quam stragula vestis;  
 Et quam Sidoniis coccina pota cadis,  
 Præcipiti festina gradu fugit horrida febris,  
 Vt primum in lacerâ se videt esse togâ.

---

 XI. FEBRVARII.

S. VICTORIA V. & M. & *Amoris & Diocle-*  
*tiani victrix.*

## I.

Diua, tibi gemini superantur ritè Tyranni,  
 Et furor, & grauior sæpè Tyrannus, Amor.  
 Nam referat meritas quæ dignior altera lauros,  
 Quàm quæ Victricis nomina Virgo gerit?  
 Fidite Christiadæ, quidquid luctetur Erynnis,  
 Vos parta egregio gloria Marte manet.  
 Candida cum vestris insit Victoria castris,  
 Nunquid in alterius castra triumphus eat?

---

 XII. FEBRVARII.

S. ANTONIVS *Episc. Constantinopolitanus, adhuc*  
*puer, aras & adiculas construit.*

## I.

NON pueris, sed agenda viris Antonius egit,  
 Dum struit indocili parua facella manu;  
 D. ij

Quin etiam pia thura focis imponit, & aris,  
 Votaque, quæ melius Thuris honore calcent.  
 Tale rudimentum teneris puer edidit annis,  
 Quique futurus erat grandior, inde probat.  
 Scilicet Auroræ primo nascentis ab ortu,  
 Qualis sit, fas est scire, futura dies.  
 Parue puer, sternacis equi, qui more rebellas,  
 Et fugis excusso fræna, luposque iugo,  
 Hac tibi jam teneris peragenda decenter ab annis,  
 Quæ sapiens velles esse peracta senex.

*Ex eius corpore exanimi suauissimi odores  
 afflantur.*

## II.

Fragrantes violas, & odori signa pudoris,  
 Lilia sub casto pectore, Præsul, alis.  
 Nec Rôsa, synceri typus est quæ verus amoris,  
 Nec virtutum aliud nobile germen abest.  
 Vitâ nutrieras hos ante superstitute flores,  
 Nunc manet extincto flore superstes odor.

## XIII. FEBRUARI.

*S. POLYEUCTVS M. vno impetu duodecim  
 Deorum simulacra deiecit. Ad DIVVM.*

## I.

**C**hrysiadum, Polyucte, decus, qui vana deorū  
 Spectra triumphali deiecis icta manu:  
 Si tibi quis toruæ domitorem conferat Hydræ,  
 Roboris Alcides inferioris erit.  
 Nam bisseña domat bisseña monstra labore,  
 Vno Bissenos vincis agone deos.

## XIII. FEBRVARII.

- S. MARTINIANVS C. dùm mulierculam qua à viâ  
exerrasse fingebat, casâ excipit, penè  
decipitur.

## I.

Pande fores, trepidæque Senex, miserere puellæ,  
Quam procul à rectâ nox dedit ire viâ.  
Sylva truces alit ista Lupos, Pardosque feroces,  
Qui mea nocturno viscera dente vorent.  
Et ferro, & triplici pectus tibi cingitur ære,  
Si nostro lacrymas lætus in ore vides.  
Namque quid, oro, times in inermi virgine? nullos  
Incutiam, nullos sola puella metus.  
Talibus illecebris, perjuræque arte puellæ,  
Panditur exiguæ janua septa casæ.  
Dùmque reformidat, ne præda sit illa Luporum,  
Ipse Senex spurcæ sit prope præda Lupæ.  
Namque vbi nox abiit, pulsisque Aurora tenebris  
Affulsit croceâ conspicienda comâ,  
Ecce tibi vario cultissima fœmina mundo,  
Sollicitat pauidum voce, manuque Senem.  
Constitit attonitus monstri nouitate, paratoque  
Vrendum Senior corpus in igne rotat.  
Quæ porro insolitæ species inopina medelæ?  
Quis modus hic, flammæ, ne patiari, pati?  
Successit tamen ille dolus, nam flamma reiecit  
Ocyûs, & victus ignis ab igne fuit.

*Impurum Amorem terrâ marique fugitat.*

## II.

Quid scopulo insistis spurci fugitiuus Amoris?  
Nunquid in hac tutum te fore rupe putas?  
Illa quidem toto latè circumflua ponto  
Extat inaccessio non adeunda situ.

Sed geminas puer ales habet, quas explicet, alās,  
 Scilicet ut nequeat nare, volare potest.  
 Nec minus est Cypriæ vis formidanda parentis,  
 Regnat in infido, quo fuit orta, mari.  
 Hei mihi! quo lateat pudor indeprentus asylo,  
 Si neque sit terris, si neque tutus aquis?

*Delphinum tergo in mari excipitur.*

### III.

Quæ plaga lasciui plagas vitabit Amoris,  
 Ipsa sibi aduersas si fouet vnda faces?  
 Dicebam, mediis ignis non ardet in undis,  
 Et tamen in medio flamma reperta mari.  
 Testis erit Senior nemorosa cultor eremi,  
 Qui petit gelidas penè perustus aquas.  
 Stabat in ærio scopulosa vertice rupis:  
 Se tandem hâc tutum dum satis arce putat;  
 Ecce tibi medio monstrum, sed amabile, ponto  
 Enatat, effractâ salua puella rate.  
 Illa ubi surgentem prospexit ab æquore rupem,  
 Inque alto rupis vertice stare Senem:  
 Spumca remigibus plaudit maris æquora palmis,  
 Et petit infidâ scrupea saxa viâ.  
 Expertæ Senior metuens incendia flammæ,  
 In medias præceps æquoris iuit aquas.  
 Delphinus celer appropere, tergumque natanti  
 Sessile festinat supposuisse Seni.  
 Disce pudicitie pretium, Mariana iuuentus,  
 Ipse pudicitiam si quoque piscis amat.

POETICVS:  
XIII. FEBRVARI.

79

S. IORDANVS C. *Dominicana Religionis Praes,*  
*dum Hierosolymam tendit, naufragio*  
*moritur.*

I.

Dum Solymas Iordanus abit rate vectus ad oras,  
Ausa est indignum perfida lymphæ nefas.  
Quamlibet innumeris scelus indelebile sacris  
Diluat, haud totâ se mare purget aquâ.  
Nam passis per hiulca volat dum marmora velis,  
Subsidit nimio pondere pressa ratis.  
Vectores maris ima petunt, omnesque vorago  
Vna simul iuvenes hausit, & vna senes.  
Hos inter tumidas fatur Iordanus ad vndas,  
Hei mihi! dum surdis penè necatur aquis:  
Mergite me reducem, properanti parcite, fluctus:  
Dixit, & extremos abstulit vnda sonos.  
Infelix Boreâ, tumidarum terror aquarum,  
Quæ spolia ex illo funere tanta refers?  
Turpe tibi fragilem pelago meruisse carinam,  
Ista referuandum cymba vehebat onus.  
At vos quos tetigit justo iactura dolore,  
Sub tanto nuper Præsîde tutâ cohors:  
Nè vestri, nè flete, precor, pia fata Parentis,  
In medio portum repperit ille mari.  
Nam nè fortè Senem terris via longa fatiget;  
Ocyor æquoreâ tendit in astra viâ.

XIV. FEBRVARI.

S. AVXENTIUS *Abbas Columba obsequio*  
*pascitur.*

I.

Dive statas epulas desert tibi Chaonis ales,  
Conuenit hæc animo pura ministra tuo.  
D iij

Torquatzæ accelerant ad candida recta Columbæ,  
 Sordida sit, nullas turris habebit aues.  
 Nempe tibi niueo candent sub pectore mores,  
 Hæc candorem animi virginis Ales amat.

*Paulo Coruus, Auxentio Columba ministrat.*

## II.

Ante niger tulerat Paulo sua prandia Coruus,  
 Fert modo, Diue, tibi fida columba dapes.  
 Quas prius emisit fluitante Noëmus ab arcâ,  
 Has hominum famulas esse videmus aues.

## XV. FEBRVARII.

SS. FAVSTINVS & IOVITA *Fratres, M M.*  
*statuam Solis, quam iubentur adorare, in*  
*cineres redigunt.*

## I.

**S** Virgit adorandi moles radiata Colossi,  
 Luce coronatum cincta micante caput.  
 Nobile par Pugilum tortor furialiter vrget,  
 Dent Hyperionio thurea dona deo.  
 Non Solein, at Solis dominum, cælique potentem  
 Dùm colit incuruo Frater vterque genu,  
 It procul in tenues, flammâ crepitante, fauillas,  
 Et procul in cineres fictile numen iit.  
 Phœbe, quid immodicis luges Phaëtonta querelis?  
 Dâmma peregrinis plus sua quemque mouent.  
 Quam quondâm ambusti dederas in funere Nati,  
 Nænia funeribus conuenit illa tuis.

*Piis Fratribus sacram Eucharistiam sumentibus*  
*adsunt Angeli.*

## II.

Dùm sacrum, inuicti Pugiles, operatus ad aras  
 Sacrificus vobis indit in ora cibum:

POETICVS.

81

Accurrere chori Superum, data liba volentes  
Rite ministerio condecorare suo.  
Felices nimium! peragit dum sacra Sacerdos,  
Alternante pias qui datis ore preces.  
Huius enim officii si vos pudet esse Ministros,  
Ipsis Cælitibus vos piget esse pares.

*Gemini Fratres gladio occidunt, è quibus FAV-  
STINVS Sacerdos, IOVITA Diaconus erant.*

III.

Sorte duo cecidere pari, par nobile, Fratres,  
Nec mors dissociat, quos sociavit amor.  
Faustinus prior ense cadit, quia munere Mystes,  
Deinde Iovita pari morte, Minister erat.

XVI. FEBRVARII.

*S. NICEPHORVS M. in locum Sapricij Sacerdotis iam penè Martyrium subennis succedit.*

I.

**I** Am gladium intentat Licitor, jam penè rotato  
Turbine, Sapricij colla resecta cadunt.  
Proh scelus ignaum! falso data thura tonanti,  
Qui Christi Mystes extitit ante, litat.  
Nè tamen in cassum frameam strinxisse Satelles.  
Mœreat, aut placitâ stet sine cæde manus:  
Nicephorus properat, alienaque præmia carpit,  
Alter sementem fecerat, iste metit

XVI. FEBRVARII.

*S. IULIANA V. & M. capite minuitur.*

I.

Sæpe pater teneræ fertur dixisse puellæ,  
Dum renuit pacti ius sociale tori,

D v

Nata mihi Genetum, debes mihi, Nata, Nepotes;  
 Per te sumque Socer, sumque vocandus Auus:  
 Virgo negat, Christoque fidem jurata maritam,  
 Postulat illæsa virginitate frui.  
 At subito in tumidaæ flammatus Eleusius iras,  
 Virginis est Terror, qui fuit ante Procus.  
 Virgo volens moritur, nam cædua colla Tyranno  
 Tradere, quam Sponso maluit illa manus.

*Ad D. IULIANAM capite orbatam.*

II.

Quanta pudicitæ cura est! postponis amantem  
 Tortori infenso, casta puella, Procum.  
 Alter amat te, Virgo, alter lethaliter odit,  
 Plus odium alterius, quam placet alter amor.  
 Ille quidem caput è rosea ceruice resoluit,  
 Quæque solet reliquis parte corona geri:  
 Ast ideo immensum tibi danda corona per ævum,  
 Virgo, coronandum quod cadat ense caput.  
*Ignes, quibus erat torquenda, lacrymis extinguit.*

III.

Ardet inhumani violentius ira Tyranni,  
 His, quibus iniicitur Virgo cremanda rogis.  
 Astra verecundum conseruatura pudorem,  
 Spondebant latices officiosa suos.  
 Sistite, ait, pluuios, bona sydera, sistite rores;  
 Deflua sunt oculi sydera bina mei.  
 Hæc ait, & subito lacrymarum depluit imbre,  
 Tactaque plorata flamma refedit aqua.  
 In nunc, stulta cohors, & inanes congere flammæ,  
 Vt labor in fumos irritus omnis eat. (nes,  
 Nam quibus extinguat quos frustra accenderis ig-  
 Fronte duos fontes cauta puella gerit.



## XVII. FEBRVARII. .

S. SABINVS *Episc. oculis captus venenum im-*  
*pune bibit, Diacono qui illud miscuerat,*  
*præbente æ moriente.*

## I.

**I**nfusum patere Senior videt esse venenum,  
 Nil oculo quanquam caprus utroque videt.  
 Ille tamen fidens animi, sibi fausta precatus,  
 Ebibit audaci pocula sumpta manu.  
 Labitur illæfos penetrabile virus in artus,  
 Nil ramen infusæ rabe, venena nocent.  
 At qui fraude malâ, dextrâque nocente, Minister  
 Toxicamiscuerat, debuit ille mori.  
 Debuit, & factum est, nam nil nocitura Sabinus  
 Pocula dum biberet, perbibit ille necem.  
 Nimirum Antistes rectæ non inscius artis,  
 Prælibare suum iusserat ante scyphum:  
 Librauit geminas iusto Themis ordine lances,  
 Dum necis artificem subdidit aqua neci.

*Si mortiferum quid biberint, non eis nocebit.*

Marc. 6. *Ad D. SABINVM.*

## II.

Diue, necis domitor, cui mixto lurida sucto  
 Toxicam, lethiferam deposuere luem:  
 Nil vobis oberit, si quid lethale bibatis;  
 Ad Proceres Christus dixerat ante suos.  
 Dum calici suffusum hauris sine fraude venenum,  
 Verum id, quod Christus dixerat, esse probas.

## XVIII. FEBRVARII.

S. HELLADIVS EPISC. TOLETANVS, *relictâ quam administrabat, Republicâ, ad Monasterium Agaliense diuertit; ibique Dei famulis inseruit.*

## I.

**H**ELLADIVS fastu posito, famulisque relictis,  
 Septa petit sacræ religioſa domûs.  
 Multus ibi Superis, cæloque ſimillimus hospes,  
 Innocuos vitæ cernit abire dies.  
 Hic operam impendit ſolers, cererique coquendæ,  
 Inque avidos deſert arida ligna focos. (dat,  
 His humeris; his, inquam, humeris ſub pondere ſu-  
 Queis Regni nuper grande ſedebat onus.  
 Sarcina magna quidẽ fuit vtræque, pondus vtrum-  
 Sed tamen hoc grauius, gratius iſtud erat. (que;  
*Literis, cùm poſſet, mandare nihil voluit.*

## II.

Tradere perpetuis victura volumina chartis  
 Helladius poterat, nobile mentis opus.  
 Sed tamen abſtinuit, tacitisque inglorius annis,  
 Arcanas imo pectore clauſit opes.  
 Non ideo ceſſator iners nil præſtat agendo,  
 Sed per agit multis digna jacere libris.  
 Ille mihi vitus melior, quicunque docenda  
 Factor agit, quàm qui ſcriptor agenda docet.

## XIX. FEBRVARI. .

S. AVXIBVS SOLVNTIS EPISC. cūm alium Aux-  
bium sibi cognominem videret sub Quercu  
dormire, eiusque caput formicas in mo-  
dum corona cingere, eum sua  
dignitatis successorem  
auguratur.

## I.

Fortè sub ilicæ tibi vir cognominis vmbra,  
Languida fortuito membra labore leuat.  
Hic tu frugilegas onerosæ fragmina molis  
Formicas, oris forcipe, ferre vides:  
Mox cursu auersas solito, cinxisse jacentis  
Plebe coronatum circumeunte caput.  
Hæc vbi vidisti, cœtus quas iste coronat,  
Cinger, ais, meritas Insula nostra comas.  
Euentum res acta probat, nam funera, Præsul,  
Post tua, pascendas ille potitur oues.  
Quid Dodonæas, antiqua oracula quercus  
Consultis longâ, turba profecta, viâ?  
Myrmidonum exiguâ quæ contegit hospita gentē,  
Aptior auguriis hæc modo Quercus erit.

## XIX. FEBRVARI.

S. CONRADVS PLACENTINVS C. cuius aduentum  
cūm Syracusas relictis famulis, ad Antisti-  
tem iret, volucres prænuntia  
gratulata sunt.

## I.

Fortè Syracusiam gressum moliris ad urbem,  
Præsulis optato dum cupis ore frui:  
Plurimus aduentum celebrat prænuntius ales,  
Hospitaque arguto carmine testæ sonant:

Seruorum obsequium, sic dùm, Conrade, recusas,  
 Ipsa tibi famulas sylua ministrat aues.

## XX. FEBRVARI.

S. EVCHERIVS *Aurelianensis Episc. quem  
 Carolus Martellus, Tudes dictus, va-  
 riè vexat.*

I,

CAROLVS Eucherium tundit, crebrisq; retusum  
 Ictibus, & crebris cladibus vsque premit:  
 His tamen Antistes duravit sæpè ferendis,  
 Plurimaque æquanimi vulnera mente tulit.  
 Tudes erat Martellus, erat qui tunditur, Incus,  
 Sapiùs Incudem Malleus ipse ferit

*Faces ad D. Eucherij tumulum accensa sine  
 dispendio lucent.*

II.

Condiderat Libitina cauo jam membra sepulc hro  
 Pollinétorque suo munere functus erat.  
 Ardet inextinctum positi funale feretri;  
 Nullaque perpetuæ damna tulere faces.  
 Vt tua te virtus terras clararit in omnes,  
 Et toto immensum sparserit orbe decus,  
 Inconsumpta tuam, Præsul, quæ luxit ad urnam;  
 Tu facis indicio clarior huius eras.

## XXI. FEBRVARI.

S. PIPINVS C. *Dux Brabantia, nudis pedi-  
 bus apud Sacerdotem animum expiat.*

I.

Rite Sacerdoti pandit dùm menda Pipinus,  
 Quodq; error fuerat, dùm putat esse scelus:

It supplex, nudusque pedes, palmâsq; supinus,  
 Et lacrymis spargit flens asarota suis.  
 Cum tu animum de more pias, fac vulnera nudes,  
 Fac animi nudes crimen, onusque tui.  
 Nil soleas posuisse iuuat, si pectus opertum,  
 Crimina sint latebris si male tecta suis.

*In D. PIPINI exequijs ardentes faces, nullo  
 vento, licet valido, extinguuntur.*

## II.

Solemni tibi more frequens vrbs titè patentat,  
 Et longâ incedit publica pompa viâ.  
 Lampades innumeræ flammis victricibus ardent,  
 Quas nullo extinxit gaudior aura Noto.  
 Perpetuâ dum luce faces, Dux Magne, fruuntur,  
 Signant perpetuâ te quoque luce frui.

## XXII. FEBRUARI.

*S. MARGARETA Pœnitens, inspecto domini,  
 quem turpiter amauerat, cadauere, ad se,  
 frugemque meliorem reliit.*

## I.

**E**T domini mirata sui, & miserata cadauer,  
 Horruit, his subito Margaris v'sa sonis:  
 Abstulit ergo meos mihi mors feralis amores,  
 Et cinis est hodie, qui fuit ignis heri.  
 Hei mihi! quæ facies? quantum diuersus ab illo,  
 Quo nihil in totâ pulchrius vrbe fuit?  
 Lingua tacet, languent oculi, manus utraq; torpet,  
 Et glacie pectus, quod prius arsit, hebet.  
 Qui Veneris modò pullus erat, mollisq; Columbus,  
 Victima nunc, Orco nil miserante, jacet.  
 Ah! pudet, & doleo spurcum sociasse cubile,  
 Et Veneri iuuenes attribuisse dies.

Ille mihi primis qui crimen inusserat annis,  
 Afferet heu! seram funere mersus opem.  
 Atque ita, dum faueat votis modò Numen, ab vno  
 Fortè mihi pariter vitæque morsque fluent.  
 Dixit, & in melius verso primæ ordine vitæ,  
 Emaculat lacrymis pristina probra suis.  
 Vos quibus est curæ perituram comere formam,  
 Et croceas libyco pectere dente comas,  
 Sæpius hoc speculum si consuleretis, Amantes,  
 Tunc vitreo vobis nil opus orbe foret.

## XXIII. FEBRVARII.

S. LAZARVS C. *quas Diuorum Iconas Theophilus Imperator deformat, ipse pingendi arte peritus reparat.*

## I.

Indigetes, sua quos virtus transcripserat astris;  
 Pingit, Apellæ Lazarus artis opus.  
 Et quamuis furiata Erebi bacchetur Erynnis,  
 Ingenij specimen non minùs ille dedit.  
 Nam ferro effigies quas radit, & igne Tyrannus,  
 Præpetis instaurat sedulitate manûs.  
 Diue, animas doctis Diuûm licet ora figuris,  
 Effinxisti animo doctius ante tuo.

*Ad D. LAZARVM Pictorem.*

## II.

Vt mea te viuis pictura coloribus ornet,  
 Peniculi vsuram da mihi, Diue, tui.  
 Sed quid ego calamis te pingere, Lazare, tentem?  
 Vel quid carminibus dicere posse meis?  
 Pingere te calamis solus fuit aptus Apelles,  
 Dicere carminibus solus Apollo fuit.

## XXIV. FEBRVARII.

S. MATHIAS APOSTOLVS *capite minuitur.*

## I.

Ceruicis, capitisque minor, cadis ista securi  
 Victima, carnifices iussa subire manus.  
 Quas lauro implicitas Lictor tulit ante secures,  
 Hæc tibi, Diue, caum subsecuere caput.  
 Debueras partire vices, tibi debita Laurus,  
 Debita Lictori sola Securis erat.

## XXV. FEBRVARII.

S. TARASIVS *Constantinopolitanus Episc. Constantino Imperatori legitimam Vxorem repudiandi sese opponit.*

## I.

IN vetitos, spreto Augustæ regnantis amore,  
 Destinat Augustus turpiter ire toros.  
 Tu, Tarasi, obsistis victor furialibus ausis,  
 Conscia nè tantum cerneret aula nefas.  
 Sic dominum attonsa cessit diadema coronæ,  
 Sic pastoritio regia sceptrâ pedo.  
 Ihcèt infames puris ab ouilibus hircos,  
 Nec solos abigit virga verenda lupos.

TARASIVS *suam dignitatem virtutum splendore illustrat.*

## II.

Infula Chrysolithis plerumque micantibus ardet,  
 Quæ pastoritias ambit, obitque comas:  
 At tu illam, Tarasi, gemmis melioribus ornas,  
 Dum virtutum omni luce corusca niter:  
 Nempe aliis decori sunt, quos potiuntur, honores,  
 Tu decus ipsius, Præsul, honoris eras.

## XXVI. FEBRVARII.

S. PORPHIRIVS *Gazensis Episc. à Christo in-*  
*uitatus ipsius Crucem tulit.*

## I.

**T**E sibi cernendum Christus spectabilis offert,  
Et partita Crucis pondera ferre dedit :  
Nec labor ille grauat, nec eo sub falce laboras,  
Sed leuis est humeris sarcina visa tuis.  
Idque probas verum, quod amanter dixerat olim,  
Dixerat esse suum cum leue Christus onus.

S. PORPHIRIVS *Veneris statuam in ignem*  
*conijcit.*

## II.

Vidit vt Idaliæ Præsul simulacra Diones,  
Protinùs in medios iussit abire focos :  
Dùmque ignem versâtq; Senex, flammamq; laceffit,  
Et crepat irato dùm Cypris vsta rogo :  
Sæpiùs impuro licèt arferis, inquit, ab igne;  
Hoc ardere magis te tamen igne puto.

S. PORPHIRIVS *piè iocatur in Venerem, dùm eius*  
*statuam comburit.*

## III.

Artifici Cytheræa manu depicta nitebat,  
Qualem per medias concha vehebat aquas.  
Suspicit attento Senior dum singula visu,  
Vidit ab excelsò pendula signa tholo :  
Vidit, & æquoreis vt sis, ait, edita lymphis,  
Effugies flammis non tamen vda meas.  
Dixerat, & Paphiæ sapiens simulamina Lenæ,  
Misit in agnatos, busta parata, focos,



Ecquid ait, mœrchum sectaris adultera Marrem?  
Sis casta, & sponso jungere sponfa tuo.

*Aliud de eâdem statuâ.*

## IV.

Porphirius Veneris statuam jaculatus in ignes,  
Verba intermistis addidit ista iocis:  
Sæpè quidem sordes tibi turpis inusserat ignis,  
Lucis enim nitidæ nîl tuus ignis habet:  
At quascûnque alio quondam contraxeris igni,  
Protinùs has maculas eluet ipse focus.

## XXVII. FEBRVARI.

S. ATHANASIA, à coniuge Andronico pro-  
fuga, ad eundem ignota, & regreditur  
& moritur.

## I.

**T**Utiùs vt visat Solymam, suadente Marito,  
Mentitum induerat fœmina cauta virum:  
Iàmque maris permensa vias, terræque labores,  
Rursùs ad aspectum Cóniugis illa redit.  
At sexum celata redit, nam cognita nulli,  
Ipsa suum nouit dissimulata Virum.  
Iamque alter geminis annus succedere lustris  
Cœperat, vnanimis cùm coluere lares.  
Morte pii patuère doli, nam Fœmina parat,  
Vir priùs assumpto creditus esse sago.  
Quando pudor securus erit; sat fœmina tutam:  
Si neque cum proprio se putat esse viro?

## XXVIII. FEBRVARI.

SS. LVPICINVS & ROMANVS, CC. *Fratres  
pudorem tutaturi sylvas incolunt.*

## I.

**H**Orrentem. Fratres gemini, petiistis eremum,  
 Ne vos in mediâ vinceret vrbe Venus.  
 Illa procul cessit, saltusque exosa iugosos,  
 Nè minimâ afflauit pectora vestra face.  
 Urbibus in mediis habitat Cythereia mater,  
 Incolit ingenuus rustica tecta pudor.  
 Tu tenero quicumque volens succumbis Amori,  
 Prompta cupidineo subtrahe colla iugo.  
 Et puer est Cypridis soboles, & foemina Cypris,  
 Foemina te-ne potest vincere, te-ne puer ?





# MENSIS MARTIVS.

---

## PRIMA MARTII.

S. SVIBERTVS VVERDENSIS Episc. *In cuius matris  
lectum, dùm ferret uterum, stella visa  
est delabi.*

### I.

**N**OX erat, & placido furtim lenimine gliscens  
Attulerat curis otia blanda sopor:  
Ecce per aërios longum clarescere tractus  
Visa serenato stella refixa polo,  
Inque torum attonitæ matris placidissima labi,  
Stragulaque innocuo lambere tuta globo.  
Nascere, parue Puer, claris natalibus orrum  
Nemo neget, tantum nascere, parue Puer.  
Fax ortus præit ista tuos, spectabile cunas  
Numinis atque hominis prodere sidus amat.

*Puerum naufragum ad vitam renocat, ipsius ma-  
tre frustra in auxilium Martem  
inuocante.*

### II.

Fortè puer vitreas ludit malè cautus ad vndas,  
Et rudis infidam tyro flagellat aquam;  
Mergitur, & liquidum penitus delapsus in æquor,  
Mœsta voraturis piscibus esca natat.

Mater adest, plangensque cauis sua pectora palmis,  
 Graduum querulis vocibus orba vocat.  
 Arma inter, litnósque deus nil Thracius audit,  
 Surdaque maternas dissipat aura preces.  
 At matrem, & matris miserans Suibertus amores,  
 Suppeditat, quàm Mars ferre recusat opem.  
 Nam vitæ reddit puerum, redditque parenti;  
 Fítque parens puero læta, parente puer.  
 Cur Martem, miseranda parens, in votâ vocabas?  
 Non is, subsidium qui tibi ferret, erat.  
 Mortis amat Mars ire comes, vitâque peremptis  
 Qui toties rapuit, non solet ille dare.

*Ad matrem pueri naufragi.*

### III.

Dùm vagus infidæ puer æquora præterit undæ,  
 Lubrica deceptum ripa fefellit iter.  
 Pes titubat, dubioque tremunt vestigia lapsu,  
 Et ruit in rapidas sarcina tristis aquas.  
 Iamque superfusas subiit puer æquoris vndas,  
 Inuito liquidam dùm bibit ore necem.  
 Fama volat, matrisque pias allabitur aures,  
 Illa ruit, laceros imbre rigante sinus.  
 Ploratas quid perdis aquas, improuida mater?  
 Obrutus est nimis, quem lacrymaris aquis.

### I. MARTII.

S. ALBINVS *Episc. Andegauensis cæcis usu-  
 ram lucis reddit.*

#### I.

Noctem oculis, Albine, fugas, quam vincere nullus  
 Sol potuit, nullæ quam potuere faces.  
 Sic face splendidior, sic sole micantior omni  
 Illustras radiis lumina cæca tuis.

S. ALBINVS & *procaci militi mortem, & extincto puero vitam affert.*

## II.

Soluere compedibus tentas, Albine, puellam,  
 Quæ dudum indigno carcere clausa gemit.  
 Barbarus obsistit Martis, Venerisque satelles,  
 Quem grauiore tenax compede, necit amor.  
 Nimirum insidias luso Pastore parabat  
 Prædo lupus, captam glubere certus ouem.  
 Non ita; namque animam miles miserabilis efflat,  
 Mergendus Stygiis, quem Venus vssit, aquis.  
 At dum Leno procax voto frustratus inani,  
 Fœda repentinâ crimina morte luit:  
 Qui prius occiderat, multò felicior alter,  
 Diue, tuam iussus viuere sensit opem.  
 Sic vitam extinctis affers, viuentibus aufers,  
 Paret & imperio vitæque morsque tuo.

S. ALBINVS *peregrè ex obedientiâ profectus, furenti imbre madentibus cateris, ne minimâ quidem guttâ aspergitur.*

## III.

Dum medios ita iussus agros, Albine, pererras,  
 Non expectatâ decidit imber aquâ.  
 Nulla tuas tetigit tenuissima guttula vestes,  
 Dum comites pluuiæ permaduere Ioue:  
 Scilicet è cœlo sapiens delabatur imber,  
 Parcere virtuti nouerat ille tuæ.

## II. MARTII.

S. CEADDA *Merciorum Episc. cum tonaret, extremis indicij reminiscebatur.*

## I.

Horrifico quotiès cœlum tonat omne tumultu,  
 Attonitus trepidâ mente Ceadda pauet.

Nimirum occurrat tristissima lucis imago,  
 Ultima quæ mundi meta ruentis erit.  
 Ne tibi sint olim, tibi sint modò fata timori,  
 Non etenim mortem, qui timuere, timent :  
 Vel certè ut pauidum soluas formidine pectus,  
 Exiget ad libram cum tua facta Deus.  
 Quæ moriens infecta velis, nè perlice, Lector ;  
 Perlice, quæ moriens facta fuisse velis.

*Ad D. CEADDA M, cuius ad tumulum agri  
 conualescunt.*

## II.

Agmine languentissim longo, tristique cæteruâ,  
 Ambitur cineres quæ regit vna tuos.  
 Nec frustra, nam morte procul discedere iussâ,  
 Lethiferas cohibet Parca coacta manûs.  
 Ergo tuum ad tumulum properè se conferat æger,  
 Quicunque à tumulo vult procul esse suo.

## III. MARTII.

*S. VINALOCVS C. effossum ab Anserẽ oculum  
 Sorori reddit.*

## I.

**D**VM volucrẽ mulcere manu, dũ pectere gaudet,  
 Inque suo lenis virgo fouere sinu ;  
 Expulit antiquos nec-opina ferocia mores,  
 Quanta neque impasti vulturis esse solet :  
 Nam prædone oculũ rapit vngue famelicus Anser,  
 Et rostro insolitum glutit hiantẽ cibum.  
 Dat lamenta soror, lacrymas dat sospes ocellus,  
 Dũ sine se Fratrem cernit abesse suum.  
 Protinũ informem sub inani fronte lacunam  
 Germano ostentat lusca puella suo.

POETICVS.

Quid faciat? quo raptum orbem medicamine sanct?

Quove salutarem germine præster opem?  
Ignoras animum Frater conuertit ad artes,  
Et dat opem, quâ tu vix dare posse putes.  
Anseris in geminas ferro secat ilia partes,  
Scrutaturque habili sedulus extra manu:  
Extorremque oculum dextrâ inuentrice recepit,  
Atque aptè vacuis indit, vt ante, genis:  
Et prædatricem, plagâ coëunte, volucrem  
Iussit ad agnatos rursus abire greges.  
Iure oculum loculo reddit, nam clausus in aluo  
Anseris, in proprio non erat ille loco.

III. MARTII.

S. KUNEGVNDIS AVGVSTA, *in suspicionem  
violata pudicitia adducta, ferrum candens  
impunè calcat.*

I.

Testatura suum Princeps Kunegunda pudorem,  
Instruit intrepidus ad noua bella pedes.  
Cæsar humum iubet ignitis candescere lamnis,  
Vt probe irruptam Regia nupta fidem.  
Iam ferro candente solum, iam strata rubebant,  
Imperturbato mox adcunda pede,  
Illa, nihil remorante metu, sed conscia veri,  
Pertur in attonitos virgine calce rogos.  
Calcatas inopina tenet reuerentia flammæ,  
Nec calor, at remanet solus in igne color.  
Si pactam violasse fidem, me, Sponse, vereris,  
Signa pudicitie sint, ait, ista mea.  
Quantus amor recti est! propria qui furta Maritæ  
Detegit, hanc castam Mulciber esse probat.

*Ad D. KVNENVNDIS tumulum multi  
reniiscunt.*

## II.

Nulla tibi soboles casto prognata cubili,  
At lucem, vsurâ lucis egena dabas :  
Nam multis, sacrae auxilium dùm poscitur vrnae,  
Ad rediuiua redit corpora vita redux.  
Dant aliæ, dùm vita manet, sua pignora matres,  
Tu, tua post etiam funera, mater eras.

## IV. MARTII.

*S. CASIMIRVS C. Regis Polonia filius volun-  
tariâ afflictatione corpus macerat.*

## I.

**E**Dite nobilium de germine surcule Regum,  
Penè per innumeros vsque superstes auos :  
Purior es (si lacte potest quid purius esse)  
Purior es puro lactee lacte puer.  
Cur tamen hirsutis laniatus membra flagellis,  
Proh dolor ! immiti te pietate necas ?  
His nisi suppliciis, Casimire, peperceris vltro,  
Non dabitur longos vita fruenda dies..  
Si tibi sunt odio quæ sic corpuscula vexas,  
Crebrius vt ferias, parcius illa feri.

*D. CASIMIRVS in se piè crudelis.*

## II.

Dùm tu sæuitiâ dulci, dulcedine sæuâ,  
Dilaniâs duris mollia membra flagris :  
Nec lac, nec graciles sanguis merus irrigat artûs,  
Lac est sanguineum, lacteus ille cruor.



D. CASIMIRVS *suo sanguine & lacrimis perfusus.*

## III.

Auroræ tibi credo rosas, digitosque fuisse;  
 Sanguine dùm roseam cerno rubere manum.  
 Auroræ tibi credo oculos, gemmasque fuisse,  
 Dùm pluuias pluuiâ diuite cerno genas.  
 O Superi prohibere nefas, ne nobilis imber  
 Serpat in immundam pondere tractus humum.

*Aliàs.*

Si flos è Jacrymis visus, si sanguine natus,  
 Lilia sint lacrymæ, sit cruor ille rosæ.

D. CASIMIRVS *humi noctu cubitat.*

## IV.

Stratus humi pia mēbra cubas, placidèq; quiescis;  
 Si tamen hoc thalamo possit inesse quies:  
 Mollius esse quidem fateor potuisse pudorem,  
 Tuliùs esse alio non potuisse toro.

*Ad D. CASIMIRVM sanguine suo purpureum.*

## V.

Murice quæ tineta est, hanc sanguinis inficis ostro,  
 Indueris dibapham sic, Casimire, togam.

D. CASIMIRVS *mauult vitam quàm Virginitatem amittere.*

## VI.

Languor edax, Casimire, tuos depascitur artus,  
 Inque ipsos crescit flamma, febrisque dies.  
 Nulla Machaonij profunt medicamina succi,  
 Et data per medicas pharmaca nulla manus.

Tristantur Proceres, lamentanturque parentes,  
 Flent famuli, plangit Regia, sceptrā dolent.  
 Morbus erat solā Veneris medicabilis arte,  
 Deterior morbo vīsa medela fuit.

Ite procul Veneres, procul ite Cupidinis ignes,  
 Hoc pretio non est, inquit, emenda salus,  
 An Venus, an Veneris nobis lasciuā propago  
 Profuerint, reliquis quæ nocuisse solent?

Dixit, & occubuit generoso Sarmatā fato,  
 Tanta verecundi curā pudoris erat!  
 Qui pubescenti præreptus ephebus in æuo,  
 Ante suum voluit castus obire diem:  
 Dignus is est longo qui sæcla in postera cursu,  
 Vsq̃ue hominum calamis viuāt, & vsq̃ue sonis.

*Ad D. CASIMIRVM præmaturè morientem.*

## VII.

- Aut morere, aut niuci labem patiāre pudoris,  
 Tale Machaonii dogma dedēre Senes,  
 Nec vitam retinere potes, nec, Diue, pudorem,  
 Alterutro, at nequeas saluus vtroque frui.  
 Elige, vtrum mauis, gemini datur optio voti,  
 Vitæ hostis pudor est, vita pudoris erit.  
 Eligis, & vitæ statuis præferre pudorem,  
 Vita minus chara est, quàm tibi, Diue, pudor:  
 Nam mihi cur vni vitam Venus afferat, inquis,  
 Quæ toties aliis attulit vna necem.

*De immaturā D. CASIMIRI morte.*

## VIII.

Esse quid hoc dicam, primis quod sæpè sub annis  
 Interit eximius præcoce morte Puer;  
 Longaque cū sapiens mereatur sæcla iuuentus,  
 Contigit in vitæ limine sæpe mori?

Id factum, Casimire, probas, quem pollice duro ;  
 Demetit ante suum mors properata diem.  
 Nimirum hœc Superi properant decerpere florem ,  
 Quo solet à tenerâ virgine more legi.  
 Illa suis pictum lustrat dum floribus hortum ,  
 Mollis vbi vario germine vernat humus :  
 Sicubi præ cunctis pulcherrimus exerit altum  
 Flosculus ornatu versicolore caput ,  
 Hunc legit affectans , reliquisque senescere iussis ,  
 Huius amat nitidum præripuisse decus.  
 Mos ille & Superis, sunt hæc viridaria Diuûm  
 Scilicet, & flores hinc sibi sæpè metunt:  
 Téque adeò, Casimire, ardent decerpere, nec flos  
 Pulchrior in terris qui legeretur erat.

## V. MARTII.

S. CONON M. *Parentes suos Christo genuit.*

## I.

**V**luere pro Christo Conon vtrûmque parentem,  
 Pro Christo edocuit rursus vtrûmque mori.  
 Antè breuem puero vitam tribuere parentes ,  
 Æternam à puero cepit vterque parens.  
 Sic puer acceptis multo meliora rependit ,  
 Nam tantum in terras editus, astra dedit.  
 Sæpius à senibus pueri potuere doceri ,  
 A puero potuit discere sæpè senex.

S. CONON D. MICHAËLE *vita instituenda*  
*Præceptore vititur.*

## II.

Ætheræ Michael Princeps pulcherrimus aula ,  
 Cononem vitæ dogmata ritè docet.  
 Ille quidè puer est, sed quidquid olympicus Hermes  
 Præcipit, attentâ sedulus aure bibit.

E iij

Hunc modò si quereris fortasse deesse Magistrum,  
Hunc ego Discipulum jure deesse queror.

## VI. MARTII.

S. COLETA V. cui puer IESVS cum Matre se  
*specabilem exhibuit multis plagis laesum, quas  
puer à pueris accepisse questus est.*

## I.

**D**iva, cui Superùm vel adhuc tellure moranti  
Non semel indigerum contigit ore frui;  
Se tibi spectandam dederat cum Virgine Proles,  
Edita quæ Proles Virgine Matre fuit.

Tristis erat Proles, & erat tristissima Mater,  
Iustaqueristitiæ causa duobus erat.

Nam rigidis Pueri corpuscula cæsa flagellis,  
Maternum implerant sanguinolenta sinum.

His, ait, his lacerat me sæua Puertia plagis,  
Grandiaque infligit vulnera, parua manus.

Dixerat, & lacrymis diuina per ora volutis,  
Vbera pressatur Matris ad alma Puer.

At tu sacrilegæ scelus auersatâ luuentæ,  
Audita es simili voce, Puella, queri:

Quæ Superis bella indicent, gens vasta, Gigantes,  
Si brevis in cælum Pumilus arma mouet?

## VII. MARTII.

S. THOMAS AQUINAS C. *arrepto titione  
impuram mulierculam abigit.*

## I.

**P**Arthenios Thomas internitet vnus Ephebos,  
Cynthia nocturnas inter vt vna faces.

Sæpè quidem tenero Venus insidiata pudori;  
Nil tamen insidiis proficit vsa Venus.

At simul angusto iuuenem sub carcere sensit,  
 Non fugiet nostras nunc, ait, ille manus.  
 Ut partem eludat, non omnia spicula faller,  
 Quæ meus instructâ fraude vibrabit Amor.  
 Ergo vnâ, (nam mille aderant) vocat illa Ministrâ,  
 Et puerum blanda præcipit arte capi.  
 Illa subit iussæ secreta cubicula cellæ,  
 Tentatura suis cor puerile dolis.  
 Vidit vbi Paphiæ castus Puer ora Puellæ,  
 Ut fugit accipitrem pura columba, fugit.  
 I procul; i iuuenis, chari fuge damna pudoris,  
 Sed via festinæ non patet vlla fugæ.  
 Tela manu, rape tela, Puer, sed nulla modestus  
 Corripienda manu repperit arma Puer.  
 Ergo meus, moriere, Pudor sine vindice, dixit,  
 Nec mihi suppetias qui ferat, vllus erit?  
 Ite citi, properate, precor, succurrite, si quem  
 Fortè verecundi tangit honoris amor.  
 Ite citi, clamat, sed inani murmure clamat,  
 Nullus ad oratam currit amicus opem.  
 Anxius intento circumspicit omnia vultu,  
 Si qua sit auxiliis apta sagitta suis:  
 Torris in ardenti restabat fortè camino,  
 Hæc rapit, hæc timidus suggerit arma pudor.  
 Et procul elato telum titione coruscat,  
 Lasciuæ intentans hæc calamistra lupæ.  
 Rerum ordo mutatus abit, quis crederet vnquam  
 Posse abigi Cyprios hâc procul arte dolos?  
 Admotis alias crescebat ab ignibus ignis;  
 Ignis hîc admoto pulsus ab igne fuit.

D. THOMAS *solem depictum gerens in pectore.*

## II.

Sol nouus insedit, Thomâ, tibi nobile pectus,  
 Diffunditque suas in latus omne faces.

E. iij

Dum tot inesse tuo sub pectore lumina teneat,  
 Forsan ibi cælum credidit esse suum.

## VII. MARTII.

S. *EQUITIVS C. malum Genium è virginis velato corpore abigit, quem lactuca insidentem non promisso Crucis signo glutierat.*

## I.

Lactucæ insidens foliis subit improbus hospes  
 Virginis incautam, buccæa fœda, gulam.  
 Tænarium hospitio proscribit Equitius hostem;  
 Et iubet ad proprios rursus abire lares.  
 Quamquàm illum facili, paruoque labore fugarit,  
 At leuiore tamen Pluto fugandus erat.  
 Nam Crucè depictâ, laruam quàm recta subiret,  
 Antè leui poterat pelleſſe Virgo manu  
 At tu quisquis is es, læto qui rure vagaris,  
 Et pede qui flores luxuriante teris:  
 Hortorum vita infidias, deceperat Etam  
 Pomus, nunc Monacham triste fecellit olus.

## VIII. MARTII.

S. *PHILEMON M. dùm adhuc Ethnicus loco Apollonij Christiani, sibi suisque viribus dissidentis sacrificat, repente ad Christum conuertitur, & palo affixus, telis impetitur.*

## I.

**D**VM Venerè incenso veneratur thure Philemō,  
 Et Martem & vani numen inane Iouis:  
 Sumptoque in pretium (nam sic conuenerat) auro,  
 Munus Apollonii dissimulanter agit;

Missilibus tactus radiis & cœlite flammâ ,  
 Deuouet incestos, sacra profana, deos.  
 Et primùm pluuiâ tinctus, mox sanguinis vndâ ,  
 Sacrilegum gemino diluit amne nefas.  
 Mox trunco affixus tereti , mandante Tyranno ,  
 Meta pharetrati Militis esse datur.  
 Exerrat, relegitque viam lethalis arundo ,  
 Inque oculos cæci ludicis acta redit.  
 Nimirum refugâ felix fuit error in hastâ ,  
 Si non errasset, fecerat illa minus.

## IX. MARTII.

SS. *QUADRAGINTA MARTYRES SEBASTENI, rigente hyeme, in lacu gelido pro Christo collocantur.*

## I.

**E** Cce quaterdeni Herôes, lectissima pubes,  
 Hyberno subeunt flumina vincta gelu.  
 Experti quos ignis habet, quos terra furores,  
 Iam superest rigidæ nil nisi frigus aquæ.  
 Dùm tolerant hyemale gelu, totumque Decembrẽ,  
 Prægelidum Thermas dixeris esse vadum.  
 Sed tamen è tantâ pars exiguissima turbâ  
 Linquitur, & numerum deplet adempta suum.  
 Nam Christi, & gelidæ desertor perfidus vndæ,  
 Insiluit tepidam, quæ prope stabat, aquam.  
 Aliger intereâ memori delapsus Olympo ,  
 Serta coronandis frontibus apta gerit.  
 Sed tot sarta gerit, quot pectora nescia flecti ;  
 Durarunt rigidas amnis inertis aquas.  
 Viderat id tepidæ Custos qui præsidet vndæ,  
 Et prompto Aligerum protinus ore vocat.  
 Quære quadragenam, quæ deficit vna, coronam ,  
 Pars ego sum titulis annumeranda tuis.

Dixit, & in gelidas collo tenus abditus vndas,  
 Et mortem, & mortis præmia digna tulit.  
 Antè tamen superas quàm spiritus iret in auras,  
 Voce dedit similes deficiente sonos:  
 Si quem tangit amor laudis, properate; coronas  
 Pro numero Pugilum prouidus Ales habet.

*Ad Fidei, & sociorum desertorem in thermis  
 extinctum.*

## II.

Mortem dùm fugeres, reperisti, Transfuga, mortem  
 Dic mihi, quid lucri est, ne moriari, mori?

*Sacris Athletis tibia franguntur.*

## III.

Nequicquam impietastormenta per omnia sæuit;  
 Martyribus cædi dùm quoque crura iubet:  
 Poplite fuciso, & fractis quæ viribus ibat,  
 Ocyùs ad cælum currere visa cohors.

MELITHONEM, vnum è quadraginta Marty-  
 ribus, spirantem adhuc, reliquorum cadaue-  
 ribus mater superinijcit.

## IV.

Postquàm magnanimi Proceres, cælo inclyta pubes,  
 Et vitam, & gelidos deseruere lacùs;  
 Lictor, vt in cineres abeant tenuésque fauillas,  
 Misit in arduos corpora nuda pyras.  
 Solus erat matri Melithon charissima proles,  
 In gelido Lictor quem finit esse vado:  
 Dignus hic est, qui viuatur, sit, sociisque superstes,  
 Vna sit & soboles matris, & vnus amor.  
 At testata mares animos generosa virago  
 Obstitit, & voluit Martyris esse parens.



Nam gremio viuum Nati complexa cadaver,  
 Imposuit rapidis strenua mater equis,  
 Vt soboles confors comitum, similisque suorum,  
 Ardeat extremo corpus inane rogo.  
 Quin etiam incusans vterum succenset inertem,  
 Quod numerosum olim non peperisset onus.  
 Nimirum optasset tumuisse frequentius aluum,  
 Pluribus vt natis panderet astra parens.

*Matris Melithonis virilis animus,*

## V.

Viderat in gelidâ Natum superesse lacuna,  
 Plusquàm fœmineo robore fulta parens.  
 Illa immota diu, magnoque exterrita casu,  
 Proflit, & glaciem mota dolore petit;  
 Impositumque humeris morientē è flumine Natum  
 Extulit, & plaustrò pondus inesse dedit.  
 Mox nec scissa comas, tristem nec pallida vultum,  
 Fœmina fortunâ fortior ipsa suâ;  
 Nate, ait, egregium Fidei per sæcula nomen,  
 Quàm non degeneri funere, Nate, jaces!  
 Amne triumphato, flammæ quoque, Nate, triûphæ;  
 Et Martyr turmæ Martyris esto comes.  
 Sic ait, & Natum in flammæ dùm fertet Amazon,  
 Clasior est animo, quàm foret igne Puer.  
 Inunc, fama loquax, matres extolle Lacenas,  
 Plus animi hæc Mater, plus quoq; laudis habet.

*Ad MELITHONEM.*

## VI.

Laurigeræ appendix, Melithon, dignissima turbæ,  
 Imposuit bijugis te, tua Mater, equis:  
 Nempe triumphantum ritu, quò victor ouares,  
 Debitus vt reliquis, sic tibi currus erat.

E vj

## IX. MARTII.

S. FRANCISCA *Romana ad coruscantem Angelis  
Tutelarum vultum, Virgineas preces  
nocturne recitat.*

## I.

Abstulerat solitum rebus nox atra colorem,  
Iamque inerat toto nullus in orbe color.  
Ad jubar ætherei quod fulget ab ore Ministri,  
Diua statas recitat, certa tributa, preces:  
Nam flammæ absistunt oculis, radiique capillis,  
Cæsarie rutilas eiaculante faces:  
Illa nihil solis radios, nil lumina curans,  
Narratur paribus sæpe locuta sonis:  
Phœbe, tuos oculorum orbis, tua lumina claude,  
Dummodò sol oculis luceat iste meis.

## X. MARTII.

S. CODRATVS M. *à defunctâ matre, in cunis  
relictus, ab Angelis educatur.*

## I.

Molliculus gremiū qui Matris, & vbera clamat,  
Lac etiam Superis cœtibus esse sciat.  
Testis eris, Codrate, tuâ puer orbe parente,  
Dùm tener in cunis, munere lactis eges:  
Nam fouet implicitum gremio te concava nubes,  
Cœlituumque dapes vberis instar alunt.  
Cum cœli sapidos puer hauseris ore liquores,  
Quis tibi dein cælum non sapuisse putet?

*Ad S. CODRATVM cali alumnum.*

## II.

Orbatus jam matris eras, te subdita nubes  
 Excipit, & tepido calfacit alma sinu ;  
 Téque pruinosi sensim stillantia cæli  
 Sydera, Nectarei munere rosis alunt.  
 Penè optanda tibi fuerat iactura parentis ,  
 His cunis, hoc si lacte fouendus eras.  
*Eò loci ubi CODRATVS cum Sociis capite truncatus*  
*est, terra fontem emisit.*

## III.

Hic vbi carnificum submittere colla secuti  
 Pro Christi iussa est nomine lecta cohors ,  
 Terra repentinum fudit miserata liquorem ,  
 Hoc Pugilum fieri funera rore putes.  
 Dùm tamen in pœnas ardent , hâc fontis in vndâ ,  
 Christiadum non est pulsa, sed aucta sitis.

## XI. MARTII.

*S. PELAGIA M. cum binis filiabus item M M.*  
*tutanda pudicitia causâ ultrò in flu-*  
*men delapsa.*

## I.

**H**ÆC sibi quæ nomen Pelagi de nomine traxit ,  
 Ibat cum geminâ prole pudica parens :  
 Ibat , inhumani quò iusserat ira Tyranni ,  
 Prò scelus! Idaliis victima danda sacris.  
 Ventû erat ad rapidas, vallû insuperabile, lymphas,  
 Hic vbi nulla ratis, pons vbi nullus erat.  
 Haferunt geminæ morstâ cum matre sorores ,  
 Haesit cum geminâ morsta sorore parens.

170 ANNVS SACER  
 Quid factò, inquit, opus? stamus? tergo imminet  
 Pergimus? iratàs obijcit amnis aquas. (hostis:  
 Aut vitæ, aut nobis instat jactura pudoris,  
 Charior est ipsâ sed mihi luce pudor.  
 Dixit, & in tumidas, Nymphis comitantibus, vndas  
 Infilit, intrepido mater honesta gradu.  
 Vincitur in proprio sic Cypris adultera regno,  
 Nescia patronas esse pudoris aquas.

---

## XII. MARTII.

S. GREGORIUS MAGNVS *Pontifex Maximus.*

### I.

**M**Armoribus sua facta alij, sua stēmata sculpār,  
 Stēma tuū, brevis hæc syllaba, Magnus eras.

D. GREGORIUS *sub egeni specie Christi  
 excipit.*

### II.

Assumpto laritans sub egeni schemate Christus,  
 Non semel est mensæ visus adesse tuæ:  
 Cur modò nobiscum non is conuiua recumbit?  
 Fortè putat lautas non satis esse dapes?  
 Nō hæc causa subest, nostris quòd ab ædibus absit,  
 Lautitias cupidæ non amat illè gulæ.  
 Nostra etiam celebret jam nunc conuiuia Christus,  
 Si modò conuiuam qui vocet, hospes erit.

## XII. MARTII.

S. ISIDORVS C. *Dùm precibus vacat, eius  
 loco arant Angeli.*

### I.

Succedunt, variantque vices, alternaque mutant  
 Munia, dùmque orat Rusticus, Ales arat.

POETICVS.

VI

Vt largas tibi reddat ager cum fœnore mœsses,  
Diue, vaces precibus sæpè, diuquè tuis:  
Nam, puto, quam superfluiuâ coluère Coloni,  
Illâ fertilior non erit vlla seges.

*Ad D. ISIDORVM.*

II.

Percurris dum mente polos, Isidore, piàmque  
In tua sollicitas vota Tonantis opem:  
Non idèò requiescit ager, sed amœna iugatis.  
Agricola æthereus iugera bobus arat.  
Mutat vtérque vïces, calique solique colonus,  
Alter enim Superos, & colit alter agros.

*De Angelo arante.*

III.

Qui modò præpetibus sulcauerat aëra pennis,  
Frugiferos sumpto vomere sulcat agros.

D. ISIDORVS *Pastoritâ virgâ morbos &  
mortem fugat.*

IV.

Ante lupos baculus, furésque arcebat abactor,  
Nunc alias partes officiosus agit.  
Nam Pastoritæ inflictu vel simplice virgæ,  
Mors fugit, & mortis febris anhela comes.  
Phœbe, tuos remoue, lenimen inutile, succos,  
En medicâ modicum plus valet arte pedum.

D. ISIDORI *pedum scepro regali potentius.*

V.

Nobilium quanquàm sint scepra potentia Regum,  
Sceptrigerâ poterit plùs tua dextra manu:  
Nam quæ Regum apices, & inania culmina ridet,  
More canis, baculo Mors fugit icta tuo,

## ANNVS SACER

Ad D. ISIDORVM.

## VI.

Vnde tuæ tanta est, Isidore, potentia Virgæ,  
 Huius vt attractu cedat abacta lues?  
 Scilicet expertus totius quo vulneret ictu,  
 Hoc baculo Morbus, ne feriat, abit.

D. ISIDORI *Virga, Mosaica dispar.*

## VII.

Quam geris, Hebrææ Virga est contraria Virgæ:  
 Attulit hæc vitam pluribus, illa necem.

## XIII. MARTII.

S. EUPHRASIA *V. iam Christo in Parthenone  
 desponsata, à Theodosio Imperatore per lit-  
 teras sollicitata, vt Senatorij ordi-  
 nis viro nuberet, recusat.*

## I.

EUPHRASIS antiqui generis non degener hæres,  
 Respuit humanos ambitiosa toros.  
 Nec nisi, Christe, tuis ardere caloribus optat,  
 Nec nisi, Christe, tuo nubere pacta toro.  
 At nè fortè nouæ defunt sua flammea nuptæ,  
 Virginibus sacris additur esse comes.  
 Has inter, procul à strepitu velata decenter,  
 Cœlitibus vitam transigit illa parem.  
 Missa quidem minitans à Cæsare littera venit,  
 Patricio iunctam quæ iubet esse viro.  
 Virgo tenax animi, Nostros, rescipit, amores  
 Alterius thalamo quos peris, alter habet.  
 Ille meo solus flores decerpit in horto,  
 Ille meas solo deliget vngue rosas.

Huius ego thalamos, & prosequor huius amores,

Qui sponsæ sponſus virginis eſſe ſolet.

Obſignat commiſſa ſuis hæc verba tabellis,

Et dat ad Auguſtas ritè ferenda manûs.

Perge, puella, ſacro ſacra per connubia nexu,

Caſta vrecundus pectora jungat Hymen.

Nec ſterilem fore crede torum, nam filia virtus,

Virginitas mater pignoris huius erit.

## XIV. MARTII.

S. PETRVS ABBAS, *cum adhuc Tyro in religioſâ Clara-vallis diſciplinâ, inter nocturnas preces obdormiret, ab Angelo excitatur.*

## I.

**L**enta coronati recitas dum carmina Vatis,  
Nocturnâque trahis Cantica longa morâ,  
Et ſacræ excubiæ tibi Militis inſtar aguntur,  
(Nam pia Bernardo ſub Duce bella geris.)  
Vt pugnæ rudis huius eras, tibi neſcia furtim  
Preſſerat inſidians lumina, Petre, ſopor.  
At pius auriculam carptim tibi vellicat Ales,  
Et vigilis partes admonitoris agit.  
Se tibi dat famulum, tibi dat ſe, Petre ſodalem,  
Et ſocias tecum jungit vbique moras.  
Iure tui lateris fidus petit ire ſatelles  
Te ſibi dùm cernit moribus eſſe parem.

*Dùm PETRVS in Odeo canit, concinentes ſecum Cœlites audit.*

## II.

Petre, quid æthereos inter ceciniffe Choraulas?  
Quid iuuat Angelicis obſtrepuiſſe ſonis?

Ergo file, aut inter gratos ingratus Olores,  
Confusis strepitans vocibus Anser eris.

*Ex agritudine luscus efficitur.*

III.

Luminis alterius tibi morbus ademerat vsum,  
Petre, dabas hilares hâc quoque parte sonos.  
Est, ais, est oculi mihi cur optabile damnum  
Gratuler, è geminis hostibus vnus abest.  
Quæque mihi superat, aliâ pereunte, fenestram  
Claudere erit leuior post mæa fata labor.

XV. MARTII.

S. LONGINVS CENTVRIO *M. qui Christi  
latus lanceâ aperuit.*

I.

**C**ENTurio intorquet validis dum viribus ictum,  
Vt Christi exanimum sauciet hasta latus:  
Parce, exclamat Amor, Domini penetrabile pectus.  
Vulneribus tantum debuit esse meis.

*D. LONGINVM cæcum fuisse perhibent.*

II.

Tàm bene qui Domini pectus collimat in imum,  
Hunc ego si cæcum dixero, cæcus ero.

*D. LONGINVS inflicto vulnere luci oculos  
aperit.*

III.

Cur oculos, quibus orbus erat, Longinus adeptus,  
Grande sui pretium criminis ipse tulit?  
Nè cui non pateat Christi aspectabile funus,  
Nemo oculis captus debuit esse suis.



POËTICVS.

115

*Ad Christum solem obscurantem, & Longino  
oculos aperientem.*

IV.

Vt solem obtenebras moriens, sic luminis vsum,  
A te Centurio, dum morereris, habet.  
Atque ita luce oculos illo quo tempore donas,  
Lucem oculis illo tempore, Christe, rapis.

*Continuò exiuit sanguis & aqua. Ioan. 19.*

V.

Non tantū est animæ qui Christi è pectore manat,  
Est etiam medicus corporis ille liquor.  
Longinum vt tetigit longam delapsus in hastam,  
Luminibus clara est protinùs orta salus.  
Christe, tuum funus cunctis spectabile terris,  
Iam plures oculi, qui tueantur, erunt.

XVI. MARTII.

*S. ABRAMVS Eremita Mariam Neptem, è  
turpi fugâ ad reditum & ad lacry-  
mas excitat.*

I.

**D**Egeret hortendæ virgo licèt hospes eremi,  
Syluicolas inter dura colona feras:  
Excessit tamen illa fugax, & adultera patrat  
Neglectâ infandum virginitate scelus.  
Quoslibet in Veneris sine lege ruebat amores,  
Et timor, & recti cesserat omnis amor.  
Resciuit Senior criménque fugâque Puellæ,  
Et citò stramineæ delerit antra casæ:  
Rimatúsque vagæ Patruus vestigia Neptis,  
Repperit, & primam suadet inire viam.

Vnguibus Accipitris quæ penè rapacibus hæsit,  
 Hanc solerte sagax liberat arte Senex.  
 Quæque latebrosam nuper fugiebat eremum,  
 Rursus in antiquâ condita rupe latet.  
 Si cupis in primo cognôsse quid egerit antro,  
 Assiduos gemuit mœsta columba dies.

*Maria Neptis ad ABRAMVM Patrum redit.*

## II.

Coruus adimplendæ cunctatur amore saginæ,  
 Dùm repetit primam missa columba ratem.  
 Tu quòque desertos, seducta Columba, penates,  
 Te Patruo multùm sollicitante subis.  
 Ad veterem remigrat primæua Columba Noemû,  
 Rursus ad Abramum deuolat ista senem

## XVII. MARTII.

*SA. GERTRVDIS V. velo obiecto serpentes ignes.  
 à sacro Gynæceo auerit.*

## I.

**V**irgineas grassatur edax Vulcanus in ædes,  
 Et propè jàm cinis est, quæ fuit ante domus.  
 Tu prohibes, sacroque fugas incendia velo,  
 Nam procul ut vidit flammea, flamma fugit.  
 Nescio, an aufugeret Mars hoc umbrone repulsus,  
 Qui clypeos inter sæuus, & arma furit. (quæ,  
 At clypeorû opifex, quanquam pede claudus utrô-  
 Territus hoc clypeo Mulciber ipse fugit.

*Ad D. GERTRVDEM sacrum capitis velum  
 flammis opponentem.*

## II.

Obiectas instar clypei velamen honestum,  
 Quod tibi virgineum texerat ante caput.

POETICVS.

117

Ecce tibi! opposito velut aggere flamma resedit,  
Languet ad injectas vt vagus ignis aquas.  
Virgo, tibi fuerat conjux superandus vterque;  
Et dea cum claudo juncta marita deo.  
At tibi, quæ Veneris domuisti conjugis ignes,  
Vulcanum levis est edomuisse labor.

XVIII. MARTII.

S. EDVARDVS *Angliæ Regis filius, M. ab  
Elfrida Nouerca per insidias occiditur.*

I.

Armillati aderant luctantia colla molossi,  
Venandique foret quæ tibi turba comes;  
His canibus comitumq; illo circum agmine fusus,  
Tendebas placitis lina dolosa feris.  
Nec procul inde aberant sceleratæ infida Nouercæ  
Limina, quò nimium credulus hospes abis.  
Fide feris, Eduarde, tuæ ne fide Nouercæ,  
Nam superat rabidas illa furore feras.  
Altera Phædra suos iterum rediuiua furores  
Exeret, Hippolytus, nî fugis, alter cris.  
Tu tamen admonitus pergis, vix prima subibas  
Tecta, nouercali proditus arte cadis.  
Dumque dolos pauidis tendis sine crimine prædis,  
Incidis in tacitos altera præda dolos.

D. EDVARDI *corpus exanimum prodidit nocte  
lux insolita.*

II.

Regis in interitu, & Christi nascentis in ortu,  
Stella micat medio conspicienda polo.  
Nam malè sub tenebris cædémq; Deumq; latentē,  
Debuit indicio prodere flamma suo.

Stella suas implet feliciter vtraque partes,  
Criminis hæc index extitit, illa Dei.

---

## XIX. MARTII.

S. IOSEPHVS C. MARIAE *Virginis Sponsus*  
*mirè eligitur.*

## I.

Vixerat interior taciti sub fornice Templi,  
Iamque pari fuerat Virgo iuganda viro :  
Dum sponsus par omnis abest, polus indice virgâ,  
His thalamis Fabrum sancit esse parem.  
Arida virga fuit, tenerisque orbara medullis,  
Nullaque decussis frondibus umbra virescit.  
At simul hanc Senior, dextrâ tangente, capessit,  
Pullulat, & natis vernat amicta comis.  
Inque repentinum lato se germine florem  
Induit, & vernas frondea monstrat opes.  
Quanta pudicitiae vis est, & viuere virgam,  
Et virgam iussit virgo virere manus.

S. IOSEPHVS *Sponsus MARIAE, & Parens IESV.*

## III.

O Pueri, Iosephe, Parens, ô Sponse Parentis,  
Sponse minor Sponsâ, Progenieque Parens:  
Te Patre Progenies maior, te Coniuge Coniux :  
His minor, at reliquis maior, honore præis.  
Tu maris & terræ Dominum, Dominique Parentem,  
Sub lare degentes paupere pauper alis.  
O quem te memorem ! tantæ cui cura Parentis,  
Et Pueri tanti credita cura fuit !  
Cui toties Puerum, totiesque videre Parentem,  
Cum Pueroque loqui, cumque Parente datur.  
Magnus eras, te quando Puer nec dicere Patrem,  
Nec poterat Sponsum dicere Virgo suum.

At postquàm socialis amor te junxit vtrique,  
 Et socialis amor junxit vtrumque tibi,  
 Maior es, & longè linguis mortalibus impar,  
 Vt decet, humano non potes ore cani.  
 Te quantò Natus, quantò plùs Mater amauit,  
 Nos Pater, & tantò plùs quoque Sponsus ames,  
 Te per ego hunc Nati, Sponsæque Parétis amorem,  
 Te per ego si quid charius esse potest:  
 Oro, faue, Natumque mihi, Sponsamque Parentem  
 Concilia, vt votis adsit vterque meis.  
 Tu mihi sis, mihi sit Soboles, mihi commoda Mater,  
 Et mihi tres vnâ ferre salutis opem.  
 Astra cadât, Phlegetónq; suas vomat igneus yndas,  
 Terraque conuulso funditùs orbe ruat:  
 Impavidum ferient, inconcussùmque ruinae  
 Dummodò me clypeus protegat iste triplex,

Ad D. I O S E P H V M.

III.

Te voluit, Iosephe, sibi Deus esse Parentem,  
 Esse Virum voluit te sibi Virgo Parens.  
 quis queat hoc Spòso, Patre hoc quis surgere maior,  
 Quo Virgo voluit, quo Deus esse minor?

S. I O S E P H V S *in tabellâ depictus, Lilia  
 manu præfert.*

• IV.

Majestate vides, & cano crine verendum,  
 Candida præ manibus Lilia ferre Senem.  
 Non similes generat pulcherrima Gallia flores,  
 Non similes flores fundit Iberus ager:  
 Nec Corcyraï tales pomaria Regis,  
 Nec Pæstana pari messe superbit humus.  
 Cùm nusquàm exierint natalibus edita terris,  
 Suspicio è castâ Lilia nata manu.

D. IOSEPHI *beatum funus.*

V.

Angustum quo, Diue, iaces, cinxere grabatum,  
 Hinc Pueri Mater, Virginis inde Puer.  
 Fortunate Parens, fortunatissime Conjux,  
 Te puto latitiâ, si moriare, mori.

D. IOSEPHVS IESV & MARIA *adstantibus moritur.*

VI.

Inter & amplexus Pueri, amplexusque Parentis,  
 Extremum claudis Sponse, Paterque diem.  
 Deferere hos moeres moriens, gaudesque vicissim,  
 Et Matre, & Puero te prope stante, mori.  
 Ergo tuâ, moribunde Senex, nec amarior esse,  
 Nec mors esse tuâ dulcior vlla potest.

*Ad D. IOSEPHVM morientem.*

VII.

Vltima decursæ traheres dum tempora vitæ,  
 Præcinxere tuum Virgo, Puérque torum.  
 Vita aderat, vitæque Parens, ytriusque beato  
 Miror in amplexu te potuisse mori.

XIX. MARTII.

S. ADRIANVS *seruus à sicariis occiditur, auro quod putabatur deferre, inhiantibus.*

I.

Non te nobilitat nascentem sanguis Auorum,  
 Nobilioremamen, dum morerere, rubes,  
 Nam tibi lethifero jugulum mucrone resoluit,  
 Perfidus immensas qui Latro sperat opes.

Pondus

Pondus & argenti scrutatur avarus & auri,  
 Sed nihil elusâ repperit ille manu.  
 Astra tibi rurantur opes, quas nescia falli  
 Condidit in tuto dextera cauta loco.  
 Verna fores tacitâ quamuis ignorus in umbrâ,  
 Ipsis liberior Regibus astra petis.  
 Sæpe fit vt meritum famulus pedes intret olympū,  
 Dùm dominus rapidis ad styga ferrur equis.

## XX. MARTII.

S. IOACHIMVS C. *Christi Auus, Vir-*  
*ginis Parens.*

## I.

E Cquid inutilibus Ioachimum laudibus ornem,  
 Vt toto æternum nomen in orbe sonet?  
 Quidquid erit laudum, Versu cumulat in vno,  
 Ille Auus est Christi, Virginis ille Parens.

*Ad Lectorem de D. IOACHIMO.*

## II.

O quicunque legis Ioachimi nobile nomen,  
 Quantus hic est, hæc te carmina pauca docent.  
 Virginis ille Parens, Christi est Auus ille Nepotis,  
 O quantum in titulo duplici laudis inest!  
 Hoc nec Auo, nec Patre potest existere maior,  
 Filia nec maior esse, nec esse Nepos.

## XX. MARTII.

S. CUTHBERTVS *Episc. Lindisfarnensis, cuius*  
*corpus post quadringentos & amplius annos*  
*integrum perstitit.*

## I.

Iam longos tumulo, Cuthberte, quicuerat annos,  
 Nec tamen in corpus serpsit vlla lues.

F

Integritatem animi, quæ te celante latebat,  
 Corporis integritas indicat illa tui. (nis,  
 Myrrhæ odor imbutis vermes procùl arcet ab vr-  
 A te virtutis mirus abegit odor.

## XXI. MARTII.

S. BENEDICTVS ABBAS *in spineto voluntatis,  
 impurum amorem suffocat.*

## I.

**I**Ncolit hirsutæ rupes Benedictus eremi,  
 Quæ tamen insidians gliscit in antra Venus.  
 Titillâtque jecur tenerum, furtimque per artûs  
 Insinuat tacito blanda venena dolo.  
 At juvenis se vepre rotat, se sente cruentat,  
 His procùl effugiat Cypris vt icta rubis.  
 Hâc arte Idalias damnosa incendia, flammæ,  
 Hâc, fugat Idaliæ saucius arte Deam.  
 O cuiçunque pari molles Venus igne medullas  
 Palpat, inassuetis illecebrosa dolis,  
 Flos tibi si casti placet illibatus honoris,  
 Sepibus his hortum prætege, tutus eris.

*Flores è D. BENEDICTI sanguine exorti.*

## II.

Fixus inexperto, Benedicte, Cupidinis arcu,  
 Vulnera vulneribus perniciofa leuas:  
 Nam positâ, quæ circum ambit tibi corpus abollâ,  
 Membra rotas pressis sanguinolenta rubis.  
 Fama rosas retulit Veneris de sanguine natas;  
 Lilia crediderim sanguine nata tuo.



POETICVS,

113

*Venus naufraga.*

III.

Vepribus injectum corpus, Benedicte, cruentas,  
Et laceras hirtis faucia membra rubis.  
Elicitur roseus venis ab hiantibus imber,  
Naufragium, vt pereat, flebile passa Venus:  
Solutus Erythræis Pharaon non mergitur undis,  
Ecce rubro periit Cypria merfa mari.

D. BENEDICTVS suo sanguine irriguus.

IV.

Dum pia vulnificis fodicare membra rosetis,  
Purpura te proprio tincta cruore tegit.  
Hæc rosa, quâ totus rutilas, tua lilia signat,  
Candoremque rubor nos docet ille tuum.

XXII. MARTII.

S. CATHARINA SVCA V. adhuc infans  
respuit impurarum nutricum vbera.

I.

DM jacet in cunis Catharis puerilibus infans,  
Et vitam succo lactis alumna trahit;  
Obtulit altricem turpis meretricula mammam,  
Pupa huius renuit munere lactis ali:  
Nutrit Iliaden Martis lupa Romula prolem,  
Nutriri à Paphiâ noluit Agna lupâ.

S. CATHARINA iam inde ab incunabulis  
Veneri infensa.

II.

Matris ab vberibus tenuis Virguncula pendet,  
Et petit irriguam lactis alentis opem.

F ij

Fortè aderat quæ pupam audit, meretricia peller,  
 Sugendósque offert officiosa sinûs.  
 At Catharis vultu auerso indignata refugit,  
 Vberaque exiguâ reppulit illa manu.  
 Virgo, odiis Venerem quibus insectaberis olim,  
 Hanc procûl à tenero si modo lacte fugis?

*In D. CATHARINAE funere noua stella  
 affulget.*

## I II.

Diua, decus radians multùm radiantis olympi,  
 Quæ mole exutâ corporis, astra subis:  
 Illustrent vt plura tuum funalia funus,  
 Ecce nouum rutilo fulget in axe iubar.

*D. CATHARINAE funus Ericus Rex suis  
 humeris extulit.*

## I V.

Sacram humeris effers, Erice, gerentibus urnam,  
 Regiaque imposito funere colla premis.  
 Quamuis sustineat fulgentibus æthera flammis,  
 Se minùs ipse suo pondere jactet Atlas.

## XXIII. MARTII.

*S. OTHO C. ab hostibus captus, & à D.  
 Bernardo vinculis exemptus, uni  
 Christo militat.*

## I.

**A**Rmatos bellator Otho delapsus in hostes,  
 Subdiderat domino colla premenda iugo.  
 Tranquillum captiua dabat per membra soporem,  
 Cum, Bernarde, tuâ liber abiuit ope.  
 At jam Martis opus fugiens, Martisque furores,  
 Altera belligeras vertit ad arma manus.

Tela preces, arx cella fuit; sibi sufficit hostis,  
 Nullus enim, quem jam vinceret, alter erat.  
 Hostibus antè suis plagas infixit, & vnus  
 Vulnera quæ post hæc intulit, ipse tulit.

## XXIV. MARTII.

S. SIMON *Tridentinus Puer M. quem Iudæi  
 variis cruciatibus tortum morte  
 affecerunt.*

## I.

**D**icite sacrilegi, quis vos furor vrget, Apella,  
 Vertere in innocuum tela cruenta caput?  
 Quinque puer geminis menses vix addidit annis,  
 Et tamen in pœnas poscitur ille puer.  
 Pro foribus patriis ludebat amabilis infans,  
 Hunc sibi supremum nescius esse diem.  
 Verporum venere cohors, puerumque biennem  
 Pellicunt blandis in sua tecta dolis.  
 Egreditur, nuci bûsque Simon, talisque relictis,  
 Insequitur rabidos, vt solet agna, lupos.  
 Postquàm imam subiêre domum, (si lustra ferarum  
 Sint tamen appositâ voce vocanda domus :)  
 Hic strophium collo iniiciunt, nè vagiat infans,  
 Et laceram membris diripere togam.  
 Ille quidem & lacrymis, & moru & calce repugnat,  
 Nomen & absentis matris inane vocat.  
 Aut vocat, aut presso miser ore vocare laborat,  
 Imbelles aliud nîl potuere manûs.  
 Constitit exuto corpus nudatus amictu,  
 Vt solet, innubi dùm nitet ore dies.  
 Mox crucis è trunco miserabilis hostia pendens,  
 Mille tulit cultris vulnera, mille stylis.  
 Nec priùs est extincta sitis furiosa cruoris,  
 Quàm lacer è terris iret in astra puer.

Felix ille quidem, quòd paruo in corpore, magni  
 Personam potuit sustinuisse Dei.  
 Tupe, tibi dedit astra cruor, si fortè pusillis  
 E venis potuit defluus ire cruor.  
 Durius est, quo pergis iter, tibi debuit vltro  
 Pandere lacteolam Lactea zona viam.

## XXV. MARTII.

ANNUNTIATIO BEATAE MARIAE VIRGINIS,  
 Siue

CHRISTVS in utero MATRIS VIRGINIS conceptus.

## I.

Sunt gemini Soles, Sol alter in æthere labens  
 Fulget, in afflietam labitur alter humum.  
 Virgineis oculis, & amoribus ardet vterque,  
 Et facit iste solo, quod facit ille polo.  
 Erigonen Phœbus, Mariam sol Christus amavit,  
 Illa vetus sydus, sydus at ista recens.  
 Sedibus optatis vt Sol potiatur vterque,  
 Ille subit signum Virginis, iste sinum.  
 Non æquale tamen sistunt in Virgine tempus:  
 Ille vno remanet, mensibus iste nouem.  
*Turbata est in sermone, & cogitabat qualis  
 esset ista salutatio. Luc. 1.*

## II.

Vidit vbi æthereum turbata Puella Ministrum,  
 Erubuere duæ casta per ora rosæ.  
 Candentēque genas pulchro suffusa rubore,  
 Lilia purpureis miscuit alba rosis.  
 D. sine Virgo rosas & lilia quærere, nam flos  
 Pulchrius in vultu viuit vterque tuo.  
 At tu alium Paradisum, Ales, modò quærere noli,  
 En Paradisum almae Virginis ora gerunt.

*Fiat mihi secundum verbum tuum. Luc. 1.*

## III.

Et visa est parere, & parere Puerpera Mater,  
Nam quia Legato paruit, illa parit.

*Calum terris per Virginem salutatam conciliatur.*

## IV.

Et terram, & Superos placidè qui Mensis amicat,  
Martis ab antiquis nomen habebat Auis.  
Hunc reliqui quocumq; velint de nomine signent,  
Ille mihi Augustus postmodò mensis erit.

## XXV. MARTII.

*Commemoratio S. LATRONIS, qui in cruce  
Christum professus est.*

*Ad S. LATRONEM.*

## I.

Occlusas solitus penetrare labenter in ædes,  
Aut fracto auulsas pandere poste seras:  
Ipsi etiam fueras, puto, vim facturus olympo,  
Nì tibi sponte suas panderet æthra fores.

*S. LATRO vel in cruce furax.*

## II.

Materiem mutat, non mutat callidus artem,  
Propositi in medio funere Latro tenax:  
Nam dum fraude piâ cælorum irreperet arces,  
Et raperet vincitâ subdolus astra manu,  
Antiquæ fuit ille memor, quam calluit, artis,  
Sed noua materies, quæ raperetur, erat.

## XXVI. MARTII.

S. LVDGERVS *Episc. Monasteriensis, quem  
mater latus palo transfixa peperit.*

## I.

Fœtus adhuc tumidâ matris crescebat in aluo,  
Nec sua complebat tempora ventris onus.  
Striptis incurfu cecidit pede lubrica mater,  
Transgîtque fudes obuia molle latus.  
Editus est infans læsæ per vulnera matris:  
Et puer, & salua est hæc quoque parte parens.  
Quàm pia cura poli! sunt ipsa pericula lucro,  
Vulneraque, id voluit cum Deus, ipsa iuuant.

S. LVDGERVS *à teneris annis magna indolis  
dat argumenta.*

## II.

Vix matri lallare puer, vix figere gressus  
Cœperat, & blæso frangere verba sono.  
Iàm tunc posthabito meditatur seria ludo,  
Maturusque sapit nil puerile puer.  
Nam modò scribentem videas, videâsque legentē  
Exiguos nutrit quos dedit alma libros.  
Annos si numeres, rudis esse videbitur infans,  
Illum si propius videris, esse senex.

D. LVDGERI *animus instar sideris in calum  
visus est ferri.*

## III.

Ludgerus antiquis noua fax adscribitur astis,  
Indiguit cælum sydere, terra dedit.

## XXVII. MARTII.

S. RUPERTVS *Vangiorum Episc. cuius funus  
feshuo cantu Angeli persecuti sunt.*

## I.

• C Vr festum ætherei, canitis Præana, Choraulæ?  
Non bene funeribus conuenit ille canor.  
Occidit orbato raptus Rupertus ouili,  
Deferuitque suas Pastor ademptus oues.  
Vos tamen in nostro modulati cantica luctu,  
Fila importunæ plectitis ista lyræ.  
Ah! video, cur astra nouos egere triumphos,  
Dùm lacrymis plangit terra, madetque suis.  
• Sydera ditantur nostris crescentia damnis,  
Quodque perit nobis, his datur esse lucro.  
Subtrahitur terris decus ingens; additur astris,  
Iure igitur plaudunt sydera, terra dolet.

*Ad D. RUPERTVM, de Angelorum cantu  
in ipsius funere audito.*

## II.

Diue, tuo interitu, Christi canit Ales in ortu,  
Tu siquidem cælo nasceris, ille solo.

## XXVIII. MARTII.

S. GUNTRAMVS C. *Francorum Rex eò plura  
in Egenos diuidit, quò plura à Deo accipit.*

## I.

P Annosis, Guntrame, licet largitus egenis  
Plurima des, multò dat tibi plura Deus.  
Nam tibi, quam gremio tellus locuplete fouebat,  
Venit in ignaras gaza repleta manus.

F Y

Nè posthac certare Deo cum compare pergas,  
 Nec vinci à magno Numine turpe putes;  
 Quidquid agas, quæcunque inopi donaria dones,  
 Hac Deus in pugnâ diuite victor erit.

S. GUNTRAMVS *Egenis tanquàm militibus  
 Praefidiariis cingitur.*

## II.

Quò tecumque feras, Inopum te plurimus umbo  
 Stripat, in auxilium turba parata tuum.  
 Dulce satellitium! dulcis comitatus euntis!  
 Non ita praesidio Regia castra forent.  
 Illis excubiis, quò te rerum euocat usus,  
 Illo vallatus Milite tutus eas.  
 Nullus ab insidiis timor est, tibi nullus ab hoste,  
 Ista tuum cingat dummodò turba latus.

*Ad D. GUNTRAMVM Inopum turbâ  
 circumseptum.*

## III.

Circumfusa Inopum quæ te, Guntrame, coronat,  
 Plus tibi Regali, credo, corona placet.

## XXIX. MARTII.

S. MARCVS *Arethusorum Episc. & M.  
 melle delibutus, vesparum aculeis ad  
 solem exponitur.*

## I.

**D**ive senex, quem mille rotæ, quæ mille catastæ,  
 Attritum variis comminuere modis:  
 Non satis exhaustû pœnæ est, tibi cruda Tyrannis,  
 Immanem accelerat per noua monstra necem.  
 Sole sub ardenti tortorum industria solers  
 Nuda liquefcenti corpora melle linit.



Hoc celer illicio vesparum exercitus vltro  
 Aduolat, & bibulâ cuspide membra ferit.  
 Exugit roseum, rostro sumente, cruorem,  
 Exugit laceram turba sonora cutem;  
 Melle licet multo plagas patiaris inunctus,  
 Plus tua quàm mellis funera fellis habent.

*Ad D. MARCVM melle perunctum.*

## II.

Mors tua, Marce, licet dulcedine mellis abundet,  
 Non fuit illa tamen dulcis, amara fuit.

## XXIX. MARTII.

S. ARMOGASTVS *M. pro Christi Fide variè  
 tortus, demùm in marmoreo tumulo  
 diuinitus constructo sepelitur.*

## I.

Turbine jactatus vario, tamen altior Heros  
 Longè suppliciiis omnibus vnus erat.  
 Egerit effossam, fabuleto addictus arenam,  
 Hunc putat inuictum testis arena virum:  
 Suspensum pedibus placidè dormire putares,  
 Vsq̃ue adcò nullus prodiit ore dolor.  
 Præfectus pecori, bobus præfectus alendis,  
 Posthabuit sumpto regia sceptrapedo.  
 Mens postquàm excessit peregrinis aduena terris,  
 Inque altum rediit, patria regna, Polum.  
 Dúmque sub arboribus corpus tumulatur inane,  
 Marmoreum pandit concaua terra sinum.  
 Protinùs hoc tegitur funus sepelibile cippo,  
 Quem nullâ instructum condidit arte solum.  
 Nè tibi magnifico placeas, Mausole, sepulchro,  
 Si tumulo Pastor nobiliore jacet.

## XXIX. MARTII.

S. SATYRVS M. *in exilium pro Fide iturus,  
nullis suorum vel precibus, vel blan-  
ditis retinetur.*

## I.

Iam Satyro exilij tempus lacrymabilis instat,  
Nî sanctam ejuret proditione Fidem.  
Circumstant famuli, circum, pia turba, Sodales,  
Pignoraque afflictæ dulcia membra domûs.  
Vxor amans complexa pedes abeuntis inhareret;  
Sarcina propositæ non onerosa via.  
Non potes auelli, clamat simul ibimus ambo,  
Ibimus, & conjux exulis exul ero.  
Te jubet à patriâ longè discedere Cæsar,  
Me pietas, pietas Cæsaris instar erit.  
Hic quoque te moueat, (tendebar brachia Natus)  
Qui nostro tendit brachia parua sinu.  
Talia jactabat, vacuas sed jactat in auras,  
Nil gemitûs, cassæ nil potuere preces.  
Quem charo premit illa sinu, sine vocibus infans,  
Orator minimus, maximus ille fuit.  
Nîl tamen effectum est, nam quò jubet ira Tyranni,  
Egregius nihilo tardiùs exul abit.  
Scilicet immensus, quàm latè extenditur, orbis,  
Patria Christiadis fortibus esse solet.

## XXIX. MARTII.

S. MECHTILDIS V. *cuius demortua capilli  
fulmen auerterunt.*

## I.

Mens tua despectis penetrarat in æthera terris,  
Virgo, verecundi gemma corusca chori.

Vertice detonsi, dictu mirabile! crines,  
 Exaruant bifido fulmina missa polo.  
 Nil opus vt referant nostræ tua facta Camcenæ,  
 Noscitur vngue leo, nosceris ipsa pilo.

## XXX. MARTII.

S. REGVLVS *Arelatensis Episc. S. DIONISII*  
*& aliorum duorum sociorum Martyrium*  
*Columbâ nuntiâ inter sacrifici-*  
*candum accepit.*

## I.

**I**Am sociis quibus antè comes comitantibus ibas,  
 Crudelem intulerat carnificina necem :  
 Hanc eadem, dum ritè litas, tibi Chaonis ales  
 Nuntiat è summo visa volare tholo.  
 Ne-ve tibi illudi falsâ sub imagine credas,  
 Gestat oliuifero nomen in ore triplex.  
 Regule, siue tibi, longæuo siue Neëmo,  
 Nuntia sic semper fida Columba fuit.

*Ad socios D. REGVLI pro Fide occisos.*

## II.

Magnanimi Heroes, Gallis memorabile nomen,  
 Immeritam passi pro pietate necem :  
 Non, vt amat fieri, Vultur, Coruique voraces,  
 Funeris at vestri est visa Columba comes.  
 Cùm vestrum comitetur auis Dodoneæ funus,  
 Vos auibus cæsos quis neget esse bonis ?  
 Dùm REGVLVS concionatur ad populum, impor-  
 tunis vanis silentium imperat, impetratque.

## III.

Virtutis dùm pandit iter, plebémque disertus  
 Erudit, & sacro Regulus ore tonat,

134 ANNVS SACER POETICVS.  
Perstrepit, & doctæ miscens sua jurgia voci,  
Hospita vicinæ rana coaxat aquæ.  
Regulus ingrata taciturna silentia turbæ  
Imperat, hæc presso protinùs ore silet.  
At modò cùm ranæ sileant, lingua impia templis  
Obstrepit, & multâ garrulitate crepat.  
Vtque olim in ranas pubes mutatur agrestis,  
In ranas homines nunc abiisse pute s.

---

XXXI. MARTII.

S. AGNES *Pramonstratensis V. candida veste  
sui Ordinis induitur.*

I.

Velleris ornari pretio spectabilis Agnes,  
Et poterat diues diuite veste regi:  
Noluit illa tamen, ne quis prædator lazon,  
Vellus, & auratam tollere vellet ouem.  
Nil ergo his phaleris capitur, pompæue colorum,  
Solaque natiuo lana decore placet.  
Candidior niuibus, purâque in veste nitescit;  
Nimirum est index pectoris ille color.  
Corpore in intacto niueum qui cernis amictum,  
Sub niueo niueam vellere cernis ouem.





## MENSIS APRILIS.

---

### PRIMA APRILIS.

S. VALERICVS *Abbas dùm adhuc puer custos  
esset ovium, totum Psalterium  
decurrebat.*

#### I.

**D**VM sequitur Valericus oues, nunc Cática psal-  
Solatus tetricæ tædia longa viæ : (lit,  
Nunc pastoritiæ munitus verberare fundæ,  
Arcet inerrantes à grege sæpe lupos.  
Tàm benè cùm peragat Daudica munia Pastor,  
Isaciæ Vati quis neget esse parem ?

S. VALERICVS *hortum colit locustis &  
cateris florum hostibus imperuium.*

#### II.

Et colit aprico flores Valericus in horto,  
Et facilem rastro sarrit, & occat humum.  
Non Eruca gravem serpit minitata ruinam,  
Nec nocet illæsis vlla Locusta fibris.  
Non aquilo, non acris hyems, non horrida grando,  
Nec quicunque satis floribus hostis obest.  
Sed picto florum populus caput exerit horto,  
Et domino gestit posse placere suo.  
Illo, si qua fides, inarari terra colono,  
Illo proscindi vomere gaudet humus.

Diue, licèt rìguum coleres industrius hortum ,  
Cultor eras animi doctior ipse tui.

D. VALERICVS *Auiculis familiariter colludit.*

### III.

It quoties notæ Valericus in abdita syluæ ,  
Ales ad innocuum currit alumna Senem:  
Nec timet insidias, rostróque jocatur, & vngui ,  
Pérque vagas volitat ludicra turba comas ;  
Et quoties Senior ieiunia sobrius explet ,  
Exiguo solitus pascere labra cibo;  
Hinc volucris dementia petit, carpítque legendo ,  
Si qua pauimentum deflua mica ferit.  
Nimirum hic melior, multóque paratior esus ,  
Quàm culicem totos sollicitare dies ,  
Aut mûscas ágitare leues, captare locustas,  
Et quæcúmque fugax aëre præda volat.  
Insinuat modò se gremio, gaudétque foueri  
Ales, & inictâ veste quieta tegi.  
Nec redit ad luteos, pullorum oblita, penates ,  
Scilicèt est nido dulcior ille sinus.

*Auicula in sinu D. VALERICI noxa  
secura.*

### IV.

Dùm nemorū per opaca senex Valericus oberrat ,  
Solaque despecto cogitat astra solo ;  
Inuolitans humeris numerosa senilibus Ales ,  
Vellicat incanas molliter vngue comas:  
Et modò promissæ latè præpetasmata barba  
Insidet, & mansum poscit ab ore cibum.  
Nec secura magis, nec adest minùs illa frequenter  
Quàm si inter virides exspatietur agros.  
Fortè rogas, cur ora Senis per edentula ludat ,  
Nec reuolet trepidâ plumca turba fugâ ;

Nullius est vel causa metûs, vel causa pericli,  
 Abstinet à vescis carnibus ora Senex.  
 Non ita, Lurco, tuam subeat secunda culina,  
 Huc volucris tendit plurima, nulla rëdit.

## II. APRILIS.

• S. FRANCISCVS DE PAVLA *C. Ordinis*  
*PP. Minimorum Fundator.*

## I.

D Vm fastûs, titulôsq; fugit Franciscus inanes,  
 Et vano inflatum quidquid honore tumet :  
 Non voluere piis Superi subscribere votis,  
 Magnus enim, Minimus dum cupit esse, fuit.

*Ad D. FRANCISCVM DE PAVLA.*

## II.

Te Minimum licet esse iuuet, Minimumque minorẽ,  
 Maximus in Minimo tu mihi semper eris.

*De SS. FRANCISCO DE PAVLA & ASSISIATE.*

## III.

Tu prior ipse vocas socios, Franciscæ, Minores,  
 Franciscus, Minimos qui vocet, alter adest.  
 Cum multis, Franciscæ Minor, præcesseris annis,  
 Patre Minore minor debuit esse Nepos.

S. FRANCISCVS PAVLANVS *ardentem*  
*fornacem sine noxâ subiit : mare pallio suo*  
*instratum enauigauit.*

## IV.

Imperiis elementa tuis famulantia parent,  
 Sæque tibi fractis supposuere minis.

Vnda, tibi, tibi flamma volens, Franciscæ, pepercit,  
 Æquor enim siccum, frigida flamma fuit.  
 Te rerum agnoscit docilis Natura potentem,  
 Nec quidquam est, votis quod neget illa tuis.  
 Nil tibi, nè madeas, habet arida lymphæ madoris,  
 Nil tibi, nè caleas, flamma caloris habet.

*Diuisâ duas in partes arbore, dissidentes fratres  
 S. FRANCISCVS PAVLANVS conciliat.*

## V.

Armarat lis vna duos in prælia fratres,  
 Causaque quæ rixam commouet, arbor erat.  
 Fratrem intercessit pius inter vtrumque Sequester,  
 Conatus veterem conciliare fidem.  
 Cum neuter vellet fratri concedere frater,  
 Tractaque per longas lis foret illa moras:  
 Fissilis in geminas æquo discrimine partes  
 Iussa est imperio Pomus abire tuo.  
 Pars fratrem sua quemq; manet, Franciscæ, nec vno  
 Pomo, inquis, posthac ditior alter erit.  
 Non poterat melius longam decidere litem,  
 Arbitra correpto si foret ense Themis.

## II. APRILIS.

*S. GENOVEFA PALENTINA in syluis cum  
 infante à Marito exposita.*

## I.

Deplorande puer, rapidarum præda ferarum,  
 Et dolor, & miseræ, Pusio, matris amor!  
 Dùm positâ pietate parens in viscera scruit,  
 Hunc monet officii Cerua magistra sui.  
 Nam dùm vagires nemoralibus abditus antris,  
 Applicuit labris vbera plena tuis.  
 Aruerant geminæ matris sine lacte mamillæ,  
 Ceruaque lactantis munia matris agit.



Muneris id fuit omne tui, dulcissima Mater,  
 Quæ prolem ex aluo virgine Virgo paris.  
 Nam nemore in medio vixit te sospite sospes,  
 Cum puero genitrix, cum genitrice puer.  
 Immemores filcant pia munera Virginis vrbes,  
 Virginis hæc poterit munera sylua loqui.

## II. APRILIS.

S. M V S A V. *in tenerâ ætate senilem maturi-  
 tatem præfert.*

## I.

Rara iuuentutis teneræ miracula cernis,  
 Adsticit ante oculos si modò Musa tuos.  
 At caue ne Thyasos hilares, Citharas-ve sonantes,  
 Andito Musæ nomine fortè putes.  
 Nam longè grauium numerofo pondere morum,  
 Ter ternas superat, sit licèt vna, deas.

*Ad VIRGINEM MATREM, quâ visâ modestior  
 est reddita Musa virgo.*

## II.

Ex quo Musa tuæ vidit spectacula frontis,  
 Virginei, Virgo, gloria prima chori;  
 Illa suis sapuit longè maturior annis,  
 Et leuitas morum est visa fuisse grauis.  
 Virgo, verecundam reddis si visa iuuentam,  
 Nunc oculos cernit rara iuuenta tuos.

## III. APRILIS.

S. IOSEPHVS Poëta, C.

## I.

Pieridum, Iosephe, decus, quo sæpè canente,  
 Auditis stupuit Thessalonica modis:

Sylua tibi Parnassus erat, commercia Musæ;  
 Terra torus; panis fercula; lympa scyphus.  
 Cur puris tamen ora rigas abstemius vndis?  
 Non solet hic gratus Varibus esse liquor.  
 Nempe madere sacris noras Heliconæ fluentis,  
 Nec rigno Pindi saxa rubere mero.  
 Non bene Palladio Bacchus miscetur oliuo,  
 Non illi sapiat, qui sapit, ille liquor.

---

## IV. APRILIS.

S. IOSEPHVS HERMANNVS *Christo Virgini-  
 que Matri, ac D. Ioanni Baptista  
 septennis puer colludit.*

## I.

**D**Um primæ arident doctæ tibi Palladis artes,  
 Dùm tibi præ doctâ Pallade Virgo parens;  
 Ludentem, Iosephe, vides cum Virgine Prolem,  
 His quoque collusor tertius alter erat.  
 Hic Baptista fuit, Christo quem iunctor ætas,  
 Quem Christo affini sanguine nectit amor.  
 Te Diuina Parens vocat in consortia lusus,  
 Nec mora, cum Superis ludere iussus ades.  
 O Puer! ô quanto Superùm dignatus honore!  
 O quanto Superùm dignus amore Puer!  
 Hæc quicunque legis, ludi impermissa libido  
 Sollicitat cupidas si tibi fortè manûs;  
 Lude, tibi placiti datur ampla licentia ludi,  
 Si modo dat socios lusus habere pares.

## V. APRILIS.

S. VINCENTIVS FERRERIVS C.

*puerum à matre laniatum ad  
vitam reuocat.*

## I.

A Cta olim furiis immanibus effera mater,  
 Sustulerat rabiâ pignora cæsa manu.  
 Dic age, quis Tereus, quis te stimulabat Iason,  
 Grande nouercali more patrare nefas?  
 Facti autor nullus, sed natum in frustra minutum  
 Interimit solo mora furore parens:  
 At relegens, aptansque locis Vincentius artus,  
 Dat rursùm æthereo te, Puer, ore frui.  
 Illa Nouerca tibi posthac, pater iste vocandus,  
 Iste tibi vitam reddidit, illa rapit.

## V. APRILIS.

S. IRENE V. & M. *nullâ vi potuit suis  
vestibus nudari.*

## I.

Dùm castam exueres, Ieno lasciue, Puellam,  
 Hæsit ad applicitam vestis amica cutem.  
 Quamlibet insistas, nullâ valet arte reuelli,  
 Et citiùs membris virgo sit orba suis.  
 Illicet æthereus velamine gaudet honesto,  
 Idalius nullo tegmine gaudet Amor.  
 Impollutum oculis caue libes, tortor, honorem,  
 Nam rutilat puro puriùs ille vitro.  
 Vt solo afflatu speculum, sic aura pudoris  
 Infuscarì oculo conspiciente solet.  
 Viderat Actæon nudam sine veste Dianam,  
 Præda fuit leuium protinus ille canum.

POETICVS.

14

Sanguineū precibúſque mouet, pretiósq; Tyranní  
 Vt truciſ inuerſum det Crucis eſſe ſitum;  
 Et caput oppoſitis ad olympi ſydera plantis,  
 Subiectam prono vertice ſpectet humum.  
 Equæ cauſa mouet cupida noua vota parentis?  
 Cur planta eſt illo, quo caput ante, loco?  
 E Cruce ſublimem tendebat ad æthera Martyr,  
 Iure ſupinatos vertit ad aſtra pedes.

*Theoclia mater in CALLIOPII ſupplicio latatur.*

II.

Vidit vt inuerſo ſuffixam in ſtipite prolem,  
 Non tacitâ mater gaudia mente tulit:  
 Deſſaus irriguos cruor vndique manat in artûs,  
 Iámque ſacer iuuenis nil niſi vulnus erat.  
 Hæc tormenta oculis lætantibus haurit Amazon,  
 Crux ſolium viſa eſt, purpura viſa cruor.  
 Fortunata Parens! fortunatiſſima proles!  
 Martyrio proles, Martyre prole parens!  
 Par vtrique decus, nec vtrique eſt gloria diſpar;  
 Digna parens puero, digne parente Puer.

S. CALLIOPIVS *adſtante matre in Crucem  
 tollitur.*

III.

Tollitur in duram proles dilecta Cupreſſum,  
 Supplicio voluit fortis aſſeſſe parens.  
 Hoc decus eſt, Theoclia, tuum, quæ funere proliſ,  
 Non minùs ac pompâ diuite proliſ ouas.  
 Gratiior illa tibi eſt dùm pendet ab arbore,quàm cū  
 Luderet è collo penſilis antè tuo.

*Theoclia cum Machabaorum matre conferenda.*

## I V.

Chara fuit soboles vnus & vna parentis ,  
 Quæ mactata tibi victima, Christe, cadit.  
 Plena propinasset si pluribus vbera mater ,  
 Pluribus ad cæli gaudia monstret iter.  
 Ne fore te, Machabæa Parens, sine compare credas;  
 Ecce tibi hunc animum cernimus esse parem.

## VII. APRILIS.

S. AIBERTVS C. crebrò terram osculatur.

## I.

Aibertus pia membra solo prostratus inhæret,  
 Et lambit tepidam puluerulentus humum.  
 Oscula ferre suæ, dixit, se crebra parenti;  
 Námq; humus est hominū iure vocanda parens.

## VIII. APRILIS.

S. VICTERPVS *Augusta Episc. è loco Vir-*  
*gini Deipara sacro exanimis non*  
*potuit auferri.*

## I.

Intactæ ambieras tumultum tibi Matris in æde ,  
 Victorpe, intactæ Matris amate Cliens;  
 Dúmque leues cineres aliò transferre laborat  
 Turba, humeris loculum ferre parata suis;  
 Nullo hominum nisu, nullâ superabilis arte,  
 Vrna stetit primo firma, tenâxque loco.  
 Noluit è gremio soboles exire Parentis,  
 E gremio Sobolem noluit ire Parens.

VIII. APRI-

## VIII. APRILIS.

S. *ÆDESIVS M. Tyrannum grauiter obiurgat  
pudori cuiusdam puella infidiantem:  
demum post exanilatos varios labores  
in mare demergiur.*

## I.

Inclyte seruati tutor, vindéxque pudoris,  
Per te virginæ non rubuere niues.  
Nam turpem incessis generosâ voce Cinædum,  
Dùm spurcus castæ virginis esset amans,  
Iactus in immensum tandem demergetis æquor,  
Et toto in tumultum te tegit vnda mari:  
Vt bellum imbelli Veneri molitus vbique,  
Hanc etiam in cunis aggredere suis.

## VIII. APRILIS.

S. *PERPETVVS Turonensis Epist. DD. Cœlesti-  
bus varia templa erigit.*

## I.

Qui tot Templa dicar, qui tot Cœlestibus aras,  
Et sacro indigetes Præsul honore colit,  
Indigetes inter meritò numerandus, hic aris  
Dignus, & hic Templis qui coleretur, erat.

## IX. APRILIS.

S. *PETRVS LUXEMBURGIVS CARDINALIS, puer ad-  
huc nouennis, dùm carnes pauperibus  
defert, patre occurrente, subito  
in rosas vertuntur.*

## I.

**O** RA fame, tremulôque gelu pallentia præfert,  
Turbaque gratuitas poscit egna dapes.

G

Petre, vides, tactusque pio pia corda dolore,  
 Subripis infanti carnea frustra manu.  
 Obuius est genitor, quid fers intèrqueroganti  
 Respondes teneras te, Petre ferre rosas.  
 Dicentis vox vera fuit, nam concaua yestis  
 Exhibuit subitæ florea ferta rosæ.  
 Tempestiua tibi fructus quos afferet ætas,  
 Bruma repentinas si parit ipsa rosas ?

*Ad D. PETRVM LVXEMBURGIVM carnem  
 pro stipe egenis deferentem.*

## II.

Vix tibi transierat ternæ trieteridos ætas,  
 Tu tamen ingenii sensa virilis habes,  
 Inque inopes pietas longè est pro tempore maior,  
 Quam tamen innocua calliditate premis.  
 Fortè aderat genitor, dùm condis amabile furtum,  
 Quod tu pauperibus, munus edule, paras.  
 Ferre rosas, deprênsus ais; Petre, vera fateris,  
 Nàmque geris geminas pulcher in ore rosas.

*\* D. PETRVS LVXEMBURGIVS sine funebri  
 pompâ voluit sepeliri, tribus tantùm  
 accensis facibus.*

## III.

Petre, superuacuos tumuli pertæsus honores,  
 Non nisi vis ternas funeris esse faces.  
 Nil opus est clarare tuam funalibus urnam,  
 Clarius à nullâ lampade funus erit.

*Ad D. PETRI LVXEMBURGII tumulum moriuis &  
 cæcis plurimis lux reddita.*

## IV.

Sæt claram affundunt tumulo miracula lucem.  
 Tollite funereas, lumen inane, faces.

Quam cassis oculorum vsu, vitæque dedisti,  
Diue, tuum illustrat lux satis illa rogem.

*De mortuis à D. PETRO LUXEMBURGIO  
excitatis.*

## V.

Qui poterit primam defunctis reddere vitam,  
Defunctos vitæ reddere, Numen erit:  
Tu tamen id præstas, sed cum duo Numina pugnent,  
Petre, mihi posthac Numinis instar eris.

## IX. APRILIS.

*S. MARIA ÆGYPTIACA, Virginis ope à  
scelerum cæno emergit.*

## I.

**N**iliacis quondam famosa puella Theatris,  
Facta pudicitia lœna, lûsque suæ:  
Oppressa ingenti scelerum sub mole labascit,  
Ni promptam acceleret ferre Patronus opem.  
At Superum Regina fauet Patrona vocanti,  
Ne malè defensâ lite Clienta cadat.  
Tu quoque qui scelerum non impare mole grauaris,  
Patrona pariter Virginis esto Client;  
Nemo Reus timeat tantæ dispendia litis,  
Si causam orarit Iudicis ipsa Parens.

*Ad D. MARIAM ÆGYPTIACAM sicco  
vestigio per Iordanem transmeantem.*

## II.

Cum per aquas siccis gradiare leuissima plantis,  
Te scelerum molem deposuisse probas.



D. MARIA ÆGYPTIACA, *effosso à leonibus  
tumulo sepelitur.*

## IIL

Illa Paratoniæ probrosa infamia terræ,  
Illa Dionæi dux inhonora chori:  
Facta diu nemorum cultrix & alumna ferarum,  
Tempora jam vitæ clauserat acta suæ.  
Accurrere pij, turba officiosa, leones,  
Tristèque suffodiunt vngue iuuante solum.  
Tàmque diu insistent operi, dùm concaua tellus  
Æqualem tumulo cesserit hausta locum.  
Cur positâ feritate leo mansuescit, & vltro  
Exhibet obsequij nuntia signa sui?  
Si Superis, Superùmque Deo famulere potenti,  
Tu pariter famulas experiere feras.

## X. APRILIS.

S. MACHARIUS *Patriarcha Antiochenus,  
Cruce, quâ vice baculi vititur,  
morbos fugat.*

## I.

DAS, Machari, cæcòq; oculos, mancoq; lacertos,  
Illo, quo fulcis languida membra, pedo.  
Postmodò Mosaici sileant miracula sceptri,  
Ecce tuam clarat par quoque Virga manum.

D. MACHARIUS *in cryptâ Virgini dicatâ  
voluit sepeliri.*

## II.

Mors animo jam, Diue, tuos secreuerat artus,  
Vtraque pars aptum cessit adepta locum.  
Virginis exsepitur Templo sepelibile corpus,  
Spiritus in gremium Virginis hospes abit.

Non poterant meliore loco Senis ossa reponi,  
Mens quoque non poterat nobiliore sinu.

## XI. APRILIS.

S. LEO I. *Summus Pontifex publicè crimina  
sua aperit, ut supremam dignitatem  
à se amoliatur.*

## I.

Lebe palàm, Procerúmque globo delicta fateris,  
Teque reum noxæ non lenis esse refers.  
Id peragis, summi ascendas ne culmen honoris,  
Quò te terrarum publica vota vocant.  
Cur verbis majora refers quàm crimina factis?  
Te probat innocuum dextera, lingua reum.  
At dextræ, mihi crede, tuæ, quæ nescit vnquam  
Fallere, quàm linguæ maior habenda fides.  
Scande igitur, rerúmque sacras cape Rector habenas,  
Aut alios, si vis vincere, quære dolos.

S. LEO *Attilam Hunnorum Regem in Italiam  
irrupentem aspectu suo reprimis.*

## II.

Dùm flammis, ferróque furit, prædásque superbus  
Attila, torrentis more ruentis, agit.  
Territus aspectu supremi Antistitis hæsit,  
Et cecidit fractis ira retuláminis.  
Mos est ille lupis, Pastore recedere viso,  
Attila, tu lupus es, tú, Leo, Pastor eras.

S. LEO *dulci eloquentiâ pradius.*

## III.

Mortuus exanimi dederat Samsonius ore,  
Iste suo viuus Mel dedit ore Leo.

G iij

## XII. APRILIS.

S. ALFERVS *Abbas Cluniacensis è summo  
montis vertice sine noxâ præcepſ à  
Catodamone agitur.*

## I.

**T**Ruditur in præcepſ alto de vertice montis  
Alferus, infidiis, Pluto ſceleſte, tuis.  
Sed tamen innocuo campi ferit æquora lapſu,  
Et placidam nullo vulnere tangit humum.  
Ille vbi ſe ſaluum ſenſit, Plutona jocofis  
Dicitur obiurgans increpiſſe ſonis :  
Orce, (fatebor enim) me culmine deiſcis alto ,  
Tu tamen exitio deteriore ruiſ.  
Metiris ſpatium Chaos inter, & inter Olympum,  
Tartara de ſummo lapſus in ima polo.  
Sis aliis Proteus, & nomina mille voceris,  
Tu mihi tu poſthac, perfide, Menſor eris.

## XIII. APRILIS.

S. IUSTINVS M. *Chriſtianis Roma  
patrocinaſtur.*

## I.

**S**Æuit in expletum Cæſar, Chriſtiſque ſequaces  
Funditus & ferro cædit, & igne necat.  
Tu Latio, Iuſtine, foro tutariſ inermes,  
Génſque patrociniſ ſalua ſit illa tuo.  
Nobiliore loco, vel nobiliore Patrono,  
Nunquam nobilior cauſa peracta fuit.

## XIII. APRILIS.

S. HERMENIGILDVS M. à patre Leouigildo Visigothorum Rege in carcerem compingitur.

## I.

Hermenigilde, decus Iuuenum, qui raptus ab aula  
Luce, tenebroſi carceris antra ſubis :  
Sceptra tibi manicæ, tibi ferrea vincula torques,  
Hi neque te torques, hæc neque ſceptra decent.

S. HERMENIGILDVS patre imperante  
noſtu in carcere interficitur.

## II.

Obſcurâ patrius perimit te nocte ſatelles,  
Non tamen obſcurâ morte peremptus obis.  
Quidquid agat genitor, quamuis tua funera celer,  
Clarior in mediâ mors tua nocte fuit.

S. HERMENIGILDVS moriens Chriſto naſcenti  
ſimilis.

## III.

Naſcenti in terris Chriſto, te nocte trucidans,  
Diſparilem-ne Parens fecit, an eſſe parem ?  
Vt Chriſtum in mediâ tellus conſpexit oriri,  
Vidimus in mediâ te quoque nocte mori.

Interfecto S. HERMENIGILDO ad ſacrum  
funus concinunt Angoli.

## IV.

Vt ſuperi, naſcente Deo, cecinere Choraulæ,  
Sic reperunt hilares te moriente modos.  
Attulerat terris oriens quæ gaudia Chriſtus,  
Interitus feſtis dat tuus illâ polis.

G iiij

## XIV. APRILIS.

S. ARDELIO *Mimus, ex Mimo Christianus,  
& ex Christiano Martyr.*

## I.

**D**VM simulat. ridetq; sacros levis Histrio ritus,  
 Festaque plaudenti voce theatra quatit;  
 Hunc tetigit diuina Charis, ludôque remoto,  
 Fit subito Martyr, qui modò Mimus erat.  
 Quis pretij Numen jam dicere possit auarum?  
 En etiam lepido vendidit astra joco.

## XIV. APRILIS.

S. FRONTO *Abbas, eiusque socij, in nemorum  
solitudine mirabiliter pasti.*

## I.

Horrea cur condis, modicum subiture sepulchrum?  
 Formicæ, haud hominis, cur tibi vita placet?  
 Prouidus in longos victum tibi congeris annos,  
 Hei mihi! post paucos interiture dies.  
 Non ita Fronto suam sibi prouider anxius escam,  
 Non ita Frontonem turba secuta comes.  
 His tamen in sterili syluâ nec adorea desunt,  
 Nec desunt reliquæ, fercula missa, dapes.  
 Quippe volente Deo, medio seges aëre crescet,  
 Crescet & in mediis Massicus humor aquis.

## XIV. APRILIS.

S. LYDVVINA *formam perdit, ut  
pudorem seruet.*

## I.

Innumeri Nymphæ thalamos petiere Mariti  
 Innumeri Nymphæ displicuere Proci:

Ergo verecundâ dignum rata Virgine votum,

Orat, vt informis serpat in ora lues.

Orat & exorat, longo ruit agmine morbus,

Natiuâque oris depopulatur opes.

Dentis ebur, frontisq; niues, ostrumque genarum

Defluit, & primus, qui fuit antè, nitor.

Tum cœpit Lyduuina magis sibi pulchra videri,

Dùm vitreo exsuccas cernit in orbe genas.

Dotis emat pretio, dixit, Virgo altera Sponsum,

Hâc volui Sponso dote placere meo.

Corporis externum non deperit ille decorem,

Tectum animi potius deperit ille decus.

S. *LYDVVINA tot afflictiari morbis à Deo  
expetiit, vt nihil superesset purgan-  
dum in igne piaculari.*

## II.

Vouerat his supplex Lyduuina doloribus angi,

(Vouerat, & voto compote Virgo fuit.)

Vouerat his angi morbis, vt ritè piandum

Nil sibi i lustrali prorsus in igne foret.

Excocta assiduo morborum examine, tandem

Viuerè, vel potius desit illa mori.

Desit illa mori, purisque nitore metalli

Purior, ad puros it sine labe polos.

Felix! ô nimium felix! si sydera donent

Illâ te vitâ viuerè, morte mori.

## XV. APRILIS.

S. *EVTICHIUS M. prope cuius tumultum  
Redemptus Pontifex lectulum sibi  
adornari curat.*

## I.

**I**vre tibi lectum, loculum prope Martyris ornas,  
Aptius hæud aliâ sede, Redempte, cubes.

Nam thalamus, tumultusq; breui discrimine distat;  
 Et mors est somni fratris amica soror.  
 Ad lectum, ad lethum cursu properamus eodem,  
 Est Tumuli Thalamus, Mortis imago Sopor.

---

## XVI. APRILIS.

S. IOACHIMVS C. *dum sacrificanti Sacerdoti  
 inferuit, Epilepsi, quam volens ex  
 alio in se transtulerat, repente  
 correptus concidit.*

## I.

U<sup>m</sup> sursum attollit Mystes spectabile Numen,  
 Plébsque colit tunso fercula sacra sinu;  
 Impellente cadit morbo Ioachimus, & ipsam  
 Deserit oblitus, quam tulit antè, facem.  
 Pensilis in mediò tamen aëre cereus ardet,  
 Cœlite festinam subjiciente manum.  
 Vos quibus est sanctas assistere munus ad aras,  
 Sacrificus vescum dum parit ore Deum;  
 Cernite, qui tandem vobis tribuantur honores,  
 Ecce polus vestras gaudet obire vices.

---

## XVII. APRILIS.

S. ANICETVS Pontifex Maximus vetuit nè  
*sacrorum Ministri comam mulsebriter  
 alerent.*

## I.

I<sup>u</sup>re aris prohibes Mystas adstare comatos,  
 Mollicies sacros dedecet illa Viros.  
 Hac coma nescio quid læuum portendit, vt augur  
 Lugubris euentus esse cometa solet.

## XVII. APRILIS.

S. HELENVS C. *Crocodilo vectus amnem  
trahit.*

## I.

Ingens Niliacæ terror Crocodilus arenæ,  
Per famulas Helenum transfuehit amnis aquas:  
Dúmque ferum, quocúmque lubet, versatque regítque,  
Hæc ait insolito per vada vectus equo:  
Typhis Iasoniam seruet sibi Nauita puppim,  
Me vehat in mediis hic modò Cetus aquis.

## XVIII. APRILIS.

S. VRSMARVS *Lemurum terriculis infestas  
ades liberat.*

## I.

P<sup>E</sup>rstrepit attonitas variis terroribus ædes,  
Laruarum ac Lemurum prodigiosa cohors.  
Vrsmarus irriguæ lustrali aspergine lymphæ,  
Conijcit in trepidam panica monstra fugam.  
Currit ad infernos turba execrabilis ignes,  
Et repetit stygios, lurida regna, focos.  
Vndâ interdictum posthâc sibi vellet, & igni,  
Passus enim flammâs, nunc fugit orcus aquas.

## XVIII. APRILIS.

S. REGINALDVS è D. *Dominici familiâ, ope  
magna Virginis à febre sanatur.*

## I.

Reginalde, pios febris impia sæuit in artûs,  
Et tuus in tanto deficit igne vigor:  
Ætheræ Regina potens delabitur aulæ,  
Hinc Catharis stipat, Cæcilis inde latus.

G vj



Illa salutiferi guttam stillauit oliui,  
 Tu medicam sentis æger inunctus opem.  
 Quæ prius infusâ surgebat Pallade maior,  
 Nunc procul infusâ Pallade flamma fugit.  
 At te, Diue, tuo relectatum pectora morbo,  
 Priscâ refert istos fama dedisse sonos:  
 His ego si Medicis, hoc si medicamine saner,  
 Penè mihi optandus postmodò morbus erit.

## XIX. APRILIS.

S. VERNHERVS *M. infixo humi scipione  
fontem elicit.*

## I.

**I**mpactotibi fluxit humus, Vernhere, bacillo,  
 Et vix tacta suas gleba profudit aquas.  
 Mosaicæ miranda minus miracula Virgæ,  
 Bis silicem Moses perculit, iste semel.

S. VERNHERI *corpus à Iudæis laceratum &  
speluncâ abditum, face caelesti proliur.*

## II.

Vernheri occulitur plagis informe cadauer;  
 Non tamen impietas his latet vsa dolis:  
 Nam fax missa polo, quanta est in Martyre virtus  
 Monstrat, & Hebræo quantus in hoste furor.  
 Cum Diuo exequias tellus injusta negaret,  
 Iussus adest iustus soluere iusta polus.

## XX. APRILIS.

S. AGNES POLITIANA *V. in cuius ortu  
nona stella emicuit.*

## I.

**F**ulgida bisgeminæ clarant cunabula stellæ;  
 Dùm paritur virgo, dū quoque Virgo parit.

Non temerè illustri radiat fax vtraque cælo ;  
 Virginis hæc ortûs nuntiat, illa Dei.  
 Scilicèt ex vtero dùm Virgine nascitur Agnus ,  
 Dùmque Agnes virgo nascitur, astra micant.  
*S. AGNES sape ab Angelo sacrâ Eucharistiâ  
 reficitur.*

## II.

Per nemotum salebras, pèrque inuia tesqua ferarû,  
 Thesbites tutos quæritat erro lares.  
 Vix demùm tacitam nactus sub rupe latebram ,  
 Sternitur ignorâ languidus hospes humo.  
 Hic dapifer Coruus solitas dare sedulus escas,  
 Pascebat profugum, nemine teste, Senem.  
 At modò candidior, niuibûsque simillimus Ales,  
 Ambrosias Superùm fert tibi, Virgo dapes.  
 Et plenum latitante Deo cratera propinat ,  
 Vt puro latices ætheris ore bibas.  
 Hic tantò meliora dedît tibi fercula, quantò  
 Vilior alato Cælite coruus erat.

## XXI. APRILIS.

*S. ANSELMVS Cantuariensis Episc. captiuam  
 auiculam libertate donas.*

## I.

**F**ortè puer captam stupâ retinente volucrem  
 Strinxerat, in vetitam ne volet acta fugam.  
 Alitis aspexit pedicas Anselmus, & vltro  
 Indoluit vinclis, dulcis Alauda, tuis (lucris,  
 Tum dixit, Quid serua manes? fuge prompta vo-  
 Duraque seruitii vincla resolue tui.  
 Dixit, & in lacrymas puer iuit, & Ales in auras ,  
 Nexibus abreptis hæc canit, ille gemit.

Diuus ab his, Sic nos Erebi capit improbus Auceps,  
 Et premit indecori libera colla iugo.  
 Vtque suæ fortis cantum ciet immemor ales,  
 Ludimus in nostris sic quoque sæpè malis.  
 E minimis documenta dabat sic maxima rebus:  
 Fama Caledonij, Præful, honósque soli.  
 Nè tamen incassum sapiens præcepta Magister,  
 Mobilibus dederit diripienda notis; (nectunt,  
 Ah! fuge, quisquis is es, quem tam mala vincula  
 Ah! fuge, quem dudum sæua tyrannis habet.  
 Nam nisi compedibus fugias ergastula ruptis,  
 Alicibus maior cura salutis erit.

## XXII. APRILIS.

S. EPIPODIVS M. *Adolescens Lugduni in  
 Galliâ pro Fide passus.*

## I.

QVà Rhodano miscetur Arar, generosa virilis  
 Pectoris est visus signa dedisse Puer:  
 Nam sua sacrilegæ iussus dare colla securi,  
 Fortiter intrepido strenuus ore dedit.  
 Quâ parte excepit ceruix refecanda machæram,  
 Sanguine polluitur, cæterâ lactis erant.  
 Candescit Puer ille, Puer simul ille rubescit,  
 Virgineo candet flore, cruore rubet.  
 Tu, Iuuenis, pulchro socialiter addere nexu  
 Lilia puniceis si lubet alba rosas:  
 Illibatum animi, moneo, sectare pudorem,  
 Ille ruber candet, candidus ille rubet.

## XXII. APRILIS.

S. SOTER M. *Pontifex Maximus toti orbi  
proficiuus.*

## I.

Ferre tibi, Soter, soteria debuit orbis,  
Tu siquidem sospes sospitis-huius eras.

S. SOTER *Montanum Haresiarcham Anathe-  
matis fulmine perculit.*

## II.

Sacrorum, Montane, parens te deuouet Orco,  
Et Vaticani fulminis igne petit.  
Nulla ferè feriunt demissas fulmina valles,  
Montano incurrunt fulmina sæpe jugo.

## XXII. APRILIS.

S. MUCIUS M. *ante Decii currum victus duci-  
tur, sed illius soluta sunt repente vincula.*

## I.

Nequicquàm laqueis Tortor te stringit inermem,  
Lapsa tuis manibus sponte catena fuit.  
Quid sacre meruere manus, hæc vincula norunt,  
Norunt hæc pedicæ, quid meruere pedes.  
Nec manus est manicis, nec pes est cõpede dignus,  
Sola fuit palmis debita palma tuis.

## XXIII. APRILIS.

S. GEORGIUS M. *bellicâ laude præstans  
acerrimè in deorum falsa numina  
pugnauit.*

## I.

I Nter & hostiles gladios, & Marris agones,  
Strenuus horridi fulminis instar abis.

Te nemo strauisse hostes miretur, in ipsos  
Qui te magnanimum viderit esse deos.

*Ad S. GEORGIVM multarum palmarum  
Athletam.*

## II.

Machina vulnificis latè mucronibus horret;  
(Hæc quoque supplicii pars fuit vna tui.)  
Nimirum his citius calcaribus excita virtus,  
Fertur ad extremum, quo prius ibat, iter.  
Saxa supinato dum fers prægrandia vultu,  
Te septum Herculeis viribus esse probas.  
Dùm Iouis & leuium sternis simulacra deorum,  
Esse doces vanos, friuola spectra, deos.  
Vna tuis superest addenda corona trophæis,  
Quæ tibi, sis capitis quamlibet orbus, erit.  
Nam tibi gestandam Tortor dat habere coronam;  
Dùm tibi, quam gereret, sustulit ense caput.

## XXIII. APRILIS.

*Beatus ÆGIDIUS C. S. FRANCISCI comes,  
tribus Liliis è terrâ eductis illibatum  
Virginis pudorem testatur.*

## I.

Vt probet Ægidius, diuinæ Matris honorem  
Vel leuis intactum labe fuisse notæ:  
Seu sine prole foret, fieret seu pignore Mater,  
Seu postquàm parto pignore Mater erat;  
Ter baculo percussit humum, ternusque repente  
Flos de percussâ surgere visus humo.  
Et quotiès fecit, totiès noua Lilia surgunt,  
Et si plura velit surgere, plura forent.  
Nam plagis gaudebat humus, fœtûque parabat  
Pandere percussos fertilior sinûs.

Illa tui, Virgo, testes sunt Lilia floris,  
 Ille tuæ candor Virginitatis erat.  
 Sed quamquàm albescat candoris amabile germē,  
 Flore pudicitix candidiore nites.

*Ad B. ÆGIDIUM flores è terra gremio  
 educentem.*

## II.

Diue, tuos miror, spontanea Lilia, flores,  
 Quos facili tellus fert inarata sinu.  
 Quæ noua plantandi ratio, quæ forma serendi;  
 Hic vbi nec vomer, nec ligo versat humum.  
 Si tellus abit in flores percussa bacillo,  
 Fer baculum, & campo quolibet hortus erit.

## XXIV. APRILIS.

*S. MELLITVS Episc. Anglicanus aras sceleratis interdixit.*

## I.

**E**T factis Mellitus eras, & nomine, Præsul;  
 Nec feritas inerat moribus vlla tuis.  
 Attamen è sacris tibi pellitur impius aris,  
 Nempè caret stimulo nulla Melissa suo.  
 Ignauum, Fucos, pecus à præsepibus arcet,  
 Tu sacrâ infandum vulgus ab æde fugas.

*S. MELLITVS diuinitus restinxit  
 incendium.*

## II.

Iam mediam furit ignis edax grassatus in urbem,  
 Nec timet affusas flamma rebellis aquas;  
 At tu sopitis inhibes incendia flammis;  
 Præsul ab extincto clarius igne micas.

ANNVS SACER  
XXIV. APRILIS.

S. BONA *Virgo nomen suum implet.*

I.

Quàm bona sis, quàmq; eximiis te moribus ornes,  
Ut sileas, tua nos nomina, Virgo, docent.

S. BONA *lectulo duriori incubas.*

II.

Straminco inuoluit thalamo, Bona, Virgo pudorẽ;  
Qui solet in reliquis sæpè perire locis.  
Non alio poterat virgo securius esse,  
Esse alio poterat mollius illa toro.

D. BONA *cantûs inter & risûs moritur.*

III.

Affiduos lacrymarum inter quæ vixerat imbres,  
Risûs iure inter debuit illa mori.

XXV. APRILIS.

S. MARCVS *Euangelista, à sacro Vate per lecnis  
speciem qui ei affingitur, expressus.*

I.

Sylvarum tibi procubuit, fera bellua, terror,  
Vifa tibi catuli lambere more pedes.  
Ille vel æthereis cecidit delapsus ab astris,  
Vel dignus certè est, qui petat astra, Leo.

S. MARCVS *in Ægypto deorum fana &  
simulacra diruit.*

II.

Marce, Paretonium, fortunatique Canopi  
Vix premis illato fana prophana pede;

Non mugit velut antè Apis, non latrat Anubis;  
 Et reliquæ cessant exululare feræ.  
 Regnator nemorum, claro quæ stemmate præfers,  
 Has rugiente tuus terruit ore Leo.

*De D. MARCI tumulo Italia, Germania-  
 que certant.*

## III.

Et Marci tumulum sibi Tibridis vnda reposcit,  
 Et sibi iure pari Teutonis ora petit.  
 Sic septemgeminæ, quas Græcia condidit, Vibes,  
 De cunis certant, magne Poëta, tuis.  
 Nobilior lis ista fuit, quò dignior ille est,  
 Qui Christi, quam qui scriptor Achillis erat.

## XXV. APRILIS.

S. BENEDICTVS XII. *Pontifex Maximus, in  
 agro Tolosano natus, patris Pistoris aut  
 Molitoris filius.*

## I.

Subde coronandam triplici diademate frontem,  
 Lumen Arcomici grande, decusque soli.  
 Nam sacri tibi summus apex defertur honoris,  
 Et te Roma suum flagitat esse caput.  
 Sic verso levis orbe rotæ, sic alite dextro,  
 Summus eris Pastor, qui modo Pistor eras.

S. BENEDICTVS *pro tessera aut stemmate  
 Molam frumentariam accipit.*

## II.

Panifici, Benedicte, tibi, mola nota parentis,  
 Pro gentilitiâ sumitur apta notâ.  
 Nè primi immemorem te fortè quis arguat ortus,  
 Versanda est animo sapiùs illa ruo.



## XXVI. APRILIS.

S. MARCELLVS M. Pontifex Maximus, *cum metu suppliciorum Christi Fidem abiurasset, facti pœnitens Tyrannum adit, cuius imperio obtruncatur.*

## I.

Intentas capiti dominas fugit ille secures,  
Cui terra inflexum subdidit ampla caput.  
Pœnituit peccasse reum, positoque timore,  
Eiuratam alto prædicat ore Fidem.  
Ne-vè suum solâ fateatur fronte pudorem,  
Expetiit toto sanguinis imbre regi.

## XXVI. APRILIS.

S. BASILEVS Episc. & M. capite minuitur, quod corpori rursùm adiunctum est, remanente tantum in collo cruentâ lineâ.

## I.

Pone caput, vel pone Fidem, nihil intèr utrûmque;  
Hæc brevis imperij summa sit illa mei.  
Talia Rex tibi dicta dedit, sed talia Regis  
Dicta, tibi nullos visa mouere metus.  
Dulcia contemnis perituræ munera lucis,  
Cum dilecta magis sit tibi lûce Fides.  
Iâmque jaces sine mole caput, sine vertice truncus,  
Nam fuerant humeris colla resecta tuis.  
Trunco iterùm caput adjicitur, monstrâtq; superstes  
Linea mansuras sanguinolenta notas.  
Ilicèt vt placeas Superis, Superûmque potenti,  
Quod tua circumdet colla, monile geris.

*Ad D. BASILEVM iussu Licinij Imperatoris  
obtruncatum, quod Glaphyra virginis  
pudorem seruasset.*

## II.

Ceruicem, Basilee, tibi notat indita torquis,  
Nobilis è collo pendula gemma tuo:  
Cuius eras vindex visus seruare pudorem,  
Fallor, an à Glaphyrâ virgine munus habes.

## XXVII. APRILIS.

*S. SITA V. Proci sibi turpiter insidiantis vul-  
tum unguibus laniat.*

## I.

**I**Mprobe, virgineum meditantì carpere florem  
Virgo tibi rigidâ dissecat ora manu:  
Dùmque cruor fluidus rubicundo vulnere manat,  
Diceris inuitis erubuisse genis.  
Si nescis, non sola suis rosa sentibus horret,  
Flos etiam spinas virginìtatis habet.

*Ad D. SITAM in faciem petulci Proci  
inuolantem.*

## II.

Virgo, tuos thalamos temerarius intrat Adulter,  
Traxerat hunc isthuc imperiosus amor.  
Vngue petis laceri muliebriter ora Cinæ di,  
Hæc dedit imbellis scilicet arma pudor.  
Offensæ sua bilis inest, mihi crede, Columbæ,  
Felle carere quidem fertur, at vngue rìget.  
Vt rosa vindicibus nunquam sine nascitur armis,  
Sic sua ferre tuus debuit arma pudor.

*De D. SITA Proci-vultum unguibus  
laniante.*

## III.

Accipitrem timidæ metuebant ante Columbæ,  
Quas prædo immiti duriter vugue necat :  
At nunc, mirandâ rerum nouitate, Columbæ  
Vindicis Accipiter sæuus ab vîgue timet.

## XXVIII. APRILIS.

S. PAPHNYTIVS *M. mola ad collum appensa  
in undas praeceps agitur, nec mergitur,*

## I.

Ceruicem oppressus vinclis, saxoque molari,  
In medias Heros truditur actus aquas.  
Enatar, immani scopulo vice corticis vsus ;  
Nam mola nil molis, nil grauitatis habet.  
Hic populi attonitas tenet admiratio mentes ,  
Dùm leuiora leui subere saxa natant.  
Ille super liquidas onus immerfabile lymphas ,  
Naufragium in mediis perdit, & optat aquis.  
At tu, Tortor atrox, faber ingeniose malorum ,  
Qui pia prægrandi pondere colla grauas ;  
Fare, quid appendix ceruicem hæc Martyris ornat?  
Illa fuit collo debita bulla tuo.

## XXVIII. APRILIS.

SS. THEODORA & DIDYMVS *MM. è  
quibus illa sumpto istius militari sago  
pudorem tuetur.*

## I.

Vt primùm subili Didymus deforme lupanar ,  
Hic vbi sollicito stat Theodora metu,

Hortatus pauidam nîl jàm trepidare Puellam,  
 Incipit ingenuo sic prior ore loqui :  
 Sume meam, Theodora, togâ, quid lenta moraris?  
 Nempè virum vt fugias, te decet esse virum.  
 Præ ego sum, non prædo tui, mihi crede, pudoris,  
 Mârsque vel inuitus Cypridis hostis erit.  
 Illa diù dubitat, tectâsque in Milite fraudes  
 Credit, & ancipiti nutat vtrînque fide.  
 Vix tandem positâ galeam cunctata calyptrâ,  
 Vix chlamydem posito sumit honesta peplo.  
 Protinus egreditur laribus, vultumque tegendo,  
 Admissum visa est erubuisse scelus.  
 At postquàm patuère doli, cum Virgine Miles,  
 Mortem cum socio Milite Virgo tulit.  
 Fortunatæ animæ! rutilis quas junget in astris,  
 Iunxit vt in terris inuiolatus amor.  
 I Didyme, I Theodora, faces lucete gemellæ,  
 Pulsa suo cedant astra Lacæna loco.  
 Pro Polluce dehinc eris alter in æthere Pollux,  
 Altera pro gemino Castore Castor eris.

*NONA DIDYMI & THEODORAE Metamorphosis.*

II.

Conuersam quid fama refert in Cænea Cænin?  
 Ecce recens ætas hæc quoque monstra tulit.  
 Nam propè mutato mutant insignia sexû,  
 Militis hinc pietas, Virgînis inde pudor.  
 Qui modò vir fuerat Didymus, fit mascula Virgo,  
 Virgoque quæ fuerat, vir Theodora fuit.

*Ad Venerem de S. THEODORA armatâ.*

III.

Oprati, Cytherea procax, spem pone triumphî,  
 Spernet Acidalios ruta Puella dolos.

Si nullis Theodora priùs te vicerat armis ;  
 Quid modò, cùm fortis Militis arma geras ?

## XXIX. APRILIS.

S. PETRVS M. *Ordinis Prædicatorum, parentes  
 Hæreticos habuit.*

## I.

N ASCERIS Hæreticis cùm Petre parentibus infās,  
 E Tribulis natam vidimus esse Rosam.

## XXIX. APRILIS.

S. HVGGO *Cluniacensis Abbas, & propter morum  
 grauitatem totius Ordinis Præpositus  
 Generalis electus.*

## I.

Qui leuis est, sursùm euehitur, grauitasq; deorsùm  
 Fertur, & impositum pondus ad ima trahit.  
 At tibi, delati scandas vt culmen honoris,  
 Moribus & vitâ profuit esse grauem.

S. SPIRITVS *Columba specie conspicuus,*  
 HVGONIS *capiti saepe imminere  
 visus est.*

## II.

Pneuma sacrum niueæ, tectum candore Columbæ  
 Sæpè tuas circùm vidimus ire comas.  
 Nouerat hospitij candentis amica volucris,  
 Diue, tui, puros pectoris esse lares.

*Fulgentius Abbas vidit Angelos super astra lectu-  
 lum S. HVGONI sternentes.*

## III.

Diue, illo dabitur quàm molliter esse cubili ;  
 Quod tibi cælestes composuere manus!

XXIX.

## XXIX. APRILIS.

S. CATHARINA SENENSIS V. *adhuc infans  
ad singulos scalarum gradus salutationem  
Angelicam percurrit.*

## I.

Dùm scalam ascensu Catharis perreperet infans;  
Sæpè salutata Virgine, dixit Aue;  
His gradibus virtutum apices Virguncula scandit;  
Ad cælum his gradibus prouida sternit iter.

D. CATHARINA *cor suum Christo tradit.*

## II.

Cor tibi cùm Catharis jam transmisisset habendū;  
Visa tibi similes est dare, Christe, sonos:  
Christe, quies animi, mentisque pudica voluptas;  
Infero pectoribus cor ego jure tuis:  
Nam thesaurus vbi est tutâ mihi sede receptus,  
Cor inibi pariter debuit esse meum.

D. CATHARINA *cor suum cum Christi  
corde permutat.*

## III.

Christus amans & amâs Catharis, cor pignus amo-  
Alternante sibi dant, capiuntque manu; (ris  
Cùm det, & accipiat, cor corde rependit vterque,  
Nec minor est dantis, quàm capientis amor.

D. CATHARINA *ad CHRISTVM.*

## IV.

Nunc animis nos nemo neget concordibus ambos;  
Ipse meum cor habes, Christe, cor ipsa tuum.

D. CATHARINA *corde suo orba.*

V.

Dùm sine corde suo sapienter geditur excors,  
 Cordatam Catharis se magis esse putat.  
 Et dixit, poterit certè dixisse videri,  
 Aut hos aut similes cordis egena sonos:  
 Nè vecors sine corde vocer, nam cordis egenti  
 Quò minùs est cordis, plùs mihi cordis erit.

*Ad CHRISTVM.*

VI.

Thesaurum dederat Catharis tibi nuper (amorem):  
 Theca tibi pariter debuit ipsa dari.

D. CATHARINA *Coronam spineam à Christo  
 oblatam gemmea prafert.*

VII.

E geminis me, Christe, jubes optare coronis:  
 Hæc gravis est gemmis, est grauis ista rubis.  
 Malo vepres, nã gema mihi malè tẽpora stringat,  
 Dùm tua perplexis sentibus hirta rigent.  
 Cingite, vulnifici, mea tempora, cingite rhamnĩ;  
 Spina suas olim proferet ista rosas.

D. CATHARINAE *caput spinis coronatum.*

VIII.

Iure caput roseum spinis Catharina coronat,  
 Addita spina suis debuit esse rosis.

D. CATHARINA *ulcus putridum  
 Mendici exsugit.*

IX.

Poscit inops, tabò que fluens de ponte rogator,  
 Turbæ imploratam pratercuntis opem.

Horruit aspectu Catharis, longéque refugit,  
 Nec potuit fluidam cernere victa luem.  
 Mox vindex animosa sui, Quod cernere, (dixit)  
 Non poterat tabum Virgo, Virago bibes.  
 Et citius dicto, cœlesti concita motu,  
 Appressit geminis spurca venena labris :  
 Dúmque bibax fugit, Valeant, ait, vbera matris,  
 Dulcius ex isto vulnere nectar abit.

## XXX, APRILIS.

§. FRANCISCVS SENENSIS C. *iam demor-  
 tuus, ore Liliū parauit:*

## I,

**P**Ermenso, Franciscè, tuæ data tempora vitæ,  
 Clauserat extremus jam tibi fata dies.  
 Nè tamen à solito post funera munere cesses,  
 Fundis ab exanimis Lilia viua labris.  
 Scilicèt edidicist tam nobile fundere germen,  
 Virgineas recitat dùm pia lingua preces.  
 Cur similes jam nemo parit post funera flores ?  
 Non sat erat vitæ tempore cultus ager.







# MENSIS MAIUS.

---

## PRIMA MAIL.

SS. IACOBVS & PHILIPPVS *Apostoli.*  
I.

**E** Terris vos vna dies simul abstulit ambos,  
Vósque astris ambos intulit vna dies;  
Quos pietas, vitæque pares quos munia reddunt,  
Reddere mors, pariter debuit vna pares.  
Disparibus tamen impietas vos sustulit armis,  
Tu, Iacobe, cadis Fuste; Philippe, Cruce.  
Ite animis meritisque pares, totumque per orbem,  
Irradiet vestra nobile luce jubar.  
Nemo mihi illustres Maij neget esse Calendas,  
Cum niteat gemino fulgida sole dies.

*Ad D. IACOBVM è summo Templi fastigio  
deiectum.*

## II.

Quàm longè à vero Tortor delirus aberrat !  
Te ruerè in terram credit, in astra volas,

## I. MAIL.

S. SIGISMVNDVS *Burgundionum Rex, Sigericum Priuignum, impellente Nouercâ, occidit, abolitoque lacrymis scelere, in bello captus sanctè moritur.*

## I.

Dulcibus illecebris, philtroque potente Nouercæ,  
 Vitricus efficitur, qui fuit antè parens :  
 Namque insons, Sigerice, cadis; tibi mortis acerbæ  
 Causa fuit, vitæ qui priùs autor erat.  
 At lacrymis immane nefas, planctûque sonoro,  
 Eluit indignum Rege Parente scelus.  
 Pòst bello implicitus capitur, totûmque cruorem,  
 Quem malè libarat, sanctiùs ille litat.  
 Nec mora; Cælituum cantu, faculisque sepulchrû,  
 Quò cinis infertur Regius, astra notant.  
 Morbida concurrit plebes, tumultoque propinquat,  
 Sed sanus, quisquis venerat æger, abit.  
 Sic scelus admissum largo Rex scœnore pensat,  
 Et multòs, soboli qui nocet, ille iuuat.  
 Visus erat vitam priùs vni tollere Nato,  
 Pluribus hanc longè restituïsse vides.

## II. MAIL.

S. ATHANASIYS EPISC. *Alexandrinus, in-pueritia ultra atateni maturus.*

## I.

PRImæuis puerile puer nihil exhibet annis,  
 Nam puer in puero cernitur esse senex.  
 At nunc, (quæ nostri maculosa infamia sæcli!)  
 In senio pueros cernimus esse senes.

S. ATHANASIUS *locis omnibus ab Arrianis  
pellitur.*

## II.

Accola te Rhodani, gelidi te potor Araxis,  
Excludere suis, nobilis Erro, plagis.  
Omnibus & terris jactaris, & omnibus vndis,  
Vt pila robustâ pulsa, repulsa manu.  
Transfugis Occiduas ab Eois rursus in oras;  
Et meritis metam solis vtrâmq; reples.  
Nec nemus arboribus, nec te iuga cæca cauernis,  
Nec latebris vrbes occuluere suis.  
Cum tibi, quam teneas, nec terra, nec vnda supersit,  
Omnibus exclusus sedibus, astra pete.  
Te requies ibi certa manet, finisque laborum,  
Hic erit exilij meta, modusque tui.  
Teque vagis similem credat fore nemo Planetis,  
Nam fixum in cæli cardine sydus eris.

S. ATHANASIUS *asserens Christum esse Patrem  
ἐκ τῶν πατέρων, & non ὁμοιούμονον, in exilium  
pellitur.*

## III.

Pulsus in exilium, Præsul, ne fortè vel vna  
Mutetur vocis syllaba, mutat humum. (orbem,  
Quanquàm alium ex alio magnus migret. Exul in  
Perstitit immoto mens tamen alta loco.  
Extorris nusquàm ille fuit, nam piscibus æquor,  
Aër-alitibus Patria, Terra viris.

*Ad D. ATHANASIUM Profugum.*

## IV.

I velox, nec terra vllò te limite sistat,  
Quas incunq; plagas te vagus error aget.

Diue, tibi torus peragrandus passibus Orbis,  
 Nullaque non pedibus terra terenda tuis;  
 Vt Palmas, Laurósque, (sacri moniméta triumphi)  
 Immenso latè victor in orbe seras.

*Ad D. ATHANASIVM, vt se Religionis bono  
 seruaret, fuga prasidio prudenter utentem.*

## V.

Dùm superas fugi endo tuos feliciter hostes,  
 Inclyta Parthorum prælia more geris.

*Ad eundem.*

## VI.

Quid faceres, gressu stares si firmus in vno,  
 Cùm superes hostes vel fugi endo tuos?

*S. ATHANASIVS in patrio sepulchro quatuor  
 Mensum spatio delitescit.*

## VII.

Vt mortem fugeret, mortem petit, inque sepulchro  
 Conditur emenso pulsus ab orbe Senex.

Hic Tumulum moriturus habet, victurus Asylum,  
 Siue sit in fati viure, siue mori.

Iamque recurrebat plenæ quater orbita Lunæ,  
 Præsul ab his tenebris redditus, astra vider.

Non aliter longos rediuium rursus in annos,  
 Phœnicem patrius dat superesse citis.

Atque ita mutatis fata in contraria rebus,  
 Hic locus est vitæ, qui fuit ante necis.

*D. ATHANASIVS in Patris tumulo conditus.*

## VIII.

Te quondam, Aftyanax, patriâ tua mater in vna  
 Texit, vt Argolicis subtraherere dolis.

H iij

Sed frustrâ; nam te indago pellacis Vlyssis  
 Traxit ab Hectoreo, matre gemente, rogo.  
 Sic Fidei assertor totum vagus antè per orbem,  
 Conditur hoc ipso, quo patris ossa, locce.  
 At fato meliore latet, nam funebre bustum  
 Quod fuerat, vitæ Præsul Asylon habet.  
 Cùmque diù latebras Nato Patris vrna dedisset,  
 Posthumus æthereo cernitur axe frui,  
 Sic vitam, quod posteritas mirabitur omnis,  
 Bis Patri acceptam rettulit ille suo.

*De ATHANASII nomine.*

## IX.

In gelido sua restat adhuc cui vita sepulchro,  
 Iure sibi Athanati nomen is vnus habet.

*Arriani, manum tanquàm Arsenij, quem ab  
 ATHANASIO dicebant occisum,  
 in medium proferunt.*

## X.

Cur sectam Arsenij mendax fert fabula dextram?  
 Deuotam Magicis cur ait esse sacris?  
 Vt Pugil aduersos superet fortissimus hostes,  
 Alterius sociâ non eget ille manu.

*D. ATHANASIVS post varios labores feliciter  
 exantlatis placidè moritur.*

## XI.

Ille laborifero Alcidae non viribus impar,  
 Ille giganteo robore fultus Atlas,  
 Perfunctus mille insidiis, & mille periclis,  
 Cùm felix demùm viuere posset, obit.  
 Astra petit victor, nullus quem perferat vltra,  
 Cernitur in terris cùm superesse labor.

De D. ATHANASII laudibus.

## XII.

Heroa ingentem digitali pingo tabellâ,  
 Complexus breuibz grandia facta notis.  
 Sic sæpè, immensus cui vix suffecerat orbis,  
 Pingitur exiguo magnus in orbe Gigas.

## II. MAIL.

S. ANTONINVS *Episc. Florentinus Chronologia  
 scriptor.*

## I.

Scribere præclarè gestas ex omnibus vnus,  
 Qui res præclarè gesserat, aptus erat.

*Ad D. ANTONINVM Episcopum simul &  
 Historicum.*

## II.

Pontificem Lituus, (venerandæ insignia dextræ,)   
 Historicum Calamus te tuus esse probat.  
 Nec facilis dicam, si quis me iudice certet,  
 An Lituo, an Calamo nobiliore fores.

## III. MAIL.

*Inuentio S. CRVCIS.*

## I.

**T**Empla Dioneæ stabant celeberrima matri,  
 Hic vbi Crux Christi pensilis ante fuit.  
 Illic sæpe aliquis magnum veneratus Iesum,  
 Visus Acidalias eî coluisse faces.  
 Nam sacra vexilla Crucis, germénque ver endum  
 Terra diu cauto textu auara sinu.  
 Principis Augustæ iussu, curâque sagaci;  
 Prodiit effossa nobile pignus humo.

H v

Ter complexa auîdis Helene cupidissima palmis ;  
 Oscula postquàm illi mille dedisset, ait :  
 Vestra triumphantes diademata ferte Tyranni ,  
 Ferte Semiramix regia sceptrâ manûs :  
 Crux sceptrum, diadema Vepres; redimicula Clauis;  
 Et mea, Christe, tuus purpura Sanguis erit.

S. HELENA *partem inuenta Crucis cum geminis  
 Clauis ad filium Constantinum dono  
 mittit.*

## II.

Segmine te Crucis, & mater te Cuspide donat ,  
 Quæ Domini fossos transiit acta pedes.  
 In pretio data, Cæsar, habe, nam munera Mater  
 Nunquam aliàs Nâto nobiliora dedit.  
 Nil tibi gemmiferis Ganges quod mittat ab undis,  
 India Nil maius quod tibi tradat, habet.

*Constantinus unum è Clauis ab Helena matre  
 acceptis, diademati , alterum frano  
 Imperatorio inserit.*

## III.

Accipe defecti fragmen venerabile Ligni ,  
 Quod tibi dat facilis, Cæsar, habere parens.  
 Addidit & geminos, munus memorabile, Clauos ,  
 Qui geminas Christi transfabiêre Manûs ,  
 Victores astrorum Apices agnosce, tuosque  
 Nuper in hâc hostes te superasse notâ.  
 Annuis, & Clauis orbem diadematis ornas ,  
 Ornâs indomiti fræna decorus equi.  
 In nunc, & medios irrumpe timendus in hostes ,  
 Et preme turbatos auspice Marte viros.  
 Tartara queis Christus dômuit, Parcâmq; ferocẽ,  
 Ecquis erit quem non hæc modò Tela doment?

## III. MAII.

S. ALEXANDER *Pontifex Maximus.*

I.

Magnus Alexander toto fuit alter in orbe,  
 At meus hic toto Maximus orbe fuit.

S. ALEXANDER *aquâ lustrali domos expiat,  
 ac stygios hospites fugat.*

II.

Ridiculos Lemures sacrați aspergine fontis,  
 Mysta procul totis ædibus esse jubet.  
 Quis credat? Res vera tamẽ, Phlegetontius hostis  
 Prægelidam in mediis ignibus horret aquam.

## IV. MAII.

S. PVLCHRONIVS *Virdunensis Episc. à D. Lupo  
 Trecensi Episcopo educatur.*

I.

Candidus à teneris pulcher Pulchronius annis,  
 Et vitâ & vitæ moribus Agnus erat.  
 Aurea iure iterum rediisse putabitur ætas,  
 Agnus ab innocuo pascitur iste Lupo.

## IV. MAII.

S. MONICA *Augustinum filium suum ab Hæresi &  
 impietate renocat.*

I.

Natum inhihet monitis, fletuq; miserrima Mater,  
 Dùm scelus excusso fertur in omne iugo.  
 Vnum aliis reliqui debent genitricibus ortum;  
 At geminum Matri debuit iste suæ.  
 Parturit hunc primùm terris, dein parturit astris,  
 Bis fuit hic genitus, bis fuit illa parens.

H vj



## V. MAII.

*Conuersio S. AVGVSTINI Hipponensis Episcopi.*

## I.

**F**Le, Monica, & iustum lacrymis testare dolorē,  
 Progenies pēsūm ne tua prorsus eat.  
 Papillæ poterunt, quod non potuere papillæ,  
 Et poteris luctu, quod dare lacte nequis.  
 Parta vtero, parienda oculo venit vbere proles;  
 Inque puerperio perpes utroque dolor.  
 Hæ lacrymæ risum Superis, hic gaudia mæror  
 Parturiet, luctus iubila, festa dolor.  
 Et dicent rediuiua tuæ post funera prolis,  
 Cum data vita semel, reddita rursus erit;  
 Suscitāt exanimem Pelicanus sanguine prolem;  
 Hanc lacrymis Mater suscitāt ista suis.

*AVGVSTINVS suauis AMBROSII eloquentiæ  
 ab hæresi Manichæorum abducitur.*

## II.

Edomat errorem, domat Augustinus amorem,  
 Eque vno geminus corde Tyrannus abit.  
 Hauserat infusum Manichæo dante venenum,  
 Dulciter antidotum Præsule dante bibit.  
 Ingratus Medicorum aliis succurrit amator,  
 Diue, tibi epoto reddita melle salus.

*Ad D. AMBROSII VM melleâ eloquentiâ  
 AVGVSTINVM delinientem.*

## III.

Sæpè alij volucres visco cepère minores,  
 At tu Aquilam solers aucupe melle capis.

*Ad D. AVGVSTINVM nouâ arte sanatum.*

IV.

Quæ noua sanandi ratio ? tibi Præco difertus  
Ore dat antidotum, Diue, quod aure bibis.

*Qui fecerit, & docuerit, hic Magnus vocabitur  
in Regno calorum Matth. 5.*

*Ad D. AVGVSTINVM.*

V.

Augustine facis, quæ digna fuere doceri,  
Tu quoque quæ fieri digna fuere, doces :  
At quisquis peragenda docet, peragitque docenda,  
Ille vnus punctum Maximus omne tulit.

V. MAII.

*S. MAVRONTVS C. circa cuius caput apem  
volitantem D. AMANDVS conspexit.*

I.

Dum sacrâ acclinis, Mauronte, precaris ad aram,  
Est ter apis crines lambere visa tuos :  
Nè temerè, aut nullo credas id Numine factum,  
Illa tuæ florem virginitatis amat.

V. MAII.

*S. ANGELVS Carmelita utroque parente  
Iudæo editus.*

I.

Angele, Iudæi dum te genuere parentes,  
Gignit odoriferam spina marita rosam.

V. MAII.

*S. IUTTA vidua lætitudinis Diuorum factis  
à teneris annis assueuit.*

I.

Et legere, & vitam Cælestium degere gaudet  
Iutta, sui socio præmoriante tori.

Qui legit, & degit, sapiens hic vnus habetur,  
Fertilis hic, sterilis nam labor alter erit.

## VI. MAII.

S. IOANNES EVANGELISTA *à lebetes fer-  
uentis olei illasus emergit.*

## I.

SOSPES ab innocuo, quamuis ferueret, oliuo  
(Vt qui blanda subit balnea) Diuus abit.  
Nam cui nulla suis nocuit Venus improba flammis,  
Huic neque vis etiam Palladis vlla nocet.

## VI. MAII.

S. IOANNES DAMASCENVS, *à Leone Isau-  
rico Iconoclastâ dextrâ orbat, dùm scriberes  
pro tuendis sacris imaginibus.*

## I.

Terribilem alarum plausum fugère Leones,  
Et Galli auditos pertimère sonos:  
Quæque solet nemorum cultoribus esse pauidi,  
Territat Armeniam crista superba iugam.  
At nunc, Diue, leuem quam fert tua dextera pennâ,  
Dicitur horribilis pertimuisse Leo.

S. IOANNES DAMASCENVS *abscissam sibi  
dexteram ope Virginis recuperat, subestite tan-  
tùm lineâ miraculum testante.*

## II.

Ille Damascenâ nomen qui traxit ab vrbe,  
Clarus honore, grauis moribus, ore potens:  
Obtulit indigno refecandam vulnere dextram,  
Dùm causam offensæ Virginis acer agit.  
Nec mora; truncati plagam miserata Clientis,  
Sanauit medicâ Virgo patrona manu.

Linea, sed tantimonimentum insigne fauoris,  
 Restitit impressis sanguinolenta notis.  
 Diue, alij pretiosa sibi dextralia quærant,  
 Hâc esse armillâ ditior vlla nequit.

*Ad D. IOANNEM DAMASCENVM ope  
 Virginis\* sanatum.*

## III.

Cælituum dum signa, Heros inuicte, tueris,  
 Cæditur immani vulnere docta manus.  
 Mox ope diuinæ, (dictu res mira!) Parentis,  
 Receditur antiquo dextera juncta loco.  
 Linea purpureæ superauit more coronæ,  
 Nempe coronanda est tam generosa manus.

*Ad S. IOANNEM DAMASCENVM de manu  
 ipsi à Virgine restituta.*

## IV.

Quam tibi mordaci laniauit forcipe Cæsar,  
 Virgo tibi laceram reddit amica manum:  
 Sed plagâ coëunte, manet rubicunda cicatrix,  
 Quæ nota sanati vulneris apta foret.  
 Profuit iniusti rabies optanda Tyranni,  
 Prodigium nequit it salua probare manus.

## VII. MAII.

*S. STANISLAVS M. Episc. Cracouiensis mor-  
 tuum è tumulo excitauit, qui fidem faceret co-  
 ram Boleslao Rege, soluta iam pridem  
 pro agro pecunia.*

## I.

Dine, tuis Natura parens virtutibus hæret,  
 Hæret prodigiis obstupescata tuis.

Nam muto accerfis rediuium è marmore testem,  
 Qui faciat certam, iudice Rege, fidem.  
 Sistit ad humanum se funebris vmbra tribunal,  
 Quæ steterat solium Iudicis ante Dei.  
 Quis credat? nisi sit populosa Polonia testis,  
 E gelido Vadem te reuocasse rogo?  
 Hei mei! quis viuis jam fidere testibus auit,  
 Condita sub tumulo si latet ipsa fides?

*Fides è terris exul.*

## II.

Excitat è tumulo testem, litique secundæ,  
 Veridico Mystes imperat ore loqui.  
 Ad Superos Astræa fugax abscesserat olim,  
 Ad stygios Manes nunc fugit alma Fides.  
 S. STANISLAUS à Boleslao Rege occisus in  
 partes conciditur, quæ rursus in unum coalescunt.

## III.

Sparsa solo tua membra jacent, quæ rursus in unū  
 Mirificis redeunt associata modis.  
 Dum coix lacerum firmâ compagine corpus,  
 Nunquid erat gluten, qui fuit ante cruor?  
 D. STANISLAI corpus exanimum Aquilæ  
 intantur.

## IV.

Cæde profanatas cecidit mactatæ ad aras,  
 Regali Antistes victima danda manu.  
 Quattuor excubias Aquilæ pugnacibus alis,  
 Donec humo corpus contumuletur, agunt.  
 Diue, satellitio custos te protegit Ales,  
 Armiger ætherci qui fuit ante Iouis.

*Ad D. STANISLAVM, de Aquila ipsius  
corporis custode.*

## V.

Te circum excubias auium regina volantùm,  
Diue, pharetrati militis instar agit ;  
Ne fortè exangues lanient immaniter artûs,  
Et rostro pauidas pellit, & vngue feras.  
Non humiles dominos amat imperiosa volucris,  
Vel tibi, vel summo seruiit illa Ioui.

## VII. MAIL.

*S. FLAVIA DOMITILLA V. & M. ignibus à  
Luxorio in tecta iniectis, unà cum aliis duabus  
Virginiûs illasa perstistit.*

## I.

Castâ tuas, Hymenææ, faces Domitilla recusat,  
Antè sepulchralem ferre paratâ rogam:  
Nam laribus rapidos Luxorius inijcit ignes,  
Quos pia cum geminâ Virgine Virgo colit.  
Flamma crepat, ruptisque furens Vulcanus habenis  
Fertur, & in cineres jam domus omnis abit:  
Virgineos tamen ignis edax non attigit artûs,  
Et tulit impastam sobrius ille famem.  
Nam quibus antè suo nocuit nihil igne Cupido,  
His nihil ipse suo Mulciber igne nocet.

*S. FLAVIA DOMITILLA in Insulam Pon-  
tiam relegatur.*

## II.

Quàm tibi præferri, mauis perferre secures,  
Flauia Virginei gloria rara chori.

Nec nisi quâ ferus est, peragit sua munia Licetor ;  
 Officiûque aliud nil tibi, Virgo, petis,  
 Pelleris extremas terrarum extorris in oras,  
 Nec tibi Romuleâ fas fuit vrbe frui.  
 Vnius tamen exul eras non ampliùs vrbis,  
 Ciuis at immensû, quâ patet, Orbis eras,

## VIII. MAII.

*Apparitio S. MICHAELIS ARCHANGELI.*

I.

**H**IC vbi, Gargani tollunt se culmina montis,  
 Fugerat exussio taurus aratra iugo :  
 Hunc cursu, jaculôque petit pastoria pubes,  
 Si qua vagum sistat missilis hasta bouem.  
 At redit adducto, dictu mirabile! neruo,  
 Rursûs in autorem versa sagitta suum.  
 Nam tutela loci Michael, tutela iuuenti,  
 Hunc sibi deuotum fanciit esse locum.  
 Quas te, Diue, homini par est impendere curas,  
 Si tibi de bobus cura, labôrque fuit ?

## VIII. MAII.

*S. AMATVS C. Fratri eiusque uxori iniussu  
 odio habitus*

I.

Sis Fratri, & Glori quamuis inuisus vtrique,  
 Et Glori & Fratri semper Amatus eris.

## IX. MAII.

*S. GREGORIUS Episc. Nazianzenus, spretâ, ad  
 quam vocatur, Insulâ, in eremum secedit.*

I.

**Q**UAM cupide mortale genus sibi præsarat honores  
 Te sibi tam cupide prensat, & ambit honos.

Nam velut vmbra sequax tergo fugientis inhæret,  
 Captantes leuiter fallere docta manûs.  
 Sic leuis instat honor dorso comes vsque fugaci,  
 Sectantémque vagâ mobilitate fugit.  
 Te nemorû latebris nequicquàm inglorius abdis,  
 Gemma suo radiat lumine, si qua later.  
 Te venatur honos, at erit venatio felix,  
 Commodus est prædæ, quò fugis, ipse locus.

*Ad D. GREGORIUM Pontificia dignitatis  
 onus recusantem.*

## III.

Dùm Lituum, Antistes, refugit tua dextera, noras  
 Impositum quanti ponderis esset onus.  
 Ardentem stellis latè radiantibus axem,  
 Bajulus infracto vertice fulcit Atlas.  
 Quis mihi narranti credat? Par robur Atlantis  
 In quo constiterit vertice, Mitra petit.

## X. MAIL.

*S. GLYCERIA V. & M. inter Leones tuta.*

## I.

Carnificum rabiem, flammâsque vncôsque rotâsque;  
 Vicerat indecori libera Virgo metu.  
 Bellua præteritos auxit superata triumphos,  
 Auxerunt domitæ prima trophæa feræ.  
 Nam nemorum terror, blandæ Leo more Catellæ,  
 Lingit inoffensos Virginis ore pedes.  
 Parcite virgineo, Lenonum turba, pudori;  
 Aut rabidas vincet vestra libido feras.  
 At tu, Nympha, alio nè quære satellite cingi;  
 Hoc tibi præsidio tutius esse nequit.



D. GLYCERIA *Cruce insignita Iouis statuum dirigit.*  
II.

Stat Cruce formosam munita Glyceria frontem,  
Certa profanatis non dare thura focis.  
Illâ Iouem, ridetque Iouis jaculabile fulmen,  
Grande coruscanti quod tenet ille manu.  
Nam subito collapsa ruit, mandante Puellâ,  
Proxima quæ summi stabat imago Iouis.  
Quoque prius turres feriit jaculatus ahenas;  
In varias partes fusile fulmen iit.  
Rerum fama loquax, leuibus quæ garrula linguis,  
Et facta, & fieri quæ potuere, canis:  
Inunc, & domitos iacta Iouis igne Gigantas,  
Fulmina Virgineus cum domet ipsa pudor.

Ex D. GLYCERIAE *tumulo oleum effluit.*

## III.

Fundit odoriferum tumulo noua Pallas oliuum;  
Commodior nullus fluxerat antè liquor.  
Scilicet ut nunquam Ceroma parabile desit,  
Quò liniat castus fortia membra Pugil.

## XI. MAII.

S. GANGVLPHVS C. *adhuc adolescens venationi deditus impurum amorem fugat.*

## I.

**E**Xosus Cyprias Gangulphus amabilis artes,  
Turpiaque arcitenens quæ gerit arma puer,  
Venatur, teretique decens accingitur arcu,  
Et docili figit terga ferina manu.  
Sic placidos agitat per amœna silentia soles,  
Pestifero nullas passus ab igne faces.  
Tu quoq; Virginei quem candor honestat amoris,  
Quique verecundæ lilia mentis amas:  
Dulcibus intentus curis sectare laborem,  
Et fuge quæ torpens otia Cypris amat.

Nam mala si studiis solertibus otia vites,  
Nil Cypris, aut oberit Cypridis ipse puer.

---

## XII. MAII.

S. P A N C R A T I V S M. *quatuordecim annorum  
Adolescens, fonte lustrico antè expiatus,  
pro Christo moritur.*

## I.

P Ancratius dempto tria lustra peregerat anno,  
Ingenuâ morum nobilitate puer.  
Expetiit lymphis lustralibus antè piari,  
Quàm pugilem fusi sanguinis vnda lauet.  
At postquàm è sacris niue purior exiit vndis,  
Murice natiui sanguinis ille rubet.  
O quàm nullius vita hæc est conscia labis,  
Quam geminus gemino diluit amne liquor ?

## XII. MAII.

S. E P I P H A N I V S *ex Pastore ouium Con-  
stantiensis Episc.*

## I.

Insigni pietate puer, morumque nitore,  
Ad sua lanigeras pascua ducat oves :  
Prædonésque lupos tutis ab ouilibus arcet,  
Armat enim dociles funda, pedumque manûs.  
Tàm benè qui fidi munus Pastoris obiret,  
Alterius custos debuit esse gregio.  
Debuit, & factum est, sacri nam Pastor ouilis  
Ille fuit, pecudum qui modò Pastor erat,

D. GLYCERIA *Cruce insignita Iouis statuam diruit.*

## II.

Stat Cruce formosam munita Glyceria frontem,  
 Certa profanatis non dare thura focis.  
 Illa Iouem, ridetque Iouis jaculabile fulmen,  
 Grande coruscanti quod tenet ille manu.  
 Nam subito collapsa ruit, mandante Puella,  
 Proxima quæ summi stabat imago Iouis.  
 Quoque prius turres feriit jaculatus ahenas;  
 In varias partes fusile fulmen lit.  
 Rerum fama loquax, leuibus quæ garrula linguis,  
 Et facta, & fieri quæ potuere, canis:  
 Inunc, & domitos iacta Iouis igne Gigantas,  
 Fulmina Virgineus cum domet ipsa pudor.

Ex D. GLYCERIAE *tumulo oleum effluit.*

## III.

Fundit odoriferum tumulo noua Pallas olium;  
 Commodior nullus fluxerat antè liquor.  
 Scilicet ut nunquam Ceroma parabile desit,  
 Quò liniat castus fortia membra Pugil.

## XI. MAII.

S. GANGVLPHVS C. *adhuc adolescens venationi deditus impurum amorem fugat.*

## I.

**E**Xosus Cyprias Gangulphus amabilis artes,  
 Turpiaque arcitenens quæ gerit arma puer,  
 Venatur, teretique decens accingitur arcu,  
 Et docili figit terga ferina manu.  
 Sic placidos agitat per amœna silentia soles,  
 Pestifero nullas passus ab igne faces.  
 Tu quoq; Virginei quem candor honestat amoris,  
 Quisque verecundæ lilia mentis amas:  
 Dulcibus intentus curis sectare laborem,  
 Et fuge quæ torpens otia Cypris amat.

Nam mala si studiis solertibus otia vites,  
Nil Cypris, aut oberit Cypridis ipse puer.

---

## XII. MAII.

S. P A N C R A T I V S M. *quatuordecim annorum*  
*Adolescens, fonte lustrico antè expiatus,*  
*pro Christo moritur.*

## I.

P Ancratius dempto tria lustra peregerat anno,  
Ingenuâ morum nobilitate puer,  
Expetiit lymphis lustralibus antè piari,  
Quàm pugilem fusi sanguinis vnda lauet.  
At postquàm è sacris niue-purior exiit vndis,  
Murice natiui sanguinis ille rubet.  
O quàm nullius vita hæc est conscia labis,  
Quam geminus gemino diluit amne liquor ?

## XII. MAII.

S. E P I P H A N I V S *ex Pastore ouium Cen-*  
*stantiensis Episc.*

## I.

Insigni pietate puer, morumque nitore,  
Ad sua lanigeras pascua ducat oues :  
Prædonésque lupos tutis ab ouilibus arcet,  
Armat enim dociles funda, pedumque manûs.  
Tàm benè qui fidi munus Pastoris obiret,  
Alterius custos debuit esse gregio.  
Debuit, & factum est, sacri nam Pastor ouilis  
Ille fuit, pecudum qui modò Pastor erat,

S. EPIPHANIVS *annum agens decimum-quartum supra centesimum, tempestate iactatus in mari moritur.*

## II.

Annorum numerum meritis qui grandibus æquas,  
Diue, procellosas oppetis inter aquas,  
Vt jam fessus eras, senio tardante, viarum,  
Te decuit cursu naui ad astra vehi.

*Audaculus quidam EPIPHANII mortui nudum corpus inspicere tentans, ictu pedis repellitur.*

## III.

Cernere nescio quis dum post tua funera, Præsul,  
Detractâ nudum sindone corpus auet:  
Tu licet exanimis petulantem calce repellis,  
Factus honestatis vel moriendo memor.  
Nam tibi qui fuerat vitâ remanente superstes,  
Vixit inextinctus post tua fata pudor.

## XIII MAII.

S. IOANNES SILENTIARIUS C. *stellâ praeunte in Cœnobium ducitur.*

## I.

I Sequere illustrem, quæ fulget in æthere, flammam,  
Quæque tibi certum præuia monstrat iter.  
Hâc duce tutus eris, nec te vagus auferet error,  
Iamdudum ad Christum ducere fidus amat.

S. IOANNES *dictus SILENTIARIUS quòd totos novem annos in specu silentio transfegerit.*

## III.

Qui novies plenum dum sol terit aureus orbem,  
Ascetes tacito conditus ore silet:

Dignus is est, cuius taciturna silentia, nullo  
Garrula desistat tempore fama loqui.

## XIV. MAII.

S. BONIFACIUS M. *Ægle matrona turpiter  
adhaerat, mox facti pœnitens labem san-  
guine eluit.*

## I.

**F**lebile naufragiū blandis propè passus in vndis,  
Consilio ripam jàm meliore legis :  
Quæque tui fuerat quondam comes vna peticli,  
Infidis Ægle sospes abiuit aquis.  
Mox tibi pollutum maculosâ labe pudorem  
Expiat impensus pro pietate cruor.  
Sic comes indecorem sequitur vindicta reatum,  
Et redimit magnum par quoque pœna nefas,  
Nam meritò, casti qui prodigus antè pudoris,  
Prodigus effusi sanguinis ille fuit.

## XIV. MAII.

S. PONTIUS M. *cuius mater gravida cum fa-  
num subiisset, dicta est à Flamine, Deorum ho-  
stem utero gestare.*

## I.

Nondum natus eras, mater delubra subiuit,  
Quæ gremio infusum dulce ferebat onus :  
Cum subito Flamen furiis immanibus actus,  
Diripit ornatis laurea fecta comis ;  
Exclamatque fremens hostem aduentare Deorum,  
Inque Iouis damnum viscera fœta canit.  
Nec veri caruere fide præsagia Vatis,  
Nam mouet in superos Pontius arma deos.  
Cessent Anguipedum molimina vana Gigantum,  
Territat immensum si Puer iste Iouem.

Quàm tua te genitrix apto cognomine donat !  
 Nomen enim solitus vincere, Victor, habes;  
 Tu quoque laurigeris Virgo decoranda coronis,  
 Non vacuum rebus nomen adepta geris.  
 Non poterant melius consortia nomina jungi ;  
 Nam bene Victori juncta Corona fuit.

S. BONIFACIUS *Episc. Ferentinus iam inde à  
 puero in egenos munificus.*

Nunc sine palliolo, tenui modò nudus abollâ,  
 Formosus repetit tecta paterna puer.  
 Dúmque parens rogitat, cur sic nudatur amictu ?  
 Risit, & hunc pauper pro stipe, dixit, habet.  
 Tàm benè qui fecit miseris, benè fecit egenis,  
 Pulchrè implet numeros nominis ille sui.

S. BONIFACIUS *Christum in egenis vestit.*

Sæpè brèui togulâ Codrum vestiuit.egentem,  
 Quam puer ex humeris traxerat antè suis.  
 Inuestisquè palàm, gaudet velare pusillis  
 Vestibus immensum se potuisse Deum.

S. BONIFACIUS *adhuc puer vulpeculam gallinas  
 subducentem restituere pradam cogit, mor-  
 ri que addicit.*

Dùm pullos Gallina fouet, subit improba Vulpes,  
 Et matrem, & sobolem matris iniquè clepit.  
 Furacem

Furacem puer insequitur, prædámque reposcit,  
 Móxque reposcenti reddita præda fuit :  
 Nam remeat docilis, querulósq; ex ordine pullos,  
 Crístatásque rapax bellua reddit aues.  
 Et dolet, & renuit tanto superesse dolori,  
 Vísá repentino funere sponte mori.  
 Iuris amans puer ille fuit, nam conscia furti,  
 Digna necem Vulpes, quæ pateretur, erat.

S. BONIFACIUS *iam Episcopus creatus Lupos ab ouili arcet.*

## I V.

Quæ peragis, reliquæ sunt hæc præludia vitæ,  
 Virque geres quondám, quod geris an. è puer.  
 Nunc olidam insequeris generosus Pusia Vulpem,  
 Certus in audaces grandior ille Lupos.  
 Qui seruas modò cortis aues, cum creuerit ætas,  
 Seruabis placidas tunc quoque Præsul oues.

## XIV. MAII.

S. PACHOMIUS *Abbas per Nilum Crocodilo vehitur.*

## I.

Dùm vehitur Pharias Crocodilo Mysta per vndas,  
 Qui tergum audaci sessile sponte dedit :  
 I procúl, & fragiles serua tibi, Nauita ! lembos,  
 Hæc mihi pro lembo Bellua, dixit, erit.

## XV. MAII.

S. DYMENA V. & M. à parente pudicitiam filia attentante occiditur.

## I.

**B**Arbarus infando Natæ Rex captus amore,  
 De patre degeneri factus amator erat.  
 At tu, Dymena, tui scelus execrata Parentis,  
 Occidis à patriâ victima cæsa manu.

## I



Fortior exerta jugulum præbere macheræ,  
 Quàm Patris incestum tangere Nata torum,  
 Ille suos odio mutat furiosus amores,  
 Quàmque scelestus amans, tam malus osor erat;  
 Nam dextram capulo gladij versatilis implet,  
 Detruncatque tuum, cædua Virgo, caput.  
 Tum moriens visa est duro dixisse Parenti,  
 Si tamen ille potest qui necat, esse parens.  
 Debebam, fateor, (quid enim memorare recusem?)  
 Legitimo quantum Regia virgo Patri.  
 Cessat id officij, tua cum modò dona reposcas,  
 Nam data quæ vita est, hanc mihi, dure, rapis.  
*Ad D. D Y M P N A M suo sanguine aspersam.*

## I I.

Pura pudicitia serues vt lilia, Virgo,  
 Tota verecundi sanguinis imbre rubes,  
 Rirè tuos flores hoc vulneris imbre rigasti:  
 Marcent, si nullo lilia rore madent.  
 Quòdque magis mirere, magis tua lilia candent,  
 Quò magis hæc fluuio sanguinis yda rubent.  
*Ad turpem Amorem infandum facinus*  
*D Y M P N A E Patri suadentem.*

## I I I.

Improbe Amor, cum Patrem adeò furialiter vras,  
 Non oculis tantum, sed quoque fronte cares:  
 Nam nisi fronte, oculisque simul, furiose, careres,  
 Te duce non moueat talia monstra Parens.  
 Quis credat potuisse vnquam puerilibus annis  
 Crimina tantillus cudere tanta Puer?  
 Hei mihi! quid faceres, quæ non portenta parares,  
 Seu vir, siue senex, si facis ista Puer?

S. D Y M P N A *à Patre occisa à Cœlitibus  
tumulatur.*

## I V.

Mortalem attactum refugit dùm functa Virago,  
Funereum Superi composuere torum.  
Tangere quam nequit turpi Puer aliger arcu,  
Debuit hanc hominum tangere nulla manus.

## X V. M A I I.

S. M A N N A V. *iam Christo deuota, sacroque Flam-  
meo velata, ab alio Sponso expetitur.*

## I.

Qui teneræ thalamos ambis, tædâsque Puellæ,  
Parce datam Christo sollicitare fidem,  
Serus ades, jam Manna suos sacrauit amores,  
Iam melior Sponsus, quod petis, alter habet.  
Te puto Saturni festis venisse diebus;  
Quo vetitum fuerat tempore Manna legi.

## X V I. M A I I.

S. D O M N O L V S *Cenomanorum Episc. pium Lector-  
em ad mensam adhibet.*

## I.

D Omnolus appositæ carpēs data fercula mensæ,  
Non terit argutis tempus inane joci:  
Sed pius allatas Lector qui condiat escas,  
Perlegit è sacris eruta sena libris.  
Parua licet modico foret vncta culina paratu,  
Has tamen insipidas non reor esse dapes.

## XVII. MAII.

S. TORPES *M. Neronis versatilem, amulámque  
cælo machinam precibus ad Deum fufis destruit.*

## I.

HIC vbi Cæfareas pandunt cœnacula menfas,  
Dædaleus renouat monstra Sicana labor.

Námque Syracusæ miracula vitrea dextræ

Extuderat mirâ dexteritate faber.

Machina stelliferis conuoluitur æmula cœlis,

Et peragunt solitas Lunáque Sólque vices.

At precibus Torpes fufis, dùm Numen adorat,

Cessit in antiquum fufilis æthra Chaos,

Iure quidem fragilis ruptâ compagine cœli,

Dissilit in partes fabrica tota suas.

Námque quid affectat superas Nero Iupiter arces,

Dignior in Stygiis qui dominetur aquis?

S. TORPES *capite diminutus, nauíque impositus  
in Hispaniam appulit, ibique à Celerinâ  
Matrona sepelitur.*

## II.

Iam tibi sustulerat valido caput ense satelles,

Et lacer in gelido littore truncus éras :

Iniecta exiguo pars corporis vtraque lembo,

Ludibrium rapidis traditur esse Notis.

Concessit meliora Deus, nam remige cœlo,

Tendit in Hesperiam salua phaselus humum.

I celeris Celerina! sacram prior arripe gazam,

Et pretium effosso nobile conde solo.

Plurima gemmiferis licèt isthuc tendat ab Indis,

Ditior hâc nunquam venerat antè ratis.

## XVIII. MAII.

S. VENANTIUS *M. post superatam belluarum  
rabiem, igne pectori admoto adurit.*

I.

Vnguibus horribiles, rictuque, iubaque Leones,  
Suppliciter pedibus procubuere tuis.  
Scilicet humano feritas in pectore crescit,  
Incipit à rabidis cum procul esse feris.  
Admoto tibi pectus amans accenditur igne,  
Hic meliore flagrat quamlibet igne locus.  
Has Amor admouit, quibus ardeat hostia, flammæ;  
(Nam pia sacrifici munia præstat Amor.)  
Victima non poterat, neque sanctior ara parari,  
Victima cor; pectus Martyris ara fuit.

## XVIII. MAII.

S. ERICVS *M. Suecia Rex, cilicinâ veste  
corpus induitur.*

I.

Regales setoso humeros Ericus amictu  
Macerat, & punctu perfodiente ferit:  
Dumq; nouus thorax, noua dum cõstringitur ægis,  
Purpura purpureo sanguine sparsa rubet.  
Ratò inter clypeosq; Ducum, galeasque comantes,  
Loricam aspiciunt sæcula nostra parem.

## XIX. MAII.

S. PETRVS CELESTINVS *Summo se Pontificatu  
abdicans in eremum secedit.*

I.

Petre, tuam triplici spoliâs diademate frontem,  
Quo nihil in terris sanctius astra vident.  
Insuper egregius vastam petis Exul eremum,  
Et latebras, clari nominis osor, amas.

I iij

Nulla parem tulerant, retrò fugientibus annis,  
 Nec ventura ferent sæcula fortè parem.  
 Fama decus laudèſque ſile, quibus antè refulſit,  
 Hoc factò ſatis eſt hunc mihi noſſe virum.

S. PETRVS CELESTINVS *ſuis latebris illuſtrior.*

## II.

Abdicat, & rerum Præſes moderamina ponit,  
 Nec minor eſt poſitâ, quàm fuit antè, togâ.  
 Sumpſerat inuitus, qui ſponte relinquit habenas,  
 Quòdque alter nemo fecerat, ille facit.  
 Sed fruſtrâ te, magne Senex, ſubducis honori,  
 Ille tui lateris te premet vſque comes.  
 More coruſcantis virtus nitidiſſima Phœbi,  
 Clariùs hoc rutilat, quo magis illa latet.  
 Quamlibèt in luſtris lateas, illuſtria reddent  
 Illuſtrem in latebris te tua luſtra tuis.

## XIX. MAII.

S. I v o *Pauperum Aduocatus:*

## I.

Et nullo pretio; & nullâ mercede redemptus,  
 Mendici cauſas, Iuo, clientis agis.  
 Quod nunc Cauſidicis vix eſt imitabile noſtris,  
 Lingua tibi diues dextera pauper erat.  
 Dùm tamen & leges, & ius, & iurgia vepdunt,  
 Patroni immenſas jure lucrantur opes.

S. I v o *gratis patrocinatur Pauperibus.*

## II.

Pauperibus nec verba dedit, nec vendidit Iuo,  
 Vox cuius miſeris fauit inempta reis.  
 Cauſidicus dat verba, venditque Clienti,  
 Si venale tamen, quòd datur, eſſe poteſt.

S. IVO in Clientes egenos munificus.

## III.

Res noua! Patronus tenui dedit Iuo Clienti  
Munera, Patrono quæ dabat ante Cliens.

S. IVO. *sacris libris, quos interdum legit, noctem  
indormit.*

## IV.

Dogmata, quæ totis euoluerat ante diebus,  
Nocte ferunt capiti supposuisse suo.  
Cervical cum tale sibi subiecerit Iuo,  
Nemo neget sacris incubuisse libris.

## XIX. MAII.

S DUNSTANVS C. *forcipe Cæcodæmonia  
nasum corripit.*

## I.

Ardenti informas calybem, Dunstane, camino ,  
Fabrilique tuus ludit in arte labor.  
Follibus alternas & reddis, & accipis auras ,  
Stridulaque insperfo diluis æra lacu.  
Sic tibi quærenti spatiosos fallere soles ,  
Exercent dociles dura metalla manûs.  
Dumque operi Faber insistis, transformia Pluto  
Induitur falsi callidus ora Senis.  
Nec fatis est variasse semel, sed subdola formas  
Ex aliis alias Larua subinde nouat.  
Dunstanus fraudem agnouit, cernitque rapacem  
Pelle sub humanâ delituisse lupum.  
Nec mora, mordaci correptum forcipe nasum  
Prendit, & instanti comprimit vsque manu.  
Certamen iocularare oritur, pugnatur utrinque ,  
Et trahit hinc Proteus, & trahit inde Faber.

At tandem lepidò sariatus pectora ludo,  
 In sua Bubonem tartara rursus agit.  
 Et tali insequitur fugientem scommate Laruam,  
 I fuge, at emunctæ postmodò naris eris.

---

## XX. MAII.

S. BERNARDINVS SENENSIS, *adhuc puer, verbâ  
 turpia alapâ in sene castigat.*

## I.

**F**escennina jocos nebulo dicteria miscet,  
 Audiat inuito quæ tener ore pudor.  
 Bernardine, aderas, buccæque impacta salaci,  
 Est tua dextra olidum fortiter vltâ nefas.  
 Erubuit non sponte scelus, pueroque magistro  
 Grandior edidicit verba modesta Senex.  
 Non tantum Iouis è cerebro sapientia prodit,  
 Sæpè sub infantis vertice recta latet.

S. BERNARDINI *corpus incorruptum adhuc  
 Aquila seruatur.*

## II.

Quem nullus spirantem alias Venus ignibus vssit,  
 Nullus in exanimi debuit esse cinis.

---

## XXI. MAII.

S. HOSPITIUS C. *adhuc viuus à vermibus  
 depascitur, à quibus mortuus eximitur.*

## I.

**H**ospitij laceros tabo stillante per artus,  
 Serpebat punctu perpete vermis edax.  
 His tamen hospitibus dulces non inuidet escas,  
 Et sibi conuiuas hos negat esse graues.

At simul exanimi mens libera corpore cessit ,  
 Cessit ab exanimi corpore turba vorax :  
 Hic rerum nouus ordo fuit, nam rodere vermis ,  
 Non nisi postquam animus corpore cessit, amat:  
 Scilicet hæ tinea, plenos quam clauderet annos ,  
 Ante recessuræ, nî vetuisset, erant.  
 Sed postquam prohibere nequit , procûl omnis ab-  
 Cedere festinat libera turba morâ. (actâ  
 At tu vermem inhibe, qui pectore fixus in imo  
 Morder, & æterno non valet igne mori.

---

## XXII. MAII.

S. BASILISCVS *M. arida arbori, sub quâ  
 recubuerat, vitam frondésque reddit.*

## I.

**L** Assulus arenti, Basilisce, sub arbore fidis ,  
 Quæ subito natis frondet amicta comis.  
 Vndè virefcenti vis hæc fuit indita plantæ ?  
 Nè deesset capiti danda corona tuo.

*Fonticulus ad D. BASILISCI pedes scaturit.*

## II.

Iam Pugil imbuerat rubefactam sanguine terram ,  
 Cùm videt ante suos ire fluenta pedes.  
 Muneris immemorem ne quis putet esse, cruori  
 Grata repentinam gleba profudit aquam.  
 Vel potiùs, Basilisce, tuos vbi vidit agones ,  
 Te lacrymis fleuit terra miserta suis.

---

## XXIII. MAII.

S. GUIBERTVS *C. à Martis militiâ, ad Christum  
 feliciter deficit.*

## I.

**Q** Vi priùs armatos jerat Guibertus in hostes ,  
 Nunc melior Christi prælia miles agit.



Antè rudimentum posuit sub Marte profano ;  
Militiæ sacræ ne foret ille rudis ;

## XXIII. MAII.

S. DESIDERIVS *Viennensis in Galliâ Episc: iussu  
Theodoricæ Regis, Brunehilde impellente  
occiditur.*

## I.

Rex Desiderium terris truculentus ademit,  
Fœmineis passum tristia quæque dolis :  
At Desiderij nullus, mihi credite, nullus  
Qui desiderium tollere possit, erit.

## XXIV. MAII.

S. VINCENTIVS *M. in flammis illæsus.*

## I.

VIncenti, cui jure dedit victoria nomen,  
Quam toties domito victor ab hoste refers:  
Aggerit ille quidem flammæ, ille aggerat iras,  
Vt super ex auido sis merus igne cinis.  
At Zephyrus placidis te lenis obambulat alis,  
Nilque oblita sui flamma caloris habet.  
Vsq; adeo indomiti furor ardet, & ira Tyranni,  
Vt minùs in mediis arseris ipse rogis.

## XXIV. MAII.

S. SIMEON STYLITES *Junior columna  
insistens.*

## I.

Humanarum apices super, & fastigia rerum,  
Despicit exigua nubilus hospes humum.  
Brachiaque expandens vlttricibus obuia flammis,  
Irato opponit seque precésque Deo.

Dumq; altam numerosa premit per lustra columnâ,  
 Et videt admoto proximus astra polo:  
 Sustentans humeris ruiturum Atlantibus orbem,  
 Ipse etiam Simeon viua columna fuit.

## XXV. MAII.

S. VRBANVS PONTIFEX MAXIMVS *Seueri Imperatoris iussu occiditur,*

I.

Non equidẽ miror, quem sanctior orbis adorât,  
 Si mandante facer Cæsare Pastor obit.  
 Non bene conueniunt Pastor cum Cæsare, Pastor,  
 Urbanus, Cæsar verò Seuerus erat.

## XXV. MAII.

S. ZENOBIVS FLORENTINVS *Episc. singulari modesti: à insignis.*

I.

Tessera virginei custósque modestia floris,  
 Zenobij roseas excubat ante genas.  
 Nil oculis fœdum, fœdum nihil auribus haurit,  
 Nè tepeat minimâ mens violata face.  
 Et valuas oculis, & valuas auribus obdit,  
 Aure, oculoque bibi námque venena solent.  
 Tu quoque, cura tui quem rangit honesta pudoris,  
 Aures, atque oculos obstrue, castus eris.  
 Iure oculos, animi quis dixerit esse fenestras,  
 Iure aures, animi dixerit esse fores.  
 Turpia nè cernas spectacula, claude fenestras,  
 Nè verba auscultes turpia, claude fores.

## XXV. MAII.

S. MVTVIVS C. *cui singulis diebus Dominicis Angeli victum procurant.*

I.

Non tantum Isaciis Superi conuiuia mensis,  
 Sed tibi lauta etiam fercula, Diue, parant.

I vj

Nam quotiès lucem terris octòna reuexit,  
 Solis ab insigni nomine dicta dies;  
 Textilibus totiès cerealia dona canistris,  
 Fert tibi cœlesti turba ministra manu.  
 Impransus reliquas cernis transcurrere noctes,  
 Impransus reliquos cernis abire dies.  
 Nam viles terrarum epulas, & fercula temnit,  
 Cui Superùm sapidas contigit esse dapes.

## XXVI. MAII.

S. ELEUTHERIVS *Pontifex Maximus sub  
 Commodo Imperatore necatur.*

## I.

REctor inoffenso moderatur catbasa cursu,  
 Et clauum dominâ torquet agitque, manu.  
 Nominis auspiciu contra, te præside, Cæsar!  
 Pertulit indignam faucibus ense necem.  
 Cùm caput immensi tollas incommodus orbis,  
 Quàm male conueniens, Cômode! nomen habes.

## XXVI. MAII.

S. LAMBERTVS *Venciæ in Prouinciâ Episc.  
 gelidam bis in vinum vertit.*

## I.

Fontanam Pincerna tuus tibi poscitur vndam,  
 Pocula fontanæ dat tibi promptus aquæ.  
 At simul accessit labris sitientibus humor,  
 Expertus lapidum detegis esse merum.  
 Tu puerum verbo increpitas, quòd, vt antè solebat,  
 Sinceram oblitus non tibi tradat aquam.  
 Ille recens haustam rursùm tibi detulit vndam,  
 Sed velut antè, nouum fit noua lympba merum.  
 Purpureo Theridem Christus mutauit laccho,  
 Bis tamen id præstas, Diue, quod ille semel.

*Ad D. LAMBERTVM aquam in vinum  
vertentem.*

## II.

Lympha semel, rursúmque tuis admota labellis,  
Vertitur in subitum visa rubere merum.  
Parce sitire alias, Lamberte, abstemius vndas,  
Quicquid agas, votis non potiere tuis.  
Námque meraca tibi quoties potabitur vnda,  
Fiet in inuito Massicus ore liquor.

## XXVI. MAII.

S. PHILIPPVS NERIO *C. cuius cor diuino amore  
exæstuans duas costas perfregit.*

## I.

Dùm cor flammiumum spatiis arctatur iniquis,  
Vt solet angusto fornice flamma premi,  
Costarum effregit contexta repagula victor,  
Carceris impatiens imperiosus Amor.  
More Ducum medios quos gloria raptat in hostes,  
Vel reperit, vetitam vel facit ille viam.

S. PHILIPPVS *in Cameterio Callixti Roma  
sæpè pernoctat.*

## II.

Sæpe vigil perago somni sine munere noctes,  
Assiduus reliquos hîc vbi somnus habet:  
Dúmque inter tacitas nemo venit arbiter umbras,  
Me turba creptæ vocis egena docet.  
Quid tamen à muris discam, si fortè, magistris,  
Scire velis; Disco viuere, Disco mori.  
Vt mihi mors felix contingat, viuere disco;  
Vt felix possim viuere, disco mori.

S. PHILIPPVS *Manes inter, & Defunctorum  
cineres sapè versatur.*

## III.

Vmbrarum est, cinerumque locus, mortisq; soporæ,  
Hic vbi perpetuus penè Philippus agit.  
Ignis amat cineres, calido sub corde latentem  
Quem fouet, extinguere non finet ille cinis.

## XXVII. MAII.

S. IOANNES *Pontifex Maximus M. quem  
insederat equum, alios deinceps excussit.*

## I.

PRæside terrarum sonipes sessore superbit,  
Nec sua vult alio pondere terga premi.  
Bucephalo insedit quondam cognomine Magnus;  
Est isto sessor Maximus vsus equo.  
Bucephalo vt sonipes longè fuit impare maior,  
Maior Alexandro sic quoque sessor erat.

*Commodatus D. IOANNI à piâ Matronâ equus,  
ipsi heræ est redditus refractarius.*

## II.

Calcitro cur sonipes, Dominum qui gesserat orbis,  
Subdere legitimæ terga recusat heræ?  
Majestate graui, & tanto sub pondere pressus  
Matronam excussit calcibus ille leuem:

## XXVII. MAII.

S. RESTITUTA V. & M. *dùm Româ pergis  
Soram, via comitem habet Angelum.*

## I.

Ædibus excedens patriis Romana Puella,  
Instituit monitu Numinis ire Soram.

Virginis æthereus stipat latus Ales euntis,  
 Et pariter gratas jungit vterque moras.  
 Progreditur captâ alloquij dulcedine Virgo,  
 Tædiaque inceptræ non tulit vlla viâ.  
 Dúmque moras, & crebra volens diuortia quærit,  
 Longius optasset, quàm fuit, esset iter:  
 Inque vicem fociaë captus sermone puellæ,  
 Ales ab hâc nunquàm vellet abesse viâ.  
 Nempè frui alloquio (nam sunt cognatus vterque)  
 Aligeri Virgo, Virginis Ales amat.

## XXVIII. MAIL.

S. GERMANVS *Parisiensis Episc. quem mater  
 in utero adhuc latentem epoto pharmaco  
 tollere parat.*

## I.

**E**Diderat nondùm sobolem, lethale venenum,  
 Quod puer ebiberet, præbuit ipsa parens.  
 Scilicèt illa priùs, furialibus excita monstribus,  
 Quàm fieret genitrix, penè nouerca fuit.  
 Restitit at viuax infans, & tectus ab ipsâ,  
 Aduersus mâtis vulnera, matre fuit.  
 Si data nõ tam sunt, quàm mens pensanda datoris,  
 Vitam etsi dederit, non dedit illa parens.

*De matre D. GERMANI sibi abortum procurante.*

## II.

Facta marita suum visa est quæ perdere florem,  
 Quærebat fructum perdere facta parens.

*Vincula quibus alligatur D. GERMANVS ad  
 eius pedes corruunt.*

## III.

Inssa catena tuos religare tenaciter artûs,  
 Accidit ad sacros sponte soluta pedes.

Aufa foret propiore manum quòd stringere nodo,  
 Admissi veniam criminis illa rogat.  
 Debuit hostilis rabies mollescere, cum sit  
 Mollior attractu facta catena tuo.

S. GERMANVS *exiguo filo è suâ veste detracto  
 morbos curat.*

## IV.

Lanificæ properant dudum sua fila Sorores,  
 Deplevitque grauem jam prope dextra colum,  
 Tu pensa exiguo renouas fatalia filo,  
 Vestibus extractum quod fuit antè tuis.  
 Quæque prius turres Regum, Regesque subegit,  
 Mors victa, & filo simplice victa fuit.

## XXIX. MAII.

S. SISINIVS M. *capiti illisâ à Pracone aneâ  
 tubâ, fortiter occubuit.*

## I.

N<sup>e</sup> forte ignotâ iaceas inhonorus in urnâ,  
 Dignus ab æternâ posteritate legi:  
 Quâ cadis obtrit, totum tua facta per orbem  
 Vt canat, hanc inflet fama sonora tubam.  
 Instrumenta tuæ laudis, clarissime Martyr,  
 Instrumenta tuæ sunt quoque facta necis.

## XXIX. MAII.

S. ANDREAS DE CHIO *castitatem suam  
 magna Virgini consecrat.*

## I.

Virginibus mos est flores adamare puellis,  
 Quos facili tellus parturit alma sinu.  
 Tu quoque, Virginæ Regina pudica cohortis,  
 Crederis oblatis floris amore capi.

At reliquos inter tamen, ô pulcherrima, flores,  
 Virginei florem, Virgo, pudoris amas.  
 Hunc tibi sacrauit Iuuenis, nam ritè sciebat,  
 Sertum oculis nullum grātius esse tuis.

S. ANDREAS *Virginitatis seruandæ propositum  
 palàm candidâ veste testatur.*

## II.

Vellere vestitus niueo procedis, vt Agnus,  
 Lacteolum peperit quem modò mater ouis.  
 Causa subest facti, purâ profiteris abollâ,  
 Intactas animi virginis esse niues.  
 Vtque leui sine labe nitet purissima vestis,  
 Sic tibi virgineum, Diue, nitefcit ebur,

## XXX. MAII.

S. FELIX M. PONTIFEX MAXIMVS *feliciter orbî  
 Christiano præficitur.*

## I.

ET clauis, & clauis geminata insignia præfers,  
 Nā decus hoc geminas clarat vtrūq; manus.  
 Clauē polum referas, referaraque limina claudis;  
 At clauo nauem, quam Petrus antè, regis.  
 Non poterit non Cymba vehi felicibus vndis;  
 Felix Felici Præside cursus erit.

## XXX. MAII.

S. ISACIUS C. *dùm Valentem Imperatorem  
 ab inferendo Christianis bello auocat, eius  
 iussu in uepretum abripitur.*

## I.

Intrepido Ifacius vultu stetit ante tribunal,  
 Et Regem audaci voce locutus adit.



Quid tenerum Christi exagitas, Prædator, ouile ?  
 Quid furis, attonitas vt lupus inter oues ?  
 Ille furens animi monitisque salubribus asper,  
 Narrantis medios eripit ore sonos:  
 Et fortem Athletam dignum meliore cubili  
 Raptari in rigidos iussit, agique rubos.  
 Verius erubuit, quam cum rubuisse rubetum,  
 Idaliæ finxit fama cruore Deæ.  
 At quando Isacium vepreta tulere cadentem,  
 Nunquàm aliàs, vel tunc illa tulere rosas.

## XXXI. MAII.

SSS. CANTIVS, CANTIANVS, CANTIANILLA FF. MM.

## I.

Sunt gemini fratres, soror illis vnica, claram  
 Pro Christo vnanimis qui subière necem.  
 Quos ligat infusus sanguis, sanguisque profusus,  
 Hos consanguineos nemo fuisse neget.

## XXXI. MAII.

S. IACOBVS VENETVS *mira fuit in  
 adolescentiâ modestia.*

## I.

Nobilium exemplar, sed vix imitabile, morum,  
 Caste puer, Veneti dulcis alumne soli:  
 Fronte tibi mediâ, blandique satellitis instar,  
 Virgineus pulchras stat pudor ante genas.  
 Ille agat excubias dum primo in limine custos,  
 Nemo animi gazas, qui populetur, erit.

S. IACOBVS *dum solemne Officium, mediâ Hyeme  
 in horto recitat, rosam carpit.*

## II.

Risit, & è medio se flosculus exerit horto,  
 More sacras solito te recitante Preces.

Munus erat rarum, mediæ nam frigore brumæ,  
Et nemus ereptas flebat, & hortus opes.  
Diue, tibi glaciem, (jubeas modò) proferet æstas,  
Frigida cùm faciles det tibi bruma rosas.

*Ad D. IACOBVM rosam hyeme carpentem.*

## III.

Quanquàm bruma riget, medio spatiat in horto,  
Carpis odoriferam, præmia verna, rosam.  
Quos tibi, Diue, ferent Autumni tempora fructus,  
Si sterilis flores iam tibi fundit hyems?

*Ad eundem Preces horarias recitantem & rosam  
hyeme carpentem.*

## IV.

Flos manibus, liber ore tibi, Iacobe, leguntur,  
Dùm solitas reddis, pensa diurna, Preces.

*Aliud.*

## V.

Diue, statas hyemante Preces dùm tempore soluis,  
Et librum & flores ore, manúque legis.



# MENSIS IVNIIVS.

---

## PRIMA IVNII.

S. SIMEON C. *in quem Hydras & Serpentes  
frustrà Erebus excitat.*

### I.

**I**llusus tibi, Diue, dolos struit Orcus inanes,  
Monstrorum è barathro dùm genus omne ciet.  
Altera si stygiis caput exerat Hydra lacunis,  
Alcides, Hydram qui domet, alter eris.

S. SIMEON *etiam post mortem sudat.*

### II.

Post varios, quà terra patet, quâque vnda labores,  
Tranquillâ Simeon morte potitus obit.  
Mens licèt è vacuis successerit artubus hospes,  
Mirus ab exanimi corpore sudor ijr.  
Ardua difficilem via pandit in æthera clium,  
Sudat in hâc cursor strenuus eccè viâ.

---

## II. IVNII.

S. PETRVS M. *vincula quibus detinebatur,  
abrupit, ita imperante per iocum Tyranno.*

### I.

**C**arceris incluso tenebris, tibi, Diue, ligantur  
Dùm manicisq; manus, compedibusq; pedes:

Infultat sic lingua procax, I, frange catenâs,  
 Si potes, & fidei da rata signa tuâ:  
 Tu veluti fragiles, quas neuit aranea, telas,  
 Herculeâ laceras ferrea vincla manu.  
 Obstupuit validi robur mirata lacerti,  
 Spectatrix, istis vocibus vîsa, cohors:  
 Cur hæc inuideat priscis Heroibus ætas?  
 Sæcula Samsonem nostra tulere suum.

*Ad D. PETRVM in suppliciis inuictum.*

## II.

Nil agit impietas, Christo inter vincula quisquis  
 Scruiat, & ipsa inter vincula liber erit.  
 Tu locuples, Petre, testis eris, cui vincula torquis,  
 Lux tenebræ; carcer Regia, pœna decus.

## II. IVNII.

SS. MARCELLINVS & PETRVS MM, capite plexi  
 & vepreto abditi à Lucillâ & Firmina  
 sepeliuntur.

## I.

Iàm capite orbarat Pugilum par nobile lictor,  
 Vt solet ex ipso caudice Calthameti;  
 Abduntur laceri latebrosis sentibus artûs,  
 Nè qua forer cineri gloria, nè quis honos.  
 Non laquere suas inter, duo lilia, spinas,  
 Nam color & flores prodit amœnus odor.  
 Hos legère piæ, gens obsequiosa, puellæ,  
 Et loculo pariter composuere suo.  
 Hæc meritò à geminis sunt lilia lecta puellis,  
 Debuit hos flores carpere casta manus.

*Sylua, in qua occisi sunt SS. MM. pro Nigra  
Candida dicta est.*

## II.

Quæ laceros Heroum olim celauerat artûs,  
Mutato melius nomine nomen habet.  
Audierat Nigra-Sylua prius, (procûl omen abesto,)  
Nomine jam dignum est candidiore nemus.  
Sic erit, & quamuis te frondibus arbor inumbret,  
Sylua tibi posthac Candida nomen erit.

## II. IVNII.

*S. ERASMVVS Episc. & M. feruenti oleo  
perfunditur.*

## I.

Solenni de more sacrum te tinxit oliuum :  
Sacrandi augurium Præfûlis illud erat.  
At cûm perfudit totum te feruida Pallas,  
Strenuus hoc oleo cerneris esse Pugil.  
Palladio sic rore pios bis tingeris artûs,  
At fuit iste oneris, primus honoris erat.

## II. IVNII.

*S. BLANDINA Ancilla, V. & M. inter  
feras illasa.*

## I.

Blanditur, Blandina, tibi blandissima Tigris,  
In te carnificum dùm fera turba furit.  
Blandiri fuit antè hominum, iurare antè ferarum;  
Bellua nunc blanda est, nunc furiosus homo,  
Mutarunt & homo mores & bellua, namque hæc  
Moribus humanis vtitur, ille feris,

S. BLANDINA *capite orbata Martyrij decus  
adipiscitur.*

## II.

Nulla prius Virgo capitis tulit orba coronam,  
Tu tamen hanc, capitis quod cadis orba, feres

---

## III. IVNII.

SS. PERGENTIVS & LAVRENTIVS *Fratres MM. post  
iridui in ediam ab Angelis reficiuntur.*

## I.

I Am tres transferant Cereris sine munere soles,  
Iámque aderat vobis quarta timenda dies.  
Non daret assuetam cum mensa parabilis escam,  
Apposuerè suas sidera prompta dapes.  
Non corui obsequio, non ancillante columbâ,  
Cessit abacta sitis, cessit abacta fames:  
Sed quibus in sterili fuit olim pastus cremo,  
Panificos Christus iussit adesse suos.  
Magnus ab Alitibus honor est, quos educat aër,  
Maior ab his pasci quos fouet ipse polus.

SS. PERGENTIVS, & LAVRENTIVS *saxeam Iouis  
statuam in modum cera liquefcere  
coegerunt.*

## II.

Carceris è caueâ trahitur par nobile Fratrum;  
Vt colat incestos, frigida saxa, deos:  
At statuæ, ceu cera flunt, quæ liquitur igni,  
Cum primùm accensas fudit utrèque preces.  
Tu quoque supplicibus, quicunq; es, fundere votis,  
Et Bacchi, & Veneris numina bruta potes.  
Quod simulacra suo si stent, velut antè, rigore,  
Non satis ardentes fundis ab ore preces.

## III. IVNII.

S. CLOTILDIS *Francorum Regina Clodouem  
Coniugem suo hortatu ab hæresi expedit.*

## I.

Primæuæ Clotildis erat contraria Nuptæ  
Liberat ista virum fraude, sed Eua capit.  
Hæi mihi ! gens hominum quàm fortunata fuisset,  
Si similem sponfam nactus, Adame, fores.

---

## IV. IVNII.

S. QVIRINVS *Siscia in Illirico Episc. & M.  
molari saxo ad collum suspensio, in flumen  
iactus, lapide supernatante, precibus  
à Deo obtinuit, ut mergeretur.*

## I.

Non gladius, nō flāma vorax, nō hasta Quirinū,  
Nec fera carnifici dente cruenta necat,  
Pontis ab excelso præceps detruditur arcu,  
Sub rapidis vitam perdere iussus aquis.  
Nè restet spes vlla fugæ, mola saxeæ collo  
Pensilis, inuictum Martyra mole grauat.  
Labentem excepit gremio placidissimus amnis,  
Inque altas tollit, ne premeretur, aquas.  
Exclamans nouitate rei stupet inscia plebes,  
Subere dum leuior stat super amne flix,  
Námque super liquidas natat immerfabilis vndas,  
Nec vada depressum raptat in alta Senem.  
Pendula natiuo fluitat sine pondere moles ;  
Solvit in hos Præsul dùm pius ora sonos ;  
Yndarum terræque Deus, quid amabile perdo  
Naufragium, è mediis sospes iturus aquis ?  
Siccine

Siccine portanti stat in amne natatile saxum?  
 Hæc animo leuitas est onerosa meo.  
 Da precor in penitas descendâ vt naufragus vndas;  
 Sic ait, & facilem vox habet illa Deum.  
 Nam mola pondus habet, leuitasque precaria cessit,  
 Fluminêque immersus fertur in ima lapis:  
 Ipse quoque immersi comitatus pondera saxi,  
 Interiora Senex gurgitis antra petit.  
 Mens tamen in varias abeunt & corpora partes,  
 Mens leuis alta subit sydera, corpus aquas.

*Mola ad S. QVIRINI collum illigata.*

## II.

Ponderis ingentis scopulus suspenditur ingens,  
 Ceruicemque onerat mole, Quirine, tuam.  
 Ignorat quo dignus eras gestamine Liçtor;  
 Altera erat collo debita bulla tuo.  
 Vix res est habitura fidem, jàm naufragus esses.  
 Nî saxum in mediis te graue presset aquis.

## IV. IVNII.

S. GVALTERIVS C. *humerum stellâ insignitus nascitur.*

## I.

Insignem natiuo humerum qui sydere præfers,  
 Aut polus, aut rutilo par eris ipse polo.

S. GVALTERIVS *virtutum splendore conspicuus.*

## II.

Gualteri, licet irradies, latêque propages  
 Virtutum rutilas in latas omne faces;  
 Non ego fulgorem vitæ, non fulgura miror;  
 Quid, nisi stellaris splendeat, ista, puer?

K



S. GVALTERIVS *cum Atlante collatus.*

## III.

Atlanti te, Diue, parem iure esse fatemur,  
Scilicet astra poli tu geris, ille polum.

S. GVALTERIVS *eximiam castitatem paræ  
pulchritudine coniungit.*

## IV.

Te Charites finxere manu, dulcesque leporum  
Illecebras oculis inseruere tuis.  
Forma tibi nullo fallaciter illita fuco,  
Candida purpureo mista rubore niter.  
Non aliam speciem virgo sibi nubilis optet,  
Non aliam sponsæ sponsum inesse suæ.  
Te generum matres, sponsum optauere puellæ,  
Sed neque vis sponsum, Diue, nec esse gener.  
Atque ita mansuræ pepigerunt fœdera pacis,  
(Quod rarum est) vno forma pudorque loco.  
Námque licet toto tibi rideat ore venustas,  
Nulla tamen toto ridet in ore Venus.

## V. IVNII.

S. BONIFACIVS *Episc. Moguntinus, & M.  
• auum ministerio pascitur.*

*Respicite volatilia cali, quoniam non serunt, neque  
metunt, neque congregant in horrea. Matth. 6.*

## I.

VEscarum te dura premit penuria rerum,  
Nec tibi vel modicas dat penus vlla dapes.  
Tu tamen alitibus facilem præbentibus escam,  
Gratis recreas languida membra cibo.  
Si qua fides Christi alloquio, sibi nulla volucris  
Farra serit, volucris jugera nulla metit :

At ferere, & melle tibi condere credo volucres,  
 Quæ tibi tam lautas, Diue, tulere dapes.

## VI. IVNII.

S. NORBERTVS *Magdeburgensis Episc. & Pre-*  
*monstratensis Ordinis Fundator candidâ*  
*veste induitur.*

## I.

Induitur Venetum, Prasimum-vè auriga colorem,  
 Purpura velandis Regibus apta venit:  
 Coccina militibus, namque est color ille cruoris,  
 Conuenit, hæc decuit vulnera veste tegi:  
 Sordida lana reis, mœstis nigra, cærule Nautis  
 Commoda, victores gemmea palla decet.  
 Conuenere tibi niuei, Norberte, colores,  
 Innocuam decuit candida vestis ouem.

S. NORBERTVS *Araneam in sacrum Calicem*  
*inter sacrificandum illapsam sine noxâ ebibit.*

## II.

Furtiuè in sacrum Calicem reparaat Arachne,  
 Dùm, Norberte, tuas accipit ara preces.  
 Tu pia solenni peragens mysteria ritu,  
 Tuta venenato proluis ora scypho.  
 Nil tamen hausta tibi nocuere venena: quis vno  
 Et vitam pariter poter, & ore necem?

*Ad D. NORBERTVM.*

## III.

Nè quid araneolus noceat, nil, Diue, timendum,  
 Tanto animo nunquam tantulus hostis obest.

## VII. IVNII.

S. MARCELLINVS *Velaunorum Episc. mortuum  
è sepulchro ad vitam reuocat.*

## I.

SÆpè salutiferis morborum examina succis  
Diffugiunt, validâ pulsa medentis ope.  
At qui vitam iterum possit reuocare fugacem,  
Cum semel excessit corpore, rarus erit.  
Tu tamen id peragis, nam jussum exire sub auras,  
Exit ab effossâ putre cadauer humo.  
Surda prius, nullâsque hominû auscultare querelas,  
Mors ab inexpertâ credita plebe fuit.  
Marcelline, tuis cum pareat impigra iussis,  
Hanc modò quis surdis auribus esse putet?

## VIII. IVNII.

S. VICTORINVS C. *cum fratre Seuerino in so-  
litudinem secedens, ibique à Damone  
illusus, triennali supplicio scelus luit.*

## I.

HVManæ frater fugiens commercia vitæ,  
Cessit in vmbrosum fratre sequente nemus.  
Non tamen hoc regitur, fraudum securus, asylo;  
Nam paruit stygiis artibus ille locus.  
Ergo nouæ indutus Phlegeton simulamina larvæ,  
Callida pellacis virginis ora subit.  
Tum tenui arrepens cellæ, sub nocte silenti;  
Pande tuæ, repetit, limina pande casæ.  
Et solus latè locus est, & plena ferarum,  
Quæ me auidis lanient dentibus, antra fremunt.  
Nescius ille doli, tactusque dolore puellæ,  
Incautâ referat stridula claustra manu.

Hospita vix fallax subiit, cùm credulus hospes  
 Serpere lasciuas sensit in ossa faces.  
 At spectro illusus, laruæque fugacibus umbris,  
 Tartareos nouit serò subesse dolos.  
 Mox graue supplicium pendens pro crimine, binas  
 Indidit in robur fissile sponte manus.  
 Sic missâ in cippum, totam trieterida, dextrâ,  
 Fit benè captiuus, qui malè captus erat.  
 Cur soluit iam nemo pares post crimina pœnas?  
 Non reus, at, pœnam qui patiatur, abest.  
 Vix vnâ Ascates peccat malè proditus horam,  
 Suppliciumque breuis culpa trienne trahit:  
 At nos continuis fontes delinquimus horis,  
 Vna tamen nostrum vix luit hora scelus.

## VIII. IVNII.

S. MEDARDVS Episc. Nouiomensis, adhuc puer  
*à pluuiâ iniuriis, alis Aquila defenditur.*

## I.

Dùm gregibus puer inuigilat, iussuque parentis  
 Commissos solito more recenset equos:  
 Ecce tibi, horrifico nigrescit in aëre nubes,  
 Et madidus largo Iuppiter imbre pluit.  
 Aduolat, & geminæ pandens propetasmata pennæ,  
 Regia deciduas depulit Ales aquas.  
 Interea tu siccus ouas, nec ab imbre madescis,  
 Impluuium merso dùm natat omne solo.  
 Alituum Regina prius famulata Tonanti,  
 Redditur imperiis obsequiosa tuis.  
 Hæc tibi deuota est, aliam sibi postmodò quærat  
 Iuppiter, obsequium quæ sibi prætet, auem.

## IX. IVNII.

SS. PRIMVS & FELICIANVS *Fratres MM. Herculem  
venerari iussi, fortiter resistunt.*

## I.

**H**erculis infani statuam, turpémque colossum,  
Magnanimâ sternit Martyr utrèque manu.  
Garrula jam reliquis hunc fama laboribus addat,  
Herculis est decimus-tertius iste labor.

SS. PRIMVS & FELICIANVS *Herculis simulacrum  
spernunt.*

## II.

Monstrorum domitor môstra inter cœptus haberi,  
Bis geminus Numen dùm negat esse Pugil:  
Hunc superat, non arma ferox, sed sæua ferendo  
Vulnera, magnanimis perpetienda viris.  
Nimirùm imparibus Tyrinthius vnus in armis,  
Bis geminos contra non valet ire Duces.

*Gemini fratres post mortem à feris illasi.*

## III.

Reddiderat fratres eadem natalis origo,  
Mors tamen vna magis reddit & vna Fides.  
Corpora cæsa feris projecta voracibus, escam  
Nec refugæ volucres, nec tetigère canes.  
Virtutem reuerenter habe, jam doctus ab ipsis  
Quisquis honoratam conspicias esse feris.

## IX. IVNII.

S. VINCENTIVS M. *suo nomine dignus Athleta.*

## I.

Vincenti, cui pulchra dedit victoria nomen,  
Cui tegit augustum Laurus honesta caput:

Eia age, Diue, tui me nominis omine signa;  
 Sic ego, sic placidis vocibus ille refert.  
 Tu mea, tu pariter certes certamina victor,  
 Par tibi si palma est, par quoque nomen erit.

## IX. IVNII.

S. SILVESTER C. *munitâ vrticis manu impurum  
 Amorem fugat.*

## I.

Crebra in te volucer jaciebat tela Cupido,  
 Tu rapis vltici, Diue, flagella manu.  
 At nudatus Amor tergo intentata pauescens  
 Verbera, festinæ dat sua terga fugæ.  
 Vt puer est, & nudus Amor, scelerumque minister,  
 Quid mirum est, visis si fugit ille flagris?

## X. IVNII.

S. MARGARETA *Scotorum Regina in egenos  
 regiè munificæ.*

## I.

PAuperibus licet ampla frequens patrimonia do-  
 Inq; inopes Princeps fœmina fūdât opes: (ne,  
 Nil tamen est, cur fœda situ metuarur egestas,  
 Nulla licet vacuo sint super æra sinu.  
 Gemmiferi pretiosa manet si nominis hæres  
 Margaris, hoc vno nomine diues erit.

*Ad D. MARGARETAM in pauperes piè prodigam.*

## II.

Mendico, Regina, stipem largire popello,  
 Ille tuas nunquàm deteret vsus opes.  
 Semina non pereunt, quamvis periisse putentur,  
 Sed segetes apto tempore reddit ager.

K iiij

Deperit in reliquos quicquid dependitur vsûs ,  
At quæ pauperibus dantur, habentur opes.

## XI. IVNII.

S. BARNABAS *Apostolus à Iudæis in insulâ  
Cypro saxis obruitur.*

## I.

CYprida dùm totâ tentas proscribere Cypro ,  
Et spurcæ evertis templa, vel antra Lupæ :  
Missilium jactu lapidum te saxcus imber ,  
Quem mala Verporum proiicit ira, ferit.  
Dignus eras fatis longè melioribus uti ,  
Dignus eras tumulo commodiore tegi.  
Nè tamen ignotâ jaceas inhonorus arenâ ,  
Sub lapidum ingenti mole sepultus eris.  
Quàm bene Deucalion ! lapides benè iecit Apella !  
Ille homines saxis procreat, ista necat.

## XII. IVNII.

SS. BASILIDES & SOCIJ MM, *in obscuro carcere  
illustres, & in vinculis liberi.*

## I.

INclyta Christiadam, bellôque exercita pubes ,  
Delitet obscuro carcere iussa premi.  
Causa Fides; sed flamma polo defluxit, & ælimum  
Protinùs exhibuit lux radiosa iubar.  
Fortunata cohors, vestrisque illustrior umbris !  
Nam micat in mediâ nocte corusca dies.  
Quamlibèt impositis onerentur membra catenis ;  
Vos ego captiuos non tamen esse reor ,  
Cuius in immensum mens libera tendit olympum ,  
Ille vel inuito carcere liber erit.

S. BASILIDES *scorpionibus ferreis cruciatur,  
& post necem feris obijcitur, à cuius  
tactu abstinent.*

## II.

Ferreus innocuos laniat tibi scorpūs artūs,  
Dūm superas nostro clarus in orbe Pugil:  
At postquā excessit mens libera corporis hospes,  
Quod superest, sœuis id datur esca feris.  
Agrestū longē abscedens fera turba ferarum,  
Prorsus ab appositis abstinuere cibis.  
Bellua non tetigit, quem mendax scorpio læsit,  
Mitior est fictis hæc fera vera feris,

## XII. IVNII.

S. ONUPHRIVS *Eremita cuius funus Angeli  
suauissimo cantu prosequuntur.*

## I.

Quis nouus in syluis resonat vocalis Arion?  
Dura quis insolitus recreat antra canor?  
Hospes in odēum specus admirabile cessit,  
Cessit in Aonium tetrica sylua iugum.  
Attoniti nouitate rei, rugire leones,  
Attoniti cessant exululare lupi.  
Ipsa suis taciturna cauīs obmutuit Echo,  
Séquē negat doctis vocibus esse parem.  
Fallor, an vt caneret tibi funebre carmen, Onuphri,  
Musica sydereo fluxit ab orbe cohors?  
Vt sibi succedunt comites dolor atque voluptas,  
Aspera vita fuit, mors tibi dulcis erit.  
At vos, quæ nuper, Senior dum viueret hospes,  
Mulistis solitâ garrulitate nemus:  
Frondebis in tacitis mutæ reticete volucres,  
Vincitur à cantu cælitè vestra cohors.

K v



## XIII. IVNII.

S. ANTONIVS PATAVINVS C. *obiectâ divinâ dapo  
Iumento famelico, quam supplex veneratur,  
Hæreticum pernicit.*

## I.

Polline sub sacro Numen latitare verendum,  
Audaci Capito perfidus ore negat.  
Mytha pius fidente manu venerabile crustum  
Spectandum, populo conspiciente, dedit.  
Compositò quadrupes clitellis nata ferendis  
Stabat ibi, longâ iam propè necta fame;  
Protinùs acciduo veneratur poplite Numen,  
Et verum, Hæreticus quod negat esse, probat.  
Gens hominum, quorum ancipiti fundamine nutat  
Alternans nullo robore nixa fides:  
Ite, nec vsquàm alios dein auscultate Magistros,  
Iàm bis veridicæ vos docuere feræ.  
Quem priùs agnôrat cæco præsepis in antro,  
Sub Panis nouit fragmine bruta pecus.

## Ad CHRISTVM.

*Bos cognouit possessorem suum. Isaïa 1.*

## II.

Agnitus es pecudi binâ sub imagine, vel cùm  
Te paleæ, vel cùm te tegit ipsa Ceres.

## XIV. IVNII.

S. BASILIVS *Casariensis Episc. à quo in exilium  
mittendo variis ostentis deterretur Valens  
Imperator.*

## I.

Pontificem exilio ter plectere Cæsar adortus;  
Augustam impliuit ter data penna manum

Ter, quater imbuitur loligine tristis arundo,  
 Ter, quater in chartam pernegat ire nigror.  
 Et meritò, nam labe carens quæ canduit ætas,  
 Atkis non fuerat commaculanda notis.  
 Quin etiam subito veluti percussa stupore,  
 Præstare officium destitit ægra manus.  
 Sellaque diffracta est, fractumque repente tribunal,  
 Terrifico Iudex dùm parat ore loqui.  
 Regius ipse puer, morbo grassante per artus,  
 Et dolet, & pueri visa dolere parens.  
 Quem Deus abso luit tot per miracula rerum,  
 Quis putet afficti criminis esse reum?

D. BASILIUS *Valentem Imperatorem habet  
 infensum.*

## II.

Sæuit inexpletum, furissque infensus iniquis,  
 Magne Senex, pessum te dare Cæsar auet.  
 Pastor eras, lupus ille tui prædator ouilis,  
 Pastorem, ut mos est, oderat ille lupus.

## XIV. IVNII.

S. HELISEVS *Propheta à pueris Bethelensibus:  
 non impunè irrisus.*

## I.

Hic vbi sublimis tollit sua mœnia Bethel,  
 Subjectumque altâ despicit arce solum:  
 Multus ibi laxis puer exultabat habenis,  
 In malè conditos libera turba sales.  
 Certatim attollit ronchos, fannâsque procaces:  
 Rhinoceros naso penè minore foret.  
 Hæc Vates carpebat iter, cui crine caduco,  
 Depile reddiderat glabra senecta caput:  
 Hunc vidit petulante oculo malè garrula pubes,  
 Caluitiémque suis exprobrat vsa jocis.

K. vj.

Ecce tibi, furiale malum ! syluâ impiger vrsus  
 Exilit, & pueros vindice dente necat.  
 Ergo sibi posthâc lasciuia iuuentatimendas  
 Non tantum ferulas, sed putet esse feras.

---

## XV. IVNII.

S. VITVS *puer duodennis Martyr occubuit.*

## I.

Vix annis puer addiderat duo lustra duobus,  
 Præmatura Deo victima sponte cadit.  
 Nam tormēta necis jam mille per horrida tractus,  
 Pœnarum victus pondere Vitus obit.  
 Primula, Diue, tibi vix currere cœperat ætas,  
 Cur tibi tam properâ mors venit acta viâ?  
 I tamen, I teneris gradiens super æthera plantis,  
 Pro Christo est ætas quælibet apta mori.

S. VITVS *impij parentis pius filius.*

## II.

Tam sibi dissimiles cum sint genitorque puerque,  
 Pessimus ille parens, optimus ille puer :  
 Debuit alterius Vitus puer esse parentis,  
 Aut alius Viti debuit esse parens.

---

## XVI. IVNII.

SS. IULITTA *Mater* & QVIRICVS *Filius. MM.*

## I.

Flliolum complexa sinu Iulitta triennem,  
 Ad madidum multâ cæde tribunal adit :  
 Brutaque fœcilium ridens simulacra deorum  
 Non timet armatas in sua fata manus,  
 Nec sibi, nec puero timet imperterrita mater,  
 Prompta suo, pueri funere prompta mori.

Parce tamen, Licetor, nam si feriantur inermes,  
 Nulla tibi laus est fœmina, nulla puer.  
 Sunt gemini imbelles numero, sine vtribus infans,  
 Et confecta pari debilitate parens.  
 Te matris sexus moueat, te infantia Nari,  
 Dignus adhuc infans viuere, digna parens.  
 Aut tibi si fixum est aliquam tamen edere cædem,  
 Defluat alteruter, non vtriûsque cruor.  
 Hæc ego; sed rigidâ stat inexorabilis irâ  
 Licetor, & injustâ jungit vtrûmque nece.  
 Et puer & genitrix comites ad sydera tendunt;  
 Tincta suo genitrix sanguine, lacte puer.  
 Ne dein Tharamides sibi vendicet vnus honorem,  
 Hæc socij consors mater honoris erit.  
 Tharamides Natum voluit mactare superstes,  
 Se Natumque parens immolat ista suum.

## XVI. IVNII.

S. LVDGARDIS V. *Angelis adstantibus sacro  
 epulo reficitur.*

## I.

Cœlituum tibi turba sacram, reor, inuidet escam,  
 Dùm jejuna tuas cernit & optat opes.  
 Nam cœli æthereis, quos educat aula, Ministris,  
 Hunc spectare datur, non datur esse cibum.

S. LVDGARDI *ante obitum oculis orbata Cælites.  
 obuiam procedunt.*

## II.

Dina, tibi Alituum cœli datur obuiâ pbes,  
 E nostro peteres cùm leuis astra solo.  
 Nec Sponsus, nec Mater abest pulcherrima Sponsa,  
 Præuia turba tuæ non inhonora viâ.  
 Scilicet his ducibus, ne te via fallat, egebas,  
 Orba fores oculis, cùm, pia Virgo, tuis.

## XVII. IVNII.

S. RAINERIVS C. oculum, quo malè viderat,  
lacrymis excacat.

## I.

**T**Virpi oculus prædator iter patefecit Amori,  
Pectoris arcanas depopulatus opes.  
Erronem peccasse piget, frænosque dolori  
Laxat, & immodicis defluus humer aquis.  
Nec prius absistit lacrymis, quam pupula fletu  
Mergitur, vt medio naufraga cymba mari.  
Iure oculus periit, qui criminis exitit autor,  
Pendere commissum debuit ille scelus.

*Ad S. RAINERIVM adhuc adolescentem lasciuo  
Amoris æstu in naufragium penè abreptum.*

## II.

Flecte ratem, Iuuenis, versóque relabere cursu,  
Aut dabis æquoreis flebile nomen aquis.  
Flecte ratem, moneo, si qua est tibi cura salutis,  
Hâc periere omnes, quotquot jere, viâ.  
Audiit. & ductâ tutum in nauale carinâ,  
Collegit laceræ naufraga membra ratis :  
Et quibus emergit scopulis, quibus enatat vndis  
Dùm videt, in largas lumina soluit aquas.  
At tibi, Sirenum pariter qui cautibus hæres,  
Nec, quæ te alliciunt, blanda pericla fugis ;  
Turpiter errantem fueras quicúnque secutus,  
Hunc modò plorantem sit quoque cura sequi.

## XVIII. IVNII.

SS. MARCVS & MARCELLIANVS *Fratres*  
*M. M. medijs in tormentis diuinæ laudes*  
*concinunt.*

## I.

**B**Is gemini duro religantur stipite Fratres,  
 Transfixi geminos ære rigente pedes.  
 At Christum, licet ante oculos mors funebris errer,  
 Libera captiuo corpore lingua canit.  
 Pergite diuini, pertexere carmen, olores,  
 Quam sit dulce mori, musica vestra probat.  
 Nempe alij mortem querulis ploratibus arcent,  
 Hanc Pugiles festis cantibus ambo vocant.

## XVII I. IVNII.

S. O S A N N A *V. cuius humeris suam Christus*  
*crucem imponit.*

Cernua suppliciter dum Numen Osanna precatur,  
 Lassus ab imposito pondere Christus adest.  
 Quadrifidam trahit ille Crucem, guttisque cruentat  
 Purpureis madidam sanguinolentus humum.  
 Et color, & facies tristi cecidere puellæ,  
 Lapsantem ut grauido pondere vidit Herum.  
 Admonet illa humeros partem subitura laboris,  
 Vel totum ut subeat sola ferentis onus.  
 Virginis auxilium non dedignatur Amantis  
 Sponsus, & hanc sociâ dat quoque mole premi.  
 Te consortem etiam secum Crucis esse ferendæ,  
 Et sua partiri pondera Christus amet.  
 At male subtraheris, ne te sacra sarcina lædat,  
 Imponenda humeris cum venit illa tuis.

## XIX. IVNII.

SS. GERVASIUS & PROTASIVS *Fratres  
Martyres, Parentum Martyrum filij.*

## I.

**M**artyr utrque; Parēs, Martyr fuit utraq; Proles,  
Sorte suā Proles inclyta, sorte Parens.  
Martyre digna fuit Proles utroque Parente;  
Martyre Prole fuit dignus uterque Parens,

SS. GERVASII & PROTASII *corpora longe  
post Martyrium tempore suavi odore indice à B.  
AMBROSIO reperta & honorificè  
sepulta sunt.*

## II.

Funebris in longos pompa est dilata Decembres,  
Ut decus exequiis majus, honorque foret:  
Nam tacitā ignoti dudum latuistis in urnā,  
Dum vos Ambrosio prodat amœnus odor.  
Ambrosio vos prodit odor, nam dignus odore  
Ambrosio Ambrosius, qui frueretur, erat.

## XIX. IVNII.

S. BONIFACIUS *Episc. & M. in ade D.  
BONIFACII cognominis sui, & M. repen-  
tino tolerandi Martyrij desiderio  
abripitur.*

## I.

Diue, tuis resonant sacræ dum vocibus ædes,  
Nam modulis voces flectere doctus eras:  
Afflatum subito melioris flaminis æstro,  
Mentis in has voces te sacer ardor agit.

Nam quid ego vacuum vani gero nominis umbrā?  
 Ipse feram titulum Martyris, alter erit?  
 Testor ego Superos, & conscia Numina testor,  
 Non vacuum rebus nomen, inérſque geram.  
 Dixit, & excrucians infontia membra, priuſquàm  
 Ille foret Martyr, jam prope Martyr erat:  
 Mox caput impacto truncatus acinacis iſtu,  
 Et voti, & compos nominis ipſe ſui eſt;  
 Quique priuſ tulerat vacuum ſine Martyre nomen,  
 Martyris ipſum etiam jam tulit ille decus.

## XIX. IVNII.

S. MICHELINA cuius *Flagellum*, *Cilicium*,  
*Zonæque ferrea in Virginis ſalutata templo*  
*Piſauri aſſervantur.*

## I.

Setarum horrentem jaculis, velut hiſtrice, veſtem,  
 Vncaque ſanguineis cingula juncta flagris,  
 Militiæ monſtranda ſacræ Tyronibus arma,  
 Viſere ſidereæ Matris in Æde datur.  
 Hoc clypeo, hiſ gladijs cœlū Michelina triūphat,  
 Hoc meruit clarum fœmina Marte decus.  
 Hæc ſunt bella licet muliebribus apta lacertis,  
 Sunt tamen armigeris hæc magis apta viris.  
 Ite, Viri, & veſtros vertenda decenter in uſus,  
 Carpite virgineo pendula tela tholo.  
 Credideram teneras nimio pluſ eſſe puellas,  
 Ingenium video mollius eſſe viris.



## XX. IVNII.

S. SILVERIVS *Summus Pontifex & M.  
Theodora Augusta Arriana iussu  
in exilium pelliur.*

## I.

**Q**uid profugum terras alio sub sole jacentes,  
Quærere diuerso me procul orbe iubes?  
Toti tibi exilium tota est exotica tellus;  
Aduenaque in patriâ verfor, & exul humos.  
Astra mihi natale solum, natalis origo,  
Hospes, & in reliquis sum vagus erro locis:  
Ergo impone tuo finem, Theodora, furori:  
Nam quid in exilium, si licet exul, agor?  
Dixerat hæc Senior: tristes tamen exul in oras,  
Augustæ imperio præcipientis abit.  
At terris moriens dum tendit in astra relictis,  
Pulsus ab exilio patria regna petit.  
Sic votis frustrata tuis, Regina, recedis,  
Et vanæ in cassum detonuere minæ.  
Nam licet exilium longos miniteris in annos,  
Ille tenet patrium, tempus in omne, solum.

S. SILVERIVS. *Belisario Theodora imperiis  
absecundante, in exilium pulsus, inter incom-  
moda moritur.*

## II.

Et patriâ caret, & vitâ ter maximus Heros.  
Impia dux tantæ scœmina cladis erat.  
At teipsum pudeat, belli, Belisarie, fulmen,  
Crimen in hoc validas contribuuisse manus.  
Si scelus est proprium factis læsisse parentem,  
Quanto, communem lædere, majus erit?

## XXI. IVNII.

S. ALBANVS M. *cùm duceretur ad mortem &  
populus impediret iter quod fiebat per pontem, ipse  
avidus Martyrij, sub illo per fluvium mirè  
sibi transitum fecit.*

## I.

**A**D lethum gressu Albanus properabat ouanti,  
Quò solet inuitis passibus ire reus.  
Vndique collecti pietas animosa popelli,  
Pontis inaccessum præpediebat iter.  
Scilicèt Heroem cuperet subducere pœnæ,  
Vel certè exiguas addere posse moras.  
Ille necis cupidus, factò postquàm obice cernit  
Obsesso nullam ponte patere viam;  
Suppositas sibi fecit iter terrestre per vndas,  
Nam refugo patuit semita scissa vado.  
Solus Erythræum Moses non diuidit æquor,  
Instantes fugeret dum Pharaonis equos:  
Eccè iterùm Albanus, (cunctis mirabile monstrum!)  
Intrepido calcat fluminis ima gradu.  
Causa fugæ dispar, Moses vt funera vitet,  
Per mediam Albanus funera quærit aquam.

## XXI. IVNII.

B. ALOISIVS GONZAGA *Societatis IESV,  
saeculo renuntians Marchionis coronam abijcit.*

## I.

His similes Lodoix ictò dedit aëre voces,  
Demit inornatis dùm diadema comis:  
Aurum sub pedibus prudens Natura locarat,  
Cur tamen elatas ambit, obitque comas?

Labere de nostris detracta corona capillis,  
 Suppositam pedibus te decet esse meis.  
 Tollendū est super astra caput, mihi pōdere vertex,  
 Quò propius tangam sydera, liber erit.

D. ALOISIVS *lactea membra duriter*  
*cadit.*

## II.

Siste, quid innocuos, Lodoïce, repercutis artus?  
 Nulla tuo prorsus sanguine plaga rubet.  
 Qui fuit inflictis in membra tenerrima plagis,  
 Si cruor est, certè candicat ille cruor.  
 Quo rosa, quo violæ, quo saucia lilia lugent,  
 Illo, non alio sanguinis imbre mades.  
 Floscule, formoso Veris pubescis in ævo,  
 Non solet è laceris floribus ire cruor.  
 Quæ fugenda dabat nuper tibi lilia Nutrix,  
 In liquidas verti non potuere rosas.  
 Funderet testem alij Christo potuere cruorem,  
 Nil nisi lac Lodoix quod dare possit habet.

B. ALOISIVS *Coronam spineam gemmea*  
*præfert.*

## III.

Anxius es geminas inter, Lodoice, coronas,  
 Istane formosum cingat, an illa caput.  
 Alterutram è gemina tibi fas optare coronâ :  
 Fulgurat hæc gemmis, lancinat ista rubis.  
 Dat vepres pietas, dat aorum gloria gemmas,  
 Subditur arbitrio gemma, vepriſque tuo.  
 Vidit vtrâmq̃ pius postquàm Gonzaga Coronam,  
 Longa interjectæ non fuit hora moræ.  
 Quid moror? exclamat, non est dubitabile votum :  
 Exemplo moueor, Christe, feror que tuo.

Nolo mihi diadema caput, mihi gemma coronet,  
Cingat inexplicitas cum tibi spina comas.

B. ALOISIVS *voluntaria corporis afflictatione  
pudicitia florem tuetur.*

## IV.

Flosculus est Lodoix, ebori qui concolor albet,  
Quisque præit vestras, lilia pura, niues.  
Munit inaccessos veprium custodia flores:  
Flos quoque vepribus debuit iste regi.

B. ALOISIVS *ad corpusculum macerandum  
calcari vititur.*

## V.

Quid rigidis juvenile latus calcaribus vrges,  
In pœnas, Lodoix, ingeniose tuas?  
Conueniunt nobis magis hæc calcaria, prompto  
Quos pigra segnities non finit ire gradu.  
Si nos sæpè tuum, Lodoix, stimularet acumen,  
Virtutis citius progredere iter.

*Gemmea ac spinea Corona duellum componit*  
B. ALOISIVS.

## VI.

Orta fuit geminas inter lis vna Coronas,  
Ambit honoratum dum sibi quæque caput.  
Fulgoris plus illa gerit, plus ista rigoris,  
Illa suis gemmis pugnat, & ista rubis.  
Esse suos, ait illa, suos, ait ista capillos?  
Illa sibi sedem vendicat, ista, sibi.  
Te penès arbitrium tanti, Lodoice, duelli,  
Estque tibi paribus pugna dirempta sonis.

Parcite vos inter geminæ certare Coronæ,  
 Tu digna electu es, tu quoque digna meo.  
 Vna pedes cingat, cingat simul altera crines,  
 Aurea cinge pedes, spinea cinge caput.

*In pramaturam B. ALOISII mortem.*

## VII.

Quòd primos præreptus obis, Lodoice, sub annos,  
 Non est culpa quidem mortis, at error erat.  
 Nam simul in tenerâ mores ætate seniles  
 Conspicit, annosum te putat esse Senem.

*B. ALOISIVS in tabellâ depictus.*

## VIII.

Viuidus artifice spirat Lodoicus in auro,  
 Et gerit in niueâ lilia bina manu.  
 Figit in oppositum, qui pendet ab arbore, Christum,  
 Et propè quòd figit lumina, membra mouet.  
 Sed tenet immotum tranquilla modestia corpus,  
 Demissosque oculos quolibet ire vetat.  
 Quin etiam daret ore sonos, sed iussa silendi,  
 Regula, non patitur verba parata loqui.

## XXII. IVNII.

S. PAVLINVS Nolanus Episc. seipsum servi-  
 tuti addicit, ut fœmina vidua filium  
 captiuum redimat.

## I.

**O**Rbaparês, vel redde mihi, mea pignora, Præsul,  
 Vel mihi da pretium quo redimantur, ait.  
 Ingemuit nullum superesse, quod eroget, aurum,  
 Ingemuit vacuas Pastor habere manus.

Accipe me, mihi quando aliud nil denique restat,  
 Ipse cui lytrum pignoris, inquit, ero.  
 Non renuit lætata parens, Natōque recepto,  
 Dura indit manibus vincula, Diue, tuis.  
 Miram artem, Pauline, doces; quod detur egenis,  
 Cū nihil est, aliquid te dare posse probas.

S. PAVLINVS horto excolendo captiuus  
*præficitur.*

## II.

Deposito vicina Pedit dūm rastra capeffis,  
 Non longè à primæ munere sortis abis.  
 Agregis excubiis riguos translatus in hortos,  
 Fis, Pauline, Olitor, qui modò Pastor eras.

*Mater vidua filium captiuum à PAVLINO  
 repetit.*

## III.

Quem lupo abstulerat viduis ab ouilibus agnum,  
 Huac sibi balatu postulat ægra parens.  
 Pastor eras, Pauline, bidens si quæritet agnum,  
 Quem, nisi Pastorem flagitet illa suum?

D. PAVLINVS è Pastore Olitor.

## IV.

Clara prius tereti lituo, virgâque verendâ,  
 Clarior est sumpto facta ligone manus.

PAVLINI fors mutata.

## V.

Paulinus tonat è Cathedrâ, plebēque disertus  
 Erudit, & largas pectore fundit opes.  
 At, (Deus humanas versat dūm turbine sortes)  
 Qui prius Orator, factus Arator erat.

*Tellus PAVLINO arante superba.*

## VI.

Terratriumphali quondam gaudia colono,  
 Commixtas largo fœnore fudit opes:  
 At modò Pontificis grato profcissa bidente;  
 • Lætiùs haud vllò tempore risit humus.

S. PAVLINVS à genero Guntharij Vuandalorum  
*Regis impetrat, ut Captiui Nolani ex Africâ  
 in patriam liberi dimitterentur.*

## VII.

Quæ priùs abduxit Nolâ, captiua premebat  
 Imposito victor corpora multa iugo.  
 Vidit vbi in somnis Olitorem dira minantem,  
 (Námque sub hoc tectus schemate Præful erat)  
 Perrimuit, demptisq; iubet repedare catenis,  
 Quotquot in angusto carcere pædor habet.  
 Atque ita, quod nullo posthac reticebitur æuo,  
 Terruit agrestis Regia Sceptra Ligo.

*Ad D. PAVLINVM.*

## VIII.

Tu Paulinus eras magno par omnia Paulo,  
 Et si non obftet syllaba, Paulus eris.

S. PAVLINVS *Musas castimoniam edocet.*

## IX.

Forte vagabatur turbæ sociata sororum,  
 Calliope nitidas molliter vncta comas;  
 Námque peregrinos Helenes meretricis amictûs,  
 Inducrat positâ virgine tota cohors.  
 Græcorum prædata animos, prædata Latinos,  
 Mille canit Vêneres, mille profana Ioues.  
 Paulinus meliora docet, nam Myſta pudoris,  
 Expiat incestis spurca lycæa choris:  
 Pieridâsque

Pieridásque monens castum spirare pudorem,  
 Esse procúl Veneres iussit, & esse Ioues.  
 Protinùs ex illo sacræ, pia turba, Camœnæ  
 Intexunt rosâ ferta pudica manu.  
 Nam violas inter, cathâsque rosâsque rubentes,  
 Nunc quoque virginei germina floris amant.

*Ad Musas de D. PAVLINO Parnassum  
 consecrante.*

## X.

Artifices Musæ, vestro dâte ferta Poëtæ,  
 Cingite lauricomum virgine fronde caput:  
 Nempe suo accessu vestros beat ille recessûs,  
 Dùm nouus in bifidum scandit Apollo jugum.  
 Quê Mysta ingreditur, quê dedicat Entheus hospes,  
 Iure sacer post hæc tempora Pindus erit.

D. PAVLINI fama toto orbe celebris.

## XI.

Tinnula Nola tuas noli modò tundere nolas,  
 Ora sacrum Mysten clariùs ære sonant.  
 Et satis immensum famâ vulgata per orbem,  
 Publica vox tanti Præfulis acta canit.

## XXIII. IVNII.

S. EDILTRVDIS Regina Anglorum post mortem  
 diù integro corpore mansit, nullo vestigio ulceris  
 relicto, quo viuens vexata fuerat.

## I.

C Lara Caledonii Princeps moderamine Regni,  
 Exanimis nullâ tabe peresa manet.  
 Corporeque illæso vestigia nulla reliquit,  
 Quæ viuam informis roserat antè lues.  
 Obstupuit Natura parens; quæ cuncta trucidat  
 Dùm mortis medicas conspicit esse manûs.

## L



S. MARIA de OEGNIES *animarum Piacularibus flammis ardentium singularis Patrona.*

I.

Hæc est illa, suis incendia februa nimbis,  
 Quæ totiès madido tacta dolore rigat.  
 Nam simul emenso decessit ab æthere Titan,  
 Nóxque tenebroso prodit amicta peplo;  
 Siue genu posito Superos in vota lacestat,  
 Siue toro corpus debile lassa daret:  
 Protinùs Vmbrarum cœtus miserabilis adstat,  
 Quas justo explorat duriter igne Deus:  
 Et mutis non cessat opem implorare querelis,  
 Inualidas tendens, quâ licet vsquè, manûs.  
 Illa feros lacrymis rigat auxiliaribus ignes,  
 Inque inopum vacuos diuidit æra sinûs:  
 Et modò tortilibus cædit sua corpora loris,  
 Et modò subtrac̃to macerat ora cibo:  
 Et quibus illa potest miseræ succurrere turbæ,  
 Omnibus his vsa est officiosa modis.  
 Nunc Virgo Indigetes inter super astra recessit,  
 Et saturo Ambrosias pascitur ore dapes:  
 At queruli pergunt rogitare piamina Manes,  
 Ecquis erit parilem qui ferat alter opem?

XXIV. IVNII.

S. IOANNES BAPTISTA *recens natus parenti Zacharia lingua usuram restituit.*

I.

Q Vi modò perdiderat vocis malè credulus vsum  
 Fantem infans ortus reddit, vt antè, patrẽ.  
 Non tangunt tamen illa meos miracula sensûs:  
 An possit natâ voce silere pater?

Ad D. IOANNEM.

*Ego vox clamantis in deserto. Ioan. I.*

II.

Dùm quæro quo, Diue, vocem te nomine; Vocem,  
Respondere meis, quæ colis antra, sonis.

S. IOANNES BAPTISTA in eadem tabellâ,  
cum puero IESV, & utriusque Matre depictus.

III.

Christe Parentis amor, & amor Baptista Parentis,  
Quos ego materno ludere cerno sinu:

Quàm benè vos tabulâ. Pictor conjunxit in vnâ!  
Nimirum Verbo Vox solet ire comes.

*De imagine D. IOANNIS BAPTISTAE.*

IV.

Baptistam expressit rursum rediuius Apelles,  
Artificis mirâ dexteritate manûs.

Et poterat pictura loqui, nam muta tabella,  
Quâ vox clamantis pingitur, esse nequit.

Ad D. IOANNEM BAPTISTAM, & ortu,  
& vitâ, & morte sibi non dissimilem.

V.

Das oriens saltûs, tibi lethi occasio, saltus,  
Quem spectante dedit Rege puella salax.

Interitus vitæ, vitæ benè conuenit ortus,  
Nam quoque te saltûs incoluisse ferunt.

*Parodia ex Martiali.*

VI.

Hæc est illa dies, quæ magni conscia partûs,

Zachariden populis, & tibi, Elisa, dedit.

Heu ferus Herodes, nullâque inuisior ymbrâ!

Debuit hoc saltem non licuisse tibi.

*Plurimi MARTYRES Nerone imperante, pice,  
sulphure, ac resina illiti, pro facibus nocturnis  
accenduntur.*

*Ad Neronem.*

I.

Christiadum accendis nocturna in lumina gentem,  
Cujus nuda prius sulphure membra linis;  
Cum toties fuso temerantes sanguine solem,  
Ne noxæ immunis nox foret ipsa tuæ,  
Tolle nouas, furiose, faces, tua crimina cerni,  
Heu! nimium nobis hac sine luce queunt.

XXV. IVNII.

*S. PROSPER Aquitanus Rhegiensis Episcopus,  
virtutibus clarus.*

I.

**P**ROSPER, Aquitanæ celeberrima gloria gentis,  
Eximium Mystras inter adepte decus:  
Te doctum doctrina probat, pudor esse pudicum,  
Téque pium pietas, te probitasque probum,  
Ipsa sedet mediâ tibi fronte modestia custos,  
Nè tibi quis tantas pectore tollat opes.

XXV. IVNII.

*S. MAXIMVS Taurinensis Episc. vir sui nominis.*

I.

Maxime, qui tantum nomen virtutibus impleas,  
Sit mensura tui nominis ampla licet;  
Maximus es, nam facta probât, quod nomina spon-  
At minimum nihilo te minus esse putas. (dent.  
Nequicquâ in tenues te cogi humillimus umbras,  
Donec eris, semper, Maxime, Magnus eris.

## XXVI. IVNII.

S S. IOANNES & PAVLVS *fratres Romani M M.*

## I.

NON tanta Oebalios junxit concordia fratres,  
 Quos peperit summo candida Leda Ioui,  
 Romulidum incescit quantus duo pectora fratrum,  
 Et Fidei & veræ Relligionis amor.  
 Castor enim sine fratre potest, sine Castore Pollux  
 Viuere, & absque suo frater vterque mori :  
 Hi vitam, & mortem sociant, cum viuere neuter,  
 Vel sine fratre velit, vel sine fratre mori.

S S. IOANNES & PAVLVS *Iuliani Apostatæ  
 amicitiam ad quam inuitabantur, dùm recusant,  
 securi feriuntur.*

## II.

Sacrilegus vestros ambit desertor amores,  
 Hanc cane despuitis pejùs, & angue feram.  
 Arma igitur, fremit arma ferox, nec destitit antè,  
 Messuerit rutilus quàm pia colla calybs.  
 Ite alacres, Latiaque caput præbete securi,  
 Istis vos pigeat longius esse locis.  
 Pro patriâ pulchrum est perituram impendere vitâ,  
 Pulchrius est ipsâ pro pietate mori.

S S. IOANNES & PAVLVS *clàm necantur à  
 Iuliano Apostatâ, sed eorum mortem Damones  
 in Arreptitiis propalant.*

## III.

Transfuga castrorum Christi, vos noctis in ymbra,  
 Criminis admissi nemine teste, necat.  
 Clàm tamen & tacitâ cædem sub nocte peractam,  
 Prodedit in lucem noctis amica cohors.

L iij

S. VIGILIVS *Episc. Tridentinus, & M.  
Ad ciues Tridentinos.*

## I.

Grege fraudum securus eas, tibi nulla luporum  
Ira queat, furum nullus obesse furor.  
Nam vigilans tibi Præsul adest, cui nobile nomen:  
Est Vigil: Pastor non nequit esse Vigil.

S. VIGILIVS *Saturni statuam comminuit.*

## II.

Aurea Saturni stabat radiantis imago,  
Cui litat affuso sanguine multa cohors.  
Non tulit hanc speciem generosi pectoris Heros,  
Sed ruit in medios, quæ via facta, popas.  
Et statuam pedibusque terens, dextræque laceffens,  
Numen in immundam fusile voluit humum.  
Insuper his, falcemque senis, truncosque lacertos  
Impulit in rapidam, quæ prope manat, aquam:  
Æmulus iste Iouis, Saturnum degener alto  
Depulerat cælo Iuppiter, iste solo.

*Post deiectam Saturni statuam ipso in loco dùm con-*  
*cionatur, VIGILIVS saxi obruitur.*

## III.

Saturni simulacrum ingens, quod dextra sacrarat  
Impia, quod flexo poplite turba colit,  
Raptum arâ, stratûmque solo, plagisque minutum,  
Diruit audaci Præsulis ira manu.  
Insistensque basi statuæ, sacro Entheus æstu,  
Nil trepidante Crucis prædicat ore decus.  
Quoque loco fectum, pondus damnabile, Numen  
Obruerat, saxi obrutus ipse cadit.  
Diue, alios melius lapides vertentur in vsus,  
Hæc tumulo moles seruiet apta tuo;

## XXVII. IVNII.

S. LADISLAVS *Rex Hungaria Regiam digni-  
tatem diu abnuit.*

I.

**R**egalis Regale puer diadema recusat,  
Et dignas tanto Principè temnit opes.  
Imperiùmque sui, (quo nullum majus in orbe)  
Imperio semper prætulit ille suo.

*Ad D. LADISLAVM Regis insignia recusantem.*

II.

Hungaricam refugis cur, Ladislac, coronam?  
Hoc tam grande tibi non graue pondus erit.  
Mortale haudquaquàm est capitis diadema, quod  
Vilior est animo fluxa corona meo. (opto :  
Huic ego cœlestem antefero, ne nostra coronas  
Cervix non capiat forsitan vna duas.

*Currus cui LADISLAVS post mortem fuit im-  
positus, nondum iugatis equis, ad Virginis Tem-  
plum, ubi erat humanus, sponte properat.*

III.

Sydereo Princeps terram mutarat Olympo,  
Terrigenis charum, Cœlicolisque caput :  
Impositum atratæ jam corpus inane quadrigæ,  
Iamque pigros tristis rheda moratur equos.  
Scilicet augustam magnæ Genitricis ad ædem,  
Condendum erecto pegmate funus erat.  
Sed nullis hominum, nullis adjurus equorum  
Viribus, ad Templi limina currus iit.  
Attonitus nouitate rei percellitur orbis,  
Effeda mobilibus sponte volasse rotis.  
Non tamen hæc mouère meam spectacula mentem,  
Vtrò adiit Matrem Filius iste suam.

L. iiii

## XXVIII. IVNII.

S. LEO Pontifex Maximus hoc nomine Secundus.

## I.

NObilior longè, (si fas mihi vera fateri)  
 Quàm nutrice lupâ, Roma Leone fuit.  
 Romulidas lupa lacte ferox enutriit olim,  
 Hos lacte enutrit jam meliore Leo.

*Ad D. LEONEM Muscos modulos in Templo  
 inducentem.*

## II.

Iure sacros modulos sacraâ inducis in Ædes,  
 Nam mulcere gregem carmine Pastor amat.

*De D. LEONIS nomine.*

## III.

Terreat auditi nè vox te vana Leonis,  
 Nomina nîl solidi sola timoris habent.  
 Moribus est placidis, blandoque simillimus Agno,  
 Ast erit, irruerit si lupo, ille Leo.

## XXVIII. IVNII.

S. POTAMIAENA V. & M. cui Præses Aquila,  
 cum neque Fidem, neque pudorem posset,  
 vitam eripuit.

## I.

Mille procis placuit, sed quâuls Nympha placeret,  
 Mille tamen Nymphæ displicuere proci.  
 Qui ppè sui florem seruat studiosa pudoris,  
 Carpere lasciuo quem proci vngue parat.  
 Vnus at è multis, Aquilam dixere parentes,  
 Ipsum Aquilæ nomen casta columba timet.

Vnus hic è multis castæ fulgore puellæ  
 Carpitur, & vetito turpius igne caler.  
 Mox fatale odium primo successit amorì,  
 Nam furor hunc vrit, quem priùs vssit amor.  
 Dilectamque priùs tormenta per omnia Nympham,  
 Perque omnes reptat carnificina neces.  
 Sic meritâ cumulat Virgo sua lilia lauro,  
 Martyribus merces quæ datur esse comes.  
 Virgineam decorant candentia lilia dextram;  
 Virgineum decorat laurus honesta caput.  
 Altera Martyribus sunt debita ferta maniplis;  
 Altera Virginibus debita ferta choris.  
 At tu, Virgo, decus gemini sortita triumphì;  
 Virginis & sertum Martyris vna refers.

## XXIX. IVNII.

S. PETRVS APOSTOLVS, cuius umbra  
*agris saluti erat.*

## I.

Quos incùnque cadit, tangit quoscùnque, cupitam  
 Prorogat ægrotis, quam jadis, umbra diem.  
 Quantus eras splendore animi, quâ luce coruscus;  
 Si tam clara tui corporis umbra fuit ?

*Simon Magus ex aëre à D. PETRO deiectus.*

## II.

Æquoris in fluidas cecidit puer Icarus vndas,  
 Icarus in solidam nunc cadit alter humum.

S. PETRVS capite inuerso cruci affixus.

## III.

Occidit infami suspensus in arbore Christus,  
 Petrus in infami stipite fixus obit.  
 Pœna fuit compar, dispar fuit vtraque pœna,  
 Vtraque dissimiles Crux habuère sitûs.



Versus in inuersâ moriens Petrus arbore pendet,  
 Rectus in erecto stipite Christus erat.  
 Erigitur transuersa ingens in brachia truncus :  
 Petre, rogas alium tu Crucis esse situm.  
 Se patitur rabies à supplice voce moueri ;  
 Nam suprema pedes Crux habet, ima caput.  
 Quale tamen lateat decus hâc sub imagine, quæris;  
 Quæque Petro hinc veniat gloria parta, rogas ?  
 Hanc inuerte Crucem, suspensumque aspice corpus,  
 Mox tibi Christus erit, qui modò Petrus erat.

*De diuerso situ CHRISTI & PETRI in  
 Cruce morientium.*

## I V.

Iret in astra Petrus, peteret cùm tartara Christus :  
 Respicit hic cœlum, respicit ille solum.  
 Cur fursùm tibi, Christe, caput, Petròque deorsùm ?  
 An quod eras cœli tu caput, ille soli ?

*Ad Christianos de DD. PETRO & PAULO  
 morientibus.*

## V.

Stare Cruces, stringi arma vides, sœuire Neronēs,  
 Hâc Petrus, hâc Paulus scandit in astra viâ.  
 I nunc & gratis cœlum modò crede parari,  
 Cùm videas Paulos ista, Petròsque pati.

*Ad DD. PETRVM & PAVLVM eadem  
 die occisos.*

## VI.

## P O E T A.

Cur Paulo, Petre, commoreris, iunctusque vicissim  
 Commoreris socio, tu quoque, Paule, Petro.

## P E T R V S.

Nos amor atque fides corpus compegit in vnum,  
 Dùm rapit alterutrum tortor, vtrûmque rapit.

## PAVLVS.

An capite exciso viuat pars vlla superstes?  
Pars ego sum tantum corporis, ille caput.

D. P E T R V S *Cruci affixus*, D. P A V L V S *capite minutus.*

## V I I.

Paule, iaces mediâ caput obtruncatus arenâ;  
Integer in duro robore Petrus obit.  
Par si culpa fuit, cur plectitur impare pœnâ?  
Causafuit gemini funeris, vna Fides.  
Christiadum caput alter erat, non debuit vnquam.  
Vnius geminum corporis esse caput.

*Ad D. P E T R V M de obitu D. P A V L I.*

## V I I I.

Vulneribus, Collega tuus, te, Petre, cadente,  
Non magis ille suis, quam dolet ille tuis.  
Nimirum caput huius eras, dum vertice secto  
Occidit, amisit bis caput ille suum.

## XXI X. I V N' I I.

S. P A V L V S A P O S T O L V S. *Exsepto ipsius vertice, è terrâ fons ter geminus erumpit.*

## I.

Non fitit Aonios, Vatum mendacia, fontes  
Musa, neque has sonipes quas fodit ales aquas.  
Irroranda mihi multò melioribus vndis;  
Quàm si Pegasiis labra rigentur aquis.  
Paule, tuos domito dum pandimus hoste triumphos.  
Lac mihi Pierij, fluminis instar crit.  
Quaque tuos signat tellus Latialis agones,  
Illa meam satiet nobilis vnda sitim.  
Roma mihi Parnassus crit, tantum ille biuertex,  
Hæc septemgeminò colle superba tumet.

*Ad D. PAVLVM de lacte ex ipsius plaga effuso.*

## II.

Vulneribus, velut vberibus, lac, Paule, dedisti :  
Nec fluit, vt reliquis, te moriente, cruor.  
Nimirum fecunda parens, & prouida nutrix  
Vix bene nascentis Relligionis eras.

*Ad Neronem PAVLI & matris interfecorem.*

## III.

Ense tuo cecidit mutilatus vertice Paulus,  
Icta tuo pariter concidit ense parens.  
Mutauere vices ambo, nam munia matris  
Paulus obit, Pauli munia mater obit.  
Lac tibi debuerat mater, dedit illa cruorem,  
Lac tibi quod mater non dedit, iste dedit.

*Vas electionis est mihi iste. Act. 9.*

## IV.

Truncato mutilatus obit dum vertice Paulus,  
Fluxit ab irriguo vulnere lactis ebur.  
Vas erat electum, gladij vas frangitur ictu :  
Debuit effracto currere vase liquor.

*Ad D. PAVLVM.*

## V.

Dine, tibi rigidus jam colla ceciderat ensis,  
Attonitum nuneo canduit imbre solum.  
Dic age, cur nullo rubuit tibi sanguine vulnus ?  
Vulnere ab immerito debet abesse rubor.

*S. PAVLVS moriens fontem elicit.*

## VI.

Ne rursùm renouet funesta incendia Cæsar,  
Roma, dat irriguas iam tibi Paulus aquas.

*De Lactē è vulnere D. PAVLI effuso.*

## VII.

Diue, verecundus tinxit tua vulnera candor ;  
 Vulnificus refecat dùm tibi colla calybs.  
 Nec fluxit de more cruor, sed copia lactis ;  
 Aptā hęc auctori dona fuere suo.  
 Pastor eras, Pastor niuei quàm munera lactis.  
 Nil magē conueniens, quod dare possit, habet.

*Ad Neronem.*

## VIII.

Sanguinis exhaustum satis est, crudelis hirudo ;  
 Est sedanda nouo flumine tanta sitis.  
 Lac fuit è plagâ, fuit ictō è cespite riuus,  
 Sanguineam satia lacte, vel amne sitim.  
 Sed cùm nulla tibi porrexerit vbera mater,  
 Elige posthabitis pocula lactis aquis.

*De tortore D. PAVLI.*

## IX.

Tortorem, Aufoniâ qui Paulum obruncat arenâ,  
 Iure trucem poteris dicere, iure ferum.  
 Sed non sanguineum, nam qui sine sanguine sæuit,  
 Ille mihi nunquàm sanguinolentus erit.

*D. PAVLI mors dulcis.*

## X.

Decerpit meritas Martyr sine sanguine lauros,  
 Tinctaque lacteolo rore machæra madet.  
 Tincta madet, non tincta rubet, nam sectile collum  
 Narratur fluidas exhibuisse niues.  
 Quam tingit lactis dulcissimus humor, amaram  
 Nemo mihi posthac dixerit esse necem.

## XI.

Cùm caput abscissâ Pauli ceruice recessit,  
 Et stupuit tantæ pondere molis humus;  
 Nullus igit, vel si quis igit de vulnere sanguis,  
 Lacteus è puro vulnere sanguis igit.  
 Ille liquor Paulique necem, vitamque decebat,  
 Vt dicatur ouis, qui fuit ante lupus.

D. PAVLI *mors incruenta.*

## XII.

Lactis vbi niueum (visu res mira!) liquorem  
 Truncato Pauli vertice plaga dedit;  
 Obstupuit suspensa cohors: Miracula! clamat.  
 Erubuitque suum conscia Roma nefas.  
 Nimirum ferientis erat Lictoris in ore,  
 Qui Pauli in plagâ debuit esse rubor.

*Ad Aulicos.*

## XIII.

Purpureâ quicunque tumes trabecatus in aulâ,  
 Non hæc, crede mihi, coccina Paulus amat.  
 Huic ne fortè putes ostrum placuisse, colore  
 Purpureo moriens noluit ille regi.

*Aureum sæculum redux.*

## XIV.

Dùm rerum domina regeret Saturnus habenas,  
 Aurca pacato sæcla fuere solo.  
 Currebant niuei candentia flumina lactis,  
 Totaque felici rore scatebat humus.  
 At Paulo moriente fluens è vulnere lactis  
 Riuius, irriguâ serpit in arua viâ.  
 Ferrea sæcla suum redeunt modò rursus in aurum,  
 Cùm noua gratulati flumina lactis cant.

*Novâ in calo via Lactea.*

## XV.

Lactæ coronatum designat in æthere callem,  
 Irriguâ properans Paulus in astra viâ.  
 Quâ graditur, niueum notat ipso in tramite gyrû:  
 Hinc via, credo, suum Lactea nomen habet.  
 Aut posthâc vehet astra super via Lactea duplex,  
 Vnica, post Pauli dogmata, non sat erat.

*Ad Romanos.*

## XVI.

Dicite Romulei, præcordia ferrea, ciues,  
 Cur trahitis laceras, vt lupus acer, oues?  
 Cur miserum Pastore suo fraudatis ouile?  
 Vos moueat teneri cura, dolorque gregis.  
 Scilicet hæc feritas, hæc inclementia, clamar  
 Nutricem vestri sanguinis esse lupam.

*De triplici fonte exorto ad lethum*

D. P A V L I.

## XVII.

Dat saltu triplicem Paulus tibi triplice fontem,  
 Abluat vt sordes, Roma profana, tuas.

*Diui P A V L I caput recens exsectum ter exiliit.*

## XVIII.

Vix Pauli secuit collum Romana securis,  
 Vix tetigit nudam nobile pondus humum:  
 Mobilis attonito ter prosilit æquore vertex.  
 Rarus, qui choreas, vulnere cæsus, amet.  
 Vt breuiore tamen contingeret æthera calle,  
 Impiger his Paulus saltibus astra petit.

*Tellus sub D. PAVLI vertice sudans.*

## XIX.

Dum magnæ cecidit ceruicis amabile pondus,  
 Debilior triplici flumine sudat humus.  
 Miraris sudasse graui sub pondere terram?  
 Terra prius nunquàm tam graue sensit onus.  
 Quantum pondus erat! quæ sustinet omnia Tellus,  
 Vnum vix potuit sustinuisse caput.

*Tellus sub D. PAVLI vertice  
 lacrymans.*

## XX.

Paule, tuæ nè nulla foret tibi præfica mortis,  
 Te triplici riuo præfica plorat humus.  
 Nimirum tanto posthàc caritura Magistro,  
 Non potuit lacrymas non dare terra suas.

*De triplici riuo scaturiente.*

## XXI.

Cur Paulo moriente fuit riuo impare tellus,  
 Nec nisi tergeminis funera flentur aquis?  
 Causam audi facilem, tantis mœroribus impar  
 Terra, negat lacrymas se dare posse pares.

*D. PAVLVS abscisso vertice cælum  
 subit.*

## XXII.

En capitis subit astra minor fulgentia Paulus,  
 Nimirum angustas nouerat esse fores.  
 Si tibi nota foret stellatæ angustia Portæ,  
 Tu minimo velles protinus esse minor.

D. PAVLVS

D. PAVLVS *moriens de suo grege Pastor  
solicitus.*

## XXIII.

Cæsus inhumani Paulus mucrone Tyranni,  
Non temerè affusas currere iussit aquas :  
Nam fidei peperit quos ipso in funere natos ,  
Lustrandi sacro humine fontis erant.  
Ergò piatricis nè copia deforet vndæ,  
Prouida tergeminas terra ministrat aquas.

D. PAVLI *cadens liquore gemino mirabilis.*

## XXIV.

Fontè solum maduit, maduerunt vulnera lacte,  
Dùm rigido Pauli cæditur ense caput.  
Respuit hos latices tortor, solumque cruorem  
Martyris, impietas sanguinolenta sitit.

D. PAVLI *Epitaphium.*

## XXV.

Victima Paulus erat ; tortor Nero ; præfica tellus ;  
Mors votum ; testis turba ; Petrusque comes.  
Pœna fuit gladius ; lac sanguis ; lacryma riui ;  
Roma locus ; merces sydera ; causa Fides.

## XXX IVNII.

S. THEOBALDVS C. *Christi causâ pauper  
effectus , in eremum secedit , quò  
parentem utrumque pertrahit.*

## I.

DIctor vt longè fieret Theobaldus, & aurum  
Abijcit, & reliquas, furile pondus, opes.  
Ingressusque viam pedibus, quæsitâ relictis  
Ocyor ad cæli sydera tendit equis.

M



Et nē solus iter peragat, pius assecla longæ  
Se comitem vitæ præbuit, atque viæ.

Mox refugam petiit mundi fugitiuus erebnum ;  
Astraque cū nequeat corpore, mente colit.

Chara parens<sup>1</sup>, seniórque Pater comitatur euntem,  
Sollicitat vitæ quos melioris amor.

Lac cœleste dabat soboles vtrique parenti,  
Et puerum fieri iuuit vtrumque senem.

Sic matris paritérque tuæ, paritérque parentis  
Es, Theobalde, tui filius, ésque parens.



INDEX ANNI SACRI POETICI,  
*Diuorum ordine Alphabetico complectens Nomina,  
 quorum in hoc Semestri canuntur Elogia.*

TOMVS PRIMVS.

A

**S** Sanctus Abachus M. 19.  
 Ianu. 30  
 Abramus Eremita. 16. Mart.  
 115  
 Adeldardus Abbas. 2. Ianu. 5  
 Adrianus M. 19. Mart. 120  
 Aedius M. 8. Apr. 145  
 B. Aegidius S. Francisci Co-  
 mes. 23. Apr. 160  
 Agatha V. & M. 5. Febr. 60  
 Agnes V. & M. 21. Ianu. 36  
 Agnes Politiana V. 10. Apr.  
 156  
 Agnes Præmonstratensis V.  
 31. Mart. 134  
 Albanus M. 21. Iun. 235  
 Albinus Episc. Andegau. 1.  
 Mart. 94  
 Aldegundis V. 3. Ianu. 51  
 Aldricus. 3. Ianu. 8  
 Alexander P. m. 3. Maij. 179  
 Alferus Abbas Cluniac. 12.  
 Apr. 150  
 Aloisius Gonzaga Soc. Iesv.  
 21. Iunij. 235  
 Amandus Episc. Traiecten-  
 sis. 6. Febr. 63  
 Andreas Corfinus. 6. Ianu. 11  
 Andreas de Chio C. 29. Maij.  
 208.  
 Angelus C. 5. Maij. 181  
 Anicetus P. M. 17. Apr. 154  
 Annuntiatio B. MARIAE  
 Virginis. 25. Mart. 126  
 Anselmus Cantuariensis E-  
 pisc. 21. Apr. 157

Antoninus Episc. Florenti-  
 nus. 2. Maij. 177  
 Antonius Abbas. 17. Ianu. 27  
 Antonius Episc. Constan ti-  
 nopolitanus. 12. Febr. 175  
 Antonius Patauinus C. 3.  
 Iunij. 226  
 Apollonia V. & M. 19. Ianu-  
 68  
 Apparitio S. Michaëlis Ar-  
 changeli. 8. Maij. 186  
 Archadius M. 12. Ianu. 17  
 Ardelio M. 14. Apr. 152  
 Armogastus M. 29. Mart. 138  
 Arnulphus Miles & M. 29.  
 Ianu. 50  
 Athanasia Coniugata. 27.  
 Febr. 91  
 Athanasius Episc. 2. Maij. 173  
 Audifax M. 19. Ianu. 30  
 Conuersio S. Augustini Hyp-  
 penensis Episc. 180  
 Austreberta V. 17. Febr. 74  
 Auxentius Abbas. 14. Febr. 79  
 Auxibius Soluntis Episc. 19.  
 Febr. 85

B

**S. B** Abylas M. & Episc.  
 Antiochenus. 24.  
 Ianu. 43  
 Barnabas Apostolus. 11. Iun.  
 224  
 Basileus Episc. & M. 26. Apr.  
 164  
 Basilides & Socij Martyres.  
 12. Iunij. 225  
 Basiliscus M. 22. Maij. 201

N

# INDEX

- Basilissa & Iulianus Marty-  
 res & Coniuges. 9. Ian. 15  
 Basilus Cæsariensis Episc.  
14. Iunij. 226  
 Benedictus Abbas. 21. Mart.  
 12.  
 Benedictus XII. P.M. 25. Apr.  
163.  
 Bernardinus Senensis. 10.  
 Maij. 200.  
 Blandina V. & M. 2. Iunij.  
214.  
 Blasius M. & Episc. Schaste-  
 nus. 3. Febr. 56.  
 Bona V. 14. Apr. 162  
 Bonifacius M. 14. Maij 191  
 Bonifacius Episc. Ferenti-  
 nus. 14. Maij. 192  
 Bonifacius Episc. Mogunti-  
 nus. 5. Iunij. 218  
 Bonifacius Episc. & M. 19.  
Iunij. 212  
 Bonitus Claromontanus E-  
 pisc. 15. Ianu. 25  
 Brigitta V. 1. Febr. 55  
 C  
 S. C Alliopius M. 7. Apr.  
142  
 Cantius, Cantianus, & Can-  
 tianilla Fratres & Marty-  
 res. 31. Maij. 210  
 Carolus Magnus Rex & Im-  
 perator. 22. Ianu. 40  
 Calimirus C. 4. Mart. 98  
 Catharina Sueca. 21. Marr.  
 123  
 Catharina Senensis. 29. Apr.  
 169  
 Ceadda Merciorum Episc. 2.  
 Mart. 95  
 Chrysostomus. 27. Ianu. 46  
 Christus in utero Matræ Vir-  
 ginis conceptus. 25. Mart.  
 126  
 Circumcisio D.N.I.C. 1. Ian.  
 1.  
 Clarus Abbas. 2. Ianu. 5.  
 Clemens M. & Episc. Ancy-  
 ranus. 13. Ianu. 40  
 Clotildis Francorum Regi-  
 na. 3. Iunij. 116  
 Codratus m. 10. Mart. 108  
 Coleta V. 6. Mart. 102  
 Conon m. 5. Mart. 101  
 Conradus Placentinus C. 19.  
 Febr. 85  
 Corona & Victor mm. 14.  
 Maij. 192  
 Cuthbertus Episc. Lindisfar-  
 nensis. 20. Mart. 111  
 S. D Esiderius Viennensis  
 in Gallia Episc. 13.  
 Maij. 202  
 Didymus m. 28. Apr. 166  
 Domnolus Cænonianorum  
 Episc. 16. Maij. 195  
 Dorothea V & m. 6. Febr. 64  
 Dunstanus C. 19. Maij. 199  
 Dympha V. & m. 15. Maij. 194  
 E  
 S. E Deltrudis Anglorum  
 Regina. 23. Iunij. 241  
 Eduardus C. Rex Angliæ. 1.  
 Ianu. 2  
 Eduardus Angliæ Regis fi-  
 lius m. 18. Mart. 117  
 Eleutherius P. m. & m. 26.  
 Maij. 104  
 Eliseus Propheta. 14. Iunij.  
 217  
 Emerentiana V. & m. 23.  
 Ian. 42  
 Epiphania D.N.I.C. 6. Ian.  
 10  
 Epiphanius Constantiensis  
 Episc. 12. Maij. 189

# SANCTORVM.

- Epipodius m. 22. Apr. 158.  
 Equitius C. 7. Mart. 104  
 Erasmus Episc. & m. 2. Iu-  
 nij. 214  
 Ericus m. 18. Maij. 197  
 Eucherius Aurelianensis E-  
 pisc. 20. Febr. 76  
 Euphrasia V. 13. Mart. 112  
 Eutichius m. 15. Apr. 153  
 F  
 S. **F** Austinus & Iouita  
 Fratres mm. 15. Febr.  
80  
 Felicianus & Primus Fratres  
 & Martyres. 9. Iunij 222  
 Felix Nolanus C. 14. Ian. 19  
 Felix P. m. & m. 30. Maij.  
209  
 Flavia Domitilla V. & m. 7.  
 Maij. 185  
 Francisca Romana. 9. Mart.  
103  
 Franciscus de Paula. 2. Apr.  
137  
 Franciscus Senensis. 30. Apr.  
171  
 Fronto Abbas. 14. Apr. 152  
 Fulgentius Ruspensis Episc.  
1. Ian. 2  
 Furcus C. 16. Ian. 26  
 G  
 S. **G** Angulphus C. 11. Maij.  
188  
 Genouefa V. 4. Ian. 6  
 Genouefa Palentina. 2. Apr.  
138  
 Georgius m. 23. Apr. 159  
 Germanus Paris. Episc. 28.  
 Maij. 207  
 Gettrudis V. 17. Mart. 116  
 Getualius & Protasius Fra-  
 tres mm. 19. Iunij. 232  
 Glyceria V. & m. 10. Maij.  
187  
 Gordius m. 3. Ian. 7  
 Gregorius Magnus P. m. 12.  
 Mart. 110  
 Gregorius Nazianzenus E-  
 pisc. 9. Maij. 186  
 Gualterius C. 4. Iunij. 217  
 Guibertus C. 23. Maij. 221  
 Guillelmus C. 10. Febr. 70  
 Guillelmus Augustinianus  
 Canonicus. 9. Apr. 142  
 Guntramus Francorum  
 Rex. 28. Mart. 129  
 H  
 S. **H** Elenus C. 17. Apr. 155  
 Helladius Episc. To-  
 letanus. 18. Febr.  
84  
 Hermenegildus m. 13. Apr.  
151  
 Hilarius Pictauiorum Episc.  
13. Ian. 17  
 Hospitius C. 21. Maij. 200  
 Hugo Abbas Cluniac. 29.  
 Apr. 168  
 Hyginus S. P. & m. 11. Ian. 17  
 I  
 S. **I**acobus Anachoreta. 18.  
 Ian. 48  
 Iacobus & Philippus Apost.  
1. Maij. 172  
 Iacobus Venetus C. 31. Maij.  
210  
 Ignatius m. & Episc. Antio-  
 chenus. 1. Febr. 53  
 Inuensio S. Crucis. 3. Maij.  
177  
 Ioachim C. Christi Auus  
 B. Virginis Parens. 20.  
 Mart. 111  
 Ioachim C. 16. Apr. 154  
 Ioanna Francica. 4. Febr. 59  
 Ioannes Calybita. 15. Ian. 24  
 Ioannes Eleemosynarius. C.  
Nij

# INDEX

23. Ian. 42  
 Ioannes Euangelista feruenti  
 oleo immeritus. 6. Maij. 181  
 Ioannes Damascenus C. ibid.  
 Ioannes Silentarius C. 13.  
 Maij. 190  
 Ioannes P. m & m. 27. Maij.  
 106  
 Ioannes Baptista, 24. Iunij.  
 243  
 Ioannes & Paulus Fratres &  
 mm. 16. Iunij. 245  
 Ioannes Chrysostomus, Vide  
 Chrysostomus,  
 Iordanus C. 13. Febr. 79  
 Iosephus C. Mariæ Virginis  
 Sponsus. 19. Mart. 118  
 Iosephus Poëta C. 2. Apr. 139  
 Iosephus Hermannus. 4. Ap.  
 140  
 Iouita & Faustinus Fratres  
 mart. 15. Febr. 80  
 Irene V. & m. 1. Apr. 141  
 Isacius C. 30. Maij. 109  
 Isidorus Conf. 12. Mart. 110  
 Iuliana V. & m. 16. Febr. 81  
 Iulianus & Basilissa Marty-  
 res & Coniuges. 9. Ian. 15  
 Iulita Mater & Quiricus Fi-  
 lius mm. 16. Iunij. 118  
 Iuo Adu. 19. Maij. 198  
 Iustinus m. 13. Apr. 150  
 Iurta Vidua. 5. Maij. 181
- K
- S. K** Vnegundis Augusta,  
 3. Mart. 77
- L
- S. L** Adislaus Hungariæ  
 Rex. 27. Iunij. 247  
 Lanibertus Venciæ Episc. 26.  
 Maij. 104  
 S. Latronis commemoratio.  
 25. Mart. 117
- Launomarus Abbas. 19. Ian.  
 31  
 Laurentius Iustinianus. 8.  
 Ian. 14  
 Laurentius & Pergentinus  
 Fratres & mm. 3. Iun. 215  
 Lazarus C. 23. Febr. 88  
 Léo I. S. P. 11. Apr. 149  
 Leo II. P. m. 18. Iunij. 248  
 Leodegarius C. 18. Ian. 28  
 Longinus Centurio. 15. Mart.  
 114  
 Lucianus m. 7. Ian. 12  
 Ludgardis V. 16. Iunij. 219  
 Ludgerus Episc. Monaste-  
 riensis. 26. Mart. 128  
 Ludouicus Iapo. m. 5. Febr.  
 62  
 Lupicinus & Romanus Fra-  
 tres CC. 28. Febr. 92  
 Lyduuina V. 14. Apr. 152
- M
- S. M** Acharius Abbas. 3.  
 Ian. 3  
 Macharius Patriarcha An-  
 tiochenus. 10. Apr. 148  
 Manillus m. 4. Ian. 8  
 Manna V. 15. Maij. 195  
 Marcella Vidua. 31. Ian. 52  
 Marcellinus & Petrus mm.  
 1. Iunij. 213  
 Marcellinus Velaunorum E-  
 pisc. 7. Iun. 220  
 Marcellus S. P. & m. 16.  
 Ian. 26  
 Marcellus m. & S. P. 26. A. 164  
 Marcus Arethufiorum Episc.  
 29. Mart. 130  
 Marcus Euangelista. 25. Apr.  
 161  
 Marcus & Marcellianus Fra-  
 tres & mm. 18. Iun. 235  
 Margareta Pœnitens. 22.  
 Febr. 87

# SANCTORVM.

Margareta Scotorum Regi-  
na. 10. Iun. 223

Maria Egyptiaca. 9. Apr.  
147

Maria de Ognies V. 23. Iun.  
142

Marina V. 8. Febr. 68

Marius m. 19. Ian. 29

Martha m. 19. Ian. 30

Martianus C. 10. Ian. 16

Martina Romana V. & m.  
30. Ian. 50

Martinianus C. 13. Febr. 77

Plurimi Martyres sub Nero-  
ne. 24. Iun. 244

Mathias Apostolus. 24. Febr.  
89

Maurontus C. 5. Maij. 181

Maurus Abbas. 15. Ian. 24

Maurus m. & miles. 29. Ian.  
49

Maximus Taurinensis Episc.  
25. Iun. 244

Mechtildis V. 29. Mart. 132

Medardus Episc. Nouiomen-  
s. Iun. 221

Mellicus Episc. Anglicanus.  
24. Apr. 161

Menradus m. 21. Ian. 35

Michelina V. 19. Iun. 235

B. Mixi. Vide B. Paulus.

Monica Vidua. 4. Mai. 179

Mucius m. 21. Apr. 159

Musa V. 2. Apr. 139

Mutius C. 25. Maij. 205

N

S. N Icephorus m. 16. Febr.  
81

Norbertus Magdeburgensis  
Episcopus, & Præmonstra-  
tensis Ordinis Fundator.

6. Iun. 219

O

S. O Dilo Cluniac, Abbas  
1. Ian. 3

Onuphrius Eremita. 12. Iun.  
225

Osanna V. 18. Iun. 231

Ocho C. 23. Mart. 124  
P

S. P Achomius Abbas. 14.  
Maij. 193

Pancratius m. 12. Mai. 189

Paphnutius m. 28. Apr. 166

Papias & Maurus mm. & mi-  
lites. 29. Ian. 49

Parthenius Episc. Lampface-  
nus. 7. Febr. 66

Paula Romana. 16. Ian. 46

Paulinus Nolanus Episc. 22.  
Iun. 238

Paulus Eremitarum primus.  
15. Ian. 20

Conuersio S. Pauli Apostoli.  
25. Ian. 44

Paulus Apostolus. 29. Iun.  
150 251.

B. Paulus Mixi è Societate  
Iesv. 5. Febr. 61

Paulus Virdunensis Episc. 8.  
Febr. 67

Paulus & Ioannes Fratres &  
mm. 26. Iun. 245

Pelagia m. 11. Mart. 109

Pergentius & Laurentius  
Fratres & mm. 3. Iun. 215

Perpetuus Turonensis Episc.  
8. Apr. 145

Petrus Abbas. 14. Mart. 113

Petrus Luxemburgius Cardi-  
nalis. 9. Apr. 145

Petrus m. 29. Apr. 168

Petrus Celestinus. 19. Maij.  
197

Petrus m. 2. Iun. 212

# INDEX

- Petrus Apostolus. 29. Iun. 249  
 Philemon m. 8. Mart. 164  
 Philippus Nerio C. 26. Mai. 205  
 Pipinus C. Dux Brabantia. 21. Febr. 86  
 Polycarpus m. & Smyrnen-  
 sium Episc. 26. Ian. 45  
 Polyeuctus m. 13. Febr. 76  
 Pontius m. 19. Ian. 30  
 Pontius m. 14. Maij. 191  
 Porphyrius Gazensis Episc. 26. Febr. 90  
 Poramiana V. & m. 28. Iun. 248  
 Primus & Felicianus Fratres  
 mm. 9. Iun. 212  
 Prisca V. & m. 18. Ian. 29  
 Prosper Rhegiensis Episc. 25.  
 Iun. 244  
 Pulchronius Viridunensis E-  
 pisc. 4. Maij. 179  
 Purificatio B. Mariæ Virgi-  
 nis. 2. Febr. 56
- SS. **Q**uadragesima Mar-  
 tyres Sebasteni. 9. Mart. 105  
 Quirinus Sisiciæ in Illyrico  
 Episc. & m. 4. Iun. 216
- R
- S. **R**ainerius C. 17. Iun. 239  
 Reginaldus C. 18. Apr. 155  
 Regulus Arelatensis Episc.  
38. Mart. 133  
 Rembertus Episc. Bremen-  
 sis. 4. Febr. 57  
 Remundus C. 7. Ian. 13  
 Restituta V. & m. 27. Maij. 106  
 Romualdus C. 7. Febr. 67
- Rupertus Vangiorum Episc.  
27. Mart. 129
- S
- S. **S**abinus Episc. 17. Febr. 83  
 Salyrus m. 12. Ian. 17  
 Saryius m. 29. Mart. 132  
 Scholastica V. 10. Febr. 73  
 Sebastianus m. 20. Ian. 32  
 Seuerinus Noricorum Apo-  
 stolus. 8. Ian. 14  
 Seuerinus Abbas Agaunen-  
 sis. 12. Febr. 75  
 Silvester P.m. & m. 20. Iun. 234  
 Simeon Stylita. 5. Ian. 9  
 Simeon Stylites junior. 24.  
 Maij. 202  
 Simeon C. 1. Iun. 212  
 Simon Tridentinus puer &  
 m. 24. Mart. 125  
 Sisinius m. 29. Maij. 208  
 Sira V. 27. Apr. 165  
 Soter m. 22. Apr. 159  
 Soteris V. & m. 10. Febr. 73  
 Stanislaus m. & Episc. Cra-  
 couien-7. Maij. 183  
 Suibertus V. Verden-1. Mart. 93  
 Sylvester C. 9. Iun. 213
- T
- S. **T**arasius Constantino-  
 politanus Episc. 25.  
 Febr. 89  
 Theobaldus C. 30. Iun. 257  
 Theodora m. 28. Apr. 166  
 Theodorus Centurio & m. 7.  
 Febr. 65  
 Theodosius Abbas. 11. Ian. 17  
 Theophilus C. 4. Febr. 18  
 Thomas Aquinas. 7. Mart. 102  
 Torpes m. 17. Maij. 196

SANCTORVM.

S. Valericus Abbas. 1.	Vincentius m. 22. Jan. 38
Apr. 135	Vincentius Ferrerius. 5. Apr
Vedastus Episc: Atrebatensis.	141
6. Febr. 63	Vincentius m. 24. Maij 102
Venantius m. 18. Maij. 197	Vincentius m. 9. Iun. 222
Vernherus m. 19. Apr. 156	Vinualocus C. 3. Mart. 96
Victerpus Augustæ Episc. 8.	Vitus m. 15. Iun. 228
Apr. 144	Vrbanus P. m. & m. 25. Maij.
Victor & Corona mm. 14.	263
Mart. 192	Vrsmarus C. 18. Apr. 155
Victoria V. & m. 11. Febr. 75	Z
Victorinus C. 8. Iun. 210	S. Z Enobius Florentinus
Vigetius Episc. Tridentinus.	Episc. 25. Maij. 203
26. Iun. 246	

FINIS.



